


Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.3.262






Early European Books. Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.3.262





Early European Books. Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.3.262



Early European Books. Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.3.262

2.3.262









2
3
262

198







FERDINANDO

TERTIO

ROMANORVM IMPERATORI

PIO, IVSTO.

IMPIETATE ATQVE INIVSTITIA

INVITIS

INVICTISSIMO.

MARIAE ROMANORVM

IMPERATRICI.

PROFITIO CÆLO

PIENTISSIMÆ.

PRINCIPIBVS AVGVSTISSIMIS

Fr. Cherubinus Maria O Dale Hibernus, Ordinis

Servorum DEIPARÆ VIRGINIS.

FELICITATEM

ÆTERNITATE CVMVLATAM.



STITIT sese S. is C. is M. bus V. is Diuus
PHILIPPVS BENITIVS, qui in atra-
ta familiæ nostræ velut quodā no-
cturno cœlo, in Diuorum Deiparæ
Servorum bono numero, non secus
corruscat, atque inter reliqua fid-
ra, sudâ de nocte, Lunaplena. Sistir,
inquam, nō quidem in eo corpore,
quod Tuderti in Vmbria quiescens, iam per quatuor

)(2

secu-

LIBRI DEDICATIO.

2. ad Co-
rinth. 3.
v. 18.

1. ad Co-
rinth. 6.

Luc. 9. v. 4.

sæcula, non quiescit à rebus admirabilibus & prodigiis;
cum admiratione Italiae, ac veneratione, perpetrandis;
neque verò etiam in eo spiritu, qui illatus iam dudum cœ-
lo, non modò per ista, ad nostram ætatem, prolixa tempo-
rum spatia, sed etiam in omnem omnium sæculorũ æter-
nitatem, rebus maximis & immortalibus, dum inter mor-
tales, mortalis militaret, summâ cum gloriâ gestis, ex Em-
pyrei Imperij Senatũs. Consulto iussus est perpetuũ,
et reuelatâ facie gloriam Domini specularis, in ean-
dem imaginem transformatur à claritate rerum in hoc nostro
orbe patrarum, in claritatem luminis gloriæ, tanquam à
Domini spiritu, cum quo est unus spiritus, Diuinitate, per imen-
sæ beatitudinis participationẽ decoratus. Sed sistit se in glo-
riosorum facinorum suorum, hoc Breuiario contentorũ,
quodam velut Spicilegio, quod, illatâ per summam Humi-
litis industriam, omni reliquâ heroicarum virtutum,
eius Messe, in cœlestia Horrea, eoque Indagini nostræ, ad
depredicandum subtractâ, per me ex aliquot inclytæ Vi-
tæ eius scriptoribus collectum est. Sistit igitur se Diuus
PHILIPPVS, S. is C. eis M. tibus V. is hoc modo, quia non po-
test alio: si tamen ei, vt more quodam nostro humano
philosophemur, diuinit⁹ esset concessum, tantisper è cœlo
in terram se demittere, nullum mihi dubium est, quin, si
Hospitium illi deligendum foret, nullam aliam, quàm Au-
striacam Domum subiret. Etenim vt fuit vir Apostolicus,
& Euangelicorum præceptorum consiliorũque, per
omnem integerrimâ vitam tenacissimus, ita fugere illum
illud Euangelij præceptum, & præcepti obedientia non
posset, quæ Apostolis atque Apostolicis viris mandatur;
In quamcumque domum intraueritis, ibi manete, et inde ne exe-
atis. Intrauit PHILIPPVS, dum in terris ageret, accitus non
semel

LIBRI DEDICATIO.

femel ex Italia in Germaniam, & inuitatus prolixè, per Legatos à Diuo Rudolpho Cæsare, Austriacæ Maiestatis Satore, in Domum Austriacam: habitus est à magno Hospite Hospes perhonorificè, & adeò etiam familiariter, vt breui à summo Principe, ex Hospite in Amicum Domesticum mutatus, ad omnium animi eius, & reliquorum arcanorum conscientiam sit admissus: idque illi, sub Imperij sui ardua primordia, tam bene, tamque feliciter vertit, vt amictus à PHILIPPO, sub Imperiali purpurâ, vnâ cum Augusta Coniuge (vt ea tempora ferebant) tertij Ordinis nostri Habitu, armatusque gladijs dolorum lugentis in Dei filij funere, Deiparæ, è cælo mutuatis, varijsque sancti viri ad Imperij Proceres atque Respublicas, iusta Imperia optimi Cæsaris capeßere detrectantes, Legationibus, ingentes, atque asperas superatu difficultates, & magnæ molis obstacula (vt erat in dicendo præpotens, & ardentibus persuadèdi præditus spiritib⁹) complanârit. Et ita res fluere necesse fuit; nam vt sapientissimè interrogat sapiens;

Quis hominum poterit scire Consilium Dei, aut quis poterit cogitare quid velit Deus? nisi illi homines, qui supra homines, sublimè quiddam, ac diuinum sapientes, ex consortio Sermonis Dei ad obsecrationem vsq; ceterorum è vulgo hominum, diuinitus illustrantur, & in Deorum numerum ac dignitatem, per afflatum DEO, Regium Vatem asserti, dicuntur Dii & Filii excelsi omnes, & ab ipso DEO homine audiunt, iam non dicam vos Seruos, sed amicos meos, quia omnia quacunque audiui à Patre meo, nota feci vobis. Cogitationes enim mortaliū timida, & incerta prouidentia nostra: si homines supra homines non erigimur, & os homini sublime datum, Cælumque videre iussum, non inferimus astris, & inde petimus consilijs lucem, vnde, nec aliunde, quidquid lucis, vel oculis,

Sapien. 6. 9. v. 13.

Exodi 54.

Psal. 81.

Ioan. 15.

14.

Sapientia

6. 9. 6. 13.

LIBRI DEDICATIO.

vel animis haurimus, vt ab æterno, veròque Veri fontē,
certum est promanare. Id cū enixè faceret coelestis
homo, & DEI Amicus PHILIPPVS: ex altissimæ sapientiæ
Adyris, atque recessibus, diuo Rudolpho suo, Consilia &
auxilia deprompsit coelitus talia, quibus sapientissimus
Princeps, maximæ in terris Domûs suæ Austriacæ præua-
lida atque inconcussa iecit fundamenta, quæ tantæ moli,
quanta est hodièque, & magnitudine iam laborat suâ, suf-
ficient, & paria sint sustinenda. Quam ergo aliam ad Do-
mum diuerteret, & ad quem Hospitem alium, quàm ad
S.^{as} C.^{as} M.^{es} V.^{as}? quæ non minùs, quàm Diuus Rudol-
phus, sub Paludamento, & Purpurâ gestant, in illis hume-
ris, qui portant Orbem (Symbolum obsequij), & suæ erga
Dei param, & hanc nostram eius Seruorum familiam pie-
tatis) eundem Habitum; animûmque fonent, cuius ex cle-
mentissimâ in nos pronitate, tot singularis beneuolentiæ
significationes, tot magnificæ Beneficentiæ argumēta, tot
Cæsareæ Providentiæ ac sollicitudinis, in propulsandis in-
crementorum, in Germaniam reducis Ordinis nostri, ob-
staculis, documenta, tot denique eidem Ordini, eiusque
hominibus publicè priuatèque exhibiti sunt honores: quī
(vt Regis ad exemplum totus componitur orbis) Imperij
procures, & Aula Cæsareæ Purpuratos, in Instituti ac No-
minis nostri venerationem concitare, & tamquam ex
publici Solis Regia, & Serenissimæ lucis fonte Ferdinan-
deo, in nos sunt deriuata. Quid ad hæc Diuus PHILIPPVS
noster, si vt in hac Vitæ suæ historia, ita se ipse sifteret S.^{is}
C.^{is} M.^{bus} V.^{ris} ageret, diceret, reponeret? Ego quidem, si
quid ex communis cum illo Instituti ratione, aut è scripti-
uncula ista Vitæ eius, spiritûs hausi, prorsus arbitror, eum
in hunc modum S.^{as} C.^{as} M.^{es} V.^{as} allocuturū. Ferdinando
Cæsa-

LIBRI DEDICATIO.

Caesar: En me huiusce Domus tuæ, antiquiorē te ipso Do-
 mino, Hospitem; Incolam dicerem, nisi me DEI Opt:
 Max: Benignitas domus longè beatoris, in omnem ater-
 nitatem Incolam fecisset. Cæterum quia gemino tibi no-
 mine, Tuo scilicet, ac Maiorum tuorum Debitor sum, gra-
 tias tibi ago, habeoque, pro auitâ tuâ, atque abste auctâ, in
 DEVM nostrum, & Maiestate illi proximam, cæli Reginam
 Deiparam, Religione; quam quia propugnâs, tam arctè
 vadique oppugnaris, sed minimè expugnabere. Curæ &
 cordi est Deo Domus tua, & longa in cælo series est Diuo-
 rum Domesticorum, quorum præsentia tibi patrociniâ
 æternūm vigilant, tanto operæ præio, quanci interest Ec-
 clesiæ Militantis, murum aheneum habere, qui opponatur
 pro domo Domini, cui per aliquot iam annorum Centurias
 Domum Austriacam tuam placuit pro hoc muro esse, & Ante-
 murali. Quod cœtum nostrum Seruorum cœlestis Impera-
 tricis Mariæ tractes, ut tractas, erit merces operi tuo, & quod uni
 ex istis minimis Seruis, multò magis vniuersis, feceris, Domi-
 nâ eorum, & mihi, vni eorū, & quondam, imò iam multò
 largiis, Patri eorum feceris. Et Tu O MARIA AVGVSTA, cū
 tribus istis Angelis tuis confide filia: nam orationes tuæ, & Elec-
 mosynæ tuæ ascenderunt in memoriam, in conspectu Dei: non solū
 illæ, quarum ardore, solutum ac liquefactum Riphæum
 rigentis Danubij gelu, nuper ad Ratisponam, conuersi retror-
 sum Iordanis miraculū renouauit, inde, quod illi fluuiio gelu
 consiltere, eo anni tempore, & constitutione, quo fluxit
 (ne transiret populus Sathana) propemodum æquè pro-
 prium fuit, ac Iordanis fluere, cū constitit, ut transiret
 populus DEI: Sed illæ etiam orationes tuæ ascenderunt
 in eandem memoriam, quibus assiduis atque ardentibus,
 non minùs, quàm Caesar, armis, Domum DEI Ecclesiam,

Ezech. 13
 Esaiâ
 26.
 2 paral.
 25.
 Matth.
 25.
 Act. c. 10.
 n. 4.
 Psal. 113.
 c. 3.
 Josue. c. 3.

LIBRI DEDICATIO.

» Domum tuam Austriacam, atq; ipsum vniuersum Impe-
 » rium contra aëreas potestates & earundem affeculas, pro-
 » pugnas & contutaris. His alijsque operibus, quæ libentius
 » facis, quàm euidias, quibûsque te sanctis Imperatricibus, ac
 » Reginis, quæ te in cœlum præcesserunt, DEI Imperatoris
 » ac nostræ cœlitû Imperatricis Mariæ Amor ac Benignitas
 Tobia. 12. » æquauit; quia *accepta eras Deo, necesse fuit, ut tentatio probaret*
 » te, in motibus Bellorum, in mortibus Filiorum. Illi quiescēt
 » breui, hi æternū apud nos in cœlo Triumphant, atq; Im-
 » peritāt beatiùs, latiùsque, quàm si mille illis, apud vos Re-
 » gnandi noui Orbes, ijs, quos habetis feliciores, detecti fuif-
 » sent, & acquisiti. Illic vos præstolantur, illic longè glorio-
 » flores, suis, atque ampliores adornant triumphos vobis,
 » ducendos olim, postquam Domitis vbique perduellibus,
 » Pace, terrâ marique partâ, & clauso non vano Iano, sed la-
 » nuâ Inferorum (vnde per aliquot iam añorum lustra, vlti-
 » mus potestatis tenebrarum conatus terris incubuit) pleni-
 » dierum & gloriâ rerum gestarum, consenueritis, & maturi
 » cœlo, ad nos cœlites, cælites ipsi facti, transeuntes, huic Fi-
 » lio FERDINANDO, pulchro, vultu quidem isto candido &
 » rubicundo, hoc est Austriaco, sed innocente animulâ, &
 » indole, iam ad omnia summa glifcente, longè pulchriori,
 » pulchrum ac latè pacatum Imperium, & auita Sceptra viui
 » vegetique tradideritis. Tum Tu FERDINANDE pulcher, vt
 » bellicoso quondam Patri Dauidi, felix Salomon, ita belli-
 » cofo Patri Ferdinando, rerum Dominus aliquando fuffe-
 » ctus, si Religionem in DEVM, si in parentes pietatem, vt fa-
 » cis, colueris, si Educatoribus, ac præceptoribus, quos habes
 » optimos, morē gesseris, si Parentum ac Maiorum tuorum
 » suspexeris, atque imitatus fueris exempla, Salomonis feli-
 » citatem (quam horum obliuione monitorum, si non ex-
 tinxit

LIBRI DEDICATIO.

tinxit in fine, magnopere tamen obscurauit) longo post te „
 interuallo relictam superabis. Quæ ut vobis eueniant, Do- „
 mus mea Austriaca, *gaudium meum, & Corona mea, sic state in* „ *Ad Phi-*
Domino charissimi, ac satagite, ut hæc fixa, diuini Numinis, „ *lip: 4.*
 ac decretoria sit voluntas. Quod ad me reliquosq; sanctæ „
 Domus Vestræ Diuos Tutelares attinet, quia in cœlo non „
 dormitur, neque cælitum quisquam frustratur optatis, nō „
 deerimus in huiusce curâ causæ, officio nostro. Idque vo- „
 bis hac, quam imperior, benedictione meâ, cœlo allatâ, „
 confirmo, ac sponsor valedico, & obiturus vadimonium, „
 ad cœlum, vnde veni, abeo: Vbi piissimâ Matrem vestram „
 Eleonoram Augustam, Archiduces, Leopoldum Wilhel- „
 mum Fratrem, Sorores in Poloniâ & Boicâ, & in Boicâ Vi- „
 ciniâ Claudiam, popularem meam, ac Liberos eius, Patru- „
 eles Vestros, ac deinde sanguine & sanctitate cognatam „
 Boicam Domum, Monachum ac Bonæ (atque inde transiens, „
 ad alteram Austriacæ Domus Partem Hispaniam) Philip- „
 pum Regem, ac Reginam visitauero, eisque omnibus de „
 DEI nostri gloriâ, de Deiparæ cultu, de Ecclesiæ Militantis, „
 & familiæ meæ, magnæ Matri seruientis Ecclesiæ, Tute- „
 lâ optimè meritis, eadem, quæ vobis, bene precatus, & ho- „
 rum meritorum ac decorum suorum sempiternam, quæ „
 illos in cœlo manet, gloriam fuero gratulatus. „

Hæc mihi (quantum balbo blætoque mortali, & adhuc
 humi repentis assequi licet) D, PHILIPPVS, si Domus Au-
 striacæ, hoc modo hospes esset, ut est cœli ciuis, facturum,
 dicturusque, haud inani, ni fallor, coniecturâ, videretur.
 Verum quid in cœlo Philippus faciat (vbi omnia fiunt, *Que*
nec oculus vidit, nec auris audiuit, nec in cor hominis ascenderunt) „ *1. Ad Co-*
 pro dilectâ sibi, & cordi, præ omnibus alijs, habitâ Austria- *rimb. 2.*
 câ Domo, id verò nō est tenuitatis meæ, neque vllius mor-

calis

LIBRI DEDICATIO.

talis quantumvis magni Logodædali, Eloquentiæ, sine re-
 meritate in medium adducere conari. Id duntaxat quasi
 in summâ, dici, ac legitimè concludi potest: PHILIPPVM,
 qui in hac vitâ mortali, charitate plusquam paternâ huius-
 ce Domûs flagrârit, diebus noctibûsque, pro illius incolumi-
 tate, pro geminâ eius, in hoc, atque in futuro æuo, feli-
 citate, ac pro eiusdem stabiliendâ æternitate, excubârit,
 eûmque in finem precibus, ac sacrificijs cœlum indefessè
 fatigârit, idque tam defæcato ardore, tamque alieno ab
 omni labe ac nœuo, qui cadere possit in virum sanctum,
 qualem Philippum fuisse cœlum ac terra, atque ipsa adeò
 Elementa (vt ex Historiæ patebit serie) testantur: nunc in
 cœlo, id est Charitatis erga suos in immensum auctæ
 sphaera, DEI compotem, ac potentem, necesse esse, in ea
 Curâ ac patrocinio S. rum C. rum M. um V. rum & vniuersæ
 Domûs Austriacæ versari, quæ planè sit inexplicabilis, &
 magis adoranda, quàm verbis, nihil ad rei dignitatem ac
 splendorem allaturis, adornanda. Quæ cum ita sint, æquo
 me animo esse conuenit, de Clementissimâ voluntate, ac
 Serenissimo oculo, quo S. æ C. æ M. tes V. ræ non secûs, at-
 que iste publicus mundi oculus, Sol, liberalissimo Intuitu
 omnes accedentes animant, serenântque: hunc (quem di-
 co, dedicoque maximo vestro Nomini ac tutelæ) de Di-
 ui Philippi Vestri Vitâ Librum, excepturæ atque aspectu-
 ræ sint, non mole suâ, neque modo meo, sed Diui, de domo
 Austriacâ, dum in terris ageret, bene, dum in cœlo agit,
 optimè meriti, meritis, ac præsentis patrocinio merien-
 dum. Quem, vt loquentem, rudi hac Mineruâ meâ Viri
 sancti quandam Imaginem, vel hoc nomine sacrario Cæ-
 sareæ Bibliothecæ suæ non dedignabuntur, quòd eum lo-
 quatur, qui toti Austriacæ posteritati, in Progenitore Diuo
 Ru-

LIBRI DEDICATIO.

Rudolpho (cuius egit aulicum, partâ cœlitus linguæ Germanicæ peritiâ concionatorem) *Locutus est verbum Dei*, ac *Ad Heb: c. 13.*
 proinde audiri legique meretur, *ut intuentes talis Præpositi exitum conuersationis, imitemini Fidem*, eoque potiti DEO, in speculâ Imperij, in qua meritò sedetis, quàm diutissimè, felicissimèque sedeatis, ac demum Mundi gubernati Pro-
 uinciâ bene gestâ, cum DEO, cum Deiparâ, cum ipso Diuo Philippo vestro, ac Diuis omnibus, æternum triumphetis. Id quod ego, & per me vniuersus noster Ordo S. is C. is M. bus V. ris cum Serenissimis Liberis, & vniuersæ Augustissimæ Austriacæ Domui, non solum publicis, sed priuatis etiam obstrictus Beneficijs, exopto, & *donec superest halitus in me, & spiritus Dei in naribus meis* (hisce me S. is C. is M. bus *Iob. 27.*
 V. ris & ante me Ordinem meum, quàm submississimè commendans) inter omnia prima vota medullitus exoptabo. Ita voui Pragæ, Anno millesimo sexcentesimo quadragésimo tertio. VII. Idus
 Novembris.

APPRO-

APPROBATIO NOMINE REVERENDIS-
SIMI ET ILLVSTRISSIMI ORDINA-
rij data.

Cum præsentem Librum de Vita B. P. Philippi Benitij, Ordinis
Seruorum Beatissimæ Virginis, ex lingua Italica in Latinam à
R. P. Cherubino Dalæo, eiusdem Ordinis translatum, PP. reli-
giosi à nobis requisiti, reuiderint, ac publicâ luce dignum censuerint:
Ideò concedimus licentiam, vt in Diocesi nostrâ imprimi possit. In
quorum fidem &c. Brixinæ in officio Ecclesiastico Die 18. Augusti,
Anno M. DC. XXXXIII.

Iesse Perghoffer, Vicarius Generalis.


Michael Steiner,
Notarius.



Facultas

ADMODVM R. P. VICARII GENERALIS,
Ordinis Seruorum B. Virginis per
Germaniam.

Cum præsentem Vitam B. P. N. Philippi, à P. F. Cherubino Mariâ
Dalæo, ex Annalibus Ordinis, & historiâ eiusdem Italicè editâ collectam,
ac Latinitate donatam, Ordinis nostri Patres Theologi, ad censuram depu-
tati, dignam luce censeant. Ego P. F. Archangelus Bencuenius Ordinis Ser-
uorum B. Virginis, pro autoritate mihi à Reuerendissimo Patre Generali con-
cessâ, eius imprimendæ facultatem concedo. Oñiponti in Conuentu S. Iosephi
die 23. Novembris Anno 1643.



HISTORIAE

VITÆ AC RERVM GESTARVM
BEATI PATRIS PHILIPPI BENITII

Patricij Florentini, Ordinis Seruorum
Beatissimæ Virginis.

LIBER PRIMVS.

BEATI PHILIPPI PATRIA, NATALES,
& futuræ sanctitatis præludia.

CAPVT PRIMVM.



Metruria, (quæ Beato PHILIPPO nostro Patria fuit) eam omnibus sæculis, tam Pacis, ac Belli artibus, quàm propensione quâdam adnatâ in Religionē, ac pietatem, laudem tulit, vt si ascititiâ luce in adumbrando Serenissimo sidere nostro PHILIPPO, vt placeret, copiosiore haberi materiam essemus, quàm suscepti Consilij nostri ratio, quâ breuitati studemus, videatur postulare. Etenim iam inde â temporibus Aboriginum, Deorum Interpretem fuisse Hetruriam, & generali quodam Sacerdotio illorum temporum superstitionis iniciatam, nihilominus in Euangelij coruscum lubar generosos oculos intendere potuisse, nescio quam Diuinitatis cognationē illius Coeli ac Soli hominibus diuinitus insitam esse conuincat, & hodiēque (absit verbo inuidia) penè dixerim, vix esse in orbe Prouinciam, quæ pietatis exercitationibus, ita ad Vi-

Patria Philippi Florentini unde quæ nobis.

A

uum

tuum repræsentet primæuæ Ecclesiæ venerandum simulacrum; quod pluribus prosequi ac demonstrare, non est eius, qui contendat, magnorum Heroum Natales Patriam illustrare potius quàm à Patria illustrari. Interim, ut cætera omnia Philippo nostro diuinitus contigerint, modestiæ tamen nostræ fuerit, Florentiæ, Hetruriæ Regiæ, in quâ natus est, gratias habere, quod ei clarissimos Parentes dederit. Ij fuerunt Iacobus & Albauirdis; quorum iste paternum genus sortitus est ex antiquâ & perillustri Benitiorum prosapiâ, quæ, quoad stetit, summos illius Reipublicæ honores non solum adiit, sed penè domesticos, multarumque Imaginum causas habuit. Mater parem, nobilitatem nobiliorem fecit egregiâ Religionis, ac virtutum reliquarum præstantiâ. Verùm, ut nihil est in rebus humanis perpetuum, de tam magnâ & clarâ Benitiorum familiâ nihil iam superest, nisi domus, in quâ natus est Philippus, quæ Visitur in Vitis regione, quæ Guicciardiniorû appellatur, antiquis parietib⁹ insignia Benitiæ Gentis, hoc est, in caruleâ areâ, aperti pectoris candidam aquilam præferens; Symbolum videlicet, quodam Velut Hieroglyphico Genium Familiæ Benitianæ, ab generosâ sinceritate, commendans. Cæterùm tametsi summâ concordia ynâ conuiuerent Coniuges, amicâ tamen Cœlo contentione in Christianæ pietatis studio acerrimè certabât, eamq; contentionē desiderium prolis, quâ diu caruerant, eò magis acuebat, quò enixiùs optabant, ut series ex illis existeret Nepotum, quæ mundi ætatem perennitate suâ æquaret: ut essent, qui quàm diutissimè pro ipsis breuis æui mortalibus, diuinam benignitatem colerent ac venerarentur. Certamè optato utriq; euentu sic diremptum est, ut, quamuis id precum constantiâ euicerint, quod diu mul-

*Ortus, ex
sterilibus
Parentib⁹
mirabilis.*

multumque optauerant, tamen hoc ipso eò grauiorem, causam acceperunt, in incepto impensius persistendi, quò æquius est, accepto, quàm petito beneficio, benignitatem diuinam adorare. Nam cum in eâ, quam dixi, orbitare, atque in hoc pietatis studio magnam partem ætatis vixissent (arcano quodam DEI consilio, vt illa corporum sterilitas, sæcunditas esset animorum, quæ Philippo omnes virtutes, sed verò præcipuè tolerantiam, & infractam in DEVM fiduciam Sorores faceret) ad eam recurrunt, quam sua Virginitas sæcundam fecit, & Matrem eius, qui omnia potest, nisi negare id, quod Matre interueniente, atque patrocinate petitur. Itaque concepta vota, & maturatæ constantiâ supplicationes, momentum habuere, & MATER DEI Albauirdem, Philippi Matrem fecit: atque vt agnosceret Albauirdis, se non modò Filium sed sanctum etiam impetrasse, dum vterum gereret, secundum quietem sibi obiectum videt clarissimum Iubar, quod de Ventre suo prodiens, luculento fulgore omnia latè complexum, vniuerso Orbi sese infundebat. Atque id quidem, neque naturæ viribus, neque affectibus grauidarum, neque Vi imaginariæ facultatis, aut violentæ alicuius apprehensionis conflatum commentum fuisse, editus in lucem iste lucis Filius & Vterinus Frater, rei Christianæ bono clarum fecit. Sed ne vno tantum omine Beati pueri natiuitas prodigiosa foret, alia memoratu digna effecerunt: nã eodem aão, eodemq; die, quo Ordo Seruorum, inusitato, vt postea videbimus, modo ortus est: hoc est Aão à partu Virginis nostræ Millesimo ducentesimo trigesimo tertio, decimo octauo Kalendas Septembris, qui dies eidem Assumptæ Virgini sacer est, Philippum Mater in hanc lucem

A 2

effudit,

*Infantis
articulata
loquela.*

effudit, admirabili sanè & iucundâ rerum omnium, velut
 harmoniâ, quâ minimè obscurè portendebatur, fore, vt
 Philippus die inauguratæ Cœlorum Reginæ, eodémque
 natæ Seruitutis Seruorum eiusdem natus, & illius Maie-
 statem, & horum industriam plurimùm clararet, & ipse
 vicissim clararetur. Neque verò id agere, quod dicimus,
 usque ad Prætextam aut Togam distulit Philippus; quin
 loculentiore ostento, vix quartum Infantia Mentem e-
 gressus, admirabili, & quam Soli Superi tribuere possunt,
 Eloquentiâ, Seruorum Patronum agere cepit; fortè enim
 aliquando Matris in gremio gestatus; duos è Septemviris
 Familiæ nostræ Conditoribus, ostiatim mendicantes, o-
 culis vsurpauerat: & ecce, lætitiâ gestiens, ad Matrem ar-
 ticulato, & distincto sermone conuersus, age, Mater, in-
 quit, En Serui Mariæ virginis, stipem prome. Perculit rei
 nouitas circumstantes, non de nihilo obstupescences, illi
 in fauorem Seruorum Virginis, eorumque gloriosi Tituli
 promulgationem, Verba suppetere, qui suas ipse causas
 nonnisi Vagitu, alijsque mutis insinuationibus pro ætatis
 conditione agere poterat. Non sterit in his solis, nudisque
 verbis, hoc futuræ Philippi Sanctitatis Omen, sed opere
 etiam, eoque non minùs quàm verba, miro, se prodidit;
 nam statis in septimanâ diebus, lacte Nutricis, quo ferè so-
 lo, per ætatem alimento, vti poterat, abstinebat: & relictis
 mollibus cunis, alijsque conciliatricibus somni illecebris,
 diuino quodam instinctu, innocua, & adhuc lactea mem-
 bra ad molestiorem quietem humi prosternebat. Vnde
 non absurdè de hoc Infante id asserueris, quod de sancto
 Nicolao Myræ in Lycia Antistite, habet grauis Auctor
 Laurentius Surius.

Infantem hūc, quis dubitet in ipso statim Natiuitatis

EXOR-

*Futura san-
 ctuatis in
 ipsis incu-
 nabulis in-
 discia.*

exordio diuino fuisse Numine aflatum, Sanctificatum
 que, qui non prius viuere, quam DEVM venerari, non prius
 comedere, quam ieiunare cepit. Compertum enim ha-
 bemus, illum, cum reliquos dies noctesq; omnes Nutricis
 vbera crebro duceret, quartâ tamen sextâq; feria, non nisi
 semel duntaxat, & vesperi quidem lac voluisse gustare.
 Atque hoc certo semper, immotoque seruauit ordine, vt
 nullis posset blanditijs, nullo Nutricis lenocinio, nullâ na-
 turæ necessitate à leiunio capto deflecti.

Quamobrem rigidissimum quemque bonarum re-
 rum interpretem planè fateri oportet, nò fortuito illud,
 aut intemperie stomachi factum esse, sed quasi consultò,
 & DEI afflante Spiritu. Haftenus Surius. Quæ omnia,
 solo nomine mutato, Philippo nostro conueniunt.

Quapropter etsi id hic vnicè agimus, vt Philippus ex
 merito omnibus appareat mirabilis, fatemur tamen mi-
 rum nò esse, tam insigni, tamque maturè iacto fundamen-
 to, tam nobilem virtutum molem, duorum supra quin-
 quaginta annorum inpigro vtriusque Vitæ, contemplati-
 uæ, actiuæque labore ab eo superimponi potuisse, conge-
 nito hoc, & collactaneo DEI Optimi Maximi fauore, ma-
 ximis eum compendijs, quibus ille incredibili industriâ
 collaborauit, deducente.

PHILIPPI EDUCATIO USQUE

AD STUDIA GRAVIORVM DI-

sciplinarum.

CAPVT SECVNDVM.

Educationem PHILIPPI respondiſſe multiplici nata-
 lium eius claritudini, summa Parentum honestas ac
 Religio, domesticusque splendor procliuè creditu fa-

*In puero
pietas, &
vivendi ri-
gor.*

cit. Curam eorū mirificè stimulabat, quòd ex prodigiosa ipsa conceptione, primorumque ab haustâ luce progressu dierum, haud vanâ coniecturâ diuinaverint: manum Domini esse cum illo, ut non tam datum sibi illum filium, quam suæ concreditum curæ, persuasum haberent: eoque atque alijs multis nominibus, sed verò præcipuè, quòd meminissent Beatissimæ Virginis Donum esse, eū tenere charum, preciosumque habebant. Proinde inter domesticos parietes, quoad pueritiam excessit, accuratè custodit, studio humanioris literaturæ reliquarumque omnium, virtutum contubernio, forenses strepitus, tranquillarum mentium, in tenerâ maximè ætate, in festos hostes, vel vicit vel ignoravit; magno Virtutum suarum & doctrinæ bono atque incremento; quorum utrorumque nobilia specimina, datis occasionibus, edebat. Igitur ab elementis orsus Christianæ pietatis, ea, summâ celeritate memoriâ complexus, mane à somno, & ante somnum vesperi, non pro puero, sed maiore, quam in virum cadat, momento & pondere, recitabat. Factus deinde decennis, nunquam interrupto vel Ieiunio (quod cum haustâ iam Vitali aurâ cæperat) vel more in nudo ac frigido solo cubandi, ad statas preces, adiecit officium Deiparæ Virginis, & Defunctorū, atque septem illos Psalmos Davidicos, quos Ecclesia potius deploraturis antea vitæ scelera, quam simili innocentia præscripsit. Præterea in altissimo noctis conticinio, ex loco, in quo malignè iacebat, erigens sese, bonam, noctis partem, in rerum Cœlestium contemplatione, traducebat, eumque morem ad mortem usque perpetuum, penè ipsi sepulchro intulit. Atque hinc quidem consequens fuit, (quod consequens esse necesse est,) ut tantum animo ardorem hauserit nitendi per ardua omnia, atque

atque aspera ad Diuini amoris interiorē aëstū, vt sub-
 inde à Matre ad templa (ad quæ illa frequens visebat,) ad-
 ductus, longè præ ac alijs, supparis ætatis, pueri solent, qui
 hac illacque irrequieti per templa (velut largiorem quàm
 domi aream naëti) vel discurrunt, vel obstrepunt suppli-
 cantibus, ille fixis humi teneris geniculis, & puris manibus
 in Cœlum duplicatis, venerabundus, infertis miri ardoris
 precibus, suspiciebat & obseruabat sacros ritūs, vt facilè
 ab astantibus animaduerti posset: penetrari à Beato puero
 ipforum rituum Sacrosanctam medullam, ac spiritum, vt
 non tam puero seculari, quàm viro sacris initiato, & pro-
 bè exercitato similis videretur. Quòd si verò quandoque
 à Matre in hoc pietatis consortium, prudenti moderatio-
 ne, non est admissus, sed domi se continere iussus est, aspe-
 ritatem eius imperij, obsequendi amore leniebat. Interim
 tamen domi pro melimelis, gladiolis & arundineo equi-
 tatu (quæ Heroum filij pro paternā Indole amare solent)
 ille sacra tractabat, arulas erigebat, sacrisque imaginibus
 & faculis erectas illustrabat: ac sibi ipsi ædificus & Sacerdos
 factus, nō minore, quàm in templo ardore ac veneratione
 in preces incumbebat. Traductā in his artibus studiisque
 pueritiā, vbi visus est in adolescentē euasisse, & grauiorib⁹
 disciplinis satis adoleuisse, Parentes illi, & virtutibus & lit-
 teris imbuendo, spectatæ virtutis, ac doctrinæ hominem
 religiosum præfecerunt. Id parentū consilium, Philippum
 sine hoc mirè in virtutē pronum, sic accēdit, vt incredibile
 sit, quāto intervallo omnium circa se industriā præuerterit.
 Certè iurati homines, in examine super ipsius vitā institu-
 to, sanctè affirmarūt: eū illius ætatis illecebras non solum
 procul habuisse, sed etiā in omnibus, quæque egit, quæque
 dixit, eum se exhibuisse, qui ipsius perfectionis Idea videri
 potue-

*Animi
 tranquillitas, & sa-
 crarum re-
 rum studi-
 um.*

*Augetur
 in adolescē-
 te, omnib⁹
 Virtutibus
 ornato.*

potuerit, adeò omnes virtutes ex cælesti illo animo diuinum quiddam singulæ spirabant. Sed præcipuè has inter charitas erga omnes mortales, & miseratio in egenos familiam ducebat: quâ ille omnium inopiæ quoad se cunq; extêdere facultates statûsq; conditio poterat, manûs iuxta atq; animi promptitudine subueniebat. Curam deinde sui ex eiusmodi rationibus instituebat, vt lubricæ in lapsûs Adolescentiæ, ad exaggeratæ mentis tribunal vocatæ, leges dixerit, & fixerit limites; extra quos, ne exorbitaret, Diuinæ legis Reuerentiam, & Virginei corporis afflictationem, orationem quoque mentalem, vocalemque, præferuidam vtramque atque ignitam, cum SS. Eucharistiæ Sacramenti frequentissimâ susceptione, custodes adhibuit. Hoc igitur apparatu atque hisce armis instructo Philippo, Diuina providentia pugnandi copiam deesse noluit, ne deesset gloriæ; sed Philippus instructam ex aduerso, toto conspirante Orco, omnis generis machinamentorû aciem generose inuasit, fortiter disiecit, & nobile de se spectaculum Agonothetæ Deo Exercituum dedit: & Fortitudinis, Patientiæ, & Humilitatis maximè præsidijs, gloriosum de vltimis inferorum conatibus triumphum reportauit: eâq; vi viam sibi fecit ad illustriores Christianæ militiæ honores. Itaque velut in victoriæ præmium diuinus immissus spiritus, proterendi præsentium rerum vanitatem, & transeundi ad religiosum vitæ institutum, quotidiano incremento in animo eius gliscere cepit, & iacta in eius corde iam inde ab ætate quinq; mensû semina, magnis progressibus, æstu quodam diuino maturata, ad messëm properabant; neque parùm iniectam hanc cælitus mentem urgebant gemellæ ipsius familiæ Seruorum ingentes in dies accessiones, vt vix explicari possit, quanto ad eam ample-

*Quarum
præsidio
Orcinias
nas infi-
dias supe-
rat.*

amplectendam, & ambiendam, (serui Deiparæ allectus nomine) ferretur, cuius voti vigesimo ætatis anno demum compos euasit.

APERIUNTUR PRIMORDIA ET INCREMENTA ORDINIS SERVORVM,

vt clariùs percipi possint, quæ dicenda sunt.

CAPVT TERTIVM.

AD ea, quæ hinc porro narranda sunt, exactiùs percipienda, non parum lucis attulerimus, si quodam velut Breviario strictos, ordinis Seruorum Natales, & adolescentiã retulerimus. Fuit ergo Florentiæ inter alias, quas ea Ciuitas magno numero habet, Sodalitas quædam virorum, anno Christi 1193. instituta (quam, à deprædicandis magnæ Virginis Encomijs, Laudantium appellabant) eaquæ hodie etiam perstat, nisi quòd mutatis sedib⁹, saluo tamen instituto, loco Laudantium, de Assumpti Tutelariorum Diui Nomine, Societas S. Zenobij vocetur. Huic inter alios dignitate ac Religione præstantes, nomina dederunt septem, Patricij ordinis, viri Florentini: qui cùm año reparatæ salutis 1233. die Assumptæ in Cælum Virgini sacro rei Diuinæ in honorem inauguratæ eo die Cælorum Regina, cum reliquo sodalicio, interessent, illapsus diuinitus singulorum animis arcanus insedit ardor, Deo, ac S. mæ Parenti eius, abdicatis fluxarum rerū curis, sublimiorem quandam seruitutem seruiendi. Itaque cùm soluto Conuentu conuenissent, & afflatus ille diuinus, quem totis medullis hauserunt, animorum limitibus, non ita se contineret, quin in ipsa etiam ora, atque oculos erumperet, hæserè aliquamdiu, mutuâ contemplatione perculsi,

Origo Ordinis Seruorum Beatissimæ Virginis, ex Sodalitate, piâ.

B

idquif-

id quisque miratus in alio, quo ipse vicissim mirantem rapi-
 ebat. Tenuit id silentium diutulè pertinace modestiâ,
 nemine loquendi initium faciente, quoad natu forrè ma-
 ximus, id quod ægrè misereque tum à se, tum ab socijs dis-
 simulari videbat, magnâ animi demissione edere aggressus,
 non tam quid ipse, quàm quid ceteri omnes animo
 gererent aperuit. Singulis, ex narrantis ore verba rapientibus;
 quibus se quoque inter paulò ante absolutas preces,
 inusitata mentis illustratione perfusos, & vt abiectis la-
 bentium rerum impedimentis, ad cognatam cœlo, & na-
 tam deplorandis antè actæ vitæ erratis, solitariam vitam,
 sub tutelâ præcipuè Cœlorum Reginæ amplecterentur,
 monitos sese eodem tenore, iisdemq; affectibus vicissim
 narrabant. Quare, vt in re clarâ, compendiarîâ delibera-
 tione vsi, concordibus sententijs statuunt, diuino Imperio
 vtique parendum esse: eiusque executioni sextû Iduum
 Septembrium, qui Deiparæ Natalibus festus est, diem
 dicunt. Is vbi illuxit, vnâ omnes Urbis Antistitem Ardingum,
 eius nominis secundum adeunt, virum omnibus suæ
 dignitatis numeris absolutum, & pene fastigio suo maio-
 rem; ei que consilium suum, & authorem eius, ordine ex-
 ponunt: rogantque, vt bonâ ipsius veniâ & auctoritate lo-
 cû illis, diuino imperio capeflendo, capere liceat: id quod
 illis vir sanctus, optimusque rerum Diuinarum interpres,
 & estimator, non modò indulgit, sed etiam his eorum au-
 spicatisissimis cœptis bene precatus, omni prosequutione
 felicitum votorû oneratos à se dimisit: irent, & quod vtq;
 felix, saustumque foret, Christianæ Reipub: diuinis ius-
 sionibus morem gererent. His illi rerum successibus, per-
 petuâ serie ex animi sententiâ fluentibus, læti, extra urbis
 Florentiæ Pomæria in humilem casam, Camaritia Pagi se-
 cedunt,

Septem-
 primorum
 Patrum
 primus se-
 cessus.

cedunt, ibique quam iam dudum in votis habebant, communem vitam inter rerum omnium voluntariam inopiam instituunt. Cæterum horum Nomina huc ex libro vitæ transcripta hæc fuere. Bonfilius Monaldus, Joannes Mannettus (postea ad dissimilandum Generis honorem, Bonaiuncta dictus) Benedictus de Antellis, Bartholomæus de Amideis, cui cognominis dulcedo, ut aptius ad institutum, Amidei nomen fecit. Riconerus Lippius Scalandronius (ea hodie Familia Gentilitium Vguccionum nomen ducit) qui proinde Vguccionis nomen assumpsit, Alexius Falconerius, & Gerardinus de Softegnis, quæ ea est Familia, quæ nunc de Melioribus appellatur; utique hoc Diuo accepto magnâ occasione melior facta. Ità Septemviri nostri, nec infra vigesimum, nec supra trigesimum ætatis annum, (quod dignum notatu est) ex tribus Ordinibus hominum, ex quibus populus Christianus coalescit, assumpti sunt; Quidam enim eorum ex Virgineâ Ecclesiæ Orchestrâ, alij ex Cælibe viduorum statu, alij etiam maritalibus adstricti fæderibus fuerunt; qui tamē cum vxoribus suauiter transegerunt, ut contentæ res suas sibi habere, non morarentur Diuinum Maritorum consilium: cuius petitionis sanctitati non solum illæ acquieuerunt, verum etiam ictis inter se, virosque nouis diuinioris amoris fæderibus, vel proprijs Domibus, vel Asceterijs inclusæ, vel Religiosarum Virginum Parthenonibus datis nominibus adscriptæ, cum viris & virginibus, propositi sanctitate, constantiâque certarunt. Itaque his cæterisque omnibus remoris è viâ sublati, septem Expeditionis Deiparæ Duces, post desudata, sub suavi Religionis iugo egregiæ fortitudinis certamina, post multos variosque labores exantlatos, & nauatam colendæ Vineæ Domini insignem operam, sanctissimæ vitæ stadio, cum gloriâ rerum admirabiliū, decurso, nobiles spiritus ad

coelestes honores, & debitos bene gestis rebus triumphos accipiendos, alij feruēs, alij citius cœlo illati sunt, Corpora in mōte Senario, originaria familiæ nostræ sede, sepulchri honorem sortita indidem miraculis quaquauerſum inclarauerunt; Cæterum, vt nulli dubium eſſe debet, hos ſeptem uiros, velut ſeptem à diuinâ ſapientiâ exciſas columnas, ad ædificandam Matris ſuæ domum fidelem, electos eſſe; ita eos conſtat errore lapſos, qui vel iſtos ſeptem, vel etiam B. Philippum ipſum, de quo hic agimus primarios conditores eſſe Ordinis Seruorum exiſtimârunt; cūm iſ honor ipſi Deiparæ Virgini, vel (vt tantâ maiestate digniſ, reuerentiſſque loquamur) ipſi ordini à tantâ Conditricē conueniat. Certè vocationes eorum, quarū hic ſeriem, ordinemque texemus, clariffimè euincunt, nihil hos, quos modò laudauimus, viros, minùs cogitaſſe, quàm de nouo, nouum aliquem Ordinem (quantum in ipſis fuit) moliri: vt proinde familia noſtra, alium humanum authorem, præter ipſam Matrem Chriſti agnoſcere neque poſſit, neque debeat. Interim eò faciliſ hunc errorem cæteris ignoſcimus, quòd ſcriptor noſtræ, ac fortè etiam Patrum, ætate ſacræ hiſtoriæ conſultiffimus, alicubi de Philippo noſtro honorificam mentionem faciens, illum Ordinis Seruorū Inſtitutorem appellat, reclamantibus Pontificiſ literis, quibus noſtrum inſtitutum approbatur; quæ diſſertis verbis nobiſcum loquuntur. Itaque prima vocatio iam memoratorum Patrum ea exiſtit, quâ, apparente ipſis cœli Reginâ auguſtâ, atque aſpectabili formâ, facie radiatâ, & cœleſtium Geniorum beato comitatu ſtipatâ, ſuaui illo quidem, ſed efficaci imperio, juſſi ſunt ſanctius, & ſublimes vitæ inſtitutum arripere, aſcitis in eius gloriæ ſocietatem, iſs quos promptus ac pronus, in tam ſalutare,

conſi-

*Eorundem
ad iacien-
da Ordinis
fundamēta
varia vo-
catio.*

consilium animus commendasset. Altera vocatio illa fuit, quâ se eadem Virgo seorsim singulis, Domibus suis spectandam exhibuit, postridie eius diei, quo in album sodalitatâs laudantium relati sunt, in hac verò, & in eâ, quæ ordine tertia est, quæ tum contigit, quando extra urbem in eam, de quâ paulò ante diximus, Casam secesserunt, diuinitus de instituendâ communi, abiectis rebus secularibus, religiosâ vitâ, oraculum acceperunt; Quartâ hinc vocatione in montem Senarium euocati, ad iacienda illic solidiora religionis fundamêta, de eiusdem virginis iussu sese accinxerunt. Quinta his omnibus illustrior atque admirabilior fuit, quando in ipso Feriâ sextâ Maioris Hebdomadæ peruigilio, iisdem Patribus acerbissimorum dolorum, & mortis CHRISTI Seruatoris contemplatione defixis, ab eadem DEI Genetrice singulis pulla vestis, (quam Habitum siue Scapulare vocamus) iniecta est, pro Symbolo & Memnosyno eius luctus, qui sub tempus passionis filij, eandem Sanctam Matrem, Reginam Martyrum, & maximi, quod vnquam fuit, Funeris, Præficam fecit. Sexta denique illa fuit, pro reliquarum coronide, quâ, ita atratis Nomen Seruorum inditum est cœlesti manu, certo quodam montis Senarij loco, aureis exaratum litteris, scriptû apparens, ex quibus omnibus satis, vt arbitror, liquet Religionem Seruorum velut per quosdam rerum admirabilium gradus solius B. Mæ Virginis operâ coaluisse, & hos viros, quò ne ipsi quidem sciebant, diuinitus esse manu ductos. Septem omnino annos septem Patres nostri in hoc exelso monte traduxerant, potius de excolendis animis suis, & de summo perfectionis apice, per passionis Christi, aliarumque rerum diuinarum contemplationem indipiscendo, quàm de fundando propagandoûe aliquo religioso

Ordine cogitantes, quamuis hoc temporis spacio eam spiritus, ac veræ sanctitatis celsitudinem interim assequuti sint, quæ tãto operi ac moli sufficere posset. Sed aliud placuit veræ ordinis Fundatrici Deiparæ, quæ in cœlesti illâ mente suâ, Diuinæ prouidentia: sacrario, iam statutum habuit, ex hoc septem horum Seruorum seminario, infinitam Seruorum messem, ex omnibus orbis terræ plagis parare, quod huiusmodi ostento, manifestum esse voluit. In obliquo illius S. montis iugo sancti viri aream sentibus ac dumis purgatam Hortulo plantando ceperunt; non tam spe alicuius frugis in tã sterili coeli ac soli loco, quam ut esset, quo infestum virtutis hostem, veterum PP. exemplo, otium iugularent; in eo horto inter alias parabilis cultura stirpes, ac plantas vitium aliquot malleolos depangunt; Mira dictu res! in tam alpestri monte, qui in nouem milliarium altitudinem ab vrbe Florentiâ porrectus est, ac proinde maximam partem anni gelu constrictus riget, horretque reliquâ soli iniquitate, ex deplantatis viribus vna extitit, quæ naturæ cursum anteuertens vnâ nocte, quæ tertiam Dominicam Quadragesimæ proximè antecessit, ante Festum Annunciata: Virginis, quo tempore in locis pinguibus, & Soli maximè obiectis vix aliqui Veris prodromi cernuntur, eodem quo plantata fuit anno de repente Pampinis lata, & ante florem fructibus racemorum grauis, palmitib' præterea fructuarijs longè lateque diffusis bene magnū montis tractum complexa, omnium in se oculos & admirationem conuertit. Attonitis omnibus tam insolita: rei nouitate Bonfilius, qui familiæ Antistitem agebat, Florentiam descendit, & vrbis Præsuli Ardingo de prodigiosa vite omnia, vti res erat, ex fide denarrat, sed id quamuis per se insolens Ardingo viro sanctissimo,

*Germinā-
tis præma-
turæ vitis
mirabile
ostentum.*

tissimo, & ob insignem vitæ integritatem non ad huius
 tantum, sed ad aliorum etiam cælestium secretorum con-
 scientiam frequenter admissio nouum non fuit, quippe
 nocte proximè præteritâ hanc vitem, vti à Bonfilio descri-
 bebatur, sibi à Deiparâ Virgine commonstratam fuisse re-
 spondit, eandemque dixisse, eo ostento id agi, ac signifi-
 cari, vt omnes intelligant, velle se, vt hoc suorum Seruo-
 rum institutum per vniuersum orbem propagetur, atque
 vt id se authore futurum nemo ambigeret, subiunxisse illud
 Ecclesiastæ: Ego quasi vitis fructificauit suauitatem odoris,
 & flores mei fructus honoris & honestatis; atque hinc fa-
 ctum, vt deinceps à Patribus plurimi bonæ expectationis
 in societatem admissi sint, ad quod hætenus nullis ratio-
 nibus adduci potuerunt; ac paulò post hæc Seruitanæ Cõ-
 gregationis Vitæ, ex hoc monte feliciter quaquauersum
 proserpens varijs in locis numero Canobiorum, velut
 Palmitibus aucta, cum in formam iustæ Religionis reda-
 cta adoleuisset, anno à partu Virginis nostræ 1267. quinto
 loco B. P. PHILIPPVM Priorem Generalem accepit. O-
 ctauo scilicet à confirmatione eius per Alexandrum IV.
 Pon. Max. anno, quo temporis spacio mirâ celeritate per
 quatuor Italiæ Principes Prouincias propagata est, vt plu-
 ribus in familiæ nostræ Annalibus diligens Historicus Gia-
 nius noster prosequitur, nobis suffecerit hæc paucula de
 tam nobili origine pro instituti ratione delibasse, in viam
 redire properantibus.

*Ab Ar-
 dingo Epi-
 scopo expla-
 natur.*

B. PHI-

B. PHILIPPVS POST NAVATAM
OPERAM LITERIS LVETIÆ PARI-

siorum & Patavij Florentiam reuersus, à DEO

bonarum animarum amatore singularibus fa-
uoribus & gratijs excipitur.

CAPVT QVARTVM.

CVM PHILIPPVS, eo viro religioso, quem illi instru-
endo supra præfectum diximus, Magistro, eos in po-
litiore literaturâ, & latinâ eloquentiâ progressus
fecisset, vt in ijs diutius nō nisi otiosus hæsurus videretur,
Parentes illū grauioribus studijs admouere statuerunt. Et
quia hoc ferè tempore vniuersitas Parisiensis à D. Ludo-
uico Galliarum Rege, Innocentij. 4. summi Pontificis præ-
cipuè hortatu, melioribus legibus, & maiori amplitudine
constituta constabat, eò maximè luuenem placuit desti-
nare. Quò vbi peruenit, insignes sortitus præcepto-
res, breui in Philosophicis disciplinis tam insigne spe-
cimen dedit ingenij, vt post paucos menses doctoris sui
iudicio dignus census sit, qui diuiniore & altioris indagi-
nis disciplinas adiret. Interea quantumuis diligentia acq;
industriâ disputationibus, & rerum naturalium commen-
tationi sese daret, tamen minimè immemor Initium sapi-
entia esse timorem Domini, nihil per hoc feruori oratio-
nis, & frequenti Sacramentorum vsui ademptum voluit.
Ità pietate & industriâ comitibus, cursum Philosophicum
in solito profectu emensus, Parenti (qui à gratulantibus de
filij progressibus certior fiebat) curam iniecit, ne si in ijs
studijs, quæ speculationibus perficiuntur, moras traheret,
clarissimum ingenium immensâ nactum spacia, in sola illa
raptum, absorberetur; quare vt moderandum sibi felix
filij ingenium putaret, domesticâ opinione inductus est,
quâ

*In Parisi-
ensi Vniuer-
sitate Me-
dicinæ opo-
ram dat.*

quã persuasum fuerat, illi æuo, nobilem in libero populo
 Iuuentutem, studijs totum hominem requirentibus ad-
 moueri instar vicij esse, quòd hac ratione Iuuenes ab ne-
 gotiorum domesticorum, & reipub. cura auerterentur.
 Quo factum est, vt absolutã Philosophiã, Philippus Medi-
 cinæ reliquam operam nauare iussus sit, tum quòd nobi-
 lissimi quique, Ciuitatis maiori emolumento, & Ciuium
 bono, quàm nostra ætate cernatur, eo tempore hanc facul-
 tatem sectarentur, tum etiam quòd Medicinæ cum Phy-
 siologia cognatio, non statim retunderet librati iam in
 speculationes, honestum ingenij impetum. Cæterùm etsi
 id parentis Consiliũ Philippo peringratum accidit, vt qui
 toto animi ardore in Theologiam ferretur; is tamẽ omnia
 suis momentis librans, ac perpendens: summa ingenia, dum
 incautiũs ad hæc Diuina in altum tolluntur, eo grauiore
 lapsu ruere; tutius sibi esse putauit, suas rationes ex maio-
 rum suorum, quàm ex Genij sui, aut ingenij præscripto,
 instituere. Quare Medicinam eodem, quo Philosophiam
 ardore aggressus, illam ita suam fecit, in ætate adhuc 19.
 añorum, vt omnes in sui admirationem raperet. Reuoca-
 tus deinde Florentiam, inde Patauium, ad accipienda
 vtriusque facultatis insignia, quibus doctores cohone-
 stantur, missus est; vbi editis eximiæ doctrinæ multis ar-
 gumentis, examine, summa cum laude, superato, duplici
 laurea, maiori omnium, quàm modestissimo Iuueni gra-
 tum fuit, applausu donatus est. Horum decorum, & ijs ad-
 iuncta virtutis fama ad parentes perlata, filij desiderium,
 sine hoc meritò maximum, mirè in vtriusque animo ac-
 cendit, & denique, vt Philippum Patauio domum accerse-
 rent, effecit; quorum ille voluntates, & paternos amores
 dilectissimis literis anteferebat, & obedientiam præscien-

*Doctoris
 laureã in-
 signitus do-
 mum reuo-
 catur.*

*Ibi in tem-
plis & re-
rum diui-
narum me-
ditationi-
bus assidu-
us.*

tia veneratus, Florentiam reuenit, vbi liberum iam ab Scholastico penso tempus in sacrarum literarum priuato studio ponebat. Pro cæteris animi relaxationibus, sacrarum ædium visitationes, pro conuiujs, Epuli Eucharistici frequentationes erant, & siquid operæ naturalibus literis horis subcisiuis datum est, id fiebat, vt illis velut adminiculis, & quibusdam gradibus, animus ad considerationes rerum diuinarum eueheretur; quarum ille hoc tempore mirificos sensûs, etiam hac viâ expertus, frequenter extra se rapiebatur, exstatico amore in Dei amplexûs effusus; eaq; in animo eius ardentia desideria, (quorum semina iam olim cum lacte hauferat) existeabant; quibus ad suscipiendum Habitum Seruorum B. mæ Virginis impellebatur. His artibus, atque hoc instituto domi versatus, ex consortio tam frequentium sermonum Dei, quædam in illo species resultauit, quæ humanâ maior, vniuersis ciuitatis ordinibus admirabilis atque venerabilis videretur. Etenim eâ domi erga Parentes obsequentiâ, eâ foris cû viris Reipub. principibus vrbaniatate, eâ modestiâ, cum æqualibus, eâ cum minoribus facilitate, eâ denique in agendo, vbi vsus postulauit, dexteritate fuit; vt hisce dotibus, adiuncto integerrimæ vitæ, morumque exemplo, omnium in se admirationem iuxta ac venerationem commoueret, sic, vt reparatoris integritatis Christianæ, in Iuuentute Florentianâ nomen non immeritò tulerit. Sed lancinabat interrim ardentem Patriâ Charitate animum eius, miseratio, quâ in afflictam Guelphorum, ac Gibellinorum factionibus Ciuitatem ferebatur; quippe id malum hoc tempore, in generis humani perniciem, Friderici Imperatoris studio ita recruderat, vt non tantum Rempub. Florentianam, sed vniuersam etiam Europam euersum iret; ad hæc per-

*Lacerate
factionib'*

perditissimorum morum ac nefariorum facinorum licentia in immensum excreuerat; quibus emendandis, cum se impari Philippus cum dolore videret; se ac cætera omnia Deo commitens, à partium studijs diligentissimè abstinuit, & solo conscientia, præsidio tutus, nunquam adduci potuit, quantiscumque inimicis totius ciuitatis familiaria in mutuum exitium armarentur, ut ens, aut vllum aliud teli genus indueret. Cæterum tot in diuinam benignitatem admissis in oculis eius sceleribus, faucius, anxiusque Ciuium suorum periculo, in more positum habuit, tam desperatis rebus, ad pedes cuiusdam Imaginis Christi in crucem suffixi, prostratus, remedium quærere, quod & multis alijs parabat & ipse ex illo benignitatis fonte amplissimos Diuinæ gratiæ fauores in se deriuabat. Sed singularis ille fauor extitit, quo ardentius solito, Religionis capescendæ amore incensus, hoc ab illâ sanctâ Imagine, expressis verbis oraculum accepit: vade Philippe ad montem Senarium, ibi te docebo incomprehensibilem iucunditatem vitæ æternæ. Non arido, aut petroso senticeto ea diuinæ vocationis semina, ad suffocationis periculum, sed fecundo, & bene subacto solo excepta sunt, ut fructus breui secutus demonstraui. Nam tempore solennis Quadragesimæ, sequentis anni 1253. vitam orditurum inedia cibi, tum cubandi malignitate, ac cæteris corporis afflictationibus admirabilem, delicijs omnibus valedixit, præter eas, quas ex contemplatione Diuinâ, ac sacrarum literarum studio delibandas accepisset. Interea ad loca sacra, quæ inter Florentiam, & dirutæ, Fesularum urbis ruinas sunt, frequenter inuisens, itineris sui in morem, quo à Christo Crucifixo destinabatur, velut nou⁹ illic immolendus Isaac, rudimenta quædam, atq; initia ponebat.

urbi Diuini
num Numen placare conatur.

Crucifixi
oraculo ad
religionem
primo vocatur.

B. P. PHILIPPVS ANTE IMAGINEM
MIRACVLOSAM D. ANNVNCIATÆ FLO-
rentiæ, admirabili visione, quam B. P. Bonfilius explicat,
illustratur. Hac Occasione huius Imaginis Historia
paucis recensetur.

CAPVT QVINTVM.

*Mirus
animi Phi-
lippi ad Di-
uina ar-
dor.*

Apparitionibus Diuinis, & ordinarium naturæ cur-
sum excedentibus rebus, velut necessariâ consecu-
tione proprium atque connexum est, humanā men-
tem, insolita luce percussam, mirificè illustrare, & inflam-
matam in rerum Diuinarum amorem rapere; hinc vix sa-
tis explicari potest, quantis incrementis Philippus, corpo-
re per varias macerationes, animo per contemplationis
assuetudinem subacto, ac benè præparato, & serenaretur
in dies magis, & ex objectu huius lucis, futuræ beatitatis
amore succenderetur, vt proinde ardentissimâ Iustitiæ sici
corruptus (quæ est, inter Euangelicas, octaua beatitudo, &
quam Patres desiderium solidæ sanctitatis esse statuunt)
iam felix, beatusque esse inciperet. Fortè quadam die, quâ
potissimum his flammis agebatur, domo ad nouum Ser-
uorum Deiparæ Sacellum, vbi Miraculosa D. Virginis
Annunciata Imago erat, Diuino sacrificio interfuturus, se
contulerat; vbi rursus aliarum omnium, quibus eum adhuc
DEVS, aut B. ma Virgo dignati sūt, efficacissimâ vocatione
ad Religiosum Seruorum institutum inuitatus est. Sed
prius quàm hâc expediam, iuuat diuerticulo, lectori non
iniucundo, huius prodigiosæ Imaginis originem paucis
promere, mox ad Philippum admirabilis scenæ spectato-
rem in viam nobiscum reuersuro. Est haud procul Floren-
tiâ suburbanum, Henrici tertij Imperatoris clade ab Exer-
citu Florentiano acceptâ nobilitatum quod Cameritia
indigitant,

Hic

Hic anno ab allatâ salute 1250. captum est ædificari oratorium, adiuncto quodam habitaculo, quo velut hospitio Patres, negotij causâ ex monte Senario Florentiam ventitantes, recipi possent. Ibi iam olim in crudo recentique adhuc muro Imago Virginis, quam Mariam de Capragio vocabant, temperatis non oleo, sed aquâ coloribus effigiata prostabat, quæ cum temporum iniuriâ inter ædificiorum ruinas esset oblitterata, Patres eius sibi memoriâ renouandâ esse ducêtes, aliam ad oblitteratæ Prototypon, iisdem coloribus & insimili crudi muri arcâ in eo oratorio pingendam curare statuerunt. Et quia circa allati ad Virginem cœlitus fœlicissimi nuntij tempus, ipsi illustri Servorum MARIÆ titulo cohonestati fuerant, sub eius formâ mysterij ipsam Imaginem maximè pingi placuit, in quo eadem Virgo, dato ad summum, quod concipi possit obsequium consensu, se æterni Numinis Ancillam appellauit. Itaque ad incipiendum opus vocatus est pictor, eâ ætate, non tam pingendi artificio, quàm pietate in B. m. Virginem celebris, quippe in cuius honorem perpetuam Virginitatem coluit, isque, pro suo in Matrem DEI amore, susceptâ in se perficiendi gratis hoc opus curâ, priusquam manum operi admoueret, feruentium precum præsidio, & expiatis per sacram Exomologesin peccatis, sacre Eucharistiæ sumptione se comparare voluit, ad quod eius studium Patrum etiam, iam tum nescio quid fausti animo præfagientiû, preces accedebât. Ita cæpro opere Archangeli Gabrielis imago iam in pariete spirare videbatur; ipsa etiam B. m. Virginis effigies, præter faciem, caput, & ceruices, sub oculos perfectâ prodierat, reliquæ etiam operis Parergæ vltimam lucem acceperant, cum ecce Pictor supremam manum sacre Imagini impositurus, repente totis artubus, sed manibus præcipuè contremiscere, exalbe-

*Origo mi-
raculose I-
maginis D.
Annucia-
te Floren-
tia.*

scere vultu, deniq; animo linqui cepit, & velut nunquam penicillum contrectauisset, omnis ars, atque industria pingendi ex manu, & animo euanuisse visa. Igitur rei nouitate attonitus Pictor, & ipse se in preces dat, & Patres, vt sibi Diuinum Numen placent, exorat, id quod ipsi impigrè aggressi, non sine lachrimis, quas tum admiratio, tum timor insoliti euentûs elicuerant, consternati Pictoris causam apud DEVM ac B. mam Virginem agebant. Sequenti die Pictor ad opus redit, & tantisper aliquid in eo contemplatus, diuino quodam sopore, siue Extasi repente correptus, à sensibus abiit; tum paulò post sibi redditus, se in pedes colligit, Imaginem intuetur (quam in illo mentis concitino perfectam, atque absolutâ viderat) iam collo, vultu & capite, ad quæ manûs pridie exprimenda torpuerant, expressis, summo cum stupore recognoscit, & tum ille, tum adstantes alij Miraculum ingeminantes, ingenti applausu, DEO, ac Deiparæ Virgini cumulatissimas gratias agunt. Peruulgato rei successu, fit totius vrbis, atque omnium ordinum ad oratorium Seruorum accursus, & habitis Imagini iustis honoribus, frequentis senatûs consulto, respub. decreuit vti hæc verba, *Madonna santa Maria Madre di gratie*, id est, Diuina S. Maria Mater gratiarum, imagini subscriberentur, quæ hodieque antiquo characterẽ subscripta visuntur. Atque hoc quidem inter alia Priuilegio cœlorum Reginæ visum est, Seruorum suorum Primordia nobilitare. Sed vt ad PHILIPPVM, quem apud hanc ita diuinitus absolutam Imaginem, supplicem reliquimus, reuertamur; vbi se ad rem diuinam in hoc oratorio audiendam, feriâ quintâ infra octauam Dominicæ Resurrectionis (quæ illo anno in viii. Kal. Maiarum, inciderrat) composuisset, sacrum (in cuius Epistola habentur illa verba,

Coram
quâsupplex
Philippus,
admirabi-
li visione
donatur,

verba (*Philippe accede, & adiunge te ad currum istum*) fa- *Act: 8.*
 ciente B.P. Alexio Falconerio, illis verbis velut ad se dictis
 permotus Philippus, Diuino arreptus spiritu, à sensibus in
 suauissimæ Violentiæ Extasin rapitur, eaque extra se pe-
 regrinatus, in vasti horroris solitudine, inter præruptas
 rupes, & aculeatarum spinarum Dumeta expositus sibi vi-
 debatur, vbi hærentibus insuper tenaci in limo vestigijs,
 multiplici anxius malo, cum ipso interitu, ancipiti sorte
 luctari videbatur. Has inter angustias deprehensus, cum,
 Regij Vatis verbis *Saluum me fac Deus, quoniam intrauerunt* *Psal. 67.*
aqua usque ad animam meam, Diuinam opem imploraret, al-
 lapsam auribus miræ suauitatis vocem audit, quâ redditus
 sibi, serenatâ mente, animi status, ex hoc periculorum cõ-
 finio eductus est, & mox Beato Iuueni coruscum, ignotâ
 mortalibus oculis, luce, cœlum se aperuit; cuius cùm clari-
 tas, ac tranquillitas, tum reliquorum ornamentorū Maie-
 stas, vt simile nihil habetur in rebus humanis, ita nulla
 verba reperiuntur, quibus possit describi. In huius cœli spa-
 cioso ac beato æquore, bijugus, ex animoso leone, & miti
 agnâ, auro solidus currus, volucris quidem, sed peritæ auri-
 gationis moderamine trahebatur. In ipso curru, sublimi
 locata solio, cœlorū Regina sedebat pullâ in veste, sed quâ
 multa clarabat gloria radiorū, quos imminens solij fastigio,
 ignoti candoris columba, magnâ copiâ, à vertice Virginis
 ac vultu quaquaversum latè fundebat. Augebāt pompam
 frequentes cœlestium Geniorum stipatores chori, qui se-
 dentis versicolore, ac rigentem gemis umbellam susti-
 nentes, Regiæ suæ laudes suauissimo concentu decanta-
 bant. Ipsa Virgo habitum, qualem nuper Patres Serui ge-
 rere cæperant, manu præferens, vbi cœlites canere desie-
 runt, voce, ipso cœlitum concentu suauiore *Philippe ait,*
accede,

accede, & adiunge te ad currum istum. Plura Virgo promptura videbatur, sed intercessit B. P. Alexius, qui absoluto interim sacrificio, oratoriū ex officio clausurus, vbi B. Iuuenem ab alienatum à sensibus, immobilem hærere videt, ratus somno oppressum, exsuscitat. Redditus sibi PHILIPPVS, tracto ex imis præcordijs graui suspirio, Ah inquit, Pater R. de ita DEVS tibi ignouerit, vt ego hunc errorem tuum excuso. Nec pluribus interceptam beatitatem verbis incusans; secum tamen ad itæ iacturæ magnitudinem exaggerans, illius spectaculi gloriam & emolumenta, seuerâ trutinâ cum dolore librabat, eò quòd adhuc in cœlestium rerum commercio, non tantum, quantum illâ semihorâ, lucri fecisse sibi videretur. Interim vbi nox affuit, quæ hâc fœlicem diem sequuta est, & Philippus solitudine ac silentio eius ad libertatem agendi cum DEO utebatur, rursus se illi Deipara videndum exhibuit, his ipsis verbis eum affata: Philippe, seruos meos in crastinum adeas, ab eis enim, præuisi currûs magisteria disces quæ statim exequi, fidelis meus seruus euasurus, curabis: nec plura; & ex stupentis, & iam satis persuasi conspectu se in cœlum recepit. Philippus, vbi illuxit, hausto totis medullis cœlestis vocationis igne, ad oratorium Seruorum gradum concirat, & audito illic sacro (in quo auctori Virgini vocationis consilium enixè commendauit) ad Antistitem loci, qui tunc P. Bonfilius erat, admitti rogat; qui vbi affuit, habito illi dicenter honore, quâ decuit Iuuenem, vercundâ modestiâ, visiones sibi obiectas, & adiunctum illas communicandi præceptum exponit: Patrem deinde orat, vt ipso Interprete doceatur, quid quantumque per hæc ingentia beneficia Christus, eiusque S. ma Parens à se præstari velint, iubeantq;. Bonfilius, diuino spiritus diues, & in hoc rerum gene-

*Que ipsi à
B. P. Bon-
filio expo-
nitur.*

genere versatus, ac perspicax, per obiectam illā sentibus,
 tribulifque asperam solitudinem, statum illius secularem
 notari respondet, currum verò esse statum Religiosum,
 ad quem à DEI Matre vocetur: quatuor aurei currus axes,
 esse quatuor virtutes Cardinales, quibus velut Cardinibus
 Servorum institutū nitatur. Per Agnam, & Leonem, qui-
 bus idem currus ducitur, humilitatem religiosam & forti-
 tudinem, quas arduis in Divino obsequio susceptis facino-
 ribus, comites esse conveniat, designari: Columbam verò
 necessariam cordis puritatem, & contemplandi peritiam
 denotare. Denique pullam vestem, Virginis manu gesta-
 ram, factamque invitationem, quā, ut se currui adiunge-
 ret, monebatur, oracula esse, quæ illum MARIE Servum
 in novā eiusdem Virginis familiā (vbi mortificationem,
 Crucis CHRISTI docendus sit) futurum prædicant. Ac-
 cendit ea interpretatio, iam antè ardentem, PHILIPPI
 mentem, & denique, ut id, quod diu egit, hoc religiosum,
 Institutum amplecti statueret, effecit. Nec minore iucun-
 ditate in eo congressu, perfusus est B. Bonfilius, qui ex ve-
 recundo Philippi inter narrandum vultu, Divini splendoris
 radios, haud dubios futuræ sanctitatis indices, emicare
 videbat. O fælicem ac ter beatum, Juvenem, tacitè cogita-
 bat, qui splendorem generis, fortunæ blandimenta, scien-
 tiarum lucem pluris, quàm quanti DEVS similium rerum
 contemptum facere solet, non aestimavit; ex quo supremi
 largitoris gloria eò maior elucet, qui servo suo tam gran-
 dia munera largitus est, ut haberet, quod & piè agnosce-
 ret, & contemneret fortiter, & utròque viam sibi ad salu-
 tem aperiret. Atque hæc quidem hætenus de genere vi-
 tæ, quam vsque ad susceptum vitæ religiosæ statum Phi-
 lippus duxit, Ex quibus, ut reor, clarum fit, illum aspirante
 D iam

iam inde ab incunabulis Diuinæ gratiæ afflatu, ad eiusmodi perfectæ sapientiæ fastigium compendio prouectum esse, quò alij non ira feruentes velut per grad⁹ quosdam, & operosâ per varios vitæ spiritualis anfractūs, peregrinatione vix demum magnâ temporis intercapedine deducuntur.,

PHILIPPVS SUPPLICITER ORAT,
VT AD RELIGIONEM INTER FRATRES
conuersos recipiatur, & exauditus sacro
Religionis Habitu induitur.

CAPVT SEXTVM.

Hic iam iactæ à B. m^a Virgine in Philippi adhuc infantis animam sementis velut quædam Primitiæ, eiusdem Virginis admotæ Aris, consecrantur. Etenim quantumuis & natalium claritudine, & doctrinæ opinione, & integritatis, pietatisque famâ inter nobilissimos, doctissimos, atque integerrimos quosque Ciuitatis magnum meritò nomen obtineret, retentis nominum rebus, nihil moratus has magni Nominis vmbras, in sacriorem iam Religionis Rempub. transcriptus, pro suscepti instituti naturâ, sincera sanctimonie molem, sapientissimâ quadâ architecturâ aggressus, optimæ venæ lapidem, Humilitatem, fundamentalem posuit. Itaq; eo die, quo vocationis suæ rationes exposuisset eum supra meminimus, à P. Bonifilio ad frugale Prandium pauperi Seruorum mensæ adhibitus, sub finem prandij, ex inopinato à mensâ erigens sese, & in medio Triclinij in Genua subsidēs, verbis ardentissimis, Patres enixè orat, vt duorum sibi postulorum gratiam facere dignentur, quorum primum erat, vt ipsum ad consortium suum admissum, sacro religionis Habitu digna-

*Ardens
sine in Cō-
uersorum,
Fratum
numerum
cooptari
postulat.*

dignarentur: alterum, vt eam gratiam sibi, inter Fratres Conuersos relato, communi omnium obsequio vtunque compensare liceret: atque hæc quidem tam vberibus lacrimis, & tanto compunctionis, ac demissionis sensu perorauit, vt illum Venerandum Patrum confessum tam altæ humilitatis admiratione attonitum, prorumpere in lacrimas coëgerit. Tum B. P. Bonfilius reliquos Patres circum spectans, velut si tacitus singulorū sententias exquireret, vbi non tam verbis, quam singultibus annuere omnes intellexit, Philippo respondet; se, ac Patres, quippe Seruos Deiparæ, à quâ ipse ad hanc ab illa recens institutam, atque auctam familiam tam inusitatis argumentis prodigiosè vocatus sit, non velle, neque verò posse, non morem gerere ipsius postulatis, proinde quâ par sit alacritate, ac promptitudine suscipere ipsum se, ac religiosæ charitatis complexum visceribus, filium Religionis, & Tyronē, sub signis Magnæ Matris deinceps militaturū, creare: & quia, altera petitionis pars indidem manarit, vnde prima, hoc est, à spiritu vocantis Deiparæ, quæ totam gloriæ suæ summam in Ancillæ titulo, ac munere collocauit, idque nomen, Matris nomini præoptauit; placere etiam, vt sub Conuersi nomine, & conditione arripiendam Seruitutem dupliciter seruiat. Atq; in hunc modum Philippus, anno ætatis Vigesimo, omnium, in quibus ad hoc ætatis vixit, votorū maximi reus effectus, feriâ sextâ infra Octauam triūphalis Christi Resurrectionis, Religionis Habitu induitur, nomen tamen ex recepto Ordinis nostri more non mutauit, quod in eo congressu, quem cum B. ma Virgine, decursu illum alloquente, habuit, ab eadem Virgine sub Philippi nomine ad Religionem vocatus fuerat. Ex hoc tam prospero Philippi rerum successu, manifestū fit,

Ex spiritu

D 2

pri-

*humilita-
tis huic Re-
ligioni ma-
ximè pro-
prio.*

primam incrementorum eius gloriam secundum DEVM B. mæ Virginis liberalitati, ac providentiæ acceptâ referri oportere, quæ, dum illi hoc suæ familiæ arripiendum præ cæteris omnibus institutum designat, spiritumque eius instituti maximè proprium, id est insignem humilitatem, impertitur, compēsare voluisse credenda est, obsequium circa se Philippi, ob infantiâ vsque perpetuum. Nimirum habet hoc necessario quodam nexu perpetuò coniunctum, diuorum Patrocinium; vix ut aliquid efficacius sit ad ineundam Dei gratiam, ac demerendam propitiâ eius benignitatem, quàm eorum pro clientibus suis ad DEVM preces. Atque, ut inter Diuos B. mæ Dei Mater utiq; eminet, ita proclive creditu est, eam in PHILIPPVM, sub hunc ingressum, tot rerum mirabilium ambagibus adornatum, prolixè liberalem fuisse. In quorum numerum beneficiorum non immeritò retulerimus; quòd, cum nobilibus Adolescentibus, Religiosum institutum cogitantibus, mille manûs Parentum, amicorum, aliorumque (qui similium candidatorum ambitum pro infantiâ habent) injici soleant, Philippus tamen, & ipsos Parentes, qui illum vnicum, & vnicè amatum habebât, tot votorum fructum, & emeritæ senectutis solatium, tum illum virum religiosum, quem ei præfectum suprâ meminimus, & verò præcipuè Episcopum Ardingum, virum omni scientiarum & pietatis luce clarissimum, denique omnes bonos propositi sui promotores habuit, qui eâ ætate in Ciuitate floruerunt. Hisce vijs, atque adminiculis in seruum Virginis initiatus Philippus B. Bonfilium de Monaldis (quo interprete habitæ nuper apparitionis vsus fuerat) antistitem sortitus est: cuius viri eximiam vitæ Sanctimoniam, vox cælitus allapsa, sub mortis eius tempus, quâ ad cælum inuitabatur,

*Quantos
virtutis
Magistros
nactus fue-
rit.*

tur, testata est, hoc multa paucis perstringente Elogio: Bone fili, quia filij mei vocem audisti, & inuiolabiliter eam obseruasti, centuplum accipies, & vitam æternam possidebis: quâ voce dulcissimè exanimatum corpus eius, ad iudicium, quàm preciosa in conspectu Domini huius mors sancti sui esset, ignotæ fragrantia suauitatem aliquamdiu exhalauit. Hoc vitæ duce amisso, Philippus operam dedit, vt se in consuetudinem insinuaret eorum, quos illi sanctitate simillimos putaret; quos inter, præter domesticos, fuit S. Petrus Ordinis Prædicatorum supremus per Italiam Hæreticæ prauitatis censor; qui post multum officio sudoris gloriose impensum, sanguinem etiam deniq; fortissimus Martyr impendit. Hic tum suapte erga omnes bonos charitate ac diligentia tum apparentis ipsi B. mæ Virginis commendatione, nouellam ipsius Seruorum familiam, & sibi mirè commendatam habuit, & alijs comendauit, præcipuè verò Reipub. Florentianæ, & Innocentio iv. summo Pontifici, apud quos graphicè admirabilitatem Exordij huiusce Religionis deprædicauit. Inter autem Domesticos B. P. Bonaiunctam ex Septemuiris, Religionis post Deiparam authoribus, vnum præcipuè coluit Philippus, hominem aliàs multis nominibus clarum; memorabilem tamen cum primis prodigio, quod in hunc modum euenit. B. P. cum socio in eâ inedia, & lue quæ anno 1244. totam penè Italiam deuorauit, per urbem Florentiā mendicatum processerat, in eoque, salutis fratrum necessario quæstu, ad quæstuosum, vsurarum acerbitate infamem, hominem diuertit, quem nuper ipse B. Pater de salutis periculo hoc ipso nomine grauitè admonuerat. Is vbi Mendicos Virginis Seruos pro suis foribus operiri stipem aduertit, Panem & Vinum, lethaliter condita, per ancillam

Vnius illorum venenati potius miraculosa deprehensio

ad eos mittit; quæ ubi Patres acceperunt, ancillæ, notæ alioquin in Deiparæ Seruos pietatis, partem accepti beneficij obtulerunt, quam cum illa, & temporum & heri avaritiâ prope eneclia auidè famelico ori admoueret, Bonaiuncta, caue filia, inquit, morte luctura, mortem mordeas; beneficium Domini tui, mixtum toxicum, maleficium fecit, quo vitam mihi ereptum ibat, sed ad ipsum reuerſa, hanc, aliâque noxas morte illum luisse inuenies, & sub hæc dicta, potente crucis signo depullâ à muneribus peste, ijs cum socio innocuè vescitur. At ancilla interea ad Dominum, quem sanum ac sospitem reliquerat, perueniens, eum humi extensum, & exanimem, frustra aliquoties in clamatum, reperit. Quod factum ubi quaque versum percrebuit, Buccinæ instar fuit laudum, ac meritorum Seruitanæ familiæ. Hoc ergo, aliâque; Evangelici splendoris Eximia, lumina in Ecclesiæ candelabro radiantia oculis velut aquilinis Philippus identidem obseruans, nō mediocriter alienâ luce suam cumulabat; minimè nescius ad ingenuam sanctimoniam, ingentia ex consuetudine sanctorum virorum, accedere incrementa.

B. P. PHILIPPI IN ASCETERIO
CAPHAGII, QVOD HODIE D. AN-

nunciata dicitur, exercitationes ac studia.

CAPVT SEPTIMVM.

TAntam vim, in corruptis iam inde ab Origine pectoribus hominum, obtinuit affectata à Protoplastis nostris Diuinitatis illecebra, vt non modò agrè ac difficulter ad Christianam Humilitatem inflectantur, verum etiam, violento ambitûs velut œstro quodam rapiantur in omnes eos honores, quibus maleuada Superbia, vmbra aliquam affundit dignitatis. Itaque si quis est, qui

*Summo
ardore cō-
tempta of-
ficia secta-
tur.*

effer-

efferre sese, & euehere super alios in promptu, atq; in ex-
 pedito habet, eam tamen potestatem sponte abdicat, &
 hunc, in Excellentiâ, animi furentem impetum, intra
 rationis limites coërcet, is à se ipso vir alius diuersusque
 euadit, de quo illud scripturę meritò pronuncies I. Reg. 10
insiliet in te spiritus Domini, & mutaberis in virum alterum: se-
ctatorem videlicet eius, qui dixit Matth. 11. Discite à me, quia
mitis sum, & humilis corde. Horum in numero Philippus no-
 ster agmen ducturus, Exemplo vix imitando, certè admi-
 rando, cùm ætate floreret, clareret & illustri prosapiâ, cor-
 poris constitutione vteretur delicatâ, scientiarum perspi-
 catiâ excelleret, & assueuisset (tametsi inuitus) pro dome-
 stico splendore, famulitij obsequijs, quo impetu filij huius
 seculi ad grandia ac speciosa nituntur, eo Philippus ad ob-
 scura, & vilia ferebatur, ea maximè sectatus, quibus retûdi
 potissimùm posse, donorum, quæ habuit, splendorem cre-
 diderat. Igitur vbi curam hortuli, primam sibi demandatâ
 Prouinciâ, accepit, & rei herbariæ, quæ potissimus domi-
 census fuit, iussus est quæstorē agere, sic se totum illi operi
 dedit, vt illum non æstuosus, non frigidus, nō pluuius aër,
 non deniq; vlla cœli, aut soli inclementia à cultura retar-
 daret. Quin insuper, impēso in hortum die, bonam noctis
 partem Culinæ, ac Triclinij obsequijs impendebat. Mirè
 illum delectabat varietas horum vilium officiorum, potis-
 simùm ea, quæ ad eius obedientiæ periculum faciendum
 vsurpabatur. Itaque iam sedentibus ad mensam fratribus
 ministrabat, aliàs obsequebatur ægrotantibus, subinde
 longo sacco conspicuus, ostiatim mendicabat, deinde Ia-
 nitor fortes Monasterij venientibus aperiebat, denique,
 ad obsequium æditui, templum verrebat, sacrificantibus
 seruiebat, vniuersim omnia vnus Domûs obsequia com-
 plecti videbatur. In quibus, etsi perquam laboriosè
 ac va-

*Nihil equa-
lium irri-
siones cum-
etatis.*

ac variè esset distentus, tamè, quin chorum diligentissimè frequentaret, maximè noctu, nihil sibi obstare patiebatur. Imò obseruatum est; illum semper primum in choro, & vltimum fuisse. Atque hæc quidem sedulitate & constantiâ maximâ, illud verò patientiâ inusitatâ, quòd satyricæ Irrisionis dicteria, & probrosa scomata hilarissimè tolerabat quorundam, qui illum olim nouerant; pauci enim popularium eâ tempestate nobiles reperiiebantur, qui damnatis præsentium rerum blandimentis, Christianæ se Philosophiæ dederent. Quapropter Philippum vel emotæ mentis vel animi in vilitatem degenerantis vitio, insanire pannosis & laceris illis centonibus dictitabant, Squalorem oris ac maciem interpretatione eòdem trahentes; quam tamen tum indefessi labores, atque inedia, ac cæteræ corporis afflictiones, tum verò præcipuè animi in res diuinas (etiâ, cum alijs rebus occuparetur) perpetuò eleuati, suspensio conciliabat. Quæ quidem diuinorum (vt cum Areopagita loquamur) *Patientia*, vbi animo semel infedit, inter eximia alia, quæ agit, mentem à desiderio cibi, nisi & necessarij, & parabilis, auerit, in vestiũ delectu vilissima amiculorum ambit, ex laboribus & difficillimos, & obscurissimos deligit. Quæ omnia, cum per annum integrum in Asceterio Caphagij Philippum exercuissent, cupido animi eius ingens incessit arctioris vitæ, & pœnitentiæ rigidioris; nam votum potius, quàm rem solitudinis hæcenus in Caphagio sibi consequutus videbatur. Hi diuini spiritûs stimuli cum gliscente indies magis ardore, amoreque solitudinis, animum Iuuenis acriter peruagarent, scirètque optimus virtutum æstimator, inuiolatâ obedientiæ sanctitate, posse subditum, altioris sanctimonix instinctus ac desideria Superiori proponere, & eius expectare

*Amore
solitudinis
ad mōtem
Senarium
petit.*

Atare censuram; in animum induxit rem omnē ad Antistitem referre, & vt impetratæ gratiæ beneficium pronius foret, causatus est, quietem suam optatam apud Caphagium solitudinemq; importunis & frequentibus suorum visitationibus, interrurbari. Placuit Antistiti res modusque propositionis, & Philippum familiæ montis Senarij adnumeratum, bonis ceptis bene precatus, dimittit ad solitudinem; vbi Deo ac B. ma Virgine Agonothetis, pro æterni viroris palmis, & cœlestis gloriæ coronis aliquamdiu depugnauit.

PHILIPPVS SE IN VIAM DAT AD
SOLITVDINEM, VBI SERVI SVI SAN-

ctitatem DEVS miraculo manifestat.

CAPVT OCTAVVM.

Alexandrum Magnum, Macedonum Regem, (vt inter alios, in Historia S. Hilarionis refert D. Hieronymus) solitum accepimus, fælicem prædicare Achillem, quod forium facinorum suorum Homerum nactus fuerit laudatorem. Quod siue ambiciosissimus Iuuenis generis sui Authori inuiderit, siue ita senserit: immodicarum cupiditatem laudum non nisi ob ingeniosissimis fingendi, mentiendi que artificibus satiari posse: nos certè Philippum nostrum, tantò ab hac vanitate alieniorem, quantò veriùs huiusce compotem voti, multò feliciorem meritò prædicauerimus, quippe cuius insignium factorum, non modò quinque supra triginta optimæ notæ Scriptores, sed ipse adeo æternæ veritatis, cœli que interpres, Christi in terris vicarius, Paulus v. exstitit præco, in literis Apostolicis, quibus laudari illum in publicis Ecclesiæ officijs concessit, quarum pro re præsentī summa istis verbis

E

conti-

continetur. *Adolescens* (PHILIPPVS) crescebat, & confortabatur spiritu, & erat in desertis, usque ad diem ostensionis suæ ad Ecclesiam Dei. Anno igitur ætatis 21. Philippus, eo, quem paulò antè descripsimus, solitudinis amore incensus, cū Præfulis sui literis Florentiâ iter ingreditur ad montem Senarium (cuius partem nuper Congregationi Seruorum Deiparæ, nobilissima familia Stufenfium dono dederat) montem, qui velut præparatus mons Domûs Domini in vertice Montium, in medio sex aliorum situs montium, cœlestem verticem inserit nubibus, & cæterorum quodammodo Capitolium agit, Septem Primi Patres, Ordinis satores, hunc locum more Eremicolarum primùm habitare cæperant, sparsis circa exiguum Sacellum, quod in ipso montis iugo constructum erat, casis, rudi opere sic contabulatis, vt cœlo, quod passim admittebant, ac pauperie illustriores essent. Huc ergo Philippus velut ad tranquillam portûs stationem delatus, cū cœlestibus grauem mercibus, mentis suæ nauem appulisset, iactis egregiæ constantiæ speiq; anchoris, multos per annos conquieuit, rationem vitæ exorsus, & pœnitentiæ rigore & contemplationis splendoribus admirabilem. Itaque paternæ domûs Patricium splendorem, ac ditia commoda, cum sylvarum horrore, & præruptorum asperitate scopulorum, antrisq; commutat. Nam cū reliqui Patrum cellas incolerent, tabulis vt diximus iunctas, Philippus vnâ elegit factam naturæ manu, quam non ab similem dixeris illi, quam in Sublaci Alpibus, Româ relicta, sibi delegit D. Benedictus; nam quâ parte Senarius obliquè in Orientem solem, septemq; Triones spectat, & ad agrum, quem Mugellum hodie vocant, asperum, & crebrarum stirpium inæqualitate hirsutum obuertit dorsum, centum sub sacello passibus, Speculunca

Quàm bene commodis solitudinis vsus.

lunca visitur per antiqua, quæ in montem effossa, aream-
 dat, ad exigui cubiculi mensuram: altitudinis, mediocrem
 Viri staturam (quali Philippum fuisse constat) non exce-
 dentis. Etsi hoc nostro ævo vetustate, & hominum fre-
 quentiâ attrita, in maiorem altitudinem excavata videat-
 ur. In ipso Speluncæ aditu sinistrorsum ingredientibus
 Arula se offert, cui supernè imminet salutiferæ crucis si-
 gnum, rudi sculpturâ, in ipso excisum saxo; in rupis latere
 erectus apparet lectulus, cuius in capite prominet ex
 eodem saxo haud mollius ipsâ spondâ Cervical; breuium
 somnorum conciliator. Hæc ara orationum, & con-
 templationum Philippi Thimiamatis Altare fuit; Hæc
 huius antri Arena; in quâ eos pœnitentiæ, & spiritualium
 laborum agones exantlavit, qui PHILIPPVM Antonijs,
 Macarijs, Onuphrijs, & cæteris huius generis Athleticis,
 suorum miraculis sæculorum, æquare potuerunt: hic
 enim iungere noctibus dies, in oratione, & contemplatio-
 ne rerum diuinarum, hic mistas delicijs cœli eiusdem in-
 iurias, pluias, nives, gelu, & amicam alpibus reliquam,
 intemperiem fortiter pati, hic herbarum stirpibus & geli-
 dâ enecare quodammodo potius, quàm sustentare corpus:
 ut Anima in Virgulam extenuata fumi, ex aromatibus
 Myrrhæ & thuris, è deserto ad cœlum expeditius pene-
 traret; hic denique omni alio damnato commercio, niti
 super dilectum Jesvm suum amabat, illiusque se oculis
 probare, haud quaquam irritò labore studebat, ut semper
 vel in DEVM absorptus, vel in se collectus, id ageret, ut
 subiuisenti spiritui S. nihil in diuino animi hospicio ap-
 pareret, quod tanto hospiti possit officere. Hæc fortissimi

*Et Exerci-
tia.*

E 2

Iuue-

*Impetra-
tus precib9
fonticulus.*

Iuuenis studia quantopere Agonochetæ Deo probaren-
tur, è sequenti prodigio intelligi potest. Dum Philippus in
hoc solitudinis sequestro ita ageret solitarius, vt rationem
vitæ suæ ad obedientiæ amussim exigeret, fieri nō potuit,
vt superiores solida ipsius sanctitas & merita laterent, quo
factum est, vt de illo mittendo, ad alia Religionis loca, suo
exemplo collustranda, cogitarent, quod vbi PHILIPPVS
persensit, quanquam nihil obedientiā haberet antiquius,
ad precationem tamen se contulit, & in eā enixè DEI be-
nignitatem orauit, vti aliquā viā sibi manifestaret, quo vi-
tio suo, minùs grati tolerati illā sub rupe labores & puræ
lachrymæ, aliaque inibi depugnata prælia Diuinis oculis
displicuissent, vt propterea exauthorari, & illius statûs
tranquillitate deiici mereretur. Vix orandi finem fecit,
cū (mirabile dictu) implorati Numinis indulgentia, ad-
testandū tum ipsi Philippo tum omnium sæculorum me-
morix: longè aliter labores illius, agonésque ac lachrimas
in cœlo æstimatas esse; contigit; vt ex illā durissimā, eāq;
pro reliqui montis naturā, aridissimā rupe limpidissimæ
scaturiginis derepente fons erumperet. Vt perire non
potuisse Philippi lachrimas DEVS ostenderet; hunc in
hanc vsq; diem perennem fontem dedit, qui ab auctore
nomen sortitus, fons B. Philippi appellatur, documento
posteris futurus, pœnitentium lachrymis, durissima quæ-
que mollescere, & quæ priùs fuere sterilia, hoc rigata hu-
more, ad frugem corrigi. Huic Euentui affine quiddam,
inter Gallica monumēta habetur de D. Caprasio Martyre.
Is Maximiani Principis durissimo in Christianos tempore,
suppliciorū exterritus metu, in auiæ solitudinis spelæum
se se abdiderat, vbi cū se ex metu collegisset, pudere
eum cæpit ignauiæ suæ, proindè ad preces conuersus
Deum

Deum vnice orauit, vt si illum tam gloriosi certaminis victoriâ dignum duceret, testatum id faceret, elicit, ex illo saxo, sub quo latebat, fonte; quod cum illic diuinitus contigisset, Caprasius, præceptâ in tam claro omine victoriæ dulcedine, animatus, Daciano Prasidi sese vtrò stitit, & egregio certamine fortiter defunctus, de Tyranno triumphauit. Itaque vt ad nostram vsque ætatem huius fama & nomen fontis D. Caprasij hoc prodigio perennat in Gallia, sic in Hetruria ad maiorem serui sui Philippi gloriam, visum Deo est, huius & nomen & venerationem fontis, inde vsq; à quadringentis annis in hunc diem conseruare: & quidem in monte, cui naturæ inclementia ne vnâ quidem aquæ venulam concessit; vt exarescere in illo omnia necesse foret, nisi id illi cœlitus, id est pluuiâ, caueretur. Res plena miraculi est, quod fontis crater naturæ ingenio ad capacitatem decem aut certè duodecim sextariorum, in saxo excauatus, vbi ex incompertæ scaturiginis venâ repletus, exhauritur, illico ad summum alueoli labium exuberat, ibique arcano quodam imperio sistitur, vt non exundet; vt quoties vel totus, vel partim hauritur, è vestigio ad pristinam redeat plenitudinem. Digna memoratu res est, quæ sub æstatem accidit, Añi reparatæ salutis 1595. cuius siccitate cum exceptæ cisternis pluuiæ aquæ exaruisent, toti Cœnobio Eremitarum nostrorum, quod in illo monte situm est, quotidianis que hospitibus & fabris, ad quadringentos numero, qui tunc ædificium in loco moliebantur, aquandis, vnus hic fonticulus abundè suffecerit, hoc perpetuo tenore haurientib; identidem refusus: in quo, vt prodigiosum Prophetæ Elisæi, suppeditatum hospiti viduæ oleum retulit, ita mirabilius, non vasis solum sed tempori etiam resistit, cum ad hæc

*Quæque in
eo prodigiosa.*

nostra tempora superstes, perpetuato miraculo hunc beneficium morem refundendi sese, nihil haurientium frequentiam morans, velut inuiolabile institutum seruet. Et verò ita conuenit, ut qui fons testis diuinitus datus est meritorum Philippi, idem de eorundem meritorum immortalitate fieret immortalis, & pro veritatis naturâ nunquam posset euacuari. Atque utinam, quantum illo leni murmure tacitus innuit sanctitatis Philippi hic fons, tantò vocaliori aliquo illi sono loqui daretur, Cœli cum illo Antro consuetudinē, administratas indidem inquilino delicias, solatia, spectacula, monita, & familiares cœlitum congressiones, denique S. mi Anachoretæ nostri in illo, spectatoribus Diuis, partas victorias: suppleretur fortasse, quod industria humilitatis Philippi huic Historiæ subduxit, nec dubium est, quin exactum in illo spelæo quadriennium, vel solum, iustum volumen daret. Sed hoc omnium eorum (qui res Sanctorum, posteritatis bono, scriptorum commendant monumentis, fatum est, ut nullos experiantur interuertendæ copiæ studiosiores, illis ipsis, quorum gloriæ maximè ire consultum volunt. In quo studio, ut Philippus nemini secundus fuerit, efficere tamen non potuit, ut sanctitatis illius splendor illas se inter latebras contineret, ut ea propter cum Superioribus egerit de ineundâ aliquâ ratione, quâ perpetuò inclusus, atque abditus aliquò, ex omnium hominum oculis ac memoriâ excidere posset, cuius ei postulati, ad Asceterium Senense, ut mox videbimus, transcripto, facta spes est.

B. PHI-

B. PHILIPPVS ADHVC SVB FRA-
TRIS CONVERSI NOMINE ET CONDITIO-
ne latens, Tyronibus Asceterij Senensis à P. Generali Ma-
gister Præficitur, & detectâ eo in Itinere, Diuino consilio,
illius eximiâ doctrinâ, sacris Ordinibus
vel inuitus iniciatur.

CAPVT NONVM.

CUm annus, à partâ, partu Dominæ nostræ, salute
1257. volueretur, & B. P. Bonaiuncta secundus Ordi-
nis Seruorum Generalis Prior, debitam Cœlo ani-
mam reddidisset, in eius locum suffectus est P. Iacobus Se-
nensis, vir in paucis, vel hoc ipso memorabilis, quod prius-
quam familiæ nostræ nomen dedisset, Societatem Lau-
dantium D. Virginis, quam suprà laudauimus, & ortæ
ex eadem Societate, familiæ nostræ initia moderatus,
fundamenta vtriusque operis iecerit talia, quæ, tantæ
moli sanctitatis, per tot postea sæcula ferendæ suffecerint.
Hic minimè rudis virtutis æstimator, PHILIPPI merita &
sinceram sanctimoniam suis ponderibus librans, nihil-
que in eo Conuersi conditionem moratus, illum Tyroci-
nio Monasterij Senensis moderatorem Censoremque
præfecit. In quo, quàm nihil P. Generalis errarit, leui
occasione breui monstrauit Diuina prouidentia, quæ
Philippum ad grandium operum molitionem inaugura-
tum, iam demum in lucem protrahere, eiusque coniu-
ctam cum eximiâ Sanctitate doctrinam, reiecto illo
Habitûs Conuersi Velamine, cœlo monstrare, atque edito
loco,

*Aliud a-
gens, comi-
tib⁹ prodis-
eruditio-
nem,*

loco, vnde in omnium oculos posset incurrere, collocare statuit. Idque in hunc ferè modum accidit. Philippus, vt narrare cœpimus, cum mandatis P. Generalis, viam Senas, socio quodam F. Victorio, ingressus, fortè inciderat in duos PP. I eutonicos instituti Prædicatorum, qui, vt erant egregiè docti, functi quæ apud suos publicis vel docendi vel gubernandi muneribus, Reipub. suæ causâ Romam, petebant; hi Philippum ac socium, socios itineris naçti, quòd Italicæ linguæ non essent gnari, latinè PHILIPPVM salutare, & pluribus affari cœperunt; quibus Philippus tam tersè promptèquæ respondendo satis fecit, vt non tam loqui, quàm cum lacte haustam latinatam fundere videretur. Patres alleçti suavi eloquentiæ illecebrâ, alios ex alijs sermones ferunt, & inter alia de instituto PHILIPPI sciscitantibus, ille & nomen aperit Seruorum Deiparæ Virginis, & deinceps admirandam familiæ suæ originem narrat, vt videlicet viginti quinque ab hinc annis Diuino consilio factum sit, vt ipsa cœli Regina hoc institutum condiderit, perfectâquæ ei laude, ex ore Infantum & lactentium, nomen Seruorum fecerit, idque Diuinæ providentiæ maximè consentaneum fuisse; peracutâ atque eruditâ ratiocinatione subinfert. Nam, vt in Ecclesia Christi tot essent, & tam varij Ordines, optimis, ac sanctissimis legibus à diuersis excogitati Conditoribus, decuisse, vt vnus aliquis ordo esset, qui à Patrocinio, atque obsequio Magnæ Matris & nomen, & sanctimoniam sortitus, in emergentes hoc æuo, sectarios, qui omnem ubique pietatem, omni armorum genere abolitum atque excisum, ibant, incurreret, vnâ cum reliquis, & sic velut coniunctis doctrinæ, & sanctissimi exempli armis, DE I Ecclesiam, propulsatis hostibus, tegerent, ac tutarentur. Plura in hanc senten-

sententiam locutus, mirum in modum delectauit Dominicanos, admiratione attonitos coniunctæ cum altâ humilitate facundiæ, ingenij cultu. Quem vtrique diuinitus ad tantam Diuinarum scripturarum lucem esse prouectum, intelligentes, tam ipsi, quàm socius Victor (huius Philippi doctrinæ hæcenus ignarus) eum vnanimè inuadunt, & vt facris se Ordinibus iniciandum curret, hortantur, quò commodius in commune Proximorum emolumentum, ea Diuinæ largitatis munera cedere possint; Ad hæc modestissimus Iuuenis: se verò DEI afflatu, ac Deiparæ (cui se totum commiserit) cuncta dirigente, hunc in Religione seruitij statum, omnibus alijs præoptasse, respondit; & cupere in eodem vsq; ad supremum vitæ spiritum perdurare. Cæterum sperare se, fore propediem, vt Religioni de claris viris prospiciatur, qui rei Christianæ fines & proferant, & tueantur; proinde illos etiam atque etiam orare se, vti ignoscere dignentur, quòd patientiâ ipsorum in audiendo abusus, licentiùs, fusiùsque locutus sit, quàm, sub oculis ipsorum Fratri Conuerso conuenerit: quòd si quid temerè exciderit, quòd adeò plaufu meruisse videri posset, de eo se ab ipsis silentij gratiam petere, quando obsequèdi ipsis, fallendi que laborem Itineris studio potius, quàm vllum alium in finem sermo institutus erat. Sed frustra fuerunt hæ preces, nisi quòd id efficiebant, vt quòd enixiùs adhibebantur, tantò magis conscij accenderentur ad prodendam hac etiam anxîâ humilitate commendabiliorem Philippi doctrinam. Igitur Senas delati F. Victor sub lætitiæ onere laborans, non potuit sibi temperare, quin illico, obuio cuiusque, suorum de Philippi doctrinâ & latinâ facundiâ, totaque rei in Itinere gestæ serie narraret. Idem nihilò segniùs factitabant PP. Prædicatores, qui Philippi sanctitatem &

*Clericalem
dignitatem
abhorret.*

*Retesta e-
ruditis ad
Antistites
ordinis de-
fertur.*

F

scien-

scientiarum præstantiâ, tum apud externos passim per urbem, tum apud ipsos Philippi Superiores mirè deprædicabant. Iam ipsum scientiarum arcam, iam sapientiæ The-saurum, iam parem Diuo Stephano Protomartyri accla-mantes, propter sapientiam & spiritum, quo loquebatur. His tam honorificis laudibus, quas minimè ex vano hau-stas veritas ipsa implebat, commoti Patres Senenses, dete-ctas in Philippo dotes P. Generali perscribunt. Is fortè tum Romæ absens, Ordinis sui Confirmationem vrgebat apud Alexandrum I v. suum Pontificem, qui imperioso appa-rentis sibi B. mæ Virginis monitu, denique datis, binis Apo-stolicis literis, antiquato quodam Innocentij v. (quod ob-stabat) decreto, Institutum Seruorum primus Pontificum approbavit, eamque ob rem, familia nostra, & grati sui a-nimi, & huius erga Marianos Seruos, beneficentiæ monu-mentum, ipsi statuam posuit, & apud D. Annunciatam, Florentiæ dedicauit. Itaque delatæ Romam PP. Senensiū literæ P. Generali benè gestæ apud Pontificem, Reipub. suæ lætitiā non mediocriter cumulârunt. Perueniunt interim etiam Romam Prædicatores PHILIPPI duo illi ex Germaniā Dominicani, & promotionem eius ad sacros Ordines, haud secus, ac si rem suam ingenti operæ precio agerent, apud Generalem perurgent. Tribuit ergo com-muni bono, & tam grauium, ac doctorum virorum Autho-ritati, P. Generalis, vt Philippo seriò in mandatis daret, vt se ad sacros Ordines suscipiendos compararet; id quod il-le post patratum, in illo omnium virtutum Domicilio pe-ctore, Humilitatem inter & Obedientiam, longum certa-men, cedente demum Humilitate, vt faceret, in animum induxit, pro vt deinceps videbitur.

PHI-

PHILIPPVS SENIS SERVORVM
TYROCINIO MODERATVS, FIT SACER-

dos; cui, redditâ functionis suæ ratione, per occasionem
Capituli Generalis, primo sacrificio operanti, accinit.
Cœlitum Chorus.

CAPVT DECIMVM.

Postquam PHILIPPVS toto biennio Senis versatus,
non tam monitis salutaribus, quàm institutæ vitæ ra-
tione atque exemplo, omnium verarum virtutum,
Archetypo, creditam sibi Iuuentutem, Diuino, quo ipse
agebatur spiritu, impleuisset, ea quæ prius in animis mo-
ribusque Tyronum, ad viuum expresserat, in aliquot re-
ducta capita, Concilio Patrum Generali, habito in monte
Senario, anno Christi 1259. censenda dedit. Quæ, vt synce-
rum illum Conditricis Virginis, & ab eadem Religioni in-
fusus spiritum suauissimè redolebant, ita ab illo Patrum,
confessu auidè accepta, atque laudata sunt, deinceps pro-
fundamentis Religiosæ Seruorum molis futura. Sed hæc
interea Philippi industria, non ita se intra domesticorum
limitum angustias continuit, quin ingenti cum fructu,
Senensium salutem complecteretur. Ea illo tum æuo po-
tissimùm periclitabatur intestinis Ciuiliū factionum,
discordijs, quas Rex Manfredus, immodicis elatus succes-
sibus, ferebat, alebatque, vt Senensium viribus res Floren-
tinorum, qui Pontificis partes sectabantur, attereret Quo-
rum perfidia, & virulentia consiliorum, postero año Mon-
tem Apertum ad Arbium memorabili clade nobilitauit.
Hac opportunitate quantum operæ precij fecerit Philippus,
lucrifactus, in illius turbidissimæ tempestatis iactatione,

*Pia studia
ante suscep-
tum Sacer-
dotium.*

ſpectatorum Virorum Catalogus declarauit, qui claris ſuis facinoribus tanti ſe Patris legitimos filios, tantiq; doctoris haud abſimiles Diſcipulos poſtea præbuerunt, prout, copioſius res ab ipſis præclare geſtas proſequuti, Annales noſtri demonſtrant. Interea, operoſus MARIÆ Seruus Philippus, in Procuratione alienæ ſalutis, haud immemor ſuæ, ſi vnquam aliàs, tum verò hoc tempore in eam curam incubuit abſolutiſſimæ puritatis, quam par eſt Euangelici Sacerdotij inaugurationem antecedere. In hoc enucleatiùs, fuſiùsque docendo, vt multi ſimus, non videtur magnopere requiri; nam Philippus natus quodamodo, certè educatus, ab incunabulis vſque, in accurato, eoque nunquam interrupto perficiendi interioris Hominis ſtudio, vt perpetuo poſitum in more habuit, omnes Diuinæ Gratiæ gradùs, atque incrementa, ſubactæ atque exaggeratæ mentis præparatione, quo ad potuit anteuertere, ſic qualem ſe in huius & honoris & oneris, Angelicis humeris formidandi, contemplatione geſſerit, cuius pronum cognitu fuerit.

Interea Prior Generalis promotis, atque digeſtis apud ſedem Apoſtolicam præcipuis Reipublicæ ſuæ molimini- bus, Comitia Generalia in monte Senario habenda, anno ſæculi huius Quinquageſimo nono edicit, eodémque Philip- pum, ab Epifcopo Florentino Ioanne Mangiadorio iam ſacris inaugurationum, nondum tamen operatum (quod ad id, humilitate contractus, ac reuerentiâ timidus maiorum imperia opperiretur) vocare placet: qui vbi adfuit, in comi- tium introductus, redditâ ratione præfecturæ ſuæ, quam Tyrocinio Senenſi nauauerat, poſtquam Venerando illi Patrum conſeſſui Tyronum ſuorum indoles, dotes naturæ, propenſiones, & progreſſûs denique ſingulorum expoſu- iſſet,

isset, quantum in Iuuentutis Religiosæ accuratè ac perui-
gili educatione situm sit, tum multis alijs, tum vel inde de-
monstrat, quòd plerumque ex Tyrone colligi possit, quis
qualisq̃ue Veteranus euasurus sit.

Patres, approbatà Philippi, & operà, & sententià, ab-
euntem ex Magistratu Nouitiorum, adeuntemq̃ue illud
suum Senarij Antrum, in quo non ita pridem ipse ex Ty-
rone, spiritus sancti vnctione, breui emeritus Ascetica
Philosophiæ Magister exitit, cumularis Diuinæ Gratiæ
apprecationibus prosequuntur; Vteretur ergo concessis
diebus ad se comparandum, quò, quâ par erat, animi luce
atque ardore, obiret id opus, quo nullum diuinius aut au-
gustius contrectari à mortalibus potest. Paret Philippus,
&, vt id otium votorum tunc summa erat, ita eo tempore
usus est, vt illius breuitatem cœlestium Gratiarum redun-
dantia abundè supplere; nam, cum peractis Comitijs
& rebus Ordinis publicis ritè ordinatis, Philippi Neomy-
stæ sacrificio constituta dies, singulari Patrum, ob concep-
tam de Viri sanctitate opinionem, expectatione illuxisset,
prodit ille ad aram ornatu Sacerdotali trabeatus, & vultu
ac cultu reliquo, ex consortio sermonis DEI Diuorum ali-
cui immortalium, quàm mortali homini similiore ince-
dens. Itaque rem diuinam exorsus omnium Patrum ani-
mos oculosq̃ue tralucens collatæ diuinitus gloriæ
splendoribus perstrictos, in dulces lachrymas & amplissi-
mam, deliciarum diuinarum diuitem, contemplationem
soluit. Iamq̃ue sacrificium ad Umbilicum erat, & peracta
corporis & sanguinis CHRISTI Sacrosancta Consecratio;
cùm in illo Mariano Patrum Cœtu inusitata lucis irradia-
tio videri, mox, per novos excessus animorum, librati in
DEVM, corporis ac spiritus impetûs, ijdemq̃ue sursum su-

*Patrum in
Capitulo ge-
nerali de eo
existima-
tio.*

*Primitias
celebranti
Angeli ac-
cendant.*

stolli cepti, non iam in sua potestate erant, sed raptu quodam absorptæmentis, ex præsentē, in sacrâ Eucharistiâ Christi Maiestate, illius spiritu magis, quàm suo agebantur. Atque hiquidem motû Prodrōmi erant admirandi eventûs, qui postea secutus, rei insolitæ admirabilem Coronidē inposuit; vix enim Seraphicus Neomysta noster, puris illis, & cœlo assuetis manibus DEVM panem Angelorum sustulerat adorandû, cûm ecce cœlestis concentus è sublimi, omnium, qui aderant, auribus affluens, mirâ suauitate insonuit, tergeminum illud, & spiritibus Seraphicis familiare *Sanctus, Sanctus, Sanctus Dominus DEVS Sabaoth*, dignâ angelico artificio modulatione, ingeminans.


Quæ res, ut non minùs mirificè affecit illam piissimam Patrum Congregationem, quàm admissum olim ad similem cœlestis Beatitatis delibationem, Vatem dicam, an Evangelistam Isaïam, ita haud dissimiles motûs, atque effectûs in vtrorumque animis procreauit. Nam quemadmodum Isaïas refert, suos illos Seraphinos, sonoris atque altissimæ intelligentiæ vocibus (quæ illorum sunt vernacula) magnâ contentione Diuini amoris, semutro à collo laudandum Deum prouocasse, ter Sancto illo cantu; ita in illorum animis Sanctorum Virorum, qui huic Philippi sacrificio, eiusque Musicæ intererant, sublimiorem quâdam humano captu diuinæ Triados perspicuitatem, existimationemque ingenerauit. Præterea quemadmodum apud Isaïam vi atque efficacitate vocum Seraphicarum commota sunt superliminaria, ita illius Venerandi Senarûs moti in Deum, ac promoti animi sunt, & dilatata corda, trahace, atque efficace cœlestis illius concentûs dulcedine, quæ, quamuis esset sublimissima, & eâ effectas mentes sublatè prouheret, non secûs tamen, ac Isaïæ factum, cûm
specta-

Spectaculi sui diuinitate attonitus, dixit : *Va mihi, quia vir
 pollutus labiis ego sum* ; sic nemo Patrum illorum fuit, qui in
 clarissimâ illâ contemplationis luce, velut in nitidissimo
 speculo se ipsum contuens, nō sit fassus, indignitatem suā,
 & se confessus peccatorē : atque adeo ipse Neomysta, cuius
 meritis, ac sanctimoniae, festiuo hoc fauore coelites ap-
 plaudebant. Vt illi Prophetæ Seraphini, ad magnitudinem
 Diuinæ Maiestatis perculsi, sua sibi ora, atque oculos occu-
 lebant alis, sic obiecto sibi se, Philippus, qui in tantâ digni-
 tate Sacerdotij, tātis ac tam augustis mysterijs operaretur,
 indignissimum se profitebatur. Verūm, vt infimus humi-
 litatis gradus, semper coniunctus atque connexus est cum
 supremo Exaltationis, ita admoto de Altari, cui adstabat,
 illius labris calculo, sub forcipe coelestis panis comprehen-
 so, omnia in eo mundata & mutata sunt, atque ipse etiam
 mutatus in virum secundum cor DEI, & in Diuinæ eius
 voluntatis luculentissimum Interpretem. Quo factum est
 (vti itidem contigit mutato, per calculum, Isaia, cum
 promptē se in omnia DEI obsequia paratum offerret, di-
 cendo : *Ecce ego, mitto me*, & Dominus diceret, *vade*) vt Phi-
 lippus paulo post totius familiæ Marianæ ductor, & Con-
 cionator Ecclesiæ vniuersalis Apostolicus constitutus,
 vtriusque dignitatem officij, non solum, factis æquaue-
 rit, sed multis etiam insignium decorum luminibus ita
 illustrauerit, vt hæc eius cum Isaia collatio, deque rei
 vniuersæ paritate ratiocinatio nostra, non debeat quæ-
 sita ad ornatum historiæ otiosa digressio videri : quando
 familiariore iam DEO, hoc faustissimo Legis Gratia tem-
 pore, istarum coelestium necessitudinum cum Diuis,
 DEI Amicis noui testamenti, quàm cum Diuis, Seruis
 testa-

testamenti veteris, longè frequentior, longèque vberior.
 vsus, & communicatio esse solet. Certè ea sapientiâ, eâque
 prudentiâ PHILIPPVS fortem, ac fidelem operam na-
 uauit toti Ordini Seruitutis Marianæ, omnibus in illis Ma-
 gistratibus, quibus postea functus est, tantâ, ac tam diuini-
 tus collatâ potentiâ, in opere, ac sermone fuit, in obeundo
 munere Apostolici concionatoris (quod nomen eâ ætate
 magnæ & longè latèque patentis dignitatis fuit) quanta
 argumenta admirabilium operum illo in opere ab opera-
 rio fidelissimo in agro Domini præstitorum extiterunt;
 de quibus, cùm deinceps frequens nobis sermo futurus
 sit, eoque properet oratio, hætenus de cohonestatis cœli-
 tus hisce comitijs Senarianis, & in ijs Neomystâ PHILIPPO
 nostro, ista non alieno, vr videtur,
 loco retulerimus'.



HISTO.



HISTORIAE

VITÆ AC RERVM GESTARVM

BEATI PHILIPPI BENITII

LIBER SECVNDVS

BEATVS PHILIPPVS FACTVS GENERA-

lis, se sistit Clementi Quarto summo Pontifici, qui

suâ Auctoritate Electionem eius ratam

facit habetque.

CAPVT PRIMVM.



Actenus cum priuato PHILIPPO, inter haud dubia futuræ magnitudinis eius præludia versati, iam cum eodem ad Rei Seruitanæ gubernacula admoto, vt in reperto Virtutibus eius patentiore Campo, paulò ampliora ordiemur.

Ita igitur, vt dicere instituiamus, Sacerdotalibus Sacris initiatus Philippus, cum honoratæ hac dignitate humilitati suæ parùm admodum gratularetur, vt nouis honoribus onerandam exponeret, Auctoritate (quam iam inde ab ingressu Ordinis pro lege habuit) Beati Patris Bonifilij de Monaldis, eius, quem suprà Septemuirorum nostrorum Principem laudauimus, inductus est. Is vocato ad se Philippo, pro more, quo eum, semper in potestate habuit, vniuersi gregis Mariani diffcultates, & ardua confectum negotia, deinde suum, atque superstitum Collegarum fractum Senio robur, & hinc ori-

*Ad Publica suspi-
cienda of-
ficia agrè
inducitur.*

G

un

*Religionis
commodis
varie con-
sulit.*

undam succedentis ad sustinendam Reipublicæ molem, fulcimenti necessitatem, quæ omnem humilitatis præ-
tensam honori umbram magnitudine suâ atque eviden-
tiâ inumbret, magnis rationum ponderibus, longâ ac
gravi oratione consideranda ob oculos proponit: quibus
superata Philippi modestia, effusus in Vitam priuatam stu-
dijs suis, & latendi amori, receptui cecinit, & obedientiæ,
ac publicæ utilitati manûs ac mentem dedit. Factus igitur
generalis Definitor, & mox etiam Prioris Generalis Col-
lega, ordinatâ, ornatâque pro eo munere Deiparæ Servi-
tute domi, foris etiam breui res præclaras gessit. In his il-
lud insigne fuit, & laboranti adhuc Ordini pernecessa-
rium, quod habitâ apud Pontificem Maximum Urbanum
quartum, mirificâ, validâque persuadendi spiritibus ora-
tione, ratam ab eo Ordinis confirmationem, cum insigni
aliquot privilegiorum Auctario, fieri fecerit. Ad hæc
Cœnobium Senense nouis extructis operibus, quò laxius
habitari posset, ampliauit, conquisitis illi etiam nouis pro-
uentuum censibus: eodemque studio, Reipublicæ Floren-
tinæ, & quorundam priuatorum, ac præcipuè Clarissimi
Falconerij liberalitate, templū Diuæ Annunciatæ Floren-
tiæ magnificâ structurâ amplificatum, restaurato Sodalitio
Laudantium Beatam Virginem (ex quo Ordinem traxisse
Originem, superiori libro diximus) ornauit. Id hodie So-
dalitium Diui Sebastiani vocatur, eò quod in Oratorio ei
à PHILIPPO iuxta Ordinis illic Cœnobium attributo, Ca-
put Diui Sebastiani magno in honore & veneratione ha-
beatur. His alijsque operibus, sempiternâ posteritatis me-
moriâ dignis, quæ breuitatis amore omittimus, Senis, Flo-
rentiæque honorificè atque utiliter patratis, PHILIPPVS

Casen-

Cæsennam migrat, editisq̃ue illi agræ Ciuitati leuandæ, aliquot mensium strenuo labore, egregijs spiritualis Beneficientiæ documentis, discedit.

Interea promulgata anno Christi Millesimo ducentesimo sexagesimo septimo Ordinis generalia Comitia Florentiæ habentur, in quibus Beatus Pater Manectus de Antellis, Vir è Septemuiris Ordinis satorib⁹ vnus, eximiè sanctus, ætate & multorū itinerum atq; austeræ vitæ laboribus prægrauatus, cū se Prioris Generalis Magistratu abdicasset, omnium Patrum suffragijs Beatus Pater Philippus Benicius, paucis, antequam superuenisset horis, in Priorem Ordinis Generalem (quod Reipublicæ Marianæ benè vertat, vt vertit optimè,) absens eligitur, anno trigesimo suæ ætatis, sed sanctitas suppleuerat ætatem Philippi: cani enim erant sensus hominis, & ætas senectutis, non annorum numero computatæ, Vita immaculata, & cummulata omnibus tanti muneris numeris, atque absoluta. Id verò vbi Philippus intellexit, inopinatæ rei horrore consternatus, B. P. Manecto Præsidi comitiorum, & electionis eius auctori ad genua accidit, & supplex infimis precibus, maiorem viribus meritisq̃ue hanc prouinciam deprecatur; se enim eò maximè, Religionem esse ingressum, quòd confiderit sibi licitum, non solum priuato, sed seruo etiam omnium media stino viuere, eoq̃ue in statu, obedientiæ ac subiectionis suauissimis fructibus frui potius, quàm vt cuiquam in mentē veniret, vt se Seruicijs atque obsequijs natum destinatumq̃ue à Deo, imperijs in alios præposterè admoueret. Auerteret proinde Deus, ac Domina Deipara, vt aliud ipse consilium, aliamuè, ab

*Eligitur
in Genera-
lem Ordini-
nis.*

*Quod onus
excutere
tentans,
diuinitus
absterre-*

hoc fixo semel animi decreto, sententiam, vel cogitationem in animum inducat. Quæ cum summâ contentione peroraret, resque eò esset deducta, ut hæc decretoria voluntas eius nullis conditionibus dimoueri posse videretur, Diuina providentia causam Religionis, & huiusce arbitrium controuersie suscepit, nam de repente, omnium, qui simul erant congregati, auribus vox allapsa cœlitus est, huius tenoris; Philippe, caue resistas spiritui sancto; Ego te elegeri de mundo, ut sis custos huius gregis mei. Ea sententia perculso Philippo silentium deinceps, ac præfecturæ Generalis onus, honoremque imposuit. Itaque in supremum locum sublatus, postquam consedit, ipso habitu oris, & specie quâdam, quàm pro humanâ, augustiore, magnos in omnium astantium animis admirationis, venerationisque motus concitauit. Deinde vehementi quodam mentis excessu, in admirationem raptus benignitatis, ac prouidentie Diuinæ in religionem, exhortationem exorsus est ab illis Psalmi verbis: *Exultate iusti in Domino, rectos decet collaudatio.* In eâ, commendatâ Patribus Diuinarum laudum celebratione, ad inuictam Constantiam, in accepto, per septemuiros, instituti nostri auctores, spiritu, mirificè omnes cohortatus est: hos, eos thesauros esse asserens, in quibus Deus posuerit altissimæ sanctitatis, ac scientiæ abyssos. Tum acerrimâ peroratione, in Religionis perturbatores, desertoresque arrepti semel propositi inuectus, illud Regij vatis, *Dominus dissipat Consilia gentium, reprobat autem cogitationes populorum & reprobat consilia principum*: in factiosum hoc & ambitiosum hominum genus, tam diuinè exposuit, ut nō modo in hac Concone extemporali, sed in alijs etiam multis, quas eodem modo super psalmos, incredibili spiritus impetu, atque ener-

Psal. 32.

*In inaugu-
ratione co-
cilio Græci.*

energiâ, varijs occasionibus instituit, multi optimæ notæ
 scriptores, id in eo mirati sint, quod in Diuo Gregorio
 Nazianzeno quondam veneratus est vniversus Oriens,
 quod nullus videlicet vnquam in illis Censuræ locus fue-
 rit. Receptis de hinc adiri magistratûs Insignibus (quæ pro
 illius æui more, virga censoria, & sigillum Ordinis erant)
 inter gratulantium Patrum obsequia, & significationes
 solitas subiectionis; tot honoribus suis, solus Philippus se-
 cum tacitè ingemiscens, magnas animo curas ex amica-
 rum alioqui Virtutum, Humilitatis & Obedientiæ confi-
 ctu, vt ex mæsto vultu colligi poterat, concoquebat. Per-
 actis in hunc modum ritibus, qui Generali inaugurando
 adhiberi solent, ex more ei socius siue collega adiungitur
 P. Lotharingus Florentinus è Gente Patricia Stufensi, quæ
 Philippus ipse magnam in spem, ab adolescente in Reli-
 gione educauerat; vir, in quo generis claritudo, & eximie
 literaturæ præsertim politicior præstantia, cum vitæ inte-
 gritate, suauitate morum, & grauitate prudentiæ, ex æ-
 quo certare videbantur. Itaque confectis omnibus, vbi
 Philippus sibi redditus, solus acquieuit, cepit seriò reuol-
 uere animo, & cogitare, quantâ Charitate, quantâque
 opus prudentiâ sit ad tot homines Religiosos, quorum Pa-
 stor tam ex improviso euaserit, ad vitæ æternæ pascua in-
 offensè deducendos. Etenim, vt erat vir sanctus, exemplo
 optimorum operum, quàm authoritatis supercilio, aut
 splendore verborum efficacior, ex regulæ nostræ præ-
 scripto, apud se statuit, imitationem, quàm obedientiam,
 & amorem potius, quàm timorem à fratribus suis exigere.
 Hinc omnibus benignus ac facilis, sibi asper ac durus, sibi
 parcus, alijs liberalis, comis, ac plenus visceribus miseri-
 cordiæ: longè aliter ac solent aliqui, qui velut armati, po-

*Gubernan-
 di modus.*

*Eius sedu-
litas & vi-
ta rigor.*

testatis flagello, bonam frugem ex subditis, vi atque aspe-
ritate extundere, id demum, cum laude, ac verè præesse,
præposterè arbitrantur. Vnde omnem vitæ suæ rationem,
hoc in honore, ita instituit Philippus, ad reliquorum disci-
plinam, vt primus aggredieretur labores, vltimus cessaret;
alij fructibus commodisque Dignitatis eius fruerentur, si-
bionera atque incommoda reseruaret: ac nihilominus
seruum se inutilem, in tam sancto more (quem ille debi-
tum existimabat) reputans, addebat his omnibus, vitæ sin-
gularem rigorem, & humilitatem, quâ inter suos tam præ-
stante fuit, vt singulorum fratrem potius, ac socium,
quàm Antistitem aut moderatorem præferret. Ac tam-
etsi sub initi officij principia, multis grauibusque negotijs
adurgeretur, conficiendis itineribus, instituendis Visita-
tionibus, orationibus ad populos habendis, reuocandis ad
salutis viam erronibus, solandis in mæore iacentibus, Ci-
uitatibus ac Prouincijs in mutuam gratiam reducendis,
denique commissis sibi à principibus viris, à Pontificibus,
ab Imperatore, mandatis obeundis: tamè quâ licuit, nun-
quam Choro, nunquâ asceticæ vitæ exercitationib⁹, aut de-
die aut noctu absuit; atque id dispendium (si modo dispen-
dium) admirabili industriâ, ac dexteritate tractandarum
rerum, quâ mirificè pollebat, facilè & compendio com-
pensabat. Quibus in omnibus, id vnicè agebat Philippus,
vt Pax toto orbe inter Christianos coalesceret, ad Eccle-
siæ Chatholicæ obedientiam cuncti redirent, & concor-
dibus armis animisque, terram, Seruatoris nostri vitâ
mortèque sacratam, ex Othomanicâ Seruitute, in liberta-
tem vindicarent. Sed hæc deinceps ex historiæ serie enu-
cleatiùs viderimus; quibus vt Philippus initium daret,
ybi ab Episcopo Florentino Joanne Mangiadorio (qui Ar-
dingo

dingo illi Primario Ordinis Servorum Patrono virâ fun-
cto successerat) in officio est confirmatus (id enim fieri ab
Episcopis in talibus Electionibus, Urbano quarto summo
Pontifici placuit, quod difficiles illâ tempestate, longique
ad summos Pontifices aditus essent) Philippus tamen si-
stere se Clementi IV. Pontifici maximo, nihilo secius sta-
tuit, non tam ut stabiliretur eius auctoritate in suscepto
magistratu, quàm, ut eius auspicijs atque authoritate Di-
vinæ Vicariâ, res deinceps gerendæ vim tantò maiorem,
atque momentum haberent, & de incrementis (quod i-
dem Pontifex demandarat) Ordinis Servorum, eiusdem-
que in diuiniore literatura, ac potissimum in studio lin-
guarum Græcæ Hebraicæ, Arabicæ & Caldææ progressi-
bus, Sanctitati suæ exactam redderet rationem, ac sicubi
etiam Servorum Dei paræ operâ in propagandâ, aut pro-
pugnandâ fide, vti vellet, sciret, eos esse paratos, atque in-
structos ab omnibus, quæ ad missiones requiruntur. Et
commodum per id tempus acciderat, ut ab Rege Tarraro-
rum, (quem alij Chamum alij Cabilam vocabant) legatus
ad Pontificem adesset, purpuratorum eius Regis, ac pro-
cerum Regni facilè Princeps, Coyatulus nomine, qui Re-
gis sui verbis, per interpretes Venetos, ab Sede Apostolicâ,
Euangelij Præcones, in id Regnum destinari efflagitabat.
PHILIPPVS id tempus esset ratus, DEVM sequendi, ac gra-
tificandi Pontificis voluntati, & denique etiam insigni
occasione ampliandi Religionis nostræ fines, succensus
Divinæ gloriæ salutisque animarum Zelo, summi Ponti-
ficis genibus aduolutus, aliquot sui Ordinis Alumnos, ad
eam expeditionem obtulit. Habitus est à Pontifice Philippus
humanissimè, eiusq; tam prolixâ de Ecclesia Dei bene me-
rendi voluntate, in illo Purpuratorũ, aliorũq; Præsulum
confes-

*Pontificis
se sistere,*

*Cui in Tar-
tariam E-
uangelis
præcones
offert.*

confessu, magnificè collaudatâ, agnouit: famam, quæ de eo iam tum, cum collega esset Manecti Generalis, Romam impleuerat, veritatem sanctimoniam illius vix æquasse. Caterum, quæ confecta Philippus volebat, à Pontifice Cardinali Orthobono Fiesco Innocentij IV. Nepoti, ac secundo Protectori Ordinis Seruorum demandata sunt, qui & Philippi ex Pontificis autoritate Electionem approbavit, & vnâ cum illo de idoneis viris, in expeditionem Tartaricam, cum oratore Coyotulo legendis, transiit. Ea res auspiciatissimis initiata principiis, non nisi felices successus videbatur polliceri; nam postquam illis Apostolicis viris, & futuræ inter Barbaros Ecclesiæ, luminibus, Ecclesia Romana bene precata esset, Populusque Romanus eos optimis ominibus esset prosequutus, opportunè, vbi Venetias peruenerunt, statim in anchoris Classem, ac vela propediem ventis daturam nacti, eam conscendunt, & quod felix faustumque sit, ut ad Scythas appulerunt, suam quisque, ut erant antea digestæ, sortiti, prouinciam, operi se destinato accinxere, in quo quàm strenuam operam nauarint Serui Deiparæ, vel inde liqueat, quòd longè lateque per Asiam toto Tartarorum Imperio, atque adeò in ipsa Orientali India, siue quæ extra Gangem fluium est, Colonias deduxerint, quas ad nostram vsque ætatem, vel omnes, vel plerasque obtrinent: nam cum aliquot annorum centurijs, nihil certi de nostris compertire, tam vasto terrarum tractu dimis haberi posset, demum anno à partâ salute 536. supra Milesimum quidam venerabilis Pater Anastasius, ex alto, Venerijs portum tenuit, cum tribus socijs, nostro Europeorum Seruorum, prorsus habitu. Is Romam ad Paulum Tertium (qui Ordini nostro mirificè fauebat, eoque P. M. Dionysium Laure-

*Ex quibus
successio*

rium

rium Beneuentanum, Cardinalem S. Marcelli, creauerat) perductus, omni beneuolentiæ genere exceptus est, impetratâ etiam quarundam pro illis partibus legum pontificiâ approbatione. Referebant isti: per antiquâ memoriâ, permanus acceptâ constare; Ordinem Seruorum suis in oris, ab ijs Patribus fatum; qui à B. P. PHILIPPO, aliquot antè sæculis, eò missi fuerant: cæterum, procedente deinde tempore, copiosiore hominum ac cœnobiorum numero, magnis incrementis propagatum, inclaruisse in illis regionibus. Non tam noua, quàm iucunda Pontifici, cæterisque, qui admissioni hominis aderant, ea visa narratio est, poterantque aduenæ Patres, ex missorum quondam numero, reduces videri, eoque illos septem Iuuenes, aliquot sæculorum dormitatores, referebant, adeò recenti memoria, ex remotissimis orbis partibus, velut ex longo exciti veterno, res ante aliquot gestas ætates, denarrabāt. Anno item postea allatæ salutis 1600. alij aliquot, eodem cultu vestium, ac nomine Seruorum, ijsdem ex partibus, Florentiâ iter Romam habuerunt, ad sacri Iubilæi munificentiam consequendam. Sed quod paulò clariùs euincit, quantâ, & famâ & operâ, tametsi absens, Diuinæ gratiæ aspirante fauore, Philippus inter illas Barbaras gentes effecerit, valueritque, memorabile est, quòd cùm añis proximè superioribus, Æthiopes etiam sæculares Florentiam ventitaissent, vix ingressi vrbis pomeria, quâ nutibus, quâ signis alijs, quod Italicè nescirent, vtcunque Domum B. Philippi, viâ Guicciardina, ab obuijs inquirerent, velle se aientes, effigiem B. Philippi, quæ in eâ Domo asseruetur, quæque proximè ad Prototypon accedere dicatur, venerari; quam vtiq̃ue Domo suâ allatam Religionem, non nisi à nostris hominibus, quos in Patria habebant, hausisse,

H

creden-

*ad hoc in
illis Plagis
superstes.*

credendi sunt. Atque hic quidem huiusce, in Asiam expeditionis euentus fuit, cætera ab illis Patribus præclare gesta, distantia locorum, & commercij, cum ijs gentibus raritate, interciderunt. Porro summus Pontifex perspecta, in hac Seruorum, ad propagandam fidem exhibitione, egregiâ in Dei Ecclesiâ, Philippi mente, eum quoque Apostolicum Concionatorem creat, quem ille siue honorem, siue onus, eò libentius suscepit, quod animo iam statutum haberet, visitatis Italiæ Conuentibus, ad Occiduas, ac septentrionales Prouincias proficisci. Ex his in speciem perplexis ambagibus haud obscure liquet, fuisse planè opus Diuinæ prouidentiae, curaque de suis Deiparæ Virginis, quod Vir sanctus ita ex inopinato, & tempore tam opportuno, coactus sit rei nostræ publicæ habenas capeffere; quando fatiscentibus senio, ac laboribus primis ac præcipuis Seruitanæ familiæ columinibus, nihil propius aberat, quàm vt vitium aliquod nouæ fabricæ machina faceret: si succedaneo fulcro caruisset; namque sub hoc ipsum tempus, vt paulò ante memorauimus, Beatus Pater Manectus Generalis, plenus dierum, laborumque, magistratu se abdicauerat; Beatus Pater Bonaiuncta decesserat; eumque in Cœlum secutus fuerat primus septemuirorum & Choriphæus Bonfilius, Beatus quoque Pater Amideus, varijs ac tenacibus morbis conflictatus, alijsque multis exercitijs acerbitatibus (quos inuictâ semper animi altitudine, non modò tolerabat fortiter, sed etiam, cum Apostolo gloriabundè) ad æternas amoris delicias percipiendas in cœlum receptus est. Fuit Beatus Pater Amideus (vt tanti viri memoriam obiter ab interitu vendicemus) præter illustrem generis splendorem, summâ prudentiâ, & rerum gerendarum dexteritate prædictus,

*Philippi
Generalis
tutus quàm.
Religioni
commo-
dus.*

*B.P. Ami-
dei men-
tio.*

eus, quibus alijsque dotibus, haud mediocri vsui, & adminiculo fuit in Religionis primordijs Beato Bonfilio, qui eo adiutore arduis semper in rebus vsus est: quoad succumbente laboribus, atque actæ ætati corpusculo, impar publicis negotijs factus, inter fortissima patientiæ exempla ac documenta constantiæ, CHRISTVM, spei suæ scopum & diuturni Seruitij Authoramentum præstolabatur. Eius singularis sanctimonia (cuius magnam domi forisque opinionem collegerat) & publicâ famâ, & rebus admirabilibus, quæ diuinitus circa illum contigerunt, asserta est; in quibus illud in primis est memorabile, quod incustoditus Infans in puteum (qui est ad pedem montis Senarij) prolapsus, cum indidem esset extractus exanimis, & viro DEI exhibitus, eum Viuificæ crucis impressione, vitæ ac Parentibus restituit.

Nec illud minùs illustre, absolutæ eiusdem sanctimoniæ, & eximij in DEVM amoris, ex bonorum operum odore collecti, argumentum fuit, quod illo animam, iam cælo inferendam, agente, toto Senario monte suauissimi odoris fragrantia extiterit: & simul atque expirauit, magnus flammæ globus à præsentibus, & rei miraculo attonitis rectâ è lectulo eius Cælum petere visus sit.

PHILIPPVS PRIMAM VISITATIONEM COENOBII ARETINI INSTITVENS,

Patres, per annonæ caritatem, inediâ penè cene-

ctos recreat, pane Diuinitus
impetrato.

CAPVT SECVNDVM.

R Epublicâ ita, vt diximus, apud Pontificem Clemētem quartum, Constitutâ, eiusdemque salutaribus

H 2

moni-

*Publica
Aretina
urbis &
priuata Cō-
uentūs Ca-
lamitates.*

monitis, & benedictione animatus Philippus, Vrbe vetere
discedens, Aretium iter ingreditur, vbi diuina prouiden-
tia, quæ illius operam magnis molitionibus destinabat,
materiem, sanctitati eius ac meritis patefaciendis, præpa-
rauerat; quò vbi peruenit, eius loci Conuentum visitatu-
rus, & Conuentum ex inedia & urbem ipsam ex discor-
dijs redactam ad incitas inuenit; nam Guelphi in eâ atque
Ghibellini, mutuâ inter se lanienâ debachantes, Diuina
humanâque omnia miscebant; eoque vesaniæ progressa
partium studia sunt, vt non modò alternis internecioni-
bus, sese ferro conficerent, sed etiam flammæ facesque
rectis subijcerent, agris, corruptâ messe, vastitatem affe-
rent, arbores frugiferas inciderent, alijsque sexcentis mo-
dis, ciuilia odia, in mutuum excidium, omnibus Barbari-
cæ hostilitatis exemplis, nobilitarent. Prorsus vt arenæ
Larualium Furiarum, inter se infestis cadis concurren-
tium, quàm Christianæ Ciuitati similis tunc Aretium esse
videretur. Ex quo; quod erat necesse, consequebatur, vt
Ciuilis belli clades, ingens frugum inopia, & omnium re-
rum caritas exciperet; cuius acerbitas eò PP. nostros adi-
gebat, vt si DEVS in tempore suis laborantibus non affu-
isset, vel desererent peramantem sui Ciuitatem, vel certè
in vestigio extinguerentur fame; quæ B. Patri eò, præ alijs
locis properandi causa fuit. Itaque vbi ad Cœnobium de-
latus, omnes in conspectu habuit, & eos, vt erant exan-
gues, & tabidi, & longâ inediâ propemodum extincti, sic
vt viua quædam, & vix ossibus hærentia cadauera, & ma-
nes hominum potius quàm homines videri possent, pius
Pater est contemplatus, tam fædo suorum spectaculo inti-
mis sensibus ingemuit, & illicò de ope circumspectiendâ
(neque enim præsens periculum moras ferebat) cogitare
capit.

*Subleuata,
diuinitus
impetratâ
annonâ, à
Philippo,
inopia.*

cæpit. Ergo more consueto instrui Triclinium, & apparari menfas, deinde se omnes in Ecclesiam sequi iubet: vbi vnâ omnes, ante augustissimum Eucharistiæ Sacramentum, ac B. mæ Virginis effigiem aræ maximæ, in preces affusi, aliquamdiu tacitis & collectis in DEVM mentibus orantes, solo hæserunt, donec Philippus, rupto illo, ad fletendum DEVM eloquente silentio, spiritûs exuberante, feruore, in has voces erupit. Clementissime DEVS, qui in cuijsquondam solitudinibus, vndique destitutum populum tuum, filios Israel multifariam paviisti, & Extorrem Eliam vatem tuum, sub Iunipero fatiscentem, cœlesti cibo recreasti, Turbas, sequaces tuos, incremento misericordiarum manuum tuarum, in monte satiaisti, militibus tuis Paulo atque Antonio per Coruum annonam duplicasti, & ministerio Angelorum tuorum, Mariam Magdalenam prodigioso pane nutriuisti, non committas, oro, vt serui tui, in te sperantes, fame confecti intereant; & tu Domina S. mæ Cœli Regina, & afflictorum Consolatrix, per ego te lac illud, quod diuinitus tuo ex virgineo pectore fluxit, & pavit eum, qui omnia pascit, oro, quæsoque, ne tuis, in hoc præsentis periculo, ad optiuis filijs desis, quos adhuc vsque tempus, semper texisti, & fouisti singularibus, præcipue in illos curæ ac sollicitudinis tuæ argumentis. Nondum desierat hæc aliâque his similia in mentis abreptæ excessu: cum à foribus Monasterij inusitatus fragor, velut urgente de causâ pulsantis, omnium auribus allabitur. Accurrit festinè lanitor, fores recludit, neminem mortalium reperit, reperit tamen missum diuinitus longo malo obsessis, commeatum, duo bene capacia canistra, panibus eximij candoris plena, & attonitus renunciat, fixo adhuc in oratione Generali ac Patribus, quod accide-

H 3

rat:

*Compara-
ta ex diuul-
gato mira-
culo sancti-
tatis opi-
nione ad
sedam Vr-
bem vri-
tur.*

rac. Illi cum Antistite suo, & authore miraculi, in gratia-
rum effusi actionem, postquam Deī ac B. mæ Virginis be-
nignitatem ac providentiam suppliciter adorârunt, men-
sæ, ijs panibus instructæ, quorum & suauitate ab longâ
inediâ, & admiratione, ob miraculum animis corporibus-
que recreandi erant, læti stupentésque accubuerunt. Ne-
que ab eo deinceps tempore eguerunt, ciuitate etiam è
vestigio annonæ malignitate leuatâ. Eius fama miraculi,
cùm, multis & secundis populi admurmurationibus vul-
gata, ad Præsulem Aretinum, qui tunc erat Guilielmus
Vbertinus, peruenisset, is re, ex officio, & cum curâ, exami-
natâ, id admirabile factum Philippi meritis ac sanctimo-
niæ censuit esse adscribendum. At Philippus perpetuus
osor cenodoxie, isto in se applausu contrahebatur, & in ca-
put mali Dæmonis retorquebat auræ popularis pericula;
quippe cuius secundis flabris vteretur ad traducendum,
ad saniora Consilia, meliorémque mentem ipsum vulgus,
quemadmodum Aretini suo bono experti sunt; nam-
paulò post Philippus, autoritate subnixus Pontificij con-
cionatoris, & recentis miraculi famâ celebris, publicis
concionibus, priuatisque colloquijs, Aretinis, præsentia
instantiâque ex discordijs mala, ita ad viuum ob oculos
posuit, vt licet potentiorum ciuium aliquorum animi
vindiçtæ adhuc cupidine tenerentur, tamen autoritate
PHILIPPI, concordia pietatisque fundamenta esse iacta,
appareret, quòd in posterum vulgò multa pub-
lica emendationis argumenta.

ederentur.

PHILIP

PHILIPPVS IN CAPITVLO PISTORII CELEBRATO, ORDINEM SERVORVM,

nouis legibus constitutum, ad exactam

Religiosæ Reipublicæ formam
reducit.

CAPVT TERTIVM.

Peractâ, tam præclaro ad nominis PHILIPPI celebri-
tatem operæ precio, visitatione Conuentûs Aretini,
& cæterorum, qui tum in Hetruriâ erant: Philippus,
constituto die, Patres, quibus suffragandi in Capitulo, ac
dicendæ sententiæ ius erat, Pistorium conuocat, vt de
communi consilio, omnium opinionibus in medium allatis,
exactiores aliquæ leges conderentur; proinde exorsus
ab illo Psalmi 118. versu, *Beati immaculati in via*, admirabili
facundia, momentisque grauissimis, demonstrauit: leges
diuinas vnicum præsidium esse, & columen hominibus
Religiosis; ac proinde tamen si Religio, ipsius trigintaquin-
que annis suauissimâ charitatis lege, in cordibus exaratâ,
septemuirorum fundatorum, prudentiâque & industriâ
B. Bonfilij primi Generalis administrata sit, adiunctis qui-
busdam legibus, ex opportunitate latis ab successoribus
Generalibus, conuenire tamen magnopere, vt iustum vo-
lumen veterum nouarumque legum, ac salutarium statu-
torum fiat, sub nomine Constitutionum Ordinis Ser-
uorum, cum ipse iam ordo à summo Pontifice approba-
tus, numero hominum, locorumque, plurimum auctus,
necessariò requirat formulam, quâ similitudo æqualitas-
que morum, ac ceremoniarum, vbiq; æquè seruanda,
constituatur. Itum est ab omnibus, qui congregati totâ
frequentia aderant, in B. P. sententiam, eiq; ipsi negotium
datus

*De Consti-
tutionibus
condendis
ad Patres
in Conuen-
tu generali
refert.*

*Quas ex
reliquorū
mandato
ipse Con-
ficit.*

*Cui aliqui
eum Ordi-
nis Serui-
tanti autho-
rem existi-
mauerint.*

datur scribendi, digerendiq; eas leges, vt maximè è re Religionis esse perspexerit. Philippus breui rem confectam dat, tam quòd authoritate summorum Pontificum Alexandri i v. Urbani i v. & Clementis i v. Religioni facta iam fuerit, cogendi Conuentūs, siue Capitula, & condendi leges potestas, tum etiam quòd ex longo vsu Conuētūq; Primorum PP. & ex priuatā ipsius, quæ ei diuinitus contigit, illustratione, adumbrata animo, ac iam pene expressa eius rei lineamenta haberet. Igitur paucis diebus vniuersi Instituti formulam, ad certa capita redactam, digestamque, venusto ordine in tres partes (quarum prima decultu Diuino, altera de bonarum literarum studijs, tertia de Asceticorum morum decoro, & bonorum, siqua erant, administratione tractabat) suā descriptam manu, Patribus eius Capituli conscriptis, censendam, maturaque deliberatione discutiendam dedit. PP. vbi eam animis manibūque satis versarunt, non modò eam sanciuerunt, sed etiam libentissimis voluntatibus acceptatam, in mores atque in exercitium quamprimum, vt induceretur, statuerunt, tantæque sanctitatis eæ leges semper sunt habitæ, vt à morte Philippi, publico decreto sancitum sit, vt in singulis Conuentibus, singulis Mercurij ac Sabbathi diebus, ad mensam vnā cum opusculo, quod de origine nostrâ idem ipse B. P. conscripserat, legerentur, atque ad hanc nostram ætatem, huic formulæ, magna ex parte constitutionibus nostris modernis insertæ, sua autoritas ac veneratio constet. Atque hoc tam feliciter obitum Legislatoris munus (vt boni Authores opinantur) aliquos primæ notæ Scriptores in eum errorem induxit, vt putarent, scriptumque reliquerint: Philippum, Ordinis Seruorum esse authorem, ac primæuum Fundatorem; in quo tametsi

tamen si toto, vt dicitur, cœlo, clarissimo errore lapsi sint, (quod ex huius historiæ Annaliumque nostrorum tenore conficitur) tamen excusatione digni videntur, quod à vulgi opinione, & quorundam illius æui scriptorum, qui idem non satis accuratè examinatum, monumentis suis temerè inseruerunt, in eam errandi necessitatem inducti sint. Etenim, vt passim increbuerat: quendam Philippum Benitium Florentinum, virum præstanti doctrinâ ac rara sanctitate, suam quandam Seruorum B. mæ Virginis Religionem claritudine prædicationis, & admirabilitate miraculorum, intra extrâque Italiam, per varias orbis partes propagauisse; fama, quæ pro ingenio suo omnia in maius effert, & crescit eundo, ad verissimas atque ingenuas Philippi laudes, decus conditæ Religionis temerè de suo adiunxit. Nam, vt quisque de ingentibus Religionis incrementis inaudiebat, quæ illis duobus de triginta annis, (quibus ei B. P. præfuit) cernebantur, vtque omnia omnes Philippo meritò referrent accepta, vt, cuius operâ, aucta nouis Cœnobijs, ornata insigni doctrinâ, stabilita ac constituta optimis legibus, denique confirmata atque relata in album Mendicantium Ordinum per diuersos Pontifices Religio fuerat, factum est, vt inumbratâ paulatim per tot decora septem Primorum PP. famâ, ac rerum gestarum, gloriâ, totius gloriosi operis, fundati Ordinis opinio in vnum Philippum inuitum, inclinaret. Quibus ex omnibus, Diuina erga hanc Religionem prouidentia mirè tralucet; nam vt illi principium, ex Diuino oraculo, nomen, ex mutuo alioqui infantium ore, Habitus ab ipsa B. mæ Virgine, vt & Regulæ præscriptio contigit, sic constitutiones ei per virum Deo aflatum, partæ sunt, vt nullâ, nisi diuinitus acceptâ parte constare, eam omnibus sæculis testatum relinqueretur.

I

PHI-

PHILIPPVS ACRI, DE ABDICAN-
DO GENERALATV, TENTATIONE SOL-
licitatus, Interulâ sibi detractâ Elephanticum
vestit, & è vestigio curat.

CAPVT QVARTVM.

*Quam va-
rie Philip-
pus depofi-
tionem fui
officii vrfè-
xit.*

IActis hisce, ac fœliciter ita stabilitis, bonarum Legum
fundamentis, cum satis in præsentia communi rei pro-
spectum, cautumque esse videretur, ut à quouis Ordo duci
iam, & obseruâtâ eâ disciplinâ, res prosperè geri possent,
PHILIPPVS, pro perpetuo suo in solitudinem amore, ac
latendi votis, seriò secum de abdicando Generalatu cogi-
tare cepit, eiusq; rei aliquoties iniectâ priuatim mëtione,
denique etiam in hoc Pistoriensi Patrum Concilio, omni
ope egit, ut id assequeretur; ac primò quidem agens Iure,
licere id sibi contendebat, per legem, in omnium primis
cōmitijs Generalibus, Florentiæ habitis, 1255. factam, qua
integrum esse Generali decretum fuerat, Vigiliam suam
alteri tradere, seque in ordinem redigere, ad pristinam
priuati conditionem. Deinde ad preces conuersus, se, an-
te illum omnium PP. confessum, humi prostermit, eosque
enixè orat, ut, quod sibi per leges liceret, id etiam eorum
cum bonâ veniâ ac pace liceat: se iam per annum integrum
functum hoc magistratu, periculū fecisse, corporis animi-
que virium suarum, & comperisse, tenuitatem earum, tan-
to muneri gerendo imparem esse: proinde quoniam ip-
sorum PP. confessione, latis modò legibus factum ipsis sa-
tis sit, vellent, annuerentque, ut qui eas leges illorum iussu
collegerit, eas primus parendo obsequendoque sanciret,
sin aliter animati essent, denunciare, se nullis conditio-
nibus adductum iri, ut in potestate persistat; habere præ-
sidium

fidium allatę paulò antè legis, quo sciat, neque sibi id fraudi, neq; illis offendiculo hoc eius consiliũ esse posse. Hæc atque his similia, quã erat præditus Diuinâ facundiâ, cum Philippus ingēti spiritu disseruisset, incredibile est, quãto animorum motu cunctos, qui aderant, perculerit. Tamen si in re ancipiti ac repentinâ neque DEVS Patribus, neque ipsi sibi Patres defuerunt; quippe ille idem consensus, qui in eo deligendo fuerat, vnus omnium in eo retinendo fuit; ei que vicissim, Consentaneis animo vocibus, neque assentire se, palam denunciant, neque ipsum nisi cum vitâ depositurum Magistratum. Perstitit tamen in sententiâ Philippus, & eloquentiâ ac precibus consumptis, lachrymas & alias rationes quantas, & quàm exquisitissimas solerti Humilitatis ingenio excogitari possunt, flectendis Patrum animis necquicquam admouet; illis, obfirmatis sententijs, nihil mutantibus. Ita illo die ex eo certamine Philippi Humilitas, & Patrum Charitas, neutrò inclinatâ victoriâ, discesserunt. Sed cum Philippum interea auctissima tentatio, speciosis laruata rationibus, in omnem partem miro artificio versaret, ac maioribus ex repulsâ incrementis recrudesceret, in eâ spe acquieuit; fore, vt per occasionem adeundi Pontificis Maximi, inter alia, quæ impetrata volebat, hanc quoque causariam missionem impetraret. Fuit sanè hæc omnium, quæ vnquam illam inconcussam Philippi mentem pulsarunt, facile callidissima, ac periculo proxima tentatio, nam & Diuinæ ordinem, providentiæ, quæ vices ac tempora solitariae ac laboriosæ vitæ, Diuinis vocationis suæ instinctibus moderatur, ac temperat, inuersum ibat, & salutem publicam multorum, præsentemque, vix nuper coaliti Ordinis, necessitatem posthabendam, priuatæ quieti ac tranquill-

*Sed nihil
impetrat.*

*Ex repulsâ
crescit ten-
tatio.*

*Moribun-
do Mane-
cto adest
Philippus.*

quillitati, syncerissimam mentita demissionem, persua-
debat. Ac fortasse Philippus humanum aliquid, pro nature
imbecillitate passus, in fraudem fuisset inductus, nisi, quæ
perpetuò illi vigilauit Deiparæ Virginis cura, pessimi sua-
foris ludibria, ac vaframenta, alijs atque alijs suauius iuxta
ac mirabilibus modis discussisset. Eorum vnus fuit, quòd,
cùm dimisso Patrum cætu, se in viam dedisset ad Pontifi-
ciam aulam, quæ per id tempus Viterbij erat, certº suscepti
abdicationis consilij, ei tabellarius superuenerit cum lite-
ris, quibus nunciabatur, B. P. Manectus in extremis versa-
ri, quæ res commorum Philippum, captum iter omittere,
& se ad B. P. Manectum conferre coëgit; quod à morituri-
ente eo, vehementer ipsum expectari, litteræ afferrent.
Igitur, quod retrò itineris ad montem Senarium fuit, ce-
leriter remensus, postquam aduentu suo, & conueniente
tempori oratione Manectum est consolatus, varijsque,
pro vtriusque sapientiâ, sermonibus de rerum præsen-
tium fugacitate, & contrà de æternitate futurarum, vtrò
citroque differuissent: B. Senex, postquam quarto loco
Prior Generalis Ordinem suum singulari industriâ, per
Galias præsertim propagasset, supremum diem obiit, an-
no Christiano 1268. non sine singularis sanctitatis fama;
quippe qui inter rei Diuinæ celebrationem, benedictio-
ne suâ, habiles clando pedes: muto, vocalem linguam: &
furda stro aurium vitalem vsum impertiuerit. Sed hoc di-
uerticulum (vt ad Philippum redeamus) distulit tantisper,
non discussit suscepti itineris, abdicationisque consilium:
vt miraculo opus fuerit, ad conuincendum Philippum,
tam abiectè de se, deque meritis suis, & habitudine guber-
nandi sentientem. Quippe reuocatis in viam socijs, B. P.
Softeneo de Melioribus, B. P. Vguccione de Vguccionibus,
& P.

& P. Lotharingo Stufenfi, (quos in hoc ipsum conduxerat, ne Pontifex difficultatem, & penuriam successorum, prætereptis posset repulsæ) capto itinere, Viterbium ire pergit. Ventum est in Senensem agrum, cum ecce, vix ingressis, & inter Bonconuentum ac S. Quiricum, viam carpentibus, obuiam se dat ex vico Camiliano prorepens senex; is, vt trahendæ miserabili vitæ nullum censum, nisi in viatorum benignitate habebat, ita ad inopiam extremam, Elephantia, atque vlcera tabo fluentia, quibus viuus ac spirans exedebatur, velut miseriæ cumulus accedebat: adhæc etiam frigidus atque austro cælo, vt tunc aîi tempus ferebat, ne centone quidem lacero satis tegebat siderata tot malis membra. Hic ergo vt in conspectum venit, ita personatus, voce emortuâ ac lacrimabili B. Patrem stipem orat, quem ille intuitus, & commiseratione tam cruciabiliter affectæ conditionis intimis medullis diffuens: aliquantum è viâ decedit, ac detractam sibi tuniculam, siue candidam, quam gerimus, ex lanâ interulam, homini iniicit; illud D. Petri subiungens; *argentum & aurum non est mihi, quod autem habeo, hoc tibi do.* Vix ad contactum corporis totum id donum peruenit: cum illico defluere viciatæ cutis fatentes squamæ, coalescere, ac toto corpore euanescere vlcera, redire vis, vigorque emortuis membris, ac toti denique corpori ita restitui color, calorque vitalis visus; vt vestigium nullum in homine deterisæ modo Elephantia superesset. Mendicus tam cumulatæ felicitatis ac beneficentiæ miraculo in stuporem datus, sublati in cælum, voce ac manibus, sine modo & ordine, iam DEI clementiam adorat; iam extemporalis medici sui genua præhensans: eum verò Diuinum hominem, ac cælo sibi delapsum deprædicat. Et quamquam seriò increpitum,

*Donatâ
interulam E-
lephantia-
cum curat.*

*Quod mi-
raculum à
curato, præ
gaudio sui
impotente,
promulga-
tur.*

abstinere impestiuis acclamationibus, ac soli Deo
gloriam eius facti, in quo nihil de suo agnosceret Philip-
pus, iuberet: ille recentis beneficii gaudio amens, abalie-
nato, à sensu eorum, quæ iubebantur, animo, tantò valen-
tius miraculum, cum Philippi perplexâ anxietate ac ru-
bore, stentoriâ Voce ingeminabat. Cùmque per id omne
iter, neque auelli, neque abigi posset, quin ultro se, grati-
tudinis ergò, Patrum obsequio manciparet, omnia illa
compita, per quæ iter Viterbium fuit, in concurrentium,
eo ciente, hominum circulis, & iustis propè concionibus,
admirabilis facti fama compleuit: vt quantumuis ad de-
ponendum honorem properaret Philippus: fama tamen
rei gestæ illius aduentum Viterbium, antevertens, maio-
ribus, quàm abdicare volebat, honoribus, illum inuolue-
ret. Nam Pontifex ubi superuenit, aecedente ad veteris
existimationis prærogatiuam, comperti huius prodigij fi-
de, summâ eum in veneratione, atque in amore habitum,
quæ confecta velleret, cum Cardinale Protectore, cuncta ad
se cum fide relaturus, conferre iussit. Id eo impensius ce-
leriùsque sibi faciendum Philippus censuit, quod odora-
tus, ex insolitis procerum eius Regiæ honoribus sibi exhi-
bitis, proditum se, ac circumuentum famâ miraculi re-
centis videret. Vt exire posset, eos omni ignominia mole-
stiores applausus, reductis breuiter ad duo capita negotijs,
Cardinalem perurgebat; primo, ratas haberi à Pontifice
factas nuper cōstitutiones orabat; altero, haud paulò eni-
xiùs petebat, vt Generalatu se abdicare, atq; eam Prouin-
ciam alteri tradere bonâ eiusdem Pontificis veniâliceret.
Cardinalis, auditis perbenignè ac libenter, suo more, ijs,
quæ ab illo disertè & cum spiritu in medium affereban-
tur, vtrumque petitorum caput, Pontifici proponendum
ample-

amplectitur; Etsi ad alterum, quod de abdicatione erat, & quod Philippus maximè illi comendabat, non satis inclinaret; solitis inter se habitis honoribus discedunt, decisione totius rei in colloquiij Pontificij diem dilata, sed Philippo non tam corroborandarum legum, quam abrogandi sibi imperij spe lato, visum est conditrici, & Columini familię Seruorum suorum Deiparę, istud mali Dæmonis comentum, quo iam diu Seruorum maximum, Philippum, in rei comunis perniciem infestauerat, memorabili ostento discijcere; siquidem eā nocte, quę diem colloquio Pontificio dictam, præcessit, visus est sibi per quietem Philipus alterū lacertum, à corpore, cum ingenti doloris sensu, suā manu truncare cępisse: & quo minùs id egerit, augustā ac venerandā specie Viraginem, opportunè superuenientem, obstitisse; quo ominoso insomnio cōsternatus, vbi euigilauit, & suspenso animo, id somnium, de illorū genere esse, quę non de nihilo obijciuntur dormientibus, haud vanè coniectans, rem omnem ad collegam Lotharingum ordine refert; is eodem se spectaculo, eadem nocte, turbatum affirmat, & cum in ea mutilatione, Philippi vices grauissimè doleret, à B. ma Virgine certiores se esse factum: hoc ostento significari abdicationem, cuius consilia secum, Philippus agitare; quod quid aliud esset, quàm medio in opere, velut truncam, ab reliquo corpore dextram, cum summo publici, priuatq; boni detrimento, cessare, ac iacere inutilem? videret igitur pro sua sapientia, quid ageret; caueretque, ne astus hic aliquis Cacodæmonis in insidijs sit, qui sub quietis & humilitatis inanibus nominibus, societati ac pernicię publicā machinetur. Itaq; magnopere conuenire, vt memor vocationis suę ad Ordinē primarę, memor 2. dę ad Ordinis gubernacula; memor deniq; rerū adhuc illo duce feliciter succedentiū; sumpto nouo animi impetu,

*Tentatis
abdicandi
Magistratus
ostento
discussa.*

impetu, contra omnes difficultates, Deo ac Deiparâ Virgine auspiciis, audentiùs, fidentiùsque vadat. Hisce atque aliis multis rationibus, & ipsâ Lotharingi auctoritate, & consensione maximè eorum, quæ secundum quietem eâ nocte utrèque vidit, victus tandem Philippus, datis, quas paulò ante truncatum ibat, manibus; in posterum deferendæ dignitatis voluntatem, perspectâ, quæ suberat fraude, commutavit; effecitque, ut magnis ausis, & victoriâ, quam spe iam deuorauerat, aduersus nostrum Marianum manipulum, callidus hostis excideret. Hic idem, aut illo certè nequior aliquis inueterator cacodæmon, Patrum aut auorum memoriâ sibi depoposcisse videtur, affini ac prorsus germano pugnæ genere, D. Ignatium Societatis IESU conditorem: sed pari operæ precio; nam cum vir sanctus, Societatis, cuius secundum DEVM auctor fuerat, ut erat par, creatus esset præpositus Generalis, & ille humilitatis, ac priuatæ fortis amore occupatus, nihil eius dignitatis vel ad aures, vel ad animum admitteret, ipse quoque, pulsus illius meritis, ex oblesso corpore, maligni hostis, miraculo refutatus est: cumque rursus, ut PHILIPPVS noster, sanctissimis legibus Ordinem suum constituisset, defunctum se ratus, abdicandi magistratûs difficultatibus, vacationis apud suos perferendæ actionē resumpsit; sed quam id tunc Deo cordi non esset, Patrum omnium communis consensus, quo iussus est omnia alia cogitare, & accessiones toto orbe terrarum, ductu, atque auspicijs Ignatii ad clarissimam ac florentissimâ Religiosam eius familiam factæ, docuerunt, & docent hodièque, ingenti rei Christianæ bono.

Quod non ingrato, ut opinor, lectori diuerticulo commemorare volui, ut appareat, quibus anfractibus diuinus rerum

rerum salutarium Architectus, mirabilium operum suorum ac molitionum lineas ducat; quantumvis illi ipsi quibus operis atque administris utitur, occultorum eius ignari iudiciorum, actique speciosioribus vero, priuatae salutis, atque quietis rationibus, exire iniuncta sibi munera narrantur. Quae in re D. Augustinus perbellè describit æqualitatem, quā inter Ecclesiae necessitates, & honorum ambitum, neutro impingens animus, sibi cōstare debeat; eoque, in simili aestu fluctuantibus, certam monstrat Cynosuram, ad Eudoxium in hæc verba scribens: *si quam operam vestram Mater Ecclesia desiderauit, nec elatione auidā suscipiatis, nec blandienti desidiā despuatis; neque otium vestrum Ecclesiae necessitatibus prapōnatis, cui parturienti, si nulli boni ministrare vellent, quomodo nasceremini, non inueniretis.* Ex quo sane conficitur, quantum periculi inest honoribus vltro affectatis, tantumdem præsidij, Ecclesiae DEI, ad edendos in veram lucem partus suos, situm esse in verè sincerèque modestis præsulibus: non illis, qui, ut idem loquitur Augustinus, *fluuuium respuunt, & mare siliunt*, dum fucatā humilitate obscuriorum Ecclesiarum ac dignitatum potabiles atque dulces latices fastidiunt, falsæ verò & aucturæ firmitatis marinæ, impudenti aestuant cupiditate. Eluso igitur (ut ceptam seriem prosequamur) hoc, hostis Seruitani nominis, dolo, restabat, ut pro officio, confirmationem, nouarum Constitutionum PHILIPPVS sollicitaret: sed intercessit ei rogationi inopina mors Pontificis Maximi Clementis quarti, qui illis diebus, festā ætate, & afflictā molestis morbis valetudine, penè repentè supremum, diem sanctè ac piè obiit 10 Kal. Septembris, Anno, à partu Deiparæ nostræ, ducentesimo sexagesimo octauo, supra millesimum.

K

PHI-

PHILIPPVS, CVM A CARDINALI-
BVS, MORTVO CLEMENTE QVARTO.

Pontifex maximus designatur, arreptâ in auiam

solitudinem Mantagnatâ fugâ,

delitescit.

CAPVT QVINTVM.

INterea Elephantiacus à PHILIPPO curatus, cùm, vt paulò antè meminimus, in omni circumuicinia vrbis Viterbij, totòque Senensî agro Praconem strenuè egisset ac buccinam sanctitatis Philippi, depradicando, quod in se contigerat, miraculo, medicum suum Viterbium sequutus, famam facti, quæ adhuc recens erat, in animis Procerum, qui tum in illâ vrbe agebant, recentiore fecit, ac celebriorem, cùm semet præsentem exhibuit, & solito suo instituto concionabundus, regionatim per ciuitatem, quid sibi à Philippo, Seruorum Generali contigisset, lætus vegetusque diuulgaret. In quo, etsi Philippo, cuius hinc nomen tota vrbe clarabatur, ægrè faciebat, tamē discussâ iam depulsâ nuper tentationis nube, cogitationes suas, à sensu eius molestiæ, traduxit ad Ordinis curam, quam de integro, ac velut de nouo resumpsit, & quidquid alij dicerent, cogitarènt, ille id seriò agebat, vt res Ordinis publica, fauoribus ac priuilegijs Apostolicæ sedis, amplificata, stabiliretur. Qui conatus eius ac studia haud mediocriter promouebantur, propensâ in ipsum & secundâ Pontificis voluntate, reliquorûmque Procerum beneuolentiâ. Verùm ita illo rerum gerendarum expeditionibus designandis, adumbrandisque salutaribus, ad id, quod agebat, momentis, intento, sumus Pontifex moritur. Is insperatus casus, vt Philippi designationes, retardauit, ita in vniuersâ

Repub-

Provinciam seriò procurandam resumpsit.

Republica Christiana, ac præsertim in senatu Cardinali-
 um, initium nouis motibus, varietatiquè voluntatum de-
 dit; nam sub idem tempus etiam in bello, quod cum Fri-
 sijs gerebat, desideratus est Imperator: atque ita orbo
 orbi Christiano, vtriusque parentis elatis funeribus, in-
 sumâ rerum omnium perturbatione parentandum fuit.
 Ac sedi quidem Apostolicæ, pro cæterarum difficultatum
 auctario, malè extinctum, diris non ita pridem deuoti Fri-
 derici Imperatoris, odium, ad aduentum in Italiam ex
 Germaniâ Corradini recrudit: multisque defectioni-
 bus, ac res novas molientium tumultibus materiem sub-
 ministravit. Ad hæc Hæresis (vt gaudet turbatis tempori-
 bus ea pestis) varijs se per Italiam locis intrudebat, quan-
 quam non defuerint, qui se illi irrumpenti strenuè oppo-
 nerent. Inter quos palmam tulit laudis ac Martyris S. Pe-
 trus Martyr Ordinis Prædicatorum, de Religione nostrâ
 Seruorum, sub eius, vt alibi diximus, primordia, præclarè
 meritis; itaque hisce motibus, suis exciti sedibus faciliè
 primi Europæ Principum, Viterbium huius, interegni
 tempore, conuenere, vt PHILIPPVS Gallia, & Carolus Si-
 cilia, ac Neapolis Reges, Item Henricus Britannia Prin-
 cept, cæteri Reges Principesque, qui adesse domesticis
 impliciti difficultatibus, non poterant, frequentes Orato-
 res miserunt. Porro tot externa vniuersalis Ecclesiæ ma-
 la, vno domestico, atque intestino, eoque palmari cumu-
 labantur; incredibili videlicet, & quæ diu tenuit, varietate
 studiorû, ac voluntatum, Patrum in deligendo Pontifice;
 eique incommodo, præter cætera, vel inde plurimum diu-
 turnitatis accedebat, quod eâ ætate, secus ac nostrâ, mos
 erat, aperto loco, ac publicè ea commitia celebrari.

*In summa
 temporum
 perturba-
 tione,*

K 210. Hic

*In summi
Pontificis
electione,
inter alios
proponi-
tur.*

Hic ergo alijs alios ad Pontificium fastigium nominanti-
bus, Cardinales, Otthobonus, Ordinis nostri Protector, &
Octavianus de Vbaldinis, & horum sequenti auctoritatem
plerique cæterorum Patrum purpuratorum, PHILIPPVM
proponunt: rationem consilij sui ac sententiæ in B. Patris
summâ prudentiâ, eximiâ doctrinâ, ardenti Zelo, & quod
caput est, in prodigiosa sanctitate, cuius recens argumen-
tum oculis sese adhuc, atque animis ingerebat, fundantes.
Quæ, vt agebantur in loco aperto, atque in multorum,
mortalium frequentia, facile eorum, quæ tractabantur,
rumor per urbem manauit: qui, vt talis ad Philippum quo-
que peruenit, suprâ quàm credi potest, illius animum af-
fecit; nam, vt erat veræ ac genuinæ Humilitatis tenacissi-
mus, ita Honorum culmina, de vertigine ac grauioribus
lapsibus semper suspecta habuit, & facile intellectum est,
quis mentis eius status, hoc audito nuncio, fuerit. Nam
qui ad dignitatem Generalatus, tantò Pontificiâ Maiesta-
te inferiorem, & initio cohorrui, & eam aliquamdiu de-
gustatam, tantâ nuper contentione abdicare voluit, vt o-
stentis Diuinis ac terribus in officio diutius con-
tinendus fuerit; quanto terrore, omnium in terris sumam
cellitudinem, eum esse contemplatum, censebimus? Ob-
uersabatur præterea sagacis viri animo misera temporum
illorum, ac rerum facies, gliscentium Hæresum atque in-
ualescentium violentia, morum corruptela, Principum
Christianorum dissidia, & Politicorum (vt vocantur) *Ratio
status*, humana omnia, Diuinaq; priuatâ suâ utilitate me-
riens, & per id æui omnia obtinens: quo fiebat, vt collatâ,
cum tenuitate suâ, & vitæ ab ineunte ætate susceptis ra-
tionibus, tantâ rerum mole: subductis in vtramque par-
tem argumentis, omnia alia quàm Pontificatum ad mit-
tere

tere inexorabili decreto statueret. Et quoniam verebatur, ne post eò progressa horum procerum studia, vi, quod fit, collocaretur in Pontificio solio, ad Cardinalem Protectorem accidit, eumque vehementer orat, monetque, ut captis abstat, & tractata, pro sua prudentia & cura, retractet; tum velut rogata operæ, precij loco, spiritu prophético, Cardinali vaticinatur, ipsummet breui ad Pontificatum euehendum, sed breui atque exigua, tanta dignitatis vitæque usurâ, Vitam finituum; quæ omnia exactè euenerunt: mortuo enim Innocentio quinto, suffectus est Octobonus, sub Hadriani v. nomine, anno, ab allatâ salute 1276. Nec in Pontificatu diutiùs, quam vnicum mensem vixit. Mirum fortasse, minùs æquis rerum æstimatoribus, minùsque historiarum peritis videatur, qua fieri potuerit ratione, ut Philippus, qui Cardinalis non esset, Pontifex potuerit designari. Quos hoc loco ad scriptores remittimus, à quibus discant: Urbanum, Alexandri iv. successorem, non fuisse Cardinalem; Post hunc minimo minùs abfuit, quin factus fuerit Pontifex, P. Joannes Vercellensis, Ordinis Prædicatorum Generalis; cuius loco, habitâ absentis ratione, Pontifex factus est Guido Fulcodius præter omnem spem suam. Eugenius item, Triumfontiû Abbas Cisterciensis, Urbanus v. Abbas itidem Marsiliensis; Clemens v. ex Archiepiscopo Burdigalensi; præterea Urbanus vi. & Cælestinus v. ex Anachoreta, omnia alia cogitans, transmissio gradu Cardinalitio, sine purpureis Galeris Pontificiam Tiaram induere iussi, Pontificatum, adièrunt, velut eo digni, Patrum designatione, ut PHILIPPVS noster, pene initiati sunt. Et quod ad rem quidem attinet, si quis coniecturis, & Imaginum, ac statuarum monumentis, locus est, ubi de veritate constat historicâ; ter-

Quam alteri dignitatem vaticinatur.

*Ipsē ad eui-
tandum,
omne Ho-
noris peri-
culum, fu-
git.*

geminam Coronam Pontificiam, quam vulgò *Regnum mundi* appellant, ad exprimendum, quod à capite repulsa fuerit, ad pedes Philippi pinxit, sculpsitq; illa Antiquitas, & mediæ, ad nostram vsque, ætates: vt argumento sunt, perantiquæ huiusce rei memoriæ; adeò fugientibus etiã, vt corporibus vmbra, quoquo modo honos inhaeret. Verùm, vt eò, vnde huc digressa est, reuertatur oratio: vbi aduertit Philippus, non, modò frustra fuisse, quæ Cardinali Protectori à sententiâ dimouendo, attulerat, sed etiam, illum inter & reliquos Cardinales, susceptum eius inaugurandi negotium, gnauiter ac studiosè pertractari; consilium sumit, dignum Philippi humilitate; quippe nocte intempestâ, nemine ex illis Proceribus, qui ob stare possent, salutato, clam Viterbio, nullo nisi Lotharingo collegâ, & socio vno fratre Victore, conficio, fugam init: commendatâ Lotharingo Religione, datisque mandatis, vt nulli indicium, vbi ipse loci sit, ederet, vtque nouas leges, in mores atque vsum induceret, ac diem comitijs, octauum Kalendas Iulias, Florentiæ habendis ediceret; quibus se affuturum pollicetur, vbi præsens in illum studiorum, mota procella, deferbuiisset. Cõstitutis ita, quoad fieri poterat, à properante, rebus; ad montis Tunnati syluas, in eo, vt censebatur, periculo, pro Asylo futuras, citatâ celeritate, sese in viam conijcit. Ita exclusi conatibus suis fautores Philippi, alios atque alios, haud pari deinceps concordia, respicere cæperunt. Quod mihi factum reputanti, vt quidem non inficior, ingenti gloriæ esse, cæteris Mendicantium familijs: Nicolaos, Benedictos, Alexandros, Innocentios, Pios, ac Sixtos summos ex Gremijs suis, Eccle-

siaz

fiæ Pontifices dedisse; ita accessus ad illorum gloriam magnus esse videtur: Ordinem Servorum, Humilitatis Dominiæ suæ æmulum, Patrem habuisse, atque habere etiamnum inter cælices, qui mentis altitudine, supremæ in terris dignitatis fastigium, infra virtutem animi relictum superârit. PHILIPPVS interea optatas ad latebras suas delatus, recognitâ inrer illa lustra, specie antiqui spelæi sui, in Monte Senario, renouatâ, vt Daudica aquila, Iuuentâ, eandem, vel paulò ardentiorem, contemplationis rerum Diuinarum contentionem exorsus, præter cæteras corporis afflictiones, eam vitæ rationem iniit, inuitantibus ad similes lautitias, quæ tunc erant, quadragenarij Ieiunij ferijs, vt herbis tantùm agrestibus, & exiguo pane, quem accolæ Rusticani subinde afferebât, ac gelidæ haustu, vitam parcissimè toleraret. Sed videlicet inter illa inculta sylvarum, & aspera inhospitalium scopulorum, beabatur, quoad fieri poterat, in mortali corpore, animus, æternæ felicitatis delibatione, & filij DEI intuitu, qui in excessibus mentis, vnâ cum sanctissimâ Matre, Anachoretæ suo sæpe intervifendo, liberaliter sui copiam faciebat, modis talibus; quibus exprimendis, quidquid in humanis ingenijs, picturæ Eloquentiæ est, necessariò succumbat. Visitur adhuc hisce temporibus, in eâ solitudine, ad primam Tunniati montis accliuatè, planitiuncula, in qua sita est, sacra B. PHILIPPIÆdes, nec procul inde, in solitario recessu, inter porphyretica saxeta, cellæ duæ, à quibusdam Ordinis nostri Patribus, vitæ solitariæ studiosis, restauratæ, conferuandæ Philippi memoriæ causâ, qui primus ea loca incoluisset, Ex his vnus fuit B. P. Benincasa Florentinus, qui anno

*In his late-
bris vita
tenor.*

*Ab aliis
illustribus
Sanctitate
viris culti.*

anno 1402. illius latibuli secreto se includens, cum annos omnino quinque & viginti, in eo sanctissime traduxisset, ex longa vigiliâ, ad æterna festa vocatus est, collectâ non exiguâ sanctitatis opinione. De eo præter illa, quæ concilijs viri Sanctimoniz, latebris illis, conteguntur, memoria est proditum, quod Signo S. Crucis Energumenum, stygio inquilino liberârit, & sub mortem eius, templorum Campanæ, sponte sua concrepuerint; eoque factum est, ut, orto, inter conuicinos populos, de funere eius deducendo, habendoque cadauere, litigio, in id arbitrij vtrinque conuenerint, ut iunctis ad plaustrum, quo sacrum pignus veheretur, duobus, nullo domitis iugo, Iuuentis, ei demum populo sarcina cederet, cuius ad fines, nemine agente, boues duxissent. Qui sibi permisi, rectâ ad Montichiellum duxerunt, ibique sacra Reliquiæ honorifico illatæ conditorio, locum sepulturæ ac venerationis inuenerunt. Tribus ergo mensibus in hac solitudine exactis: appetente comitorum tempore, cum discedere pararet Philippus, insolita illum, diuinitus immissa, incessit cupido, aliquid pro hospitij, cæterorumque beneficiorum gratiâ, loci Incolis, Accolisque, in vicem reponendi. Et id verò, non solum munificè, sed mirabiliter etiam, quò sanctitas eius clariùs proderetur, per eum Deus præstitit, ut ex memorabili euentu miraculi sequentem in modum parauit.

PHILIPPI SANCTITAS DENVOT INNOTESCIT, ET ASSERTITVR, ELICITIS.

è Saxo, salutiferis vndis, quæ Thermis PHILIPPICIS in monte Tunniato, nomen fecerunt.

CAPVI SEXTVM.

Prius igitur, quàm relicto Tunniato, PHILIPPVS committijs.

mitijs præfuturus, iter Florentiam ingrederetur, Diuino, quo agebatur, spiritûs impulsu, eum conscendit collem, qui nunc huiusce, de quo agimus, fontis caput, & salubrium istarum vndarum scaturigo est. Ibi, posteaquam præferuidas in preces aliquamdiu incubuit, quas ex responso vitæ, quod intus atque in animo sentiebat, exauditas esse cognouerat, velut alter Moses, versus, cum ingenti fiducia ad proximum saxum; percussûmque, quem fortè manu gerebat, scipione, DE I imperio, Incolarum, aduenarûmque bono, vomere aquas iubet. Dictum, factum. Petra velut in vndas eliquata, non modò largifluos, sed præditos etiam vi medicâ latices, copiosè profudit; qui deinceps, Thermas Tunniati montis, & sanctitatem ac fidem PHILIPPI, ad æternam posteritatis memoriam, nobilitarunt. Equidem, si pro connexionem, & cognationem hieroglyphicâ, quam cum Diuinâ Gratiâ Aquarum natura atque affectus habet, digredi nos hoc loco, fatigandi Lectoris verecundia pateretur, non iniucundâ, vt opinor, catastrophe, hic adduceretur in medium, admirabilium rerum varietas, quam Aquæ ministerio Diuina sapientia designauit. Verum, vt ab instituto non abeamus longiùs, & cætera taceamus, huius certè Elementi operâ, eadem. DE I sapientia videtur peculiari quadam ratione ad clarandum Philippi nomen, & solitudinis amorem, vt voluisse. Ita primùm secessum eius in montem Senarium, ita hunc secundum, in Tunniatum, elicitis vtrobique perennibus fontibus, omnium sæculorum memoriæ commendauit, ac velut per apta quædam symbola, victam ijs in locis vitæ puritatem, perennitate donauit. Cæterum quod ad ipsas attinet aquas, sciendum est; eas in Origine suâ dulces atque potabiles esse, at vbi templum iuxta situm

Fons miraculose elicitus.

Eiusque affectiones.

L

(occul-

Et crater.

*Indubita-
tūque mi-
raculi fi-
des.*

(occultis hiulcæ terræ meatibus resorptæ) subiêrunt, & per passûs ferè centum, sulphuris, nitri, Calchontidis, atque Aluminis mineralibus miscuère sese, vt eorum tinctæ contagione, desinunt potari posse, ita tantò lauantium v- sui salubriores fiunt. Denique per flexuosos, ac subterra- neos tractæ meandros, indidem, vnde iussu PHILIPPI scaturiuère, profunduntur, copiosâ aquarum scatebra, quæ subiecto excipitur cratere, denûm ferè cubitorum symmetriâ, quæ tamen capacitas temporum iniuriâ ar- ctior est facta, sæcibus, quas sæculentæ vehunt aquæ, in candidum, ac porosum pumicem concrefcentibus. Inde redundante conchâ, effusus per decliuiâ collis latex, in- certis ac variatis subinde alueolis, in plures spargitur ri- uos, quos tamen vnum ad caput collectos, Balneatores per artificiosum tubum deriuant ad fontem situm in viculo quodam, vbi ægilant. Cæterum religione, & harum salubritate aquarum ductus Ser. mus Cosmus I. Magnus Hetruriæ Dux, nouis operibus, veteribus quoq; restaura- tis, grandi eas impensâ meliorem in modum munijt. At- que, vt omittamus opinionem quorundam, qui has aquas confundunt, cum ijs, quæ ex vetustæ vrbis Rosellarum ru- deribus eruperunt (qui tamen locus totis viginti milliari- bus distat Tuñiato) tamen si ceterâ luce historiæ destitue- remur, quæ fidem rei, quam agimus, abundè facit, par es- set, acceptæ per manûs aliquot sæculorum, memoriæ In- colarum credi, qui præter hanc auorum, at auorûmque authoritatem, peruetus etiam manu scriptum Chronicon monstrant, quod agresti synceritate, Germanam harum originem aquarum, luculenter, in hæc verba, prodit.

„ Balnea S. Philippi, id cognomen sortita sunt à B. Phi-
„ lippo Ordinis Seruorum, Florentiæ, ex Patritia Benitio-
rum

rum familiâ oriundo, qui, cum esset eius Ordinis Genera-
lis, & vir cum sanctitate, tum doctrinâ illustris, & anno
Christi 1269. mortuo Clemente IV. Pontifice Narbonen-
se, parum inter Cardinales de sufficiendo successore con-
ueniret, à multis ex illis, Pontifex est renunciatus, sed ille
pro magnâ suâ humilitate, tam magnam vitaturus digni-
tatem, cum aliquot socijs, occultus in Tunniatum, Sena-
rum fugâ, peruenit. Vbi, cum aliquamdiu sanctè ac solita-
riè vixisset, demum, cum discessum ad suos fratres para-
ret, orationibus à Domino obtinuit, vt ex loco quodam,
quartâ milliaris parte, ab Eremitorio eius, disseto, ægris sa-
lubres aquæ scaturirent, quo obtento, & ingenti, quod in
summo colle erat, saxo, ter scipione percusso, subito ea vis
aquarum exiliuit, quæ has Thermas constituunt. Ex qui-
bus apparet, hisce Thermis Diuinitus, vt alijs ab naturâ,
originem contigisse.

Haftenus Chronicon. Porro, quod ad ipsas medicas *Vis Aqua-
rum medi-
ca*
aquarum vires, atque efficaciam attinet: præter ipsorum
Balneatorum testimonia, saluberrimas eas esse, multi gra-
ues Scriptores monumentis suis testatum reliquerunt:
& cum primis Andreas Baccius, & Elpidianus, in opere,
quod de Thermis & Balneis Sixto quinto summo Ponti-
fici inscripsit, in quo ita censet: has Thermas insitâ qua-
dam, tum Diuinæ gratiæ, tum naturæ miraculo, medendi
præstantiâ, & compendio, facilè reliquas omnes Italiae
Thermas antecellere: certè ex eorum prodigiosâ produ-
ctione & bonitate, ingens ad Philippi Gloriam accessio est
facta: & valent hodièq; ad summam venerationē eius, apud
cōuicinos loco populos; de qua veneratione totis iam tribus
saeculis nihil remiserunt. Sed Philippus interim, flagrante
recentis facti applausu, famæ cessurus, vitatâ publicâ viâ, &

Senarum ciuitate, ipsi alioqui addictissimâ, tum alijs locis, vbi nosceretur, per occulta callium, Florentiam profectus est, editis in vno miraculo, pluribus; certè enim si quis rei totius gestæ seriem ex vero & iusto, ac non vulgi opinione, aestimet, clariora prodigia sunt, respuere summam dignitatem, euitare populorum effusa studia, ac propè diuinos honores, quàm ex scopulo vndas euocare. Ita nobiscum censuit optimus harum rerum aestimator D. Chrysostomus, cum liberè pronunciauit, Temporalium bonorum contemptum alijs miraculis esse mirabiliorem.

PHILIPPVS PER ACTIS FLORENTIÆ COMITIIS, ET ITINERE IN GAL-
lias, ad visitandam Religionem, & promulgandum Euangelium, instituto, ad urbem Mutinam quibusdam consceleratis Diuini Numinis execratoribus, meritis poenas, quibus breui post deflagrauere, præ-

dicat.

CAPVT SEPTIMVM.

Postquam, hisce itineribus, nobilitato in perpetuum Tunniato, Florentiam peruentum est, conuocato Patrum cætu, PHILIPPVS, concionem habuit, super illud Psalm. 86. *Fundamenta eius in montibus sanctis.* In eâ, vbi Regnum cælorum, ac ciuitas DEI, in militante lateat Ecclesiâ, & quo ductu ac disciplinâ Asceticæ militiæ Pugnatōres, ac præsertim iurati in obsequium Deiparæ Serui, obire munera sua, & ad cælum niti debeant, cum sæliciter, & vehemente, quo æstuabat, à recente solitudine, spiritu (subiectâ suauissimâ apostrophe de B. ma Virgine, deque præsentē eius in suos curâ, ac tutelâ) exposuisset; ordinatâ, pro tempore, cæterâ Republicâ Comitia soluit. Hic Conuentus Patrum primus fuit, in quo rogatæ nuper
in

*Constitutionibus suis
à Capitulo
Generali
confirmatis.*

in Pistoriensi Congregatione leges, perlatae sunt, ac vim
 vsumque confirmatarum habere iussae, quoad opportuno
 tempore autoritas illis Pontificia accederet; tum qua-
 tuor Diffinitores, singulis praefecti Prouincijs, atque ipsa
 Prouincialia Capitula, instituto hodierno, celebrari cepta.
 Conuocatis dehinc priuatim Patribus, PHILIPPVS neces-
 sitatem proponit profectionis suae extra Italiam, ad visi-
 tanda, quae illic essent coenobia, ex praescripto decreti Ca-
 pituli Generalis, ad Burgum S. sepulchri, Anno Christi
 1262. celebrati; praeterea se eodem vocari ab iniuncto
 Concionatoris Apostolici munere. Tum datis monitis, ac
 mandatis, quae res tempusque exigebat, in socios itineris,
 ex omnibus deligit BB. PP. Rocouerum Vguccionem, & *Et alijs sibi*
 Gherardinum Sustenium, quos solos, ex numero septem *tum comi-*
 primorum Patrum superstites, qui per aetatem tolerare *tibus dele-*
 labores possent, Vicarios Generales caeteris nationibus *Etis tum in*
 destinauerat; deinde his succenturiat, duos alios, Germa- *Italia sub-*
 num, Gallumque, qui vel non ita pridem erant sacris no- *stitutis.*
 stris initiati, vel missi a suis, ut illi Generali Concilio inter-
 essent, & quoad eius fieri posset, euocatum Generalem,
 linguarum viarumque peritiā deducerent. Ij fuerunt P.
 Gualterus Theutonicus, & P. Joannes Francicus. His socijs,
 addito F. Victore, indiuiso B. P. Comite, cum P. Lotharin-
 gum Vicarium suum interim in Italia nominasset, & ma-
 gno Charitatis sensu, cunctis valedixisset; seque, illisque,
 & causā itineris, D. Virgini Annunciatae commendatis, vna
 Bononiam iter auspicantur, quo vbi, superatis, non sine
 defatigatione, Pyrenaeis montibus, peruenerunt; visitato,
 quod illic ab Anno Christi 1263. fundatum erat, fratrum
 Domicilio, Mutinam versus caeptum iter prosequuntur. *In Gallias*
 Erat anni tempus, quo sub ortum Caniculæ, solis ardori- *iter habes,*

bus omnia torrentibus, periculosa per Italiam ac laboriosa esse solet itineris conficiendi ratio: ea tamen morari Philippi, ac sociorum cursum non poruit, quin flagrante etiam meridie, puluerulentam viam carperent, quoad misertus sociorum Philippus, eos, ambulatis aliquamultis miliaribus, aliquâ parte quietis, æstu ac lassitudine debilitatos, recreare voluit: & opportunè oblata est in patente æquore, patulis diffusa ramis, Vlmus, quæ gratâ umbrâ, & frigidulæ auræ susurro, velut invitabat ad acquiescendum viatores; huc cum Patres subeunt, inveniunt collectum ibi, ex facie & colluie hominum, manipulum aleatorum, scortorumque, & viatoribus imminentium prædonum; qui eum locum, omnium scelerum & impietatum stativis ceperant. Hi pro similium videlicet hominum licentiâ, novos hospites virulentis probris ac sannis excipiunt, quæ Patres tamen pro exaggeratæ mentis constantiâ, faciliè trans mittebant, refutabantque modesto silentio. At ubi nefarii homines, in Fescenninas strophas, & diras Divinæ Maiestatis execrationes, & maledicta in Deiparam, ac Diuos omnes, per aleam, perque ludibria, sceleratas linguas laxârunt, id verò Philippus non ferendum ratus, pro ardenti Divinæ gloriæ Zelo, Apostoli verbis, *si quis loquitur quasi sermones DEI*, impiam turbam increpitar, docetque, linguam homini vocalem, præ cæteris animantibus, diuinitus ideo datam, ut tam præclari muneris largitorem collaudet, ac pro beneficijs innumeris gratias agat, eoque, impiè ac nefariè, contrarios in usus, hoc est in conditoris contumeliam exacui; quod si spe impunitatis ita licenter furerent; solere DEVM eò grauiore manu, quò grauiore pede, descendere, ad sumendas de tam horrendis sceleribus pœnas: quas denunciare se ipsis ait, *DEI irati*

*Aleatores
blasphemos
in viâ of-
fendit,*

*Quos seve-
re corripit,
ultione di-
uinâ præ-
dictâ.*

irati nomine, sine morâ calitus ingruentes, nisi confe-
 ſſum reſiſcant, & mutatâ voluntate, de expiandis, omni
 ratione, tam atrocibus delictis, placandôque Numine, ſe-
 riô cogitent. Ad tam ſeueram denunciationem, aliqui ex
 illo perditorum globo, conſternati, pollicentur, ſe in Phi-
 lippî poteſtate futuros: contrâ cæteri in rabiem efferati,
 eum, ſociosque circumſiſtunt, & faceſſere inde quàm pri-
 mum iubent; ni faciant, malè multatos abituros; ac ſub-
 inde congeminatis in DEVM, & Fecialem eius PHILIP-
 PVM vltimis probris, parùm ab illatâ violentia aberant.
 Tum PHILIPPVS, actum de miſeris videns, eorûmque
 illacrimans exitio, & quâ erat humilitate, deprecatus, ſi
 quid moleſtus monendo fuiſſet, ad ſocios, & eos qui in
 ſpem bonæ frugis ſe illi adiunxerant, agite, inquit, fratres,
 propriam iſtinc nos quantociùs, ego enim illam cœli
 faciem (fortè ad cœlum digitum intenderat) quæ tran-
 quilla vobis ac ſerena videtur, minacem iratamq; video,
 & vlticia fulmina in iſtos infelices expedire; &, cùm
 dicto, deſtitutis ſub arbore illis, orco iam deuotis victimis,
 ſocios præ ſe actos in viam concitat. Vix digreſſi erât, cùm
 ecce ſereno cœlo, repentinè audiri flatûs horriſoni, & ni-
 greſcere circa in fœlicem arborem, & condensari nubes,
 ſolis aſpectus adimi, & tenebris conduplicatis, inhorre-
 omnia, dein omnis mali vis in vnâ collecta procellam,
 illi, Vltimo allabens, cùm, fulguribus, fulgetriſque horribi-
 lem in modum proluiſſet, ad extremum excuſſo decu-
 mano fulmine, Vltimum ipſam, & conſceleratos illos tam
 potenter icit, vt arbor ſtirpitus, hominésque in cineres
 redacti, momento deſlagrauerint. At Philippus & ſui, qui
 omnia ex propinquo oculis vſurpabant, tam formidabi-
 lis

Quâ ſubi-
 to, fulmine
 icti, impli-
 cantur.

lis spectaculi atrocitate, exangues, supplices coelo mandis
tendebant, DEI erga se benignitatem, & noxia illa in ca-
pita Justiciam collaudantes; ac, si quæ fortè spes in tam af-
flictâ causâ, pro addictorum profligatâ salute deprecân-
tes. Cæterùm, qui, Philippo autore, eam cladem, & iuxta
æternam perniciem euaserunt, dignam tam memorabili
Diuinæ ultionis exemplo, vitæ ac rerum suarû rationem
ineuntes, reliquum ætatis in deplorandis ijs, quæ ad eam
diem malè riserant, exegerunt, & sparsi per Æmiliam at-
que Insubriam, DEI clementiam, & Seruicij PHILIPPI
sanctitatem ac propheticum spiritum diulgârunt. Idem
præstitit, suo modo, ætatis suæ Apelles^s, Andreas Sarto-
rius, qui, pro suâ in D. Philippum religiosâ pietate ita gra-
phicè hoc factum coloribus expressit in porticu D. Añun-
ciatæ Florentiæ, ut vel picta facti repræsentatio horrorem
incuriat contemplantibus^s.

RES A B. PHILIPPO IN GALLIIS ET GERMANIA

gestæ.

CAPVT OCTAVVM.

ERat, eâ tempestate, rerum status, in Italia, & in Regno
Gallicano, longè dissimillimus. Nam Friderici Impe-
ratoris Hæredes, Italiam, sædum in modum, sub acer-
bo iugo afflictam, lacerabant. Contra Gallia, succeden-
te sancto parenti, pio Filio PHILIPPO, prosperè, latèque
florebat; tanti refert ad regnorum fælicitatem, pij sint, an
impij Principes. Is Philippus, paterno instituto vniuersim
Religiosos omnes, ac præcipuè aliunde vel extorres, vel
propagandæ pietatis causâ, venientes, singulari benigni-
tate, & beneuolentiâ complectebatur, & iam antè, in eo
Regno,

Regno B. P. Manecti operâ varijs in locis, Ordinis nostri homines domicilia fixerant, & quibus incrementis per eas terras profecerant, ijsdem longè latèque fama nominis & sanctitatis B. P. increvit; adeò vt incredibili studio primarum Ciuitatum, & exciperetur publicè singularibus beneficijs atque honoribus, & priuatim homines, summâ contentione, frui alloquio, & ardentes spiritu Apostolico conciones eius audire affectarent. Verùm hæc tam lata initia, & gratulantium inter se Gallorum ac Philippi gaudia, tristi nuncio nonnihil funestata sunt; quippe per eos dies affertur ex Africa: Ludouicum Francorum Regem, expugnatâ, per summam fortitudinem, Carthagine, victisque perduellibus, & reliquijs eorum Tuncetum compulsis, in eius vrbis obsidione decessisse: scilicet, vt cuius viri meritis, ac fortitudini, pares honores, omnibus apparatus suis, reponere Gallia non potuisset, integro Gloria præmio in cœlo triumpharet. Ea iactura vel potius fortunæ commutatio, quia turbatura videbatur Reipublicæ Christianæ faciem, atque Ordinis bono, meditata atque allata domo, PHILIPPI consilia, quæ cum reduce Rege conferre aliquando statuerat, grauitè eum affecit, cumulante maximè id incommodum funere Cardinalis Rudolphi, qui apud eundem Regem Legatus Apostolicus, Philippi cœptis mirè fauebat. Inter has ancipites curas fluctuanti Philippo DEVS affuit, iniectâ Philippo Regi, paterni Regni ac pietatis Heredi, eâdem mète, quæ in Patre fuerat; à quo, cum B. Pater per benignè inuitatus, appellatusq; esset; is tum Philippum ipsum magno in honore, amorèque habuit, tum congregationem ipsam in Gallia nostrorum hominum, in Regiam tutelam curamque suscepit, tanto fauoris significatione, vt spes maxima af-

*Itineris
fructum,
mors Re-
gis Gallie
retardat.*

*Sed à suc-
cessore a-
què huma-
niter inui-
tatur.*

M fulge-

*Religionis
locum Gal-
lis auget.*

fulgeret; stabilitis, quæ acquisita erant, cœnobijs, adijciendi per florentissimum illud Regnum multò plura. Visitatis igitur Parisiensi, Tolosano, Mompolierio, Viennensi, Auinionensi, Marsiliensi & qui in Delphinatu, alijsque in urbibus erant, Conuentibus, animum adiecit ad nouos exædificandos: id quod facilè, ac magno numero præstitit, quòd, vt clari authores affirmant, ab omnibus pro Apostolo habitus, magno vndique certamine, à viris principibus, alijsque, de prima Gallicanâ nobilitate adiretur, qui illius manibus Religioso Deiparæ Habitu amiciri, iniciarique orabant. Oportunus hic, aut potius proprius locus esset, singulatius tam admirabiles progressus (habita ratione tēporum, locorumque, ac varietatis eorum) vel in syllabum redactos, describendi; sed cùm sub annum Christi 1389. factâ ab Ordine reliquo, per occasionem enati inter verum Pontificem Bonifacium Nonum., & Pseudopapam Clementem, schismatis, Patrum Gallorum (excepta vnâ Galliæ Narbonensis Prouinciâ, quæ adhuc reliquo Ordinis corpori adhæret) diuisione, plerâque monumenta vel interciderint, vel interuersa sint, ita vt extinctâ, per dissidium, necessitudine fraternâ, vix quicquam certæ lucis huic ex illis partibus historiæ affulgere potuerit, inuiti desumus officio. Ordinatis in hunc modum rebus Gallicanis, præfectoque ei Prouinciæ Vicario Generali B. P. Gherardino Sustennio, PHILIPPVS instituto per Sequanos, qui trans Rhenum sunt, Heduosque itinere, in Germaniam ibat, sed cùm, famâ anteuolante, ei genti illius sanctitas, ac promouendæ pietatis ardor, innotuisset, inuitantibus populorum ardentissimis studijs, ita incubuit in Diuini verbi prædicationem, & Conuentuum, qui illic erant, emendationis Religionis, cultum; vt non secus ac Galli, Sequani certatim nomina ad nostram Militiam, profi-

*Alibi etiâ
maximis
accidentibus
incre-
mentis.*

proficerentur. Affirmatissimè Gentis eius Añales habent: eâ tempestate in Italia, Gallia, Germania, Generale PHILIPPO, Patrum Servorum millia decem censa esse, præter Tertiarios Fratres ac Sôrores, quos vocamus Mantelatas. Magnum momentum tanto incremento attulit, Alexandri IV. summi Pontificis datum in fauorem nostræ Religionis rescriptum, quo omnibus, qui de factione Friderici secundi Imperatoris, Innocentij IV. Pontificis sententiâ, anathematis vinculo tenebantur, redeundi cum Ecclesia in gratiam, potestatem faciebat, si ad specimen veræ de antèactæ vitæ licentiâ, pœnitudinis, institutum Servorum suscepissent. Quo factum est, vt Barones, Marchiones, Duces, & Principes, alijque Dynastæ, frequenti numero, remisso opulentia, ac gloriæ militari nuncio, ex magnis Dominis Serui facti, in Religionis leges iurarent, aut qui tolerando seueriori primi Ordinis instituto non erant, tertio Ordini manciparent sese.

Author est in annalibus suis Gianijs noster, hoc primo, in Germaniam, Philippi aduentu, Rudolphum Habsburgi Comitem, Austriacæ magnitudinis ac maiestatis authorem, satorémque, non quidem affinitate vllâ criminum Friderici, sed spontaneâ pietate, & amore gloriosi obsequij, nominisq; Servorum Deiparæ, tertij Ordinis habitum ab ipso PHILIPPO vnâ cum coniuge suscepisse, contractamque per eam occasionem mutuam familiaritatem, causam fuisse, cur euectus postea ad Imperium Rudolphus, missus ad Nicolaum 3. Pontificem, Legato, oraret sibi Philippum mitti, vt eo Diuinæ legis voluntatisq; interprete vteretur. Alij id factum in secundum eius ad Rudolphum iam Cæsarem aduentû differunt. Vecunque se ea res habet, id certû compertumq; habetur: operâ atq; industriâ

Quaque occasione id acciderit.

Etiâ in Germania floret Ordo, Generale Philippo.

Philippī, Ordinem Seruorum non tantum longè latèque per Germaniam superiorem, ac præcipuè in Saxonia, Westphalia, & in Germaniam inferiorem ad Frisonum, vsque Orientalium Emporium Emdam (quod est ad Amisij fluminis, se in oceanum exonerantis, ostium) magno hominum, ac cœnobiorum numero, sed etiam per Pannoniam & Poloniam prolatum fuisse. Quod cum incredibili celeritate, fulminis in morem, parentis ab Oriente vsque in Occidentem, præstitisset, inito in hūc ipsum finem adeundæ Hispaniæ Consilio, partis eā bienni expeditione rebus, B. P. Vguccionem Progeneralem præfecit: itinere in Gallias instituto, vt in transitu nouas à se deductas colonias stabiliret, Lutetiam Parisiorum venit; vbi cum PHILIPPO Rege denuo in colloquium veniens, qualiacunque instituti Seruorum ijs in oris primordia, & relictum Vicarium suum Vguccionem, memoratis viri meritis ac sanctimoniâ, ei commendat. Quæ aliâque ad vniuersam rem Christianam spectantia, negotia, dum inter vtrūmque PHILIPPVM agitantur, fama Parisios affluit, creatum ex Archiepiscopo Leodiense, Pontificem, Gregorium X. qui per id tempus, Reipub. Christianæ causâ, Ptolomaide Syriæ, cum Eduardo Angliæ Principe, aberat. Quo tam optato, post diuturnum Ecclesiæ interregnum, nuncio exhilaratus B. P. vocantibus in Italiam urgentioribus causis, profectionem Hispanicam in præsentia dilatat, cum Italicâ permutauit.

PHILIPPVM CVM SOCIIS IN ITALIAM PER ALLOBROGVN ALPES ITER habentem, post tridui errorem, atque in ediam, Angeli in viam reducunt.

CA.

DIgesti hoc ordine, ac stabilitis Germaniæ, Galliæq;
rebus, PHILIPPVS & literis suorum, & rei in Italia
publicæ necessitatibus sollicitatus, viam molitur
cum socijs, vel filijs potiùs, quot spiritûs fecunditate ac fa-
cundiâ apud exteros genuerat. Horum in numero, sancti-
tatis spectabilis fuit Ioannes Francofordiensis, è primâ a-
pud Vsi peres nobilitate, Iuuenis, sed pietate in Deiparam,
& reliquis animi ornamentis nobilior; qui, cum fortè ijs
diebus, quibus Philippus Francofurtum ad Mænum adie-
rat, de certo vitæ statu capeffendo deliberaret, noctu quâ-
dam ipsa B. ma Virgo se illi multâ conspicuam gloria, vi-
dendam obtulit, & quoad consultum salutis suæ, & obtem-
peratum Diuinæ voluntati cuperet, aduenam ex Italia Pa-
trem, cum adire iussit, qui pullâ in veste, popularibus eius
per eos dies concionaretur: illius sermonibus, & consilijs
morem gerendo, certam salutem eum, & portum fluctu-
anti inter ancipitia consilia menti, reperturum. Paruit
Ioannes celestibus monitis, & conuento sequenti die Phi-
lippo (qui & ipse ab eadem B. ma Virgine, quid Iuuenis
fieri vellet, præmonitus erat, ac certior factus) ordine ex-
ponit veniendi causam, & authorem DE I MATREM. Phi-
lippus perbenignè acceptum iuuenem, expositis, quæ
talibus consilijs vel moras vel impedimenta faceffere so-
lent, vt habebat à communi Dominâ in mandatis, coopta-
tum in numerum Seruorum cœlestis Reginæ, habitu in-
ducit Religionis, in quâ ille ad annum vique 1345. vitam
singulari pietate, ac præcipuè, à seueritate in se ipsum ad-
mirabilem produxit. Ac demum postquam varijs in locis,
ac præsertim Lucæ (quo pallium Philippi magno in eâ
ciuitate ægrorum bono ex Germaniâ attulerat) cœnobijs
M 3 præ-

*Cum Ioan-
ne Franco-
fordiensis
in Italiam
reuer-
tur.*

*Illius mi-
rabilis vo-
catio.*

præfuiſſet, reuerſus in Patriam, Francofurti extremum diem clauſit, miraculis & in vita, & poſt mortem clarus, & apud ciues ſuos magno ſemper in honore ac veneratione habitus; quamdiu illis bona mens & ſyncera Religio conſtitit, vt fuſius habent Annales noſtri.

*In alpi-
bus
Philippus
cum ſuis à
viâ aber-
rat.*

Hoc ergo Ioanne & Fr. Victore Italo, & altero Ioan-
ne Gallo, ac F. Gualtero Germano ſocijs, PHILIPPVS, inito
Italiam verſus itinere, cum alpes eſſent ingreſſi Allobro-
gum, viâ militari deerrârunt, ac toto triduo per opacas, &
ſolis feris peruias ſyluas viam veſtigantes, redeundi, vt
fit, in viam ſtudio, ex alijs erroribus in alios impliciti, nul-
lam rationem inueniebant, explicandi ſeſe, ex impeditis
illis ſaltuum anfractibus; & augebat rei difficultatem ine-
dia, ac laſſitudo, quibus triduanis conſticti, dum neque
portionis aliquid, leuandæ ſiti, neque cibi, ſedandæ fami,
reperiſſent, linqui iam animis, viribûſque deſtitui incipie-
bant; cum Philippus ad conſuetum precationis ſubſidium
conuerſus, idem ſocijs facere iuſſis. Poſtquam ardentem
charitate ſuorum, & magnâ, in DEI ſuauiſſimam prou-
dentiam, fretam ſpe, orationem, cum lachrymis, ad DEVM
fudiſſet, repente voces aliquæ, humanis ſimiles, afflant,
quibus feſtiuâ gratulatione compellati Patres, ad amiſſam
viam, & reſectionem virium, poſt tot labores inuitaban-
tur. Ad quas ipſi ab exorſa oratione vertentes ſeſe, quam-
primùm eluctari potuerunt ex ſenticofiſ illis plagis, in
duos incidunt, qui habitu quidem, ac reliquo cultu corpo-
ris, paſtores videbantur, cæterum, vt poſtea apparuit, An-
geli erant. Ab his in proximum Tugurij hoſpiti-um, mul-
to cum honore verborum, & comitate pluſquam paſtori-
tiâ, deducti, inſtructam ibi, miri candoris ſaporis que pani-
bus, & gelidæ aquali, menſam reperiunt: cui, poſito timo-
re-

*Miraculo-
ſe reſcitiun-
tur & in
viam re-
ducuntur.*

*Ab Ange-
lis habitu
paſtorum
apparenti-
bus.*

re, accumbere iussi, purè suauiterque epulati sunt: ac is-
que DEO infinitis gratijs, ducibus hospicibus suis, redu-
cuntur in rectam viam. Et Duces quidem officio perfun-
cti, depositis personis, repente ex oculis Patrum euane-
scentes, videri desierunt, at Philippus cum suis in Italiam
descendit; vbi virtute atque industriâ Vicarij sui, aliorum-
que Patrum labore, magnam multorum Cœnobiorum
ad Religionem, factam accessionem esse, per illud absen-
tiæ suæ biennium, ingenti solatio suo reperit. Ita per Pe-
demontanos profectus, atque de via, in transitu, noua illa,
eo absente, cœnobia, cum voluptate, inuisens, superatis
Apennini Iugis, peruenit ad montem Senarium, vbi ut
passim alibi, incredibili Fratrum gaudio exceptus, quàm
propitio DEO ac Deiparâ, totâ peregrinatione vsus esset,
exultantibus inter mutuas gratulationes, denarrabat.

PHILIPPVS MULTORVM PRIN-
CIPVM VIRORVM INVITATV ALIQVOT

sacris Domicilijs fundatis, alijsque restauratis,

vocatus ad OEcumenicum Concilium

Lugdunum abit.

CAPVT DECIMVM.

TRaductis in Senario, ut in publico Ordinis vniuersi
domicilio, & origine, ex quâ PHILIPPVS primitias
spiritûs hauserat, cum magnâ animi voluptate, ali-
quot diebus, Florentiam descendit: vbi aditâ D. Virginis
Annunciatæ Imagine, gratias primùm, ut æquum erat,
agit DEO & sanctissimæ MATRI eius, ac Dominae suæ:
quorum benignitate & curâ, res toto illo peregrinationis
biennio gestæ, bene ac fœliciter vertissent, deinde admis-
sis ad complexû B. P. Alexio, & cæteris eius loci Religiosis
suis, maximis vtrinq; Charitatis & gratulationis significa-
tionibus,

*Philippi
cum suis
Florentia
congressus,*

tionibus, certatum est. Nobilitabat eum congressum tum Philippi autoritas, tum præcipuè veneranda B. P. Alexij Canities, & senile gaudium, quo seriem audiebat tot lætorum Religionis progressum. Erat is tum solus in Italia superstes ex septemuiris, instituti nostri Ducibus; nam quatuor iam in cœlum migrauerant, & reliqui duo extra Italiam res gerebant. Is ergo narrantis Philippi ab ore pendens, ac tanta intra atque extra Italiam nominis Seruitani incrementa, & tot animarum lucra, in commune eiusdem ærarium redacta intelligens, septuagenario maior,olorinum illud coætanei sui canebat: *Nunc dimittis Seruum tuum Domine, secundum verbum tuum in pace &c.* quam hoc illius votum, multos in annos DEVS distulerit, siue vt multò ampliora, ad solatij sui cumulum videret, siue, vt quàm diutissimè laborantibus in obsequio Dominae suæ Seruis, primæque lucis ac feruoris illa fax luceret; essetq; vnde exactè Scriptores, qui serò res nostras scribere exorsi sunt, discerent, velut ex oculato teste, & quorum ipse pars magna fuisset, admirabilem ortum, ac progressum per integrum sæculum Religionis huiusce. Vixit autem annos omnino centum & decem, & ex his in Ordine 77. tanto studio humilitatis & subiectionis, vt licet à pueritiâ bonis literis insignem operam feliciter nauauerit, & doctrinam minimè vulgarem, cum sanctitate & singulari prudentiâ habuerit coniunctam, tam longam ætatem priuatus agere omni ope studuerit; vt in eum finem aduersam valetudinem, qua vt plurimum variè exercitus est, impetrasse diuinitus videatur. Itaque sibi, ac valetudini suæ relictus, ægritudines animi, in affecto corpore, adeò persanauit, & in potestate habuit, vt apathes penè videri posset; quippe qui robustissimos quosque Iuniorum, non modò

*Præcipuè
cū Alexio
viro san-
ctissimo.*

*Cuius vir-
tutes recē-
sentur.*

modò æquaret, labores, inediâ, & castigandi corporis patientiâ, sed superaret etiam, in decrepitâ ætate. Vini præferrim tantus osor fuit, nullo abhorrentis naturæ vitio, ut cum languenti ventriculo fouendo necessario esset adhibendum, imperio Superiorum ad id adigi debuerit. Præterea, licet tranquillo semper & placido oris habitu esset, redundante in aspectum, animi serenitate, nullus tamen eum vnquam ridentem vidit, nec vicissim quisquam facris ad Altare operantem, nisi persusum yberrimis lacrimis: in adeundo Choro, semper primus, in abeundo semper vltimus in statione fuit, nec tamen in tam pertinaci contemplationis studio, alteram instituti nostri partem, quam Activam vocamus, vel æger omittebat. In redomesticâ tractandâ diligens, & exactus, in reducendis ad bonam fragem proximis, tantâ fuit efficacîâ, ac suauitate alloquij, nunquam ut eo audiendo satiarêtur. Eius diuinæ eloquentiæ vis cum in pluribus alijs in viâ salutis reductis, tum in Fratre eius germano, nomine Clarissimo, de Falconerij, & Neptē Juliana de Falconerij, quanquâ dispari in re memorabilis exstitit. Hic periculoso implicitus questui, æternam salutem lucro oppignorauerat. Ista, relictis diuitijs, & generis splendore, Parrui exemplo, Seruitutem B. mæ Virginis ambebat. Vtrique Alexius adfuit: Fratri ut malè parca restitueret, author fuit: & Juliana eius salutari- bus monitis, mirificè accensa, prima, ut creditur, ex Virginibus, Tertij Ordinis, Habitum sumpsit, & in eo, Alexij præcipuè culturâ, singulari pietatis laude, supremum diem obiit; quibus, alijsque piè fortiterque gestis, Alexius in summâ senectute, in montem Senarium, ex altiori loco viæ in Cœlum compendium facturus, ascendit, ibique plenus dierum, ac meritorum, mirabilem viuendi finem

*Et morum
suauitas,
atque ar-
cana ser-
monis vis.*

*Et salutis
suorum stu-
dium.*

N

fecit.

*Denique
mors mi-
rabilis.*

*Philippus
populi in-
cēsā in Di-
nam An-
nūciatam
Religione
mire re-
creatus.*

*Que per
subsequen-
tia sæcula
miraculis
propaga-
tur.*

fecit. Quippe in supremā cum morte luctā, ei Agonothe-
ta Christus, suauissimi infantis specie, adfuit, qui vetera-
num Athletam suum, cœlestium florum corollā, adhuc in
arenā coronauit, & cœlestes Genij, sub candidissimorum
aliturum formā, frequentes, triumphantem deducturi, ap-
parere visi. Sed ad Philippum redeamus, qui non minùs
quàm Alexius, de amplificato extra Italiam instituto no-
stro latus, de eodem intra Italiam, per illud absentiae suae
biennium, mirum in modum aucto ornatōque sibi gratu-
labatur, ac præcipuè argumentum, quod ante oculos in
ædicula D. Annunciatae versabatur, cum manantibus præ
gaudio lachrymis mouebat: cū scilicet augustum illud
facellum, ad summam Deiparae Virginis gloriam, tanto,
tum populi Florentini, tum cæterarum gentium concur-
su, ac miraculorum frequētiā, tanto opere videret inclaru-
isse; præterea ex tot virorum Principum, ac summorum,
Pontificum & Regum donarijs, signis, anathematis, Ta-
bellisque votiuis, impetratae sospitatis testibus Diuini nu-
minis, in loco colligeret præsentiam. Et habuit sanè, ho-
diēque habet, hoc illa cœlestis Imago proprium, cum pau-
cis, ac pecculiare, iam inde à primo eius existentis vesti-
gio, vt perpetuo, ac nunquam interrupto tenore, quoti-
dianis miraculis cultorum suorū pietatem ac Religionem
per omnes adhuc ætates, in officio contineat. Testantur id
rum edita typis, auctore P. M. Luca Ferrino; tum ingentia
volumina manu scripta, quæ habentur in Bibliotheca
eiusdem D. Annunciatae, quæ de his miraculis conscripta
sunt. Quæ nos aliquando, bono Deo, & eadem Virgine
S. ma auspiciis (si magnitudo ipsorum miraculorum ac
multitudo, quæ est penè infinita non obster) cogitamus,
vt hanc historiam, in vnum collecta corpus, latinitate, ac
Typis

Typis donare. Quanquam ut à nemine mortalium illa scribantur, consensus populorum, & quotidiana præsentissimi Patrocini experimenta, tum vis quædã Diuinitus atque occultè indita huic S. mæ Imagini, celebritatem eius & Religionem perpetuabunt. Certè hac nostrâ arate cò usque venerationis, ascendit, ut ostendi nisi clam, ac de nocte non possit, ne affluentis contentione multitudinis aliqui obterantur; cui incommodo, ut Principum caueat providentia, & omnes intelligant, sanctiorem Hetruriæ Thesaurum eanteffigiem esse, duabus clauibus, quarum alteram ipsi, alteram Cœnobij Antistes conseruat, obiecta vela clauduntur, & eorundem insuper Principum annulo signantur. Ac nihilominus, si quando vel hospitibus Principibus, vel Regum ac Rerumpub. oratoribus, postico, & clam in cœnobium, exiguo comitatu admissis, intempestâ nocte, atq; oppellulatis templi foribus, Imago reuelatur, nullâ diligentia ita eluditur ciuitatis ardor, quin tot, quot Ecclesia capere potest, irrepant, multoque plures templi aditus, ac fores obsideant, strepero pulsu, atque infimis precibus, vocibusque intromitti orantes. Sed illud in primis admirandum est, & quod Diuinam quandam vim illi vultui inditâ esse, vel maximè conuincat, quòd sic admissi vix prima Virginei oris lineamenta, ad faces videant, cum solui statim in lachrymas, ac prorumpere in singultus, ac gemitus, internæ compunctionis indices, ac pectora palmis plangere incipiant vniuersi; atque adeò illi etiam, ut frequenter fateri solent, qui non tam pietate, quàm curiositate ac rei insolentiâ ducti, accurrunt. Tam plena est illa facies Gratiarum, ut planè diuinitus ac perpetuo miraculo contingere necesse sit ut tanta mouendi vis in vnus aspectum Imaginis cadere possit, quantam

*Eius ima-
ginis maie-
stas, & ad
eam con-
uersum.*

vix veterum Poëtarum licentia Palladis Ægidi, durandis in Saxa hominibus, affingere ausa fuit. Eius etiam huic Imagini insitæ virtutis testis est omni exceptione maior B. Aloysius, clarissimæ Societatis Iesu, ac Sermæ familiæ Gonzagæ Iubar; quippe, in cuius historia refertur: profiteri solitum: ex D. se Virgine Annunciata Florentiæ, velut ex optimâ nutrice, primitias spiritûs sui suxisse. Ad hanc ergo D. Annunciatæ Aram (vnde nos ipsius Virginis suauitas in hanc quoque digressionem pellectos, pertraxit) postquam PHILIPPVS omnes grati animi affectûs exonerasset, & solatus esset suos, ad ordinanda, quæ per absentiam cumulatæ erant, negotia, contulit sese: ac primò quidem morem gesturus populorum ac principum virorum studijs, quibus certatim inuitabatur, ad noua apud se Ordini nostro Monasteria capienda; vel restauranda, atque amplificanda ea, quæ temporum iniuriâ collapsa fuerant. Exorsus est, ab oppido S. Sepulchri, auspicijs Episcopi Nicolai Castellani, qui lapidem eius cœnobij angularem iecit, ac deinceps, Senensium, Lucensium, Pistoriensium, Perusianorum, Vrbeueteranorum, & Cortoniatum, aliorumque populorum inuitatu accersitus, multa Ordinis cœnobia vel facienda locauit, vel facta refecit. Exinde Arcium, studiosissimam sui Ciuitatem profectus, edicta illic comitia celebravit, anno allatæ salutis 1273. Constitutis, in ijs comitijs, quæ ad stabilitatem, ornatumque Religionis facere videbantur, in vicem aliquid gratitudinis ergo repositurus Benefactorum Munificentia, in communionem bonorum operum, quæ toto in Ordine fiunt, ipsos, & Tertij Ordinis homines, more Maiorum, atque authoritate Pontificiâ, publico instrumento recepit. Dimisso inde Patrum Conuentu, PHILIPPVS Senas, Romam illinc

*Philippus
Ordinis cu-
ræ & aug-
mento in-
nigulat.*

*Communi-
cationem
bonorum
operum Be-
nefactori-
bus & Ter-
tariis im-
pertitur.*

illine petiturus, proficiscitur ibi, ne vsquam nisi re aliqua memorabili gestâ, diuerteret, missum ad se, ab ipsa Dei-para adolescentem, annorum quatuordecim, Claromontensem nomine, ex antiquâ, vt quibusdam placer, Pellacorum, vel vt alijs, ex antiquiore ipsa Româ, Syluiâ gente (quæ hodie magnâ licentiâ vocatur Piccolominea) in obsequium Virginis atratum, Seruorum albo adscripsit, mutato Claromontensis sonoro nomine, in Paternum Dominae Ioachimi nomen. Sub quo ille nomine in virum sanctum adultus, maioribus rebus, quàm quæ exiguo, pro nostro more, diuerticulo, perstringi possent, fortiter ac mirabiliter gestis, à Paulo v. Pontifice Maximo, nostrâ ætate in Beatorum Catalogum est relatus. Interea agenti Senis PHILIPPO, litteræ afferuntur Cardinalis Orthoboni Protectoris; quibus, cùm significaretur: Pontificem, qui tum erat Gregorius x. profectiorem moliri Lugdunum Gallia, quò Concilium OEcumenicum conuocârat, nihil cunctatus, ad urbem res Religionis cum Pontifice ante discessum constituturus contendit. Eò delatus, & ad ea, ad quæ venerat transigenda, aggressus, intelligit: Pontifici placere, vt vnâ ipse cum aliquot doctorum virorum Ordinis comitatu, in Galliam ad Concilium se comitetur. Cognitâ Pontificis voluntate, Philippus ad se euocat F. Henricum Bonicollem Gandauensem, qui dictus est Doctor Solennis, alijsque, qui pro Ordine Seruorum (vt pro Prædicatorum Minorumque Ordinibus D D. Thomas, Bonauentura, & Albertus Magnus) illum Lugdunensem P. P. confessum cohonestarent. Profectus igitur Româ Pontifex, comitantibus Græcorum Imperatore, & Rege Neapolitano, alijsq; plurimis Cardinalibus, Principibus, Præsulibusque, Florentiam venit, si quâ ratione agræ ciuitati

*B. Ioachimi
num sus-
cipit.*

*Ad Conci-
lium Lug-
dunense v-
nâ cū Hen-
rico Gan-
dauensi &
alijs profi-
ciscitur.*

*Pontificē
in sedandis
Florentinis
dissensionibus
inuat.*

& ciuium suorum factionibus pessundatæ, medicinam, finemq; intestinorum malorum afferre posset; in quo tam egregio conatu, fideli operâ Philippi usus est: qui Patriæ Charitate, ac Zelo succensus honoris DEI, salutisque tot in illis lanienis pereuntium animarum, pro pace grauius ac magnificè, in proteruos verò, ac peruicaces odiorum ciuiliū satores authorēsque, acriter, fortiterq; dicendo, summi Pontificis conciliandæ ciuitatis studium, aduersus ingentem inoliti mali molem, sustentabat. Nec minori vsui Lugduni quàm Florentiæ PHILIPPI opera Pontifici fuit. Conuenerant ad illud Lugunenſe concilium Palæologus Græcorum Imperator, & eiusdem gentis Patriarcha Constantinopolitanus, ac præterea Legati variorum Græciæ Principum, quorum præcipuè de contrauersijs, inter Patres quæsitum est, ut concordia cum illis stabilita, leuatæque Reipub. Christianæ discordiarum sentinæ, tota vis ciuiliū armorum, eò facilius in Christiani nominis iuratum hostem Mahometanum verti posset, si latinæ Ecclesiæ cum Græcanicâ conuenisset. Controuersia præcipua erat de processione ex Patre filioque Spiritûs sancti, super quâ positione alijsq; aliquot contrauersis, cùm decimū iam & tertium, Græci cum Ecclesiâ Catholicâ, in gratiam concordiamque rediissent, hoc frequente congressu nihil actum esse cum Græcis ab Latinis compertū est, nisi quod actum egerint. Ea eius Nationis lubrica conditio & afflictus rerum Occidentalium, ac vel in primis Pontificiarum status, pium Pontificis animum sollicitum habebant; reduciturque cupiebat ad pristinum splendorem, resarcitis cladibus, quæ ab Imperatore Friderico, & Manfredo illatæ fuerant; tum eandem Ecclesiam Catholico Cæsare, ac beata pace (quibus per aliquamultos iam annos caruerat)

suf-

*Concilii &
Pontificis
institutum.*

suffultam optabat; vt versis in Turcam communibus ar-
 mis, Hierosolymitanum Regnum recuperari posset. Quæ
 cum sumopere necessaria, & Pontifici vehementer cordi
 esse PHILIPPVS perspexisset: primùm publicè pro argu-
 menti dignitate, de rebus sumâ vi atque energiâ differere,
 deinde priuatim singulos Procerum adire, monstrare ne-
 cessitatem eorum, quæ à Pontifice fuissent proposita; &
 omnia denique agere, quibus Græci Latinique inter se
 coalescerent, & in communem hostem, iunctis opibus ar-
 marentur. Accedebat, quòd sub istius tempus concilij,
 nouâ atq; ampliore spiritus exuberantiâ agi se vir Sanctus,
 atque impelli sentiret; quo fiebat, vt & cum veneratione
 multâ audiretur, & coniunctâ, cum Diuinâ quadam effi-
 caciâ, incredibili suauitate, omnium animis vim afferret.
 Et subseruiebat dictionis ardori donû linguarum, nempe
 præter Natiuæ, & partæ studio Latinæ linguæ, Græcæ, He-
 braicæ, Teutonicæ, Hispanicæ ac Gallicæ scientia: quas ita
 callebat exactè, vt velut nouum Apostolum vnusquisq; lin-
 guâ suâ illum audiret loquentem. Et comòdum per illos
 dies & vehementer opportunum rebus, quæ in illo con-
 uentu, à Pontifice, ac Patribus agebantur, accidit, vt septem-
 uiri Romani Imperij Electores, post longum, & varijs fu-
 nestum cladibus interregnum, Regem Romanorum salu-
 tarent Rudolphum primum Austriacum, Habsburgi, ac-
 que Holsatarum comitem, inclytum bello Heroa, & Pacis
 artibus, singularique in superos pietate, ac Religione, nulli
 Principum ætatis suæ secundum. Id prorsus ex Pontifi-
 cis voto euénit, magno sequentium sæculorum bono,
 & PHILIPPVM incredibiliter exhilarauit, quòd illi cum
 Rudolpho, vt aliàs diximus, magna intimæ familiari-
 tatis necessitudo iam dudum intercederet; quæ illi
 postea PHILIPPVM in Germaniam euocandi,
 ad

Quantus
 eloquentiâ
 & lingua-
 rû peritiâ
 Philippus

*Quam in
Hæreses &
dissidia a-
cuit & ex-
ercet.*

ad componenda Principum Imperij dissidia, & ad debellandas Hæreses causa fuit, ut suo loco exponemus. Interea Concilio finis impositus, & in eo Divini verbi Apostolicis præconibus, ex eius præscripto imperatum, ut Crucem, recuperandis Hierosolymis promulgarent, inter Catholicos, omni ope pacem componerent, denique Murum pro domo Domini opponerent sese, gliscentibus præsertim in Germania Hæresibus: & cum primis illi stultissimo hominum Generi, qui rudissimâ stoliditate, Flagellantes appellati, flagellationes suas Martyrio præstare, & ad ortum sectæ suæ, Christi Euangelium expiraturum, assererant. Itaque accinctus ei operi PHILIPPVS, salutato Pontifice, in Italiam reuertit, & à Bonnoniensibus iniunctum exorsus munus, tamen cum eum populum factionum studiis, alternisque cadibus propè exitum reperisset, breui tamen pacatum reliquit; eique gratiæ, ad posteros aliquo monumento testandæ, Senatus Bonnoniensis, sumptu publico, magnam partem Cænobij Seruorum à fundamentis extruendam curauit. Sedatis Bononiensium turbis, Florentiam inde ire pergit, eodem animo, fiduciaque; sed ad operiosorem rerum molem; domi enim ciuitas communi illius aui afflata peste, suis secum viribus pugnabat, & foris simul cum externo hoste vicinorum populorum, iisdem prope odijs bellum gerebat. Accedebat ad multiplicitatem malorum summam, quod iam per annos duodecim, pastore Episcopo destituti, securius simultates, ceterasque malas artes exercerent, discrepantibus, in re utrisque salutaribus, partium studiis, ac neutris eum approbantibus, quem altera partium Episcopum sedi Apostolicæ nominasset; hoc ipso, quod aduersæ factioni probaretur. Interea Gregorius x. Lugduno rediens, ex via, & vita,

vita, coelestem Romam migravit; eique in Pontificatum
suffectus Innocentius v. cum mouentes, in Pisanos, exer-
citum, Florentinos discedere ab Armis iussisset, illique
Pontificis imperio obsequenter paruissent, in gratiam fi-
demque recepti, ab eodem leuandis animabus, multis ma-
gnisque spiritualis munificentiae muneribus affecti sunt.
Ea insolita eius populi in dampnandis semel sumptis armis
facilitas, concionum Philippi, publicè per eos dies habita-
rum Florentiae, fructus fuit.

PHILIPPVS DELATVM SIBI EPI-
SCOPATVM FLORENTIAE, FVGA AD PI-
storienfes, euadit, & eosdem Pistorienfes scissos Guelfo-
rum Ghibellinorumque factionibus, magnà ex parte in viam salutis
reducit, institutis poenitentium, tam virorum,
quàm mulierum Soda-
litijs.

CAPVT VNDECIMVM.

ITaque PHILIPPVS, lucido illo Ciuum suorum inter-
uallo vsus, ad componendam alteram Reipublicae par-
tem, quae Episcopi defectu laborabat, concione aduo-
catà, graui oratione, damna atque incommoda cessationis
eorum, ac discordiae, in deligendo Pastore, demonstrat; ac
subinde in eam perniciem, summà vi spiritûque Aposto-
lico, cum singulari moderatione coniuncto, perorans,
hortatus est populum, Clerumque (nam ad hos quoque
comunis factionum labes peruenerat) vt Gregi Florenti-
no, penè iam in Inferni lupi faucibus periclitanti, cõcor-
dibus animis, ac sententijs, Pastorem dicerent; cum dere-
pente, haud dubiè moti, populi volentis iubentisque, con-
sonus clamor cooritur, in hæc verba; Episcopus noster Pa-
ter PHILIPPVS esto. Ictus, inopinato multitudinis, decre-
to, p. e.

*Florentinis
suis Episco-
pi admis-
sionem per-
suadet.*

*Quibus ip-
sum expos-
centib9, su-
gam arri-*

O

to, PHILIPPVS, ad eas voces non cohorruiť ſolũm, ſed erubuit, atq; obmutuit etiam, eoque omnis omnino præclarus ille dictionis ardor, per reliquum Epilogum elanguit. Tamen conclusa utcũque oratione, paulo poťt etiã Florentiã quã occultiffimẽ excedit. Florentinus interim populus, & tota gens Eccleſiaſticorum, in ſententiã, iſſedem, quibus in concione ſtudijs, perſiſtere; dicere: virum ẽ prima ciuitatis nobilitate, eximiã prudentiã, & notã ſanctitate, & ad omnia ſumã gerenda, digerendãque natum, & quem prærogatiua Cardinalicij collegij, paucis ante annis, dignum Pontificatu iudicãrit, utique præoptandum homini externo, qui ſedi Florentinã imminet à Pontifice, niſi conueniatur; aliãque multa meritis ſancti viri conſentanea, inuſitatã concordiã, publicẽ ac priuatim conferre: ex quibus ſatis apparebat, non temerẽ, & ex vulgi leuitate, conclamarum in PHILIPPVM fuiſſe. Sed Philippus, iam dudum in ſimilibus, ac maioribus etiam periculis humilitati ſuã velificari doctus, fugã ad Piſtorienſes elapſus, cũ in alium Episcopum non ſatis conueniretur, aditum ad eum honorem reliquit externo (ut non abſurdẽ coniectabatur futurum) videlicet Iacobo Peruſino, ex familiã Auguſtinianã, qui ab Honorio I V. ſummo Pontifice, PHILIPPO, in Episcopum Florentinum ſublectus eſt. Arque his quidem ſucceſſibus Florentiã, virtus ſe Philippi atque induſtria exeruit. Caterũm haud faciliora illi Piſtori, ex Concilij paulo ante laudati decreto, complananda reſtabant. Siquidem ea ciuitas, ſi qua vlla alia, efferatiſſimis ſpiritibus animique, Guelforum Ghibellinorumq; factiones, ad exutem uſque humanitatem, quotidianis ciuiliũ irarum exemplis, nutrebat; quã illi infania, ut e-

Piſtorienſium factiones componere aggreſſus.

rac

rat cum cæteris Italiæ populis, illius sæculi infelicitate, communis, ita difficilior in ipsis curatu erat, quod suo præ ingenio factiosa Gens, cætera generosa, ac sagax, omnem medicinam, præter sanguinis missionem, respueret. Cui rei argumento esse potest, quod extincta Guelforum ac Ghibellinorum, in generis humani ex cogitata pernitiæ, nomina, in eâ vrbe, longo interuallo, sub Atrosumque nomenclaturâ, reuixerint. Itaque ingenti operâ tam adulto, tamque penitus insito malo sanando, desudandum PHILIPPO fuit. Ille tamen rei difficultatem, infra animi ardorem habitam, Deo fretus, magno animo ac forti aggreditur, nec minore perficit fructu; cum enim ex superiore loco, infrequentissimo Pistorien sum auditorio, ardentem Diuino spiritu, & grauem terroribus, orationem auspicatus esset, ab illo Psalmi versu. *Super flumina Babylonis illic sedimus & fleuimus, dum recordaremur tui Syon: deplorabilem ipsis statum suum, tam graphicè atque ad viu ante oculos statuit, ut sui pudere primùm, mox etiam serio poenitere pleròsque inciperet. Horum ex numero quidam, egregiè nobilis, cui Bonauenturæ nomen, Vannij de Bonaccuro, filius, & suis, & cœlestibus Ciuibus, repentinâ mutatione spectaculo fuit. Is partium Ghibellinarum Dux, & antesignanus erat, ferox animi iuuenis, & ex mala causa celebre magni bellatoris nomen consequutus. Hic armatos exercitus timere nescius, conscientia, & concione Philippi percussus, damnatis sceleratis armis, artibusque in ciues sæuendi, supplex ad Philippi vestigia prostratus, infimis precibus orat, ne grauetur, ex animo ad DEVM reuertentem se, Seruorum misericordissimæ Domina numero aggregare. Ad ea PHILIPPVS: se quidem*

Psalm. 136.

Ingenti spiritu acrimoniam in dissidentes inuectus.

Bonauenturam partium Ghibellinarum Ducem ad poenitentiam sternit.

*Et suorum
numero
aggregat.*

dem bonæ piæq; voluntati eius morem gerere paratum dicere, si cum inimicis omnibus, ac peculiariter cum aduersâ factione, bonâ fide, & meliore humilitate, in gratiâ rediisset, ac deinde ea omnia, quæ nefario atque iniusto bello parata, suos in vñs conuertisset, legitimis Dominis ex integro restituisset. Ijs conditionibus, & præferocis animi experimentum capere, & sternere, æmulaturis tam nobile exemplum, viam, vir sanctus volebat; qua compendio sed necessario, DEO, ac iustitiæ adiungi possent. Bonauentura vtrumque accuratè præstitit, atque ira demum voti compos euasit. PHILIPPVS hoc, huius Ducis, tam opimum spoliū, sibi ac Deiparæ gratulatus, nouæ militiæ nouum Tyronem, monitis, ex asceticæ Philosophiæ sacrario depromptis, armat, docetque: quemadmodum benecepta inoffensè prosequatur. Quæ Bonauentura monita tam altè in pectus demisit, vt inter Beatos census Ordinis Seruorum, res gesserit tales, atque ita vixerit, vt eum titulum nomenque, sine contrauersia, factis æquauerit. Vt ex illius vitæ historia Italicè editâ liquet. Verum non sterit hîc concionum Philippi, priuatorumque monitorum vis & efficacia: plurimi enim, ex vtroque sexu, illius ciuitatis, ad ipsum, velut ad sequesterum, in eundem cum DEO pacis, affluentes, illius se totos arbitrio per mittebāt. Eos PHILIPPVS in duas classes siue sodalicias, alterum virorum, mulierum alterum, digestos, quid porro deinceps agere, quidque omittere debeant, docet. Ac viros quidem, qui, prælucente Bonauenturæ exemplo, reliquâ aetatem, antea vitæ suæ facinoribus deplorandis, & acerrimâ poenitentia vindicandis, addixerant, quia ex sanguinarijs illis, vel inimicis, vel commilitonibus Bonauenturæ erant, ne qua vnquam obliuio, iniectam ipsis diuinitus poenitudinis

*Ciues pijs
excitatis so-
dalitis, ad
virtutem
& poenitē-
tiam infor-
mat.*

dinis mentem, labefactaret, indutos rubris saccis, moni-
 menta patratum cedium, perpetuò circumferre voluit;
 unde & Pœnitentium, & quod se publicè ad multum san-
 guinem cedere consueissent, Flagellatorum Ordinis Ser-
 uorum B. mæ Virginis, nomen sortiti sunt. Ita & ipso cul-
 tu, & suo cruore, pro effuso olim alieno, nobiliter purpu-
 rati, & gloriose sordidati, ingenti exemplo, ac salutis sibi &
 ciuibus erant, & quotidianis incrementis in Christianâ
 pietate proficiebant, ductu præcipuè ac disciplinâ B. P. *Quibz præ-*
 Bonauenturæ, qui illis postea præfectus, haud segniùs *fectus Bo-*
 quàm olim ad clades, atque incendia, ad omnia Christia- *nauentura*
 næ virtutis decora, faciem ipsis præferebat. Nec minùs il- *in signi ex-*
 lustris faminarum Pistoriensium, quàm virorum pietas *emplo præ-*
 fuit, ac fortasse hoc illustrior, quòd nullâ cede, aut scelere *lucet.*
 publico designato, arduam virtutis viam, masculo animo,
 PHILIPPO hortante, ingrederentur; quippe eodem tem- *Viros fe-*
 pore, quo viri suas Metamorphoses moliebantur, aliquot *mina ar-*
 è primarijs ac nobilibus Matronis, mixtis alijs mediæ for- *dore supe-*
 tunæ, concordibus animis, votisque Deo Placendi, Habi- *rant.*
 tum Tertij Ordinis Sernorum à B. P. susceperunt. Atque
 ita indutis, velatisque monialium more, Clamidatarum,
 (vulgò Mantellatarum) nomen, à sumptu hoc philosophi-
 co pallio, inditum est, & in iustam congregationē coales-
 cens, procedente tempore, plurimas spectatæ virtutis Vir-
 gines dedit, vt fusiùs in annalibus demonstrat Gianius no-
 ster.

INNOCENTIVS QVINTVS PON-
 TIFEX MAXIMVS ORDINEM SERVORVM
 antiquare aggressus, irritò conatu, paulò
 post vivere desijt.

OL 3 CA-

CAPVT DVODECIMVM

*Inexspe-
ctatus in
Religionē
Seruantā
turbo, Phi-
lippum ex-
ercet.*

*Ortus ex
interdictā
numeroso-
re Ordinū
varietate.*

DVM hæc à Philippo, domi forisq̃ue, geruntur, & disciplinā eius, ac primicio adhuc spiritu, omnia domicilia feruent, eoque nomine, & egregijs Philippi facinoribus, in omnium amoribus sermonibꝫque Ordo Seruorum versatur, ne videlicet tam lætis successibus, vel efferret animos, vel per noxiam securitatē, in ignauiam, aut soccordiam delaberetur, tempestas in eum, Diuino permisso, cooritur talis, in qua & Philippi fortitudo, & ipsius Ordinis firmitas, ac præsens in Seruos suos, Deiparæ Virginis Tutela, non obscurè spectata est. Eius rei huiusmodi ratio fuit. Mortuo Gregorio x. Innocentius quintus, rerum potitus, nihil antiquius habuit, quàm vt decreta Concilij Lugdunensis, quàm primùm, & quàm exactissimè, propositum Patribus finem, effectumque sortirentur, & cum in primis illud (quod cum alio Concilio Lateranensis decreto conspirabat) quo cauebatur de numerosiore in Ecclesiā varietate Religionum: vt, si quis vocari se à DEO, ad vitæ Religiosæ statum intelligeret, ad vnā ex illis familijs approbatis, atque ad paucas redactis, sese adiūgeret, nouam nullam conderet, ac si quæ essent, hac in-tempestiuā hominum licentiā conditæ, eæ ex huius decreti præscripto, abolerentur. Et salubriter id quidem, ac pro temporum illorum necessitate providè sancitum est; namque, vt est veræ Religionis simia, atque vmbra quædam Supersticio, apud varios populos, malè feriat homines, ad imitationem clarissimarum familiarum, quotidie nouas, alio atque alio cultu vestium, alijs atque, alijs nominibus legibꝫque, cominiscabantur, & suapte auctoritate, nullius suffragio propagabant. Quam rem daturam aliquando in Ecclesia Dei turbas, vt iam tunc cæperat, non absurdè Pontifices verebantur, censebantque, ei libidini

dini modum obicemque esse ponendum. Caterum calamitas Ordinis Servorum, in eo vertebatur, quod in horum inauspicatorum Ordinum classem reijceretur; quemadmodum Innocentio Pontifici faciendum videbatur. Qui proinde Cardinali Otthobono, Ordinis Protectori, in mandatis dat, ut ad dicendam causam, rationemque reddendam de suo Ordine, Generalem Servorum Romam citet. Philippus interea Pistoriensibus suorum comitijs præerat, magis de ornandâ, quam de vendicandâ in sortem numerumque probatorum Ordinum, religione suâ, sollicitus: cum ecce Cardinalis litteræ superueniunt; quibus non modo dicta P. Generali dies, sed interim etiam, ex vi Decreti imperatum est, ne ipse, neue quisquam alius Superior, Ordinis nostri, deinceps quæquam vel ad Habitum, vel verò etiam ad Professionem admitteret, nec externorum confessiones excipere, vel eorum Cadauera apud se humare auderent; denique ne bona imobilia (quippe ut ad ærarium, Pontificium deuoluta iam) vlla ex causâ alienarent, distraherentue, sub anathematis, ac dirarum poena. Quibus omnibus id agebatur, ut velut præiudicatâ causâ omnes intelligerent; ex mente Pontificis, inter expunctos per id Decretum, Ordines, Ordinem quoque Servorum censeret. Perculit is nuncius non mediocriter Sanctum virum, sed ita tamē, ut adesset animo, & magnitudinē difficultatis, haud quaquā humanis rationib⁹, sed coelorum Reginæ, Primæuæ Instituti Fundatricis virib⁹ metiretur. Sed nequid interim, quoad ipsū staret, humanæ prouidentię desiderari posset, primores Patrū, in Senarium montē euocat. Ac fortē per eos dies perquam opportunè, BB, PP, Sustenius & Vguccio, qui soli supererāt, ex sepre viris nostris, senio ac laborib⁹ cōfecti, è Germania Galliâque, eodem ut se ad fælicē mortē compararēt, superuenerant. Quibus, ac ceteris Patrib⁹ cōgregatis, Philipp⁹ litteras Protectoris recitat, quo res loco sit, demonstrat, ac

*Eam ob re
citatus, ad
dicendam
causâ Phi-
lippus, suis
minimè
deest,*

*Ea in tre-
pidatione
ad Domi-
na opē con-
ceptis pub-
licè votis
confugiūt.*

*Sed praci-
pue ac pri-
uatim Phi-
lippus.*

ac deinde rogatis singulorum sententijs, quid in re tam arduâ, atque ancipiti factu opus sit, exquirir: P.P. qui de summâ rerum agi videbant, anxie varièque animis spem inter & metum fluctuabant. Hinc aliquot Pontificum, Ordinis confirmationes, PHILIPPI spectata rebus in arctis arduisque industria, ac Diuinæ in suos providentiæ suauitas, bene sperare iubebant, inde verò duorū Conciliorum autoritas, summi Pontificis præiudicium, & rei de qua agebatur, magnitudo, metum ac sollicitudinem acuebant. Demum cum vndique angustia premerent, omnibus sententijs in iditum, vt ad Præsidium DEI Genitricis, vnicae Ordinis Conditricis, confugeretur. Itaque in omnibus Ordinis templis, supplicationes perpetuæ, cum *Antiphona Salve Regina*, cantu, è choro ad eiusdem Virginis sacella, concepto voto, præsentī huic periculo auertendo, decretae sunt, perpetuo ad posteritatem monumento futura: hunc Ordinem super B. mæ Virginis Tutelam fundatum, atque sub eius adquiescentem Patrocinio, nullis neque hominum, neque inferorum conatibus euerti posse. Dehinc ad PHILIPPVM versi PP. rogant atque hortantur, vt pro sua sapientia operam det, nequid res publica detrimenti capiat. Atque his alijsque rebus, pro tempore, ac discrimine, in eo PP. Conuentu actis, PHILIPPVS sacrificijs & obsecrationibus alijs, præter illa votiva, propitiando Coelesti Numini indictis, & P. Lotharingo, dum ipse abesset, vbique curare, atque adesse iussu, præsertim aduersus vim exterorum, ac Præsulum, siqua, pendente causâ, ingrueret: ipse properè ad urbem iter arripit. Cum ecce, vix viam ingressu, nunciatur: Innocentium Pontificem, exiguâ quinque mensium vsurâ, delibato potius, quam gesto Pontificatu, morte sublatum esse. Qui casus

vt in

vt in præsentia sollicitudinem Ordinis Seruorum nonni-
hil leuasse visus est, ita creditum, nec temerè, Diuinitus eâ
pœnâ multatum esse Pontificem, quòd eundem Ordinem
(cui, vt graues auctores testantur, ante adeptum eum api-
cè, parum æquum se ostenderat) delere cogitârit. Inte-
rea tamen, vt facilius oriuntur, quàm occidât res aduersæ,
Marianæ Religionis calamitas, auctori suo superuiuebat,
quanquam, illo extincto, aliquantò æquabilior. Sed ad-
mirabilis quædam rerum commutatio, quæ per eos dies
Romæ contigit, omnium, ac præsertim PHILIPPI spem,
maiores in modum erexerat; nam simul atque ad urbem
peruenit, Cardinalem Otthobonum, sub Adriani v. no-
mine, creatum Pontificem intelligit. Nec dubitabat, quin
eum, qui multos per annos, summâ fide, sumâque cum
curâ, Patronum Ordinis Seruorum egisset, tam propi-
tium, paratûmque ad conseruandam vindicandam-
que haberet ab interitu Religionem, quàm studiosum
eiusdem euertendæ Innocentium paulò antè expertus
fuisset. Accedebat præterea, ad hæc affulgentis
spei momenta, quòd Hadrianus, ex longo Protectionis
vfu, ortum, progressum, ac statum Ordinis pernosceret,
teneretque præsentī memoriâ; quæ ipse ad firmitatem
huius Instituti à summis Pontificibus prædecessoribus suis
impetrasset. Ad hæc opinio eiusdem Pontificis, de Philip-
pi sanctitate, dignâ ab eo Pontificatu aliquando iudicatâ:
quâ illi ante nouennium, & hunc ipsum Pontificatum, va-
ticipatus furerat, & arduas res, communi Ecclesiæ vniuer-
sæ, & privato Ordinis sui bono præclare gesserat; omnia
ex voto, laborantis dubio discrimine, Religionis successu-
ra spondebat; vt afflicta Religio, in vno Pontifice, & Patro-
num sortita videretur & Iudicem. Neque ea absurda ratio-

*Morte
Pontificis
distractum
periculum.*

*Meliorespe
affulgentis
ex Cardi-
nalis Pro-
rectoris as-
sumptione.*

P

natio

*Sed morte
denuo Pon-
tificis con-
ualefcit di-
scrimen.*

cinatio fuit. Cùm enim ad primum eius affatum admissus Philippus, luculentius apud satis conscium veritatis eorū, quæ afferebantur, pro Ordinis sui, ab illis duorum Conciliorum decretis indemnitate, differuisset, Pontificem in omnibus consentientem habuit. Sed DEO OPT: MAX: & maximæ MATRI eius, qui claratam Serui sui Philippi constantiam, & reliquorum Seruorum tolerantiam, exercitam, atque his ipsis vijs, magis ac magis stabilitam rem Seruitanam volebant, placuit exemplum statuere, quo demonstraretur, neque odio cuiusquam ruere, neque solo humano fauore stare ea, quibus ipsi æternitatem decreuissent. Ac proinde vt nuper Pontifex Innocentius excidium Ordinis meditatus, post quintum mensem sublatus est, ita Hadrianus v. in omnia alia pronus, intra mensem, ab inito Pontificatu mortuus, diuinæ providentiæ, quoad difficultates nostras suum cursum reliquit: magnus sanè vir, & supremo honore dignissimus, vt qui difficillimis ad Germanos Brittannosq; legationibus perfunctus, miserè collapsam Christianam disciplinam, illis in regnis restituerit. Quibus alijsque plurimis laboribus, & affectâ ætate fessus, ac de Ordine nostro optimè meritus, ad æternæ fælicitatis splendidius Sacerdotium transiuit. Is casus tam alieno tempore, tamen si non nihil affecit Philippum, non tamen de statu deiecit, quin maiore animo cepta persequutus, omnes ad nouum Pontificem Ioannem xx i. rei bene gerendæ aditūs rimaretur. Itaque Ioannem Vrsinum Cardinalem qui apud Pontificem, gratiâ, atq; auctoritate, plurimum pollebat, aggreditur, & suum facit: eoque deinde agente, benignè auditus à Pontifice, editis & voce & scripto documentis, quibus Ordinem suum, duobus illis Conciliorum decretis, minimè peti probabat, solidè grauitérq; suorum

*Causam
Ordinis de
nuo sollicitè
Romæ agit
Philippus.*

suorū causam orauit: effecitque tandem, vt Pontifex perfectum super eā causā Apologeticum libellum, aduocatis Consistorialibus, Pontificij Iuris Cōsultissimis, examinandum daret: iuberetque, eosdem, vt ad se cum fide referret, quæ Iuris esse censuissent. Ac Philippus, quanquā ea initia satis læta viderentur, speraretque, lite semel contestatā, si non præcipitaretur, omnia salua fore: tamen, qua erat sollicitudine, ac prudentiā, præter hos, alios, similium rerum in vrbe scientissimos Iurisconsultos, ad causam adhibendos putauit, vt quā plurimis suffragijs, & facilius, & gloriosius, Ordo Seruorū, in periculosissimā causā absolutus, triumpharet. Neque eum spes fefellit; quippe tam constituti à Pontifice, quā conducti ab ipso Philippo, Iurisconsulti, concordibus sententijs statuerunt, illa duo, duorum Conciliorum placita, contra Ordinem Seruorum, vt subnixum, fundatūque, in auctoritate Sedis Apostolicæ, omnino nihil facere, & in eam quoque sententiam, ad Pontificem, vt erant iussi, retulerūt. Quibus ille permotus, auditis, quæ in vtramque partem, quæstioni subiecta fuerāt, ad extremum ita statuit. Quoniam Religio Seruorum minimè comprehenderetur in numero eorū Institutorum, quæ ab vtrōque Concilio perstringebantur, placere: vt is Ordo, suis legibus viuat, vigeatque vt hactenus, imperturbatus, ad varietatem decoris domūs Domini, & cōmunem Ecclesiæ vtilitatem. Atque hic exitus fuit periculosissimæ, quæ ad eum diem, in hunc Ordinē, vnquam commota est, procelle. Quæ cū Superū benignitate, & Philippi sumā moderatione, in hunc modū innocuē detonuisset, habitis, Deo ac Sospitrici Virgini, gratijs, ac salutato tū Pontifice, tum Cardinale Vrsino, B. P. ad montem Politianum proficiscitur; vbi Patres illius iussu, ad comitia conuenerant.

A Consistorialibus commissariis in fauorem Ordinis emanat Decisio

Et ipsius Pontificis placitum.

Superatis periculis Comitia celebrantur.

P 2

Quo

Quò vbi peruenit, & Patres, dubij, apud curiã Romanam, euentus expectatione suspensos, consolatus est, causã communis victoriã, & eos, qui illis velut antiquatis iam atque eliminatis ex verorum Religiosorum numero, importunis vociferationibus insultabant, Pontificio Rescripto repressit; atque, vt deinceps ei Insolentiã generi obuiam iretur, præter alia, ad Religionis decorem facientia, in illis comitijs decreuit, vt Religiosi publicè pro concionibus, & priuatim in familiaribus colloquijs, auditores de priuilegijs Ordinis, & Pontificum repetitis confirmationibus eiusdem, ac denique de Pontificis Ioannis xxi. decretoriã, amotã lite, sententiã, certiores facerent. Quod, cum impigrè præstitum esset, celerius, quàm inualuerat, ea de Ordine nostro temere concepta opinio euauit.

PHILIPPVS A NICOLAO III. PONTIFICE, AD VNCTVS CARDINALI LATINO, Guelforum ac Ghibellinorum, apud

Florentinos, tumultus sedat.

CAPVT DECIMVM TERTIVM.

Nova Ordinis difficultates.

Igitur perfuncta tam periculosã iactatione, Religionis Seruitanæ Cymba, parùm abfuit, quin, vixdum satis refecto armamentario, nouis fluctibus, è portu rursus in altum, fluctuatura raperetur. nam cum, digressus ad Comitia perficienda PHILIPPVS, ad corroboranda benecepta, regrederetur ad curiam, tempore, ac propensã Pontificis voluntate, in rem debilitatæ Religionis vsurus, magno dolore suo certior fit, Ioannem Pontificem decessisse. Sed cum post semestris interregnum, demortuo Ioanne successisset, assumpto Nicolai III. Nomine, is ipse Ioannes Ursinus Cardinalis, à quo aditum, ad agendam apud Pontificem

rificem causam suam, Philippo patefactum fuisse, paulò
 antè commemorauimus, cum verò respirare, seseque de-
 mum ex integro erigere afflicto Ordini licuit; nam præ-
 ter inclytæ Gentis Vrsinorum vniuersæ, insitam ac per-
 petuam erga familiam nostram, beneuolentiam, ex nu-
 perâ familiaritate, PHILIPPVS ita charus acceptusque
 Pontifici euasit, vt, cum is, ex sorore Nepotem suum F. La-
 tinum Malabrancam Cardinalem creauisset, ei PHILIP-
 PVM adiunxerit, Theologi nomine, adiutorem, ac vicissim
 eundem Nepotem, Ordini Seruorum, tali præsidio iam
 diu orbo, Protectorem dederit: id quod ad recuperandam
 Religionis dignitatem, & aduersus vim ac violentiam,
 multorum, qua frequenter exercebatur, plurimum valuit.
 Interea, appetente comitiorum tempore, bonâ noui Pro-
 tectoris veniâ, ad Burgum sepulchri, destinatum ad id
 operis locum, sese confert, & ibi ex more, luculentam ad
 populum eius loci, orationem habuit; in qua illam Christi
 Seruatoris nostri sententiam: *Luce 14. Qui non renunciat*
omnibus, quæ possidet, non potest meus esse discipulus, tantâ, & tam
 diuinâ facundiâ diduxit, vt ex auditoribus quidam, cui
 Andreæ nomnen, bono loco natus, parentibus, ac diuitijs
 valere iussis, supplex Apostolico Concionatori, ad genua
 prouolurus, cooptari oraret ab ipso, in numerum Seruo-
 rum Cælorum Reginæ; qui voti reus, postquam magnos
 in virtute progressus, præsertim in solitudinis & vitæ as-
 speritate fecisset, & ex studiorum similitudine, vt fit, illum
 inter, & aliquamultos Apennini Eremitas, amicitia, ac re-
 rum æternæ salutis commercia & necessitudines inter-
 cessissent, eos omnes, ex vagâ illâ, & tamen si rigidâ, tamen
 parum tutâ nostris temporibus, vitâ, traduxit ad Ordinis
 sui Instituta sectanda, Anno 1294, aliâque multa præclarè
 gessit;

*Denuo cō-
planantur,*

*Sequuntur
Comitia
Genera-
lia.*

*Et cuius-
dam con-
uersio sin-
tuosa,*

*A Rudol-
pho Impe-
ratore po-
stulatur
Philippus.*

gessit; quibus inter septem B. Philippi discipulos locum
& nomen Beati promeritus, ab Annalibus nostris celebra-
tur. Interea, destinatis, in Germaniam Galliâque Vica-
rijs Generalibus, qui trepidos illic nostros anxiosque, de
exitu moti nuper in Religionem belli, erigerent, ac sola-
rentur: Legati ab Rudolpho Cæsare ad Pontificem ad-
sunt, qui inter alia, Imperatoris sui nomine, ab eo enixe
petebant, ut, quoniam per Imperium variæ ac noxiæ se-
ctæ grassarentur, idque malum in dies latius serperet;
confideretque Imperator: PHILIPPI Generalis Seruo-
rum spectatâ virtute, & Apostolico spiritu, obuium iri
posse ei pesti, eum ad se primo quoque tempore Pontifex
legare vellet. Ad cætera Pontifex Legatis perbenignè,
& ex sententia Imperatoris, respondit; de PHILIPPO,
tamen si nihil in præsentia negârit, paulò difficilior fuit;
quod Florentinus ac Bononiensis populus, sub id ipsum
tempus, fessi fractique domesticis factionum malis, missis
Legatis, à Pontifice, ut à communi Generis humani pa-
rente peterent, ut interpositâ autoritate suâ, pacem in-
ter laceratæ Reipublicæ partes componeret. Quam
prouinciam, ut extra ordinem, & integris olim partium
viribus, odiisque, bene aliquando administravit PHILIP-
PVS; ita eum rursus ei necessario operi administrum Pon-
tifex designauerat. Sed caput erat difficultatis, quod Car-
dinali Malabrançæ Nepoti, ad eos populos conciliandos;
& recipiendam à Bononiensibus Toparchiam Æmiliæ,
Legato, adiunctum PHILIPPVM volebat: cuius apud eos
populos sanctitas, atque autoritas, ex recentibus factis,
summâ in opinione erat, ut earum contemplatione, faci-
lius salutaria consilia, ad aures, illi populi, atque ad animos
admitterent. Neque Pontificem opinio fefellit; nam Bo-
noni-

*Pontifice
aggre annu-
ente,*

nonientes, & Æmiliam tradiderunt Legato, & factionum
 Principes, authoritate Legati, & PHILIPPI veneratione
 permoti, priuata odia sua, atque inimicitias bonâ fide
 Reipublicæ condonârunt. Quibus sæliciter confectis, or-
 dinatâque ciuitate, ac ceterâ Prouinciâ, Legatus cum Phi-
 lippo ad Florentinos transgreditur. Ea videlicet erat in-
 ueterata mali vis, omnibus illius miseræ Reipublicæ venis,
 ac visceribus altè latèque hausta, ex vanissimâ, duorum
 nominum, Guelforum, & Ghibellinorum causâ. De qui-
 bus, cum frequens nobis hætenus mentio fuerit, futurâq;
 deinceps sit; in gratiam lectoris, & claritatis rerum, quas
 agimus, originem ac fontem, vnde tot cladibus nobilitata
 nomina manârint, hoc loco commemorare non spero ab
 instituto alienum fore. Variant in rei decantatissimæ ori-
 gine prodendâ, authores: quæ ipsa eius reperiundæ diffi-
 cultas, prodere videtur: funesta nomina, apud Inferos, in
 Generis humani perniciem esse excogitata, & à Furiarum
 aliquâ, ad miscendam rerum naturam, terris inuecta. Ea
 tamen videtur omnium maximè verisimilis, quam ali-
 qui in hunc modum recensent. Rogerius Siculorum Rex,
 annis ab hinc ferè centum, veritus, ne si Conradus III. Au-
 gustus, in Italiam veniret, regno ab eo pelleretur (Cæsa-
 rum armis, Siculorum Dominatui semper infestis) missis
 in Germaniam Oratoribus, hostem, Guelfonem Ducem
 Bauariæ, in Cæsarem concitauit, belloque ibi conflato, ex
 Italia, Duci, & suo, & (vt viribus sanctitatis speciem adde-
 ret) Pontificis Maximi, cuius se beneficiarium profiteba-
 tur, nomine, ingentia misit auxilia. Cum his Signa contu-
 lit Henricus, Cæsaris filius, in oppido Ghibellino natus,
 quo etiam, memoriâ natalium, velut Gentilitio cognomi-
 ne gaudebat. In hac igitur acie, Iô Ghibellinus: in altera, Iô
 Guelfo,

*Eumque
 prius con-
 ciliandis
 Florentinis
 admonen-
 te.*

*Guelforum
 & Ghibel-
 linorum
 Origo.*

*Brouius
 A 1233. ex
 Paulo E-
 milio & Ca-
 rolus Sigo-
 nius Hist.
 Bon. lib. V.
 Ad Annâ
 1227.*

*Et progres-
sus.*

Guelfo, clamabatur; & ex eâ die seruatum, vt Guelfi, Pontificum, Ghibellini, partes Cæsarum, dicerentur. Sed penè iam extincta ea nomina, & deleta ex hominum memoria, scelere Friderici secundi, pro Tessarâ Cadum, atque incendiorum futura, recruderunt. Is enim iussu Gregorij Pontificis irâ, diris deuotus, eâ re exasperatus adeo est, vt per Frangipanos, summæ potentiæ Ciues Romanos, Pontificem vrbe depellendum curârit, atque apercè cum eo, & cum Ecclesiâ, quique Ecclesiæ partes tuebantur, bellum gerere instituerit. Itaque ab eo tempore, Italia in duas distrahi partes cepta; alijs Imperij, alijs Ecclesiæ opes, sequentibus: quorum hi Guelfi, Ghibellini illi vocati. Quæ factiones, per multos post annos, Italiam tenuere; atque ad vltimum exitium redegere: per Hetruriam præsertim, Lombardiam, Romaniolam, & Marchiam, crudeliter grassata. Neque verò solum aliæ ciuitates Imperatorem, aliæ Pontificem sequutæ, infestis inter se armis animisque decertarunt, sed in ipsismet etiam singularibus vrbibus eò furoris ac vesanix processerunt, vt alij Imperatori, alij Ecclesiæ studerent, atque se inter se pellerent ciuitatibus, & spoliare bonis, inexpiabili stimulante odio, niterentur. Vt igitur ea pestis præcipuè Hetruriæ incubuit, ita Metropolim eius Florentiam, nouem annorum pace ac felicitate luxuriantem, omnibus cladibus deformauit, duabus principibus familijs, Buondelmontium, atque Amideorum, inter se collisis. Quarum securæ auspiciâ, vel furorem potius, aliæ septuaginta duæ Patricia familiæ, in partes abiere. Triginta nouem ad Guelfum, cum Buondelmontibus, reliquæ ad Ghibellinum, cum Vbertis, adiunxere sese. Nec segnius in partium studia, quàm tragicas in clades, itum. Quib? cunc primùm
finis.

finis fuit, cum accisis vtrunque ciuitatis viribus, sponte sua, mutuae internecionis satietas, armis vel inducias, vel iustitium indixit. Ita ex longo experrecti veterino Florentini, vanitatem certaminum, suorum, & Guelforum ac Ghibellinorum nomina, Patriae, Reique priuatae naufragio facto, docti suo malo Grammatici, declinare tandem didicerunt. Ceterum sub istis nominum laruis, personata Optimatum, ac plebis ambitio, primas in Republica partes ad se trahentium, bacchabatur. Optimates infito nobilitatis malo, cum Imperatore Ghibellini, penes se, id est paucos, imperia atque honores, exclusam plebem, esse volebant, Dominationis licora, quam proximè legentes. E contra Guelfa plebs, Ecclesiae subnixae viribus campum & popularia comitia (in quibus viri fortes, siue plebei, siue Patricij esset, ex a quo honores adire ac gerere possent) perurgebant. Verum, cum nullus esset certaminum finis, & ipsi cum Ghibellini, cum Guelfi, satis viderent, sine arbitro, nihil ad pacem confici posse, inuita concordia, vadicere institui, Pontificis fidem atque auctoritatem inuocauere. Sed enim, ut lethaliter faucibus, ad vulnere suorum aspectum territi, periculo monitore, illico quidem impatienter implorant Medicum; ac ubi is venit, & contrectare malum, expedire ferrum, manus salutares admo-
uere capit, maiore quam, quam imploratus fuerat, impatientia, repellitur: ita Florentini, quanquam mutuis afflictis cladibus, faucibus ciuitati ac penè confectae, medicos quaesiuere, oblatos tamen à Pontifice, scientissimos, Legatum à latere Nepotem, & PHILIPPVM popularem suum, primam statim curam repulerunt. Etsi enim initia rerum omnia fecunda pollicebantur; quod magno apparatu, & magnis communis laetitiae significationibus, legati exciperentur,

Difficillima cura inde ortorum malorum.

Q

Car-

*Conficitur
tamen va-
riâ indu-
striâ Phi-
lippi*

*Vbaldo
Admario
converso.*

Cardinalisq; velut iactis pacis concordiaëque fundamen-
tis, tam grato aduentu ad felicis rei æternum monumen-
tum, extruendo, ad diuam Virginem, quæ Nouella dicitur,
magnifici operis templo, primum lapidem, suâ manu,
summâ cum celebritate locârît; deinde tamen ad cætera
perficienda conuersus, partes tam tenaces reperit pessimi
instituti sui, vt re infectâ, desistere in præsentia cæptis, &
quod PHILIPPVS suadebat, transactionem in aliud tem-
pus reijcere coactus sit. Interea PHILIPPVS, & sibi priua-
tim, & omnibus Hetruriæ cœnobijs, ac Sodalitijs, quæ
placandæ Diuinæ iræ, & flectendæ hominum tantæ per-
uicaciæ, opportuna videbantur, indixit. Tum ipse obire
ciuium potentiorum domos, hortari, obsecrare, terrere,
placare, denique nihil reliqui facere, quod obstinatis ani-
mis, in tam conduplicatis tenebris, vel lucem aliquam af-
ferre, vel inferre salutarem vim posset, donec obrutos
rationum ponderibus, conuictos conscientijs, perculsôs-
que impendentium malorum (si durare animo staret)
metu, eò perpulit; vt manûs darent, & se in Legati, & Phi-
lippi potestate futuros, sine ambagibus pollicerentur.
Quare DEO bene inuante, quæ res, paulò antè, incredibi-
lis superatu videbatur, PHILIPPI Diuinâ efficacîâ, & ve-
neratione prorsus complanata, & ad Pontificis, ac Le-
gati votum, confecta est. Quin ad tantæ rei auctarium, non
solum flexi ad pacem, & Christianâ humanitatem ciuium
animi sunt, sed etiâ Philippi fulminib; multi altius afflati,
rebus humanis, arreptâ seuerioris vitæ ratione, nuncium
remiserunt. Inter quos, secundum Philippi, opimum in
hoc belli genere, spoliū, Vbaldo, ex nobilissima Adi-
mariorum familiâ, Ghibellinarum partiū Dux, ad DEVM
conuersus, nobile de se, &, quod multorum animos ad i-
dem

dem decus prouocauit, spectaculum præbuit. De quo, à
 PHILIPPO in Seruorum, ac deinde etiam in Beatorum
 Album, ob egregia merita, relato, hoc loco, quæ digna
 memoriâ ab ipso patrata sunt, in medium adduceremus,
 nisi alio loco id opportuniùs fusiùsque facere animus ef-
 fet. Caterùm compositis, hoc successu, ex æquo & bono,
 partium controuersijs, vt nemo Ciuis Florentinus expers
 esset, obortæ repente salutis, de restituendis Patriæ exuli-
 bus, eâdem fælicitate actum. Sexaginta familiæ Ghibelli-
 narum maximè partium, redierunt, ijsque bona sua, quæ
 illis vrbe eiectis, publicata fuerant, ex integro restituta
 sunt. Porro vt ea Pax non modò rata, sed firma etiam ac
 perpetua foret, neue recurrente præteritarum simulta-
 rum memoriâ, labefactari aliquando posset, Conubijs, at-
 que Affinitatibus, inter se Optimatum, ei periculo Philip-
 pus cauendum putauit; effecitque eodem industriæ cur-
 su, vt Vberri cum Buondelmontibus, Adimarij cum Ta-
 singis, Pazzij, cum Donatis, cæteraque principes facio-
 rum familiæ, horum fæderum sanctitate coalescerent.
 Pro quibus omnibus, piè fortiter ac fæliciter gestis, Sena-
 tus populùsq; Florentinus, quòd PHILIPPVS BENITIVS
 Ordinis Seruorum Generalis, ruentem ad interitum,
 Rempub. seruasset, pacem ac Ciues Ciuitati reduxisset,
 bene magnam pecuniæ summam, perficiundo D. Virgi-
 nis Annunciatæ templo, decernendam censuit, eaque ex
 Sc.to numerata, ei magifico operi, coronidem imposuit.
 Nec cessit easdem ob causas Florentinis, vel beneuolentiâ
 in Philippum, vel Religione in eam Basilicam, Cardinalis,
 quippe qui & per semet eam Ecclesiam piè adeuntibus,
 largâ benignitate Indulgentias impertiuerit, & maiores
 impertiendi Pontifici auunculo author fuerit.

*Exulibus
 & spoliatis
 restituitis.*

Qz

PHI-

PHILIPPVS, MISSV NICOLAI III.
PONTIFICIS MAX: ET RVDOLPHI PRIMI

Austriaci Cæsaris rogatu, ad sedandos Romani
Imperij tumultus, secundo in Germaniam
proficiscitur.

CAPVT DECIMVM QVARTVM.

*Philippus
ad Cæsa-
rem profi-
ciscitur.*

ATque his, anni huius 1280. hyeme, Florentiæ actis,
& ad Pontificem, per Latinum Cardinalem, cum
honorificâ PHILIPPI commendatione, atque in-
dustriæ summâ laude, relatis, Pontifex, tam prospero rei
difficillimæ exitu gauisus, tantò libentiùs, diuturno Ru-
dolphi Augusti desiderio, Philippi missione gratificatus
est, quantò clariore experimento, exquisitæ viri pruden-
tiæ iam toties periculum fecisset. Itaque anno sæculi huius
octuagesimo, Philippus, Pontificis iussis, & Cæsaris volun-
tati morem gesturus, P. Lotharingo, interim Italiæ rebus,
cum Vicariâ potestate, præfecto, ipse secundo in Germa-
niam iter instituit: eoque delatus, & ad Rudolphum addu-
ctus, pro arctâ veteris amicitiae necessitudine, atque ex-
spectationis diuturnitate, perhonorificè ab eo, perque
benignè exceptus est. Perfuncti deinde salutationum of-
ficijs, in familiare colloquium veniunt. In eo Cæsar totum
animum suum, & vniuersas in administrando Imperio,
consiliorum suorum rationes Sancto viro, ad arbitrium
aperit: ac subinde, quia ipsum omnium Religiosorum in
hac Catholicâ expeditione militum designauerit Ducem,
quantum ab eo speret, quidque præstitum velit, in com-
pescendis Sectarijs, ac reducendis ad officium Bauariæ,
Bohemiæque Principibus, qui Imperium detrectabant,
fusi grauitérque exponit. Ad quæ PHILIPPVS, præter
alia,

alia, se in hoc ipsum à Pontifice missum, vt quantum fer-
 ret virium ac reliquæ facultatis tenuitas, suæ Maiestati *Quempra-*
 præstò, ac præsidio esset; proinde vteretur, quò vellet, *sens variè*
 qualicunque operâ suâ; nihil enim esse, quod non ipsius, *animat.*
 & Ecclesiæ tam iustâ causâ subire cupiat. Cæterùm bono
 animo esset: confidere se, Diuini Numinis præsentem o-
 pem, tam bonæ menti, tamque salutaribus molitionibus
 affuturam. Nec vana ea vaticinatio fuit; quippe compara-
 ris duobus iustis exercitibus, Rudolphus debellato breui
 Boiorum Duce, copias in Ottocarum Bohemiæ Regem,
 duxit; qui superbâ atque opum fiduciâ exultans, vsque
 ad contemptum Rudolphi, inuasam Austriam suæ dictio-
 nis fecerat. Sed cum victum acie, Rudolphus apud Nider-
 spurgum fudit, fugauitque: ac denique supplicem ad se
 venire coëgit. Quæ dum in acie à Sagato Rudolpho ge-
 runtur, à togato PHILIPPO, Pontificij, atque Imperatorij *Conatusq;*
 Concionatoris tituli, haud profunctoriè explentur; nam *eius conc-*
 suis, & eorum quos ducebat, concionibus, & consilijs pri- *onibus pro-*
 uatis, effecit, vt alij, sumpta in Cæsarem, impia arma po- *monet,*
 nerent, alij pacem, veniâque recusati Imperij orarent:
 alij eiuratâ Hæresi, redirent cum Ecclesiâ in gratiam; de-
 nique permulti etiam, damnatâ præsentium rerum fuga-
 citate ac fallaciâ, in varijs familijs, ac præcipuè in nostrâ
 Seruorum Deiparæ, Religiosam vitæ actionem comple-
 terentur. Ita armis, artibusque pacis perdomiti Imperij
 atque Ecclesiæ Perduelles, deinceps imperata fecerunt;
 Cæterùm Imperator tanti æstimauit ea PHILIPPI meri-
 ta, ipsiusque Ordinis gloriosæ Seruitutis dignitatem, vt
 non solum omnibus domicilijs nostris, per vniuersum Im- *Augustos*
 perium suum, amplissima Priuilegia, atque immunitates *habitu Ter-*
 dilargitus sit, sed ipse etiam suscepto, vnâ cum Augustâ *trario in-*
duit,

coniuge, gestoque sub Pupurâ, & Paludamento, Habitu
 Tertij Ordinis nostri, Frater Ordinis Seruorum, ac Seruus
 Deiparæ, omnino appellari à nostris, imò verò etiam esse
 voluerit. Equidem reputanti mihi, hanc summi Impera-
 toris beneuolentiam, penè infra Maiestatem exercitam,
 atque hæc eadem, quæ ipsum inter & PHILIPPVM, tantâ
 familiaritate, & significatione initæ necessitudinis gesta
 sunt, sub hæc in Germaniâ familiæ nostræ exordia, & cum
 reditu iam nostro in eandem Germaniam (vnde à Secta-
 rijs, odio Dominæ, & nominis nostri, exacti eramus) com-
 paranti, videri solet: singulari Reginæ Cœlorum, ac Do-
 minæ nostræ beneficio factum esse, vt occulto quodam
 Diuini spiritus instinctu, hæc inclytissima Austriacorum
 Gens, in hunc Ordinem, pecculari ac penitus insitâ qua-
 dam amoris, ac pietatis teneritudine, feratur. Etenim vt
 de Rudolpho, deque priscis illis temporibus, ea sufficiant,
 quæ hæcenus retulimus (quanquam nulla vnquam ora-
 tione nostrâ, ille, illius Augustæ memoriæ Principis, grati-
 ficandi nobis vastus animus æquabitur) & de temporibus
 hisce nostris loquamur; quibus ab hac eadem Augustissi-
 mâ familiâ in Germaniam restituta, ac restaurata Religio
 nostra est: ea extitit, Augustissimi ac religiosissimi Impe-
 ratoris Ferdinandi II. (cuius memoria in aternâ benedi-
 ctione erit) in Ordinem nostrum pietas, vt ex æquo cum
 Rudolphi I. Pietate certans, vel æquare, vel superare be-
 neuolentiæ illius contentionem visus sit. Certè enim,
 non modò ipsa sua Casarea Maiestas, & cum Augustissi-
 mâ Coniuge Eleonorâ, & Augustis omnibus Liberis, in-
 genti in Cœlorum Imperatricem Religionis atque obse-
 quij exemplo, ante annos ferè quindecim Habitum Con-
 fraternitatis nostræ induit, & plurimis è purpuratis suis, vt
 idem

*Qui idem
 hoc seculo
 à multis e-
 iusdem in-
 clytæ do-
 mus Au-
 striacæ su-
 scepius, cū
 eximio ta-
 lione bene-
 ficiorum.*

idem obsequij genus capeſſerent, author fuit, ſed etiam aliquot Cœnobia attribuit, atq; attributis talia Priuilegia honorumque prærogatiuas dedit, quæ S. Cæſare & Maieſtatis ſuæ, in familiam noſtram, pietatem animumque, poſteritati facundiſſimè teſtabuntur. De Auguſtiſſimo Ferdinando Tercio, paternarum virtutum non minùs, quàm potentia Herede, deque Ser.^{ma} Imperatrice Maria Hiſpaniarum Infanta, coniuge pientiffimà; quia verecundiam eorum alio loco fatigauimus, hîc plura dicere ſuperſedebimus. At de Ser.^{ma} Sorore, Anna Iuliana Gonzaga, Archiducis Ferdinandi Tyroleos Principis, Viduâ, quæ reuocandi in Germaniam Ordinis noſtri principium fecit, quando aliquam rationem inire, Auſtriacæ in familiam Seruorum, munificentia, amoris que capimus, tantò minùs tacendum eſt, quòd, & ſoluti humilitatis ipſius curâ, liberius ſcribere, & ſecuriùs Cœlo illatam laudare poſſimus. Hæc cum ſuam & Ser.^{ma} Filia, Sororis Annæ Catharinæ, regiam dotem (exſtructis magnificè fundatiſque tribus Cœnobijs, vno Monialium Clauſtralium, primi: altero Tertij Ordinis noſtri monialium Tertiariarum: tertio Patrum Seruorum, O Eniponte) liberalitate planè Auſtriacâ profudit; poſt omnia ſua ijs operibus impenſa, demum ſe ipſam & vnâ Ser.^{ma} Filiam, in Ordine noſtro Deo, ac B.^{ma} MATRIS eius obſequio conſecrauit. In quo Mater, ſuperſtite adhuc filia (& ô ſit quam diutiſſimè) Seruitute bene ſeruitâ, ante annos fere 12. ſupremum diem clauſit, nò ſine iuſtâ opinione ſpectatâ ſanctimonia: vt ex opere, quod de rebus geſtis ei⁹, Confèſſarius Typis dedit, còſtare poteſt. Omittimus hoc loco, quæ ſupra itidè ſtabitu noſtro, hui⁹ Heroinæ Filia, Aña Imperatrix, Matthiæ Auguſti, Auguſta Cōiunx, glorioſæ memoria, & fecit, & facere, Matris

*Ordine
hiſce tem-
poribus per
Sereniſſi-
mam An-
nam Iulia-
nam Gon-
zagâ Ger-
mania re-
ſtituto,*

exem-

*Aliorum
eiusdē Au-
striacæ do-
mus in Or-
dinem mu-
nificentiæ.*

exemplo, destinauerat, consecrato, in trium Cœnobio-
rum foundationem, magno auri Pondere, si Coniugi vale-
tudinario superuixisset. Quæ illius salutaria, & honorifica
Ordini nostro (cuius institutum profiteri statuerat) con-
silia, licet immatura mors discusserit; testamento ramen,
quo animo in nos esset, Legatorum munificentia satis de-
clarauit. Sed quid Ser. mus Archidux Leopoldus celebra-
dæ memoriæ, Ferdinandi secundi Cæsaris frater, & in fo-
uendâ Seruitanâ gente æmulus? Cuius viui tanta non so-
lùm humanitas, sed cura etiam ac sollicitudo de nobis fuit
prorsus, vt res suas, cùm nostras ageret, agere videretur.
Cuius beneuolentiæ, beneficentiæq; constructum instru-
ctumque liberaliter à se, Archiducale Monasterium, in Ty-
roli, ad montem Waldrastensem, præsentissimo B. mæ Vir-
ginis Patrocinio, ac frequentibus miraculis, nobilem, æ-
ternum monumentum nobis, posterisque exstat. Eamque
eius in nos beneuolæ, beneficæque mētis propensionem,
tum natiuâ sponte suâ, tum Ser. mi Coniugis exemplo,
Ser. mæ Archiducissæ Claudia Medicea, strenuè benignèq;
prosequitur. Sed claudat beneficium hoc & æternitate
memoriæ dignum agmen Austriacorum, Ser. mus Archi-
dux Leopoldus Wilhelmus, Imperatoris Ferdinandi se-
cundi Filius, & Tertij Frater, Ordinis in Germaniâ nostri
Protector singularis, nec non Ser. mæ Archiducissæ foro-
res, Maria Renata, Regina Poloniæ, & Maria Anna, Electrix
Boiariæ: qui licet exstructis Cœnobiorum monumentis,
pietatem, propensionemque suorum animorum in Ser-
uitutem nostram Marianam nondum declararint, iniqui-
tatem magis temporum, quàm voluntatum defectu; tamen
tantis tamque prolixis fauoribus, ac beneficijs Ordinem
nostrum (cuius Habitum, vt cæteri omnes, in Germania
Austria-

Austriaci Principes, etiam infantes, sub purpuris gestant) prosequuntur, vt pietatem, quam sub eodem Habitu gerunt, magno nostro emolumento solatióque, luculenter, ferenéque prodant. Huic Serma Austriacæ, non minùs sanguine, quàm pietate cognata Ser.^{ma} Domus Bauarica eadem in eandem Seruitutem nostram Religione, curaque eius prouehendæ fertur. Id quod Sermus Ferdinandus Elector Colonienfis, dato Ordini nostro, dotatóque liberaliter Cœnobio S. Crucis, prope ciuitatem suam Bonnam, Superis Mediisque testatum voluit. Nec minore fauore feruoréque Ser.^{mus} Elector Maximilianus, eius Frater, interposita apud summum Pontificem suâ, sapientissimi Potentissimique Principis autoritate, opus promouet, quod Ordini nostro per aliquot iam sæcula in primis votis fuit, nimirum huius ipsius B. P. PHILIPPI Canonizationem. Ac præterea iam dudum ipse consecratus, duos suos promissionis Sermos Filios, velut alter fidelis Abraham, per Habitus nostri lugubris susceptionem, B.^{ma} Virgini obrulit in Seruos, & consecrauit. Id quod de se, deque suo Sermo Filio Alberto Sigismundo, fecit Sermus eius Frater Dux Albertus. Habet itaque Religio nostra, duarum in Imperio Romano Domorum maximarum, suffulta tam, præfenti præsidio, ac fauore, vnde speret; reponenda sibi, quæ per duo iam sæcula A catholicorum violentiâ, & odio Nominis sui adempta desiderauit. Sed vt ad capram historiarum seriem redeamus, ex qua nos Rudolphi Cæsaris prolixâ in Ordinem Seruorum studia digredi coëgerunt; Philippus exacto in hac expeditione Germanicâ, biennio, editisque ad summum Cæsaris solatium, Imperijque emolumentum, singularibus sanctitatis suæ prudentiæque documentis, petita atque impetrata ab Imperatore mis-

Item Serenissima Electoralis Domus Bauarica.

Philippus officio functus, in Italiam reuertitur.

R

fione,

sione, in Italiam reuertit, comitijs Generalibus Viterbium, ad Kalendas Maias, promulgatis, interfuturus. Et quia in eo conuentu, de rebus grauib, ac de muniendo in futurum aduersus eiusmodi Calamitates (qualibus aliquamdiu hætenus Ordo æstuaauerat) decernendum fuit, placuit eodem etiam, quamuis grandæuos, accersere BB. PP. Vguccionem, & Susteneum: vt ex senili, & multorum annorum vsu collectâ, defæcati spiritûs, prudentiâ, vnâ in medium consulerent. Postquam conuentum est, Consilijs sententijsque collatis, inter eos conuenit, vt B. P. Philippus & B. P. Lotharingus Stuffa, & Bonauentura Pistoriensis, summam rei, & consultorum in se susciperent, ac Romam proficiscerentur, & à nouo Pontifice, Martino IV. (qui mortuo Nicolao tercio successerat) postquam ei vniuersi Ordinis nomine, aditum honorem fuissent gratulati, peterent, orarētque, vt aliquot antecessorum concessa Ordini Priuilegia, & confirmationes, ac præsertim decretoriam, de nuperis controuersijs, proximi prædecessoris Nicolai tertij sententiam, rata in posterum ac fixa, dato rescripto, esse iuberet: & quoad id efficeretur, PP. Romæ, rerū actis intenti, subsisterent. Interea BB. PP. Vguccio & Susteneus, regressi ad Senarium suum, vbi mortē, pro votis, quibus dissolui, & esse cum Christo optabant, operiebantur; cū inter se per viam, de Ordinis ortu, progressūque per annorum 50. spatium, ac de præsentī statu eius, longē latēque per orbem prolato, deque alijs, Diuinę circa incolunitatem, & gloriam eiusdem, prouidentię, prodigijs, sermocinarentur, ac deinde nascētib, vt fit, ex alijs, alijs sermonib, ad collegarum suorum memoriam, & fælicem eorum, ex hac lacrimarum valle, ad beatas sedes migrationes rememorandas, delaberentur, ac demum prolongatione incolatûs sui, & desiderio cœlestis Patrię, in lachry-

De Capituli Generalis voluntate noua Ordinis confirmatione apud Martinum IV. sollicitat.

BB. PP. Vguccioni & Sustenio, exolutionis desiderio æstuantib, cœlitus allapsa consolatio.

chrinas soluti, diuturnitatem Exilij sui deplorarunt, ecce
 è propinquo vocem exaudiunt, distinctis articulatísque,
 in hanc sententiam, verbis, solantem. O Serui DEI, & MA-
 RIAE, parcite lamentis: breui à laboribus vestris quiesce-
 tis: eoque cœlesti oraculo, mirificè recreati, beati Senes,
 paulò post, in Monte Senario, collecti ad Patres suos, in se-
 neſtute bonâ, pleni dierum, & meritorum, eâdem die, at-
 que adeò horâ eâdem, placidâ morte quieuerunt. Fortè
 per eos dies PHILIPPVS Româ Florentiam reuerterat, pro-
 motis apud Pontificem publicis negotijs, illâq; nocte, quâ
 vltimam, illud beatû Patrum par, in terris egit, ei visio, in
 quodâ mentis excessu, obiecta est, qua duo cãdicantia lilia
 de terrâ succidi, eadêmq; B. mæ Virgini in cœlo offerri, sibi
 videre videbatur, eôq; ostâto, illustrante, intrinsecus mē-
 tem, diuino spiritu, illico intellexit: illa duo lilia, Vguccio-
 nem ac Sosteneum esse, ad æterni veris amantiam, per-
 petuò viuendam, à Deiparâ V: inuitatos. Itaque sumo ma-
 ne, insequentis diei, conuocato Patrû Cœnobij Florentini,
 cactu, ac rei oblatae serie narratâ, eos de preciosa horum
 auorum morte, certiores facit: gauderent proinde, ac gra-
 tularentur sibi: ea duo lilia, ex præſenti ærumnarum con-
 ualle translata, & perpetui viroris Paradysî hortis inserta,
 æternâ felicitate gaudere, æternûmque gauisura. Proin-
 de inquit Filij, eos dilectos BB. PP. nostros, qui nobiscum
 atque ante nos laborauerunt in Euangelio, ac viâ vitæ, suo
 vobis exemplo strauerunt, & innocentiae meritorûmque
 suorum luce commonſtrârunt, mecum in vota vocate, vt
 propitij ac volentes, apud comunem Dominum efficiant,
 vt, quam nobis, ad æternam gloriam, viam, factis suis præ-
 iuerunt, tutò ac feliciter sequi possimus. Author est
 nobilis eques, Nicolaus Burgesius in opere, quod de rebus

*Eorundem-
 que felicis-
 simum in
 Cœlum
 transiunt
 Philippus
 videt.*

*Et Patri-
 bus Floren-
 tinis ad cō-
 gratulatio-
 nem denun-
 ciat.*

R 2

gestis

*Frequētē-
que Philip-
pi Extases
& Renela-
tiones.*

gestis PHILIPPI scriptum reliquit: præter alia coelestia Charismata, quib⁹ eum DEVS cumulatissimè, spiritus sancti sui vñctione decorauit, insignem fuisse coelestium secretorum, per frequentes extases, communicationē: quibus, cum altissimè plerumque absorberetur, ubi ad se redibat, prophetico spiritu, multa de rebus futuris, atque absentibus, in illo mentis æstu fundebat, quæ, ut prædicebantur, fidelissimè eueniebant. Ex quibus hoc factum, exempli gratia, placuit, ut opportuno loco, cæteris prætermisissis, adducere.

QVID PHILIPPVS SUPREMVM RELIGIONEM LVSTRANS, FOROLIVII,

Florentiæ, Senis, ac Tuderti, egerit,
ruleritque.

CAPVT DECIMVM QVINTVM.

*Acriter in
Foroliuie-
nses, imperiũ
Pontificis
detrectan-
tes, dicit.*

INterea, cum, præfago hoc eodem spiritu, intelligeret PHILIPPVS, illud exoptatissimum tempus instare, atque adeò in propinquo iam adesse, quo, de posita corporis ac Magistratûs Sarcinâ, feliciter migrandum sit, ut & solari suos, & omnia ubique ad perpetuitatem ritè constitutuere posset, plerâque Ordinis Coenobia supremum sibi lustranda putauit. Itaque obitis plerisque Italiæ urbibus, Foroliuium accessit, non tam ad visitandos suos, quàm (ut quibusdam authoribus placet) iussu Martini IV. Pontificis Max: ut eam urbem, quæ per id tempus, parente reliquâ omni Æmyliâ, Pontificis imperium detrectabat, ad officium, ac saniora consilia reduceret. PHILIPPVS (iam similibus turbis componendis feliciter exercitus) magno animo provinciam aggreditur, & confluente ad famam opinionemque sanctitatis eius, totâ urbe, concionem habet,
more

more suo, ardentem, ac grauem; & in ea Apostolicâ liber-
 rare, Foroliuensium intestina inter se odia, & in sacrosan-
 ctum Principem, impietatem, perfidiâque redarguit,
 atque omnia mala præsentia, impendentiâque, quæ defe-
 ctiones sequi solent, si ad saniora consilia aduertere ani-
 mos noluerint, denunciat. Sed ea illius oratio diuersos,
 dissimilesque, in auditorum animis motûs creauit; nam
 quibus præsentior mens, animûsque memor Religionis
 fuit, ad lamenta plena pœnitundine, & ad DE I, & Pontifi-
 cis conuersi obsequium, imperata facturi videbantur: ac
 alij, ac præsertim efferatorum Iuuenum Globus, qui fa-
 ctionis Ghibellinæ vesaniâ imbuti erant, nullâ sancti ho-
 nestiue ratione habitâ, facto in concionantem impetu,
 eum arripiunt, pulsatumque, ac flagris, miserandum in
 modum, cæsum, eum pari verborum indignitate, feroci-
 ter, ciuitate proturbant: sed Philippus eâ tam insigni con-
 tumeliâ incredibiliter lætus, quantum sibi de toleratis,
 Christi exemplo, iniurijs gratulabatur, tantum animo an-
 gebatur, ne ea violentia authoribus noxæ esset. Ergo, vt
 erat malè multatus, totòque corpusculo miserè contusus,
 sese in genua erigit, ac primùm Christo, & B. mæ Virgini
 gratias agit, quòd ipsorum causâ, sibi quidquid id incom-
 modi esset, perpeti contigisset, ac mox in preces quàm ar-
 dentissimas incumbit, pro violatoribus suis. Non fuerunt
 irritæ eæ preces; quippe ex illâ iniuriosorum Iuuenum ca-
 teruâ, vnus, nobilitate generis, & ferociâ animi primarius,
 qui, præter communem operam, eiiciendo, multandòque
 Philippo, nauatam, eum impactâ in os insigni alapâ, per-
 cusserat, sceleris sui atrocitate, ac pœnitentiâ percussus, ad
 vrbs principem Ecclesiam proripuit sese, & illic in genua
 coram effigie quâdam Deiparæ Virginis, cuius alioqui

*A quibus
 offensis a-
 cuer pul-
 satur.*

*Pro viola-
 toribus ar-
 denter de-
 precatus.*

*Unius eo-
rum mira-
bilem im-
petrat con-
versionem.*

*Qui ab An-
gelo Senas
deductus.*

*Suscepto
Religionis
Habitū &
Peregrini
nomine,
sanctitate
floret.*

singularis cultor erat, ingenua subsidens, illatæ Seruo in-
iuriæ, suppliciter à Dominâ, veniam exposcit; oratque
quoniam fixum sit, aliter deinceps vitæ rationē instituire,
id consilium suum, libens ac propitia regere ac deducere
dignaretur. Vix precandi finem fecit, cum Misericordiæ
Mater, postquam se Iuueni, miro pœnitudinis sensu deli-
buto, visendam obrulisset, eum Seruos suos adire iubet.
Quod strenuè exequuturus, sine morâ se in viam conijcit,
& Philippum, haud procul vrbe consequutus, ad eius se
pedes abiicit, inter lacrimas ac singultûs, doloris ingenuos
indices, atrocis offensæ veniam precatus, ordine exponit,
quid à B. mâ Virgine, in mandatis acceperit: orare proin-
de se, vt, quamuis immerito, sibi violatæ, paulò antè, per-
sumam vesaniam, Religionis, habitum impertiat. Ad ea
PHILIPPVS, lætâ, tam repentinæ mutationis, admiratio-
ne perfusus, acceptum beneuolè Iuuenem, Senas, vbi co-
mitiorum occasione, voti dammandus esset, præcedere iu-
bet. Quod cum ille, arrepto in Hetrurium itinere, perfice-
ret, Angelus se ipsi, haud dubiè custos, aspectabili specie
viæ ducem adiungit, & Senas vsque lætum atque incolumem
deducit. Hic est Peregrinus ille, qui postquam est in
Ordinem admissus, vitæ genus aggressus est, & pœnitent-
iæ operibus, & virtutum omnium luminibus ac miracu-
lis, adeò illustre, vt (quæ Philippi orationis efficacia fuit.)
Stephani Paulus videri potuerit. Ob quæ decora, ac nota
singularis sanctimonix argumenta, à Paulo v. Pontifice
Max: nostrâ demum ætate, in Beatorum numerum est re-
latus. Cætera, vt quæque ab illo gesta sunt, quia alio for-
tasse loco persequuturi sumus, nunc Philippum, deceden-
tem prouinciâ, ad triumphum affectabimur. Cum igitur,
non solum Peregrinus, sed omnes etiam Foroliuienses,
Phi-

PHILIPPI primū concionibus, & mox precibus ad fa-
 norem mentem rediissent, præsidiumque Pontificium,
 eiccto Vidio de Monte Feltrio, aduersæ factionis Ductore,
 ac Ioannem quendam Ducem Gallum recepissent, eoque
 vniuersa Æmylia in Ecclesiæ ditionem esset redacta,
 Martinus IV. Pontifex, auditâ operâ, quæ in eam expedi-
 tionem, aliâsque complures eius generis, collata à PHILIPPO
 fuerat, eum pro meritis remunerari decreuit. Et
 quia satis intelligebat, quantopere ei cordi esset, quan-
 tumque in id laboris & curæ apud superiores Pontifices
 impendisset, vt Ordo eius, per aliquot iam annos pericu-
 losè oppugnatus duobus illis sæpe memoratis Concilio-
 rum decretis, tectus, atque incolumis persisteret, præterea
 etiam notam ac perspectam haberet firmitatem eorum,
 quæ tum ab ipso PHILIPPO, tum ab aduocatis Consisto-
 rialibus, ad Ordinis defensionem adducta fuerant, existi-
 mauit, nullâ in re, PHILIPPO se acceptius gratificaturum,
 quàm si eum, atque Ordinem vniuersum, hoc periculo
 & curâ, quæ illos diu iam, ac molestè exercuerat, dato rei
 finiendæ Diplomate liberaret. Itaque accito Perusium,
 vbi tunc Pontifex agebat, F. Henrico de Gandauo, qui
 Parisijs Doctor Solemnis est dictus, & à PHILIPPO ad pro-
 pugnandam communem causam, Collega & administer
 accitus fuerat; ei potestatem fecit, vt in publico pupura-
 torum Patrum Confessu, super eâ causâ, prolatis in me-
 dium rationib⁹, verba faceret. Henricus vt Pontifici morè
 gereret, & verò optatè gerendè rei, opportunitati nō desset,
 insigni oratione sumam rationum complexus, postquā &
 Senatus est datus, qua erat sumâ doctrinâ ac dicèdi copiâ,
 tanto splendore, ac dignitate dixit, vt omnib⁹ in sui admi-
 ratio-

*Tandem ea
 agente, Fo-
 voluientes
 Pontifici sē
 subdunt.*

*In remu-
 natione
 nauata o-
 peræ, à Pon-
 tifice pote-
 statem ac-
 cipit, ordi-
 nis a vete-
 ribus calū-
 niis vendi-
 canda.*

*Quod præ-
 stat per
 Henricum
 Gandauē
 ratio-*

rationē raptis, quæ voluit, haud dubiè persuaserit. Quod cum inter dicens, ex studio audiendi, tacitisque, versorum in se vultuum, approbationibus, sagax coniector, animaduertisset, peroratione, quàm maximè ad mouendam sanctissimi Instituti commiserationem, aptâ, vsus; motis conuictisque omnium animis, demississimâ supplicatione institit, vt Pontifex ac Patres, Ordinem Seruorum, ab ipsa B. ma Virgine, diuinitus fundatum, nominatum nouo nomine, nouo modò, ex infantium & lactentium ore, à tot summis Pontificibus approbatum, à S. Romanæ Ecclesiæ tot Cardinalibus protectum, à tot Regibus Principibusque receptum ditionibus, cultumque omni veneratione, ac longè latèq; per orbem Christianum prolatum, respicerent tandem, eumque merore, ac solitudine confectum, traductum sinistris opinionibus, vexatum iniquorum hominum iniurijs, denique à morâ illi hac lite, obnoxium cuiusvis violentiæ, erigerent; ac pristinæ gloriæ, dignitatique, ex tot miraculis, rebûsque, ab eius hominibus fortiter ac mirabiliter gestis, partæ, restituerent. Ceterum se vt qui non suam, sed æternæ Virginis Matris Dei causam agat, de euentu æquo animo esse, ac confidere: consumptâ omni humanâ industriâ, eam sibi, & causæ suæ minimè defuturam, idque sensurum quemcunque malo suo, qui impiam illi litem mouere, quàm illius tueri, ac sustinere causam maluerit. Quæ, cum summo silentio, & secundis tam Pontificis, quàm Cardinalium voluntatibus, audirentur, satisque appareret omnibus, vera solidaque, àfferri: Pontificis Ioannis xxi. sententiam, quâ is Ordinem Seruorum, geminis illis Conciliorum decretis excluderat, de communi totius augusti Senatûs assensu approbavit, ratamque ac veram pronunciauit; decreuitque id,

*Plenissimâ
Ordinis
confirmacionem,
Martino
IV. & Pri-
uilegia de-
nuo acci-
pit.*

omnia, vno omnium ordinum consensu, summâ cum potestate illum Vexilliferum dicunt: qui magistratus, eâ aetate, in liberis Italiae ciuitatibus summus erat, ac penè Dictatorius. Ita prosequente omninobilitate, & plebe, ad templum Cœnobij sui procedit, ibique ante principem aram, fusâ aliquamdiu, per excessum mentis, oratione, postquam se collegit, in hæc verba, velut ex alto sopore expergefactus, prorumpit: Gratiâs tibi ago Domine, quia *hæc requies mea in seculum seculi, hic habitabo, quoniam elegi eam.* Eoq; præfago futuri, velut Epitaphio, sibi ipse gloriosum & celebre sepulchrum signauit, quod in ea vrbe perpetuum erat habitaturus: ut cunq; à B. Patris Patriâ, illius, cupidâ reliquiarum, oppugnaretur. Cæterum quod reliquum fuit dierum, vsque ad excessum, PHILIPPVS in exactâ, ad propinquam, præuisâque mortem, præparatione, atque in Tudertinorum promonendâ salute, collocavit. Itaque, cum dilexisset suos, qui erant in mundo, quos relinquerebat, *in finem dilexit eos:* eaque dilectione, velut fluminis impetu, ad lætificantem, iam ex propinquo, ciuitatem DEI, omnia secum in DEVM rapiebat. Hinc multa publicè pro concione, multa priuatim, monere, componere Procerum discordias, & omnium ordinum inimicitias; audire diligenter eorum, qui ad frugem redibant, confessiones (inter quos illæ duæ nuper conuersæ, mulieres, fuere) cæterâque affectæ vrbis vitia, atque ægritudines, personare, tanto studio, atque feruore institit, vt se iam ciuitas vix ipsa agnosceret; tanta erat morum mutatio, emendatioque facta.

Nihil impetrat, sed ad cœnobium festinè deducitur.

Obitum sibi denuo vaticinatur.

Reliquos citæ dies in præparatione ad mortem, & reconciliandis ciuibus insinit.

T

PRE-

PRECIOSA BEATI PATRIS PHI-
LIPPI MORS, ET AD EAM SVPREMA

comparatio, & vltima ad Fratres
monita.

CAPVT DECIMVM SEXTVM.

*Ultima
Philippi
eademque
ardentissi-
ma concio.*

*Et lectulus
decreto-
rius.*

L Vstratâ ritè, in hunc modum, Tudertinâ vrbe, scilicet
vt quàm purissimâ terrâ moriens exciperetur, B. Pa-
ter, ipso die Assumptæ Virginis festo, peractio, cum
inuitato spiritûs ardore, Sacrificio, ita, vt erat æstuans,
flagrânsque diuinâ charitate, suggestum conscendit, fre-
quentissimâ vniuersi populi concione, ac primò quidem,
hac copiâ sui vniuersos exhilarauit, & mox orationem
exorsus est, quæ, vt erat ipsius postrema, ita omnium, quas
vnquam perorauit, Epilogus videri poterat, tantâ copiâ
tantòque ardore, & tanto auditorum motu, ac solatio, di-
xit. Paulò post dimissam concionem, vbi se B. P. intrò in
cœnobium contulit, statim febriculæ morbo tentari cæ-
pit, sed leuiter: ille tamē satis intelligens, eum propinquæ
mortis Prodromum esse, sibi gratulatus est, multis adstan-
tibus, aduenisse id tandem felicissimum tempus, quo, cor-
poris vinculis solutus spiritus suus, liber euolaret ad DEVM.
Ingrauescente deinde morbo, ac paulatim iam in lethar-
em vergente, Episcopi vrbis, ac Medicorum hortatu, in
secretijs cubiculum (quod hodièque ostenditur, & in ma-
gnâ veneratione est) se recepit; vbi sibi persuaderi passus
est, vt in laneâ culcitrà, de qua nobis alibi sermo erit, à
quodam Iacobo, Ciue Tudertino, mutuò oblatâ, fractum
recenti morbo, & veteri, ac perpetuo poenitentiarum vsu,
corpuseculum componeret. Sed vt cilicium, quo asperri-
mo cinctus erat, exueret, id verò ab eo nullis precibus im-
petrari

petrari potuit; quippe qui censeret: militem Religiosum,
 potius in armis militiæ suæ, quàm inermem occumbere
 debere. Ita Vir sanctus, velut Liliū, vel Rosa, inter spinas
 suas, morrem, sanctissimæ atque austerissimæ vitæ con-
 gruentem, appetebat, tantâ cōstantiâ ac patientiâ, vt non
 homo mortalis, sed cœlestis aliquis Genius, inter illas cor-
 poris animique afflictationes, iacere videretur. Eas maio-
 rem in modum augebat & illud, quòd ciuium pietate, quâ
 certatim inuisebatur, turbaretur ipsius, illo in agone soli-
 tudo, quam ad figendam in Deo mentem, studiosè capta-
 bat, vt paulò antè diximus. Sed qui illius in proximos per-
 petuus amor fuit, vtrunque vltimas illas vitæ horas in v-
 triusque amoris exercitatione pariebat. Verùm cum
 ex crebrioribus deliquorum symptomatis moneretur;
 tempus esse, atque id quidem breue, conuasandi, ac vale-
 dicendi rebus humanis; conuocatos ad se, vniuersos Fra-
 tres, hisce verbis allocutus est. Dilectissimi in Christo Filij
 ac Fratres; conuocandi vos vniuersos, in hunc locum cau-
 sa mihi fuit, præsens necessitas ingrediendi viam vniuer-
 sæ carnis, & tempus resolutionis meæ, quod proximo die,
 octauæ Dominae nostræ consecrato, instat, sicut Dominus
 IESVS significauit mihi; qui me felicissimus nuncius non
 ita absorpsit beatitate suâ, vt vestri mihi memoriam ade-
 merit, quin sicut iussum arbitror, quamdiu sum in hoc taberna-
 culo, suscitare vos in commonitione, atque eò quidem enixiùs,
 quia certus, quòd velox sit depositio tabernaculi mei, imò operâ
 dabo cum Apostolo Petro, & frequenter vos habere post obitum
 meum, vt horū, quæ supremū moneo, memoriā faciatis.
 Quapropter oro atq; obtestor vos hodierna die, & quā va-
 leo in vos auctoritate, etiā iubeo, vt hoc corpusculū meū,

*Patientia
ac fortitu-
do.*

*Extrema
ad suos ex-
hortatio.*

T 2

vbi reli-

relictum ab anima fuerit, terræ suæ, nullâ insigni pompâ elatum, populari tantum, atque humili sepulturâ, paupertatis nostræ instituto, funeretur; quidquid studiosa hæc nostri ciuitas, pro suâ pietate, in contrarium molitur. Tenetis enim memoriâ: me, tamen, vestrâ perpetuâ voluntate, Generalem agere coactus sum, meâ tamen, libentiùs acturum fuisse, ac moriturum, eum fratrem conuersum, quem in primo ingressu indueram; quippe cum hic ipse, in quo nunc desudo, agon, perpetuò mentis oculis obuersatus sit, viuâ certitudine: humillimam vitam, tutissimâ morte defungi. Satis ergo sit, hoc me in vitâ solatium, vestro obsequio condonasse: nunc vel in inutili cadauere meo, ut illo per vos frui liceat, pro vestrâ æquitate concedetis. Alterum, & verò præcipuum, maximumque est, quod nō solum ego vos, per omnia pia ac sancta, oro, quæsoque, sed etiam quod Dominus IESVS *transiturus ex hoc mundo ad Patrem* omnibus mandauit, ut vos scilicet inuicem diligatis, feratque alter alterius onera, atque infirmitates; hæc enim legitima Tessera est verorum Christi discipulorum; ipso, qui est testis fidelis, attestante, *in hoc cognoscent omnes, quia discipuli mei estis, si dilectionem habueritis ad inuicem.* Quibus peramanter, fusèque dictis, & pro exuberante, ad vicinitatem sphaeræ suæ, charitatis, ardore, exaggeratis, ita vbertim omnibus obortæ lachrimæ sunt, nemo ut esset ex astantibus, qui mellifluo flammæ uoque illi Seraphino, præ teneritudine, & dolore amissi tam Diuini doctoris, respondere posset. Quod cum pientissimus Pater, medio in conflictu suo, animaduertit; inter mortuis, ad eos, vocibus conuersus, bono animo esse iubet; quippe sibi, illisque, expedire hanc Itionem ad Patrem: quæ, si, ut in Dei miseratione speret, ex voto cesserit; habituros eos

Patrem,

Quâ multis, funeris quamcunque pompâ deprecatur.

Ad fratrem nam charitatem exhortatur.

Consternatos consolatur.

Patrem, & aduocatum apud Patrem: quemadmodū, dum
 viueret, cum ubique, apud maxima Orbis capita aduoca-
 tum habuissent. Quibus in vocibus, linquente animo de-
 ficiens, aliquantisper conticuit, sed augescēte magis ac
 magis, morbi violentiā, iisdēque incrementis, Philippi
 inuictā malis, animi constantiā, geminā flammā absume-
 batur, alterā, exæstuantis immodicē febris, alterā verò ar-
 doris desideriorum, quibus dissolui, & esse cum Christo,
 sine modo suspirabat. Sed has inter pœnas tamen depre-
 henso, semper præsens ratio, & integrum iudicium con-
 stitit. Aduespascente vigesimo die Augusti, anno Christi
 1285, iterum Sacrosancti Corporis Christi, & Extremæ vn-
 ctionis Sacramenta depoposcit; quod cū esset factum, &
 præsto esset, cum adorandā synaxi Sacerdos, afferente,
 vim viribus amore, è duro lectulo surrigit iam penē ene-
 ctos, & in mortem rigentes artūs, ac, vt erat cilicio, & toto
 vestitus habitu (quem honoris B. mæ Virginis & pœniten-
 tiæ causā, nunquam ponere consueuerat) humi se perhu-
 militer prosternens, inter ardentissimos pœnitentiæ a-
 ctūs, singultūs, lachrimas, suspiria, & innocentis pectoris
 runfiones, aliāque cognitionis sui argumenta, sumpto illo
 viuifico comēatu, itinera Æternitatis ingressurus, Eccle-
 siam DEI, se semet, Religionem, Patriam, urbem ipsam
 Tuderti, ac denique omnes Diuinæ opis indigos, DEO fer-
 uentissimā & latissimā charitate, commendat; ac dein-
 ceptus velut satis prouidisset omnibus, qui cordi erant, illis
 Seruatori suo commendatis, ipse se eō penitiūs in DEVM
 penetrat, quō ardentius eos, qui curæ fuerant, Diuinæ
 prouidentię commisisset. Itaque repositus in lectulum,
 flagrante intus dilecto, sic anima beati viri liquefacta est,
 vt proruperit in profundissimi sermonis Mysteria: ex quo-

*Sacramē-
ta, emi-
grantium
propria,
postulata,
quanto ar-
dore susce-
perit.*

*Pro suā
liorumque
salute de-
precatur.*

*Inflammi-
gera suspi-
ria erum-
pit.*

*Psalmos
pœniten-
tiales ac Li-
tanas re-
citât,*

*Ab aliena-
tur à sensi-
bus 3. hora-
rum spa-
tio.*

*De Divi-
ni tribuna-
lis rigore
suoque con-
flictu nar-
rat.*

rum altitudine, satis appareret; beatissimum hūc colorem, iam tum ordiri cantum, quem per omnem æternitatem fœlicissimè erat canturus. Sed iam vltimæ lineæ propinquior factus, providâ vicissitudine à delicijs cœlestibus, animum ad curam pœnitentiæ traducit, & D. Augustini exemplo, Psalmos pœnitentiales, descendis, quibuscunq; noxis adhibet; ac mox Litanias Sanctorum, quos præsentes, propitiōsque, in supremo discrimine, pro æterni triumphi causâ, prehensandos putabat, exoritur. Quibus ritè atque ardentè in vota vocatis, contigit, vbi ad eam formulam est ventum; *Peccatores, te rogamus audinos*, vt sic abalienaretur à sensibus vir DE I, vt per tres ipsas horas, pro mortuo habitus sit ab astantibus, atque id quidem non cemerè, quòd nihil indicij in eo, nisi mortuale, appareret. Superuenit interim, DEI monitu excitus, ad id ipsū, quod agebatur, Frater Vbaldus Adimarius, qui certitudine freris cœlestis oraculi sui; PHILIPPVM nec dum vitæ confinia excessisse, nomine compellatum, suscitât. PHILIPPVS ad eius vocem sibi redditus; Prò Fratres, inquit, quàm horribilis est, huius vltimi certaminis conflictus! Scitote; me ante Christi Tribunal statutum, non vulgari defunctum esse discrimine; siquidem tortuosus ille veterator, & salutis humanæ osor Sathanas, opprobatis mihi peccatis meis, & in immensum exaggeratis, omnibus nocendi artibus suis egit, sategitque, vt de Divinâ misericordiâ, per desperationem desponderem animum. Et plena periculi pugna pendebat, quoad superueniens benignissimus IESVS meus, & mea Domina MATER eius, increpitum, ab ætiumque antagonistam profligârunt: deinde quasi non esset satis immensæ Misericordiæ eorum, depulisse tam formidand-

dandum, tamque præsens periculum, adiecerunt immen-
 sum solatium, ex monstratâ Coronâ, quam mihi inutili
 seruo, & immerito, præparauerunt in æternum. Agite *Hostis ver-*
 ergo Fratres mei, adeste animis, atque expergisciminor, *sutias præ-*
 ad veterinosi huius hostis versutias, fraudes, & insidias de- *cauendas*
 prendendas: videt ille se, multo merito suo, Diuinis *monet,*
 omnibus donis, bonisque exutum, & inuidiæ æstro, in
 rabiem datus, in easdem nos miseras, vnâ secum pertra-
 here, omnibus viribus, artibusque laborat. Sed non de-
 sunt aduersus illius impetûs arma. Abstinentiâ, Humi-
 litate, Patientiâ, & quæ maxima harum est, Charitate, il-
 lius conatûs affliguntur. His dictis, inualecente, nouis
 auctibus Extrasi, oculos primùm in Cœlum figit, mox
 eosdem anxie, varias in partes circumferens, librum,
 suum ingeminat; cedò librum meum, date librum, in-
 quiens, quis eum eripuit mihi? reddatur quantocius. *Librum*
 O librum, qui bona omnia mea contines, quærite illum *suum an-*
 Fratres, non enim sine eo diutiùs vitam trahere possum. *xie depo-*
 Ad ea anxij Fratres alius alium codicem porrigere; sed *scit.*
 frustra: respiciente eo quoscunque oblatos, & strenuè
 suum librum postulante: eum se, neque alium velle,
 illum solùm in vltimis votis esse. Demum perplexis
 omnibus, atque ignaris, quem tandem librum intelli-
 geret, à Fratre Vbaldo Adimario, cuius in gremio ac-
 quiescebat, intellectus est. Itaque porrigi iubet Effigiem
 CHRISTI, è Cruce pendentis, eburneam, quam vir san-
 ctus manu semper gestare consueuerat, & in quâ, fixo
 obtutu, hæere eum, Adimarius animaduertenterat.
 Eam porrectam verò PHILIPPVS pectori apprimic;
 &

*Crucifixi
imagine
data aequi-
escit.*

& eam suauiter exosculatus, Hic est liber meus, inquit, hic est, in quo ego innumera beneficia scripta lego Redemptoris mei, qui, effuso pro me omni cruore, hoc corporis sui spoliū, pendulum ex felici arbore, reliquit. Tum deinde legere, ac relegere omnia illa beneficia, & peccularia præsertim, per omnem vitam accepta, & meditari varia viuifica Passionis Mysteria institit, ac paulo post, gaudio spiritūs velut triumphante, Canticum: *Benedictus Dominus Deus Israel* &c. totum recitauit. Atque hīc iam tandem ad vltimam lineam peruentum est. Eius minimē ignarus vir tam Apostolicus, quā Ppropheticus, pressa ac debili voce, Psalm. 30. *Inte Domine speravi* &c. pronunciat, hærēnsque ad vltimum eius versum, vibratis in Christi Crucifixi Imaginem oculis, nouissimis verbis, tacito exultantis animi iubilo, sibilo auræ lenis, quā simillimis, dixit: *In manus tuas Domine, commendo spiritum meum.* Atque in ea voce, composito, quā honestissimē corpore, cultūque eius, deficiens, coelestem animam cœlo reddidit. Quā, vt quanto-pere sibi gratularentur accepta, cœlites monstrarent; illico psallentibus ad sacrum funus Fratribus; suauissimo concentu, dērepente Nēnias interpellārunt; cuius hoc argumentum fuit, *Euge Serue bone & fidelis, qui à Virgine super familiam suam fuisse constitutus, intra in gaudium Domini tui.* Suauitatem inexplicabilem, earum vocum, excepit incomparabilis odoris fragrantia, quæ totum locum, vbi positus erat, oppleuit, & tertio miraculo, ex iacentis S. Patris facie, tanta vis coelestis lucis emicuit, vt quid quid circa eum esset, à clarissimo lubare coruscaret. Quo, tergemio prodigio, versi ex stupore, in læticiam rerum admirabilium, spectatores Fratres, omiſſis funebribus, spiritu exultantes, læta, atque festiua iubilārunt. Incidit hic PHILIPPUS
exceſ-

*Post exha-
lationem
SS. anima,
cœlitum
concentus,
aliāq, mi-
ra existūt.*

excessus in annum Christi 1285. ætatis verò PHILIPPI
 quinquagesimum secundum, vndecimo Kalendarum
 Septembrium, qui octauæ Assumptionis Dominæ sacer
 est, cum occidente sole, per urbem, ex consuetudine Ec-
 clesiæ, signa darentur ære campano, ad salutationem An-
 gelicam, prorsus ut ipse prædixerat. Sed quia cū die exspira-
 uit, & absolutis Vesperis & Completorio, fortè etiam ut
 locus esset, B. mæ Virginis octauæ celebrandæ, visum est
 postea Leoni x. Pont. Max. festum PHILIPPI in sequen-
 tem diem 23. Augusti reijcere: idque dato diplomate sanc-
 citum, obseruamus. Hac tam preciosâ, tamque prodigosâ
 PHILIPPI morte, per urbem vulgatâ, illico omnium or-
 dinum, atque ætatum concursus ad D. Marci fit, quo illa-
 tum iam esse illius funus, rumor prodiderat, ac certatim
 sacrum illius corpus, ut veræ integræq; domiciliū sancti-
 tatis, omni veneratione prosequuntur, mandatis ipsius
 vltimis, quibus utebantur eiusmodi honores, pietatem
 populi stimulantibus potiùs, quàm obstantib⁹. Quò factū
 est, ut à fratribus, vnâ cum Episcopo, Senatūque Tuderti-
 no, religione supremæ voluntatis obstrictis, sacri corpo-
 ris humatio acceleraretur. Verùm eorum diligentia mi-
 raculum intercessit. Erat tum in vrbe Tudertinâ, Virgo,
 Agnetula nomine, Tabellionis Pauli Guitonis, cuius Tu-
 dertini filia: hæc insonantibus ad funus Philippi, campa-
 nis, intus aliquid efficacioris inuitamenti sensit, quo per-
 mota parentem orat, ut ad sacrum corpus se deferri curet:
 (neque enim aut ingredi pedibus, aut manum dexteram
 tendere, aut adducere, aut in mobili corporis mole, vltimam
 se commouere poterat) obsequitur pietati filiæ parens, &
 eam in templum illatam, factâ per populi cuneos, vrâ vi,
 ad feretrum, in quo corpus iacebat, sistit. Illa, magnâ fidu-

*Mortis
 tempus.*

*Concursus
 & venera-
 tio corporis
 audito e-
 ius obitu.*

*Puella ma-
 nibus pedi-
 busq; con-
 tracta, ad
 corpus sa-
 cri conta-
 ctum, con-
 ualescit.*


*Ex miraculo fune-
ris celebri-
tas.*

*Oris linea-
menta, tunc
excepta.*

ciâ, apprehensis vtrunque, aut tactis PHILIPPI manibus, extemplo conualuit, stetit, ambulauit, DEVM laudauit in sancto suo; & domum nemine baiulante, regressa est. Patres, eo miraculose iam solutos religione rati, coacti etiam studio populi, sex diebus inhumatum corpus, eodem quo iacebat loco, expositum effusis populi honoribus relinquere, in animum induxerunt. Ibi interea Plasterum & pictorum operâ, excepta sunt illius vultus vel mortui lineamenta. Cui Patrum diligentia debemus, quod hodièq; Imagines exstant peruetustæ, & ex illis haustæ recentes, quæ ab ipsius oris habitu haud magnopere abludant. Cæterum specie fertur fuisse, quæ gentilitiam nobilitatem non sine maiestate aliqua, mixtâ humilitate spiraret. Fuitque staturâ iustâ, facie amenâ, & emendatæ venustatis, capillo sufflauo, oculis verò viuidis, cæcisque; quantum potui colligere ex quadam, quam in Italia vidi, imagine eius, quam propè Archetypon cæterarum vocabant. Sed operosius fuerit, eam eius imaginem delineare, quam rerum omnium Artifex DEVS perfecit, id est Internum hominem repræsentare, atque ob oculos, suis coloribus ponere. Non est id vel ingenij vel spiritus nostri tenuitatis, sed cœlestis alicuius genij opus; imò potius ille ipse eas lineas duxerit, qui cœlestes virtutum maximarum luces, omnipotentis digiti sui penicillo fælici illi animæ induxit, & easdem luces multis magnisque miraculis (vt è sequenti patebit libro) à morte luculenter illustrauit.

* *

HISTO.



HISTORIAE

VITÆ AC RERVM GESTARVM B.
P. PHILIPPI BENITII, FLORENTINI, ORDI-
NIS SERVORVM BEATISSIMÆ
Virginis.

LIBER TERTIVS.

MIRACVLA, AB IPSO MORTVO EDITA,
aliâque sanctitatis eius argumenta
complectens.

DE MIRACVLIS VETVSTIORIBVS.

CAPVT PRIMVM.



Vanquam duobus superioribus Li-
bris varia suis locis Miracula recen-
sita sint, ita viua, vt viuum PHILIP-
PVM, sanctum, satis probare pos-
sint, tamen hoc tertio libro visum
est ea Miracula in medium afferre,
quæ à morte ipsius, in sanctimonix
eius testimonium contigerunt, vt
omnes intelligant, quantum viuus mortuusque apud
DEVM potuerit, ac possit etiamnum. Etenim ea miraculo-
rum apud mortales opinio inoleuit, vt eum tunc demum
sanctum, Beatumque pronuntient, quem, vel in se, vel in
alijs, rerum mirabilium patratores experti sunt; vt hunc
scitè elegantèrque Gregorius IV. Pontifex Max. pronun-
tiarit, ad absolutæ suis numeris integritatem sanctitatis
testificandam, duo vt plurimum requiri: virtutem scilicet
morû, & signorû veritatem (duobus verbis) *Merita, Miracula:*

*In Bulla
canoniz: S.
Antonii de
Padua,*

vt videlicet hæc duo quâdum velut reciproca attestatio-
ne, cum in sanctitatem asserant, in quo, aliqua quâdam in
paritate, reperta fuerint, iuxta illud D. Marci Euangelistæ.

*c. ult. Illi autem profecti prædicauerunt ubique, Domino cooperante, &
sermonem confirmante sequentibus signis.*

*Deum in-
ter atque
sanctos su-
os quoddam
veluti cer-
tamen.* Posset & alia huiuscæ asserci apta, à nobis alibi addu-
cta, ratio, etiam hîc adduci, ea scilicet: quòd DEVM inter,
& latere cupientes, Seruos suos, pium amicûmque certa-
men existere soleat, quo, quantò magis anxie isti, pro viri-
li parte, sua decora in obscuro habere, atque occulere stu-
dent, tanto enixiùs vicissim DEVS, virtutis eorum gloriam
ac splendorem, admirabilitate prodigiorum protrahere
in publicam lucem & conspectum eorum amat homi-
num, qui afflictis rebus suis, in eorum præsidio, præsidium
quærunt. Hinc vnde Philippus ab sepultis accuratè rebus
suis securitatem quæsiuit, inde DEVS meritorum eius ma-
gnitudinem ordiri, & palàm testatam facere constituit.
Vt scilicet morum virtus, signorum veritate probaretur.
Ex his præcipua nos collecta, ex processibus Florentiæ ac
Tuderti super sanctitate Philippi institutis, argumenta,
hoc tertio libro confectabimur: seruata in Nominibus il-
lorum temporum, omnis fuci experte simplicitate, quâ in
dictis Processibus efferuntur.

*Sanatus
contractu.* Quorum hoc primum esto, quòd cuidam Andreolo
Ioannis, Tuderto oriundo, omni manuum atque pedum
vfu ita destituto, vt si quò tendendum esset, id non aliter,
quàm serpendo, rependòque posset, imploratâ Beati Phi-
lippi ope, è vestigio manûs pedesque sic revixerunt, vt
ambulare, laborareque sine obstaculo posset.

*Liberata
Demonia-
ca.* Alterum beneficium se accepisse Iulittina Martinelli
Montionensis, in porticu Basilicæ Diui Marci (vbi Beati
Philip-

Philippi Conditorium fuerat) praesentibus duodecim aut pluribus testibus, fidem fecit: scilicet, se diu multumque ab inquilinis cacodæmonibus habitaram vexatamque, Fratribus Philippi, Ordinis Servorum Deiparae precibus meritisque, ab eorum violentia, ac rabie esse integrè liberatum.

Tertiam Philippo debet gratiam Iacobuccius Camutianus, qui cum diebus singulis, ac non raro in die saepius, morbi caduci vi ruens, factum in modum quateretur, miseratus ipse afflictam sortem suam, auxiliarem Philippi manum inuocauit, quæ illum illico sic erexit, ut illo deinceps morbo nunquam corruerit.

*Comitialis
morbus de-
pulsus.*

Non minùs praesentem Philippi opem experta est Margaritha, Vxor cuiusdam Venturellæ de Biuignate, Fuliginatis, doloribus tortâ phreneticis, quibus fiebat, ut, non modò stomachus ad quandam fatuitatem usque relaxaretur, & reliqui artus omnes quodam stupore sic torperent, ut nulla sanorum officia obire posset, sed etiam ut salutare Crucis signum videre mulier non sustineret. Et eò usque inualuerat morbi furor, ut si non obstitissent dati ad custodiam homines, in flammâ vndarumque vortices saepe præcipitem se datura fuerit. Hæc ita tot oppressa calamitatibus, cum affusa supplex Philippi sepulchro, illi se fidenter commendasset, toto illo morborum globo leuata, fidem fecit, meritis Diui Philippi cumulatam salutem sibi, ac sanitatem contigisse.

*Phrenesis
absterisa.*

Successit curæ Angeluzzius Lilius Collazzonas: cui inusitatus capitis dolor omnè sui, ac præcipuè oculorum usum, præ summâ acerbitate, ademerat. Qui cum ad Diui Marci Aedem, tunicâ, è feris molestâ, indutus, ac nudus, pedes venisset, ibidemque Deo, ac Diuo deuouisset sese: apparente ipsi Philippo, omnis omnino dolor ille, & cæcitas, obortâ luce, ac sanitate, depulsi sunt.

*Item capi-
tis dolor.*

Æscu-

*Claudus
erectus.*

Æsculapium quoque Philippum laudauit quidam Accoribanus Bernardi, à Castro nouo: qui vsu finistri pedis ita captus erat, vt nisi scipionis adminiculo ingredi non posset. Vtunque conductus ad Philippi Tumulum, postquam eius patrociniū inplorauit, restitutus in integrum, expeditè ambulauit.

*Arthritis
elimina-
ta.*

Paulus item Monticellius, è Comitatu Tudertino, decem ipsis mensibus, Arthritide cruciatus, ad id debilitatus est, vt erigere se è lecto, aut quoquam commouere, nō posset. Cū baiulatus ad sepulchrum Philippi, ei se piā fiduciā enixè commendasset, omnes illico dolores euānuerunt; & refusa per artūs neruōsque viuida vis, egit, vt qui paulò antè mouere se non poterat, iam eādē horā, ad auersam vr̄bis partem redire, ac deinceps omnia sanorum posset munia obire.

*Crus com-
minutum,
redinte-
gratum.*

Neque pro se tantū supplicantibus adfuit Philippus, verū etiam pro coniunctis personis. Nam quædam Mulier, Andrea nomine, Simonuoi, ex oppido S. Siluestri vxor, testata est, quòd, cū grande saxum, & quod humo attollere vir bene fortis vix posset, filioli sui cruri illapsū esset, id totum comminuisse. Cū verò sequenti nocte periclitantem filium, mæsta Mater Beato PHILIPPO commendasset, eum sanū integrūque reperit, & geminato miraculo, lactens adhuc infans, solo DEO docente, hæc verba protulit. Sanctus Philippus me liberauit.

*Struma
complan-
ta.*

Ita quoque Iacopuccius Beneuenuti, ex oppido S. Praxedis, publicam fidem fecit: filium sibi nomine Reinerum, cum ingenti, è collo pendulâ strumâ, natum. Cū illum sic deformem, DEO ac Beato Philippo deuouisset, ad motum sepulchro Diui, & tunicâ interiore eius, quæ id loci, cum veneratione asseruatur, lustratum, illico, abacta,

præ-

præsenti numine, illâ colli monstruosâ appendice, æquato atque incolumi collo esse receptum.

In fascina quoque Philippi valet imperium. Nam Angeluzzus filius cuiusdam Stephanæ, sinistro afflatus fascino, quo per duos ipsos menses contabuerat, secundû DEVM, Philippi patrocínio commendatus, statim difflatâ vi Amuleti, reualuit; afferente Miraculum aliquot subsequendum Mensium continuatâ sanitate.

*Fascina e-
neruata.*

PHILIPPVM etiam Chirurgi virtute pollere, sensit quædam fæmina Imilia nomine, vxor cuiusdam Benincasæ, à monte Molendino. Ea dexteri cruris & linguæ affectu, gemino malo sic afflicta fuit, vt nec audire, nec reddere voces vllas posset, ac ne quidem, cùm religiosus vsus & necessitas postularer, Confessionis sacramentalis. Cùm se Philippi conditorio sistens, duplicis ærumnæ à DEO remedium, per Serui eius Philippi preces & merita, quo poterat modo, supplex peteret, extemplo, nullâque vel breui interpositâ morâ, exaudita est, & acceptâ utrâque facultate pristinâ, vnde venit, læta vocalisque remeavit.

*Crura &
lingua.*

Nec minùs fælix in calculi curatione noster Medicus Philippus fuit. Iacopuccius enim filius Beneuenuti Logi, è Tudertinâ Dynastiâ, cùm calculi doloribus, vsque ad meatûs naturalis pertinacem obstructionem, discrutia retur, à Sabina Matre DEO ac B. Philippo deuotus, additâ Sponsione, si suffragijs Diui torturæ eximeretur, se illius aram multis luminibus collostraturam, aliâque pia opera obsequij eius obituram; illico à conceptâ voti formulâ, molestatam petram excreuit, atque ita subductis calculis, deinceps per omnem vitam nullos similes dolores numeravit.

*Item, cal-
culus cura-
tus.*

Alia

Alia, item Mattiuela nomine, cuiusdam Bartholomæi Beneuentani coniunx, acerbissimis calculi cruciatibus, consumptis iam medicinarum remedijs, diuexata, vbi Philippi sarcophago est admota, & ab eius patrocinio speravit & efflagitavit ultimam opem, petrâ leuata est monstruosâ in suo genere magnitudinis, eaque affixa est Diuiconditorio ad spectaculum, & famina deinceps eo malo, quod solet tamen in affecto semel corpore habere radices, nunquam loborauit.

Alia rursus Illuminata nomine, calculi diritate à medicis exposita, cum Philippi, in tam præfenti periculo, patrocinium implorasset, vix orandi finem fecit, & petrâ effudit, quam cum cereo Anathemate, eidem tumulo appendit, falsa præsentibus testibus, se Diui meritis discrimen euasisse.

*Demonia
calibera-
ra.*

Verum non tantum cum morbis, sed cum ipsis etiâ stygijs inquilinis, pro suis supplicibus, nec semel pugnavit Philippus, & vicit. Quædam famina Ludouica nomine tantâ Dæmonis Tyrannide tenebatur, vt perpetuis stridoribus, stygio illo astro expressis, omnibus circa se intolerabilis fieret, nec tanto implicita malo, rendere cœlo supplices implorandæ opis gratiâ manûs, nō formare salutiferi ū Crucis signum, nō recitare Dominicam orationem, salutatio-nemque Angelicam, non denique porrigere mendico sti-pem, permittebatur. Huic ita expositæ, se videndum ac spectabilem offert Philippus, &, veni, ad Ecclesiam meam, inquit, & ab infirmitate & Dæmonibus, qui te exagitant, liberaberis. Cum mulier paruisset, venissetque ad Philippi sepulchrum, ei que indormisset, in eo sopore, à Philippo subleuari se atq; excitari, ac demum liberatam ereptamque omni cacodæmonis violentiæ ac præstigijs sensit.

Nec

Nec adeò Regium morbum extimuit Philippi potentia, Vgolinnuccia quædam, Petruccij Scopelli filia, tam potenter ab hoc malo affligebatur, ut in eius paroxysmis mortua videretur, adeò nullus in eâ motus, nulla signa vitalia apparebant. Mæsta Mater eius eam D. PHILIPPO commendat, spondetque, se, si opem deploratis rebus attulisset, vnâ cum filia supplicem, cum gratâ veneratione, ad eius tumbam esse venturam. Hoc dixit, & ilico euauit omnis morbus, nec reuênit vnquam ad filiam.

Chiragram quoque, à medicorum Scholâ pro incurabili habitam, curauit hic noster Hippocrates. Eâ quædam Ioannula Rigalascha per aliquamultos annos quàm arctissimè contracta, inuocata Philippi ope, apud idem ei⁹ sepulchrum in Diui Marci templo, multis, qui præsentibus erant, spectantibus, libera, liberos lacertos extendit, eorumque, quamdiu vixit, vsu gauisa est.

Cæcis præterea ac claudis lumen, & gradiendi potestatem dedit, Nam Confita Vguccionis, Perusia oriunda, habilitate pedum capta, ac præterea à natiuitate cæca, cū *Cæci illuminati.* pari ad Diuum fiduciâ, animi scilicet gressibus ac luminibus, supplex accurrisset; vtrique calamitati medelam inuenit: ut nec adminiculo deinceps, nec ductore ad ambulandum opus haberet.

Eandem publicæ lucis vsurâ, intercessione apud DEVM, Philippi, quidam cæcus mendicus impetrauit, qui adductus ad eius, adhuc in feretro, antequam conderetur, iacētis pedes, vbi eos religiosè ac piè est exosculatus, sanctitatē Philippi, & obortæ repente lucis claritatem, mirat⁹ est.

Pari aut maiori miraculo, cuiusdam hominis Coloni, ditionis Oruitanæ, filius (in hanc lucem, expers lucis, & cæcus editus) qui à parente, efficacibus singulari fiduciâ la-

X

crymis,

vix initiatus ad medelam PHILIPPO, fuerat vtrūque auxiliarem Patrem, repentinā illustratus luce, quā vique ad mortis tenebras est vsus, circumspexit.

*Philippi
contēprix
elinguis fa-
cta, resipi-
scens, resti-
tuitur.*

Interim, post funera, tam acer sui vindex, contra contēptores, quā benignus in supplices, PHILIPPVS fuit. Fæmina quædam, meretricio quæstu infamis (cuius propterea nomen reticetur) pro similibus hominum licentiâ, impiâ linguâ in Diui contumeliam exacutâ, multa temere effutiuerat, sed non diu; nam derepente obmutuit: quo factum est, vt aliter intus canere, ac melius loqui coacta sit. Confessa itaque & deprecata, eloquentissimâ taciturnitate, ad pedes sancti funeris, impij oris sui nefarium scelus, religiosiorem, quā prius habuerat loquelam, recuperauit.

*A lupo
strangula-
tus reuiu-
scit.*

Dissipata quoque corporis membra non colligere solum sed & animare nouit Philippi potentia. Accidit haud procul Tuderro, vt in malè custoditum vagantēque incuriē infantem lupo incideret, qm oblatus illius innocui agni iugulum ferociter ac truculenter inuadens, omnem indidem, cum cruore vitam exfluxerat. Superuēnit lanienæ Mater infantis, quæ illum anxie vbiq; sed non hic, quærebat, & priusquā à belluâ totus discerperetur, filium exanimem recepit. Quo se verteret infelix mulier, quidue ageret mortuo filiolo, non satis inueniebat, quoad recordata PHILIPPI, paulò antè in cælum, non sine prodigijs, recepti, impositum gremio filioli cadauer, Diui nondum humati admouit cadaueri; fuisque, quas spes dolorque inflammarant, precibus, infans reuixit.

Diceres, etiam in PHILIPPI sandalia vim non modicam dimanasse; adeo etiam illæ contra calamitares valuerunt.

re. Vir quidam bonus ac pius, ac proinde bene Benedictus dictus, Beati Philippi familiaris, ab eodem dū vixerat, parvum crepidarū, simplici opere è Iuncis fluuialibus textarum, munere acceperat, quod ille non vulgari religione asseruabat. Itaque orto domi eius incendio, iunceas crepidas iam bene ficas, magnā cum certi præsidiij spe & fiducia in Muneratorem suum, furentibus flamarum vorticibus iniecit; quibus flamma citius cessit, quā fluuiō, vnde iunciterant oriundi, cessura videbatur.

*Sandalia
ignem ex-
tinguunt.*

Etiā fugientē cum sanguine vitam in tenellis infāuli membris retinuit Philippus. Berardellus filius infantulus cuiusdam Ioannelli Venturæ, à Regione collis, gerulæ nutriticis Margaritæ gestatus in vlnis, latē ac festiuē gestiebat, cūm derepentē factus exanguis, mortualem in modum ita expalluit, ac deformatus est, vt coram publico Tabellione iurati tam Parens quā Nutrix affirmārint, quod nullum viuidi vigoris indicium, daret, à se pro mortuo habitum, ac vt talem, diuo PHILIPPO à se commendatum, aut vitæ, aut sanitati; certē sanitati esse restitutum, ac deinde ad tanti beneficiij agnitionem, prout antē spoponderant, effigiem ceream, paris puero ponderis, sacelli, vbi PHILIPPI sepulchrum erat, tholo affixerunt: & ex voto, singulis, quoad Berardellus vixit, annis, quatuor Christi pauperes, redeunte anniuersario Miraculi die, puro piōque epulo sunt excepti.

*Alteri in-
fantulo sa-
nitas.*

Quantum verò inter semimortuum & mortuum interest, tantò patientiore miraculo leuata orbitas est cuiusdam Viduæ, quæ ex diuturno, ac permolesto morbo mortuum vnicū filium deplorans, cūm Philippi sanctitatē illi resuscitādo imploraret, in vestigio filiū vidit rediuiū, qui

*Alteri vi-
ta restitu-
tur.*

palàm ac viuide coram ijs, qui ad leniendum Matris mæ-
rorem aderant, professus est, se diuinâ benignitate, Beati
Philippi auxilio partâ, secundam vitam viuere.

*Febrium
æstus pel-
litur.*

Denique vt constaret, nullum morbi genus huius me-
dici artem effugere, etiam febribus æstuantissimis, post
mortem est medicatus. Ciuccius Poli, à Regione Cammuc-
cianâ Tuderti, febris continuâ æstuans, inuocatâ Philippi
medelâ, eo ipso conualuit momento.

Quidam præterea Reginaldus Gualterus, à Regione
sancti Siluestri, cum febris tertianâ supra modum quate-
retur, auditâ Philippi nondum sepulti, celebri à miraculis
famâ, cum se illi comendasset, & sacras eius Exuuias vene-
rabundus attigisset, subito se omnis expertû febris sensit.

Horum, atque his similium signorum, quæ in sanatio-
nibus Febrium, Apostematum, atq; aliorum morborum,
patrocinate Philipo, contigerunt, plurima habentur in
Processibus Canonizationis, & in Codicibus M. M. SS. an-
tiquis. Quibus omisiss, duo hic memorabilia signa, quo-
rum alterum ad Religionem venerationemque sacri cor-
poris Philippi, alterum ad euidentiam pertinet præsentis
curæ ac tutelæ, quâ idem Pater, addictos, aut Diuæ Virgini,
aut sibi, pietate & clientelâ fouet, ac tuetur, referemus.

*Fragran-
tissimus ex
apertâ Tū-
ba odor.*

Ac prioris quidem argumentum esse potest, inaudi-
tum miraculum, quod in multorum mortalium frequen-
tiâ contigit, Anno Christiano Millesimo trecentesimo de-
cimo septimo, hoc est ab obitu Philippi precioso, Anno
trigesimo secundo. Quo, cum varijs ac prodigiosis de cau-
sis, Patres nostri statuissent Diui corpus transferre, atque
inferre augustiori Conditorio, id vt viuens semper
fuit bonus odor Christi, in omni loco, ita loculo ligneo ex-
emptum, primò coelestem quandam fragrantiam spirauit,

uit, quæ præsentis populi sensibus, mentibusque illabens, in eorum animis, Religionis venerationisque in Philippum magnos motus concituit. Deinde, ac si id parum esset, Anathemata, & statuae, è cera, alijsque materijs, quæ, trophea de Morte, Morbis, Dæmonibus, diuersisque mortaliū alijs periculis, Philippi sanctimoniā victis, plurima, ab adiutis fidelibus apud sepulchrum fixa, spectabantur, nō secus, ac si illius frangentiæ spiraculo animata, vitam motumque, & cum illis pietatem ac Religionē haussissent, ex suo se puluere surrigunt, & versis ad aram, in qua sacrum corpus prostabat, faciebus, illud mirabiliter ac vitaliter sunt venerata.

Quod ad præsentiam autem attinet curæ eius, ac solitudinis de clientibus, aut Diuæ Dominae suæ, aut suis, ea memorabili euentu, sequentem in modum mirificè asserta, passim euidenterque innotuit: qui sic se habuit.

Quidam Miles cum suo quodam Commilitone, quem pro fratre, ac pro altero se coluerat, relictis domi, coniuge, atque vnico filiolo, immemor suorum, memor aut gloriæ aut prædæ, castra est secutus. Vt sæpe fit talibus ambulationibus, reditus ei ad suos non ita, vt abitus, in promptu fuit; nam vnà cum commilitone, in acie mortuus, à multis migravit ad plures. Vxor interea eius, quæ domi remanserat, quæ erat eximia in Deiparam pietate, eam solitudinem suam & orbitatem, culturā virtutum, alijsque bonis artibus trans mittebat. Ac verò præcipuè filiolum suum cælorum Regina in Ephebum formabat, tantā felicitate, vt, respondente matris industriæ pueri docilitate, cœlesti alieni Genio, quàm puero mortali, puer esse similior videretur. Indoluit ijs successibus, mali Dæmonis Stygius li-

uor, & ad notas nocendi artes conuersus, si quā Matrem &

*Prodigiosa
cacodæmo-
nis, ad se-
ducendum
innocentē
puellum
strophæ.*

filium auocatos, per contubernium, à studio Orationis venerationisque Deiparæ, in medio laudabilis vitæ cursu sistere, atque interimere posset, hanc stropham comentus est. Commilitonis, quem marito Matronæ commortuum militiæ fuisse, iam memorauimus, corpus formamque induit, & velut è bello redux, domum subit, & ad Matronam: doleo equidem vehementer, inquit, mihi lectissimum amicissimumque fratrem, tibi dulcissimum coniugem desiderari: cecidit ille quidem fortiter pugnans in acie, sed ut mihi decedens nouissimis verbis cui ac filij curam orbi-
tatemque commendauit, ita non committam, ut officium aut vlla circa vos diligentia mea pars desideretur. Adeste proinde animis, & maior moderati, vosmet meliori sorti seruate. Ad hæc Vidua, coniugali mæsta pietate, etsi vehementer illacrimara est funesto nuncio, tamen siue animi virtute, siue quod sincera afferri crederet solatia, dolori suo æquabilem modum posuit. Tartareus incerea impostor, sub illâ, quam diximus, larvâ latens, illius iam domûs penatum aliquis Deunculus & spiritus familiaris factus, enixè in speciem, adolescentuli ducem ad pietatem (si superis placet) ductoremque agebat. Quare ut Matri fucum faceret, in clamare illû solitus, fili, templum adeamus; interim ad omnia alia, quàm ad templa (quæ cruce peius & ipsâ Deiparâ odit) adolescentulum seducebat. Itaque hac eius educatione hocque Magisterio fiebat, ut infelix, & totus iam ab illo, qui fuerat, mutatus adolescens, non conciones sacras, non sacra Missæ, aliarumque Diuinarum laudum officia, vel adire vel audire in animum induceret: quin etiam, obliterato & eliminato, è pectore, omni materno metu ac reuerentiâ, illi bene monenti, & ad

ad solita Deiparæ obsequia inuitanti, proteruè ac petulan-
 ter insultabat. Mater istâ filij Metamorphosi perplexa, atq;
 ægra animi, confert se ad sacram ædem, ibique coram Di-
 uæ Virginis, consolatricis afflictorum effigie, pectoris sui
 æstum, filij periculum, & præposteri, quem domum admi-
 serat, Tutoris Oeconomiam & imperitam disciplinam do-
 lenter deplorat, imploratq; supplex tam multiplici tam-
 que ancipiti malo, Misericordissimæ Deiparæ præsentem
 opem, ac libertatem. Peroratâ haud infeliciter causâ; cùm
 mulier domum reuersa acquieuisset, audit à foribus suis
 intromitti perentis pulsus, sed illa omnia tuta timens, nō
 se mouebat, quoad secundò imperiosius pultante hospi-
 te, ei demum domum reserauit. Datâ ergo, ac redditâ sa-
 lute, colloquium ingressi, hospes quid ira tristi sit, quidue
 animo oneris gerat, edicere iubet. Ad hæc Matrona, se, si
 calamitatum suarum rationes inire debeat, prius aliquot
 integros dies abituros, respondet, quàm doloris maroris-
 que sui magnitudo atque acerbitas fandi querendique
 finem inueniat. Quod si tamē rem compendio scire velit,
 sciret, infelicitatis suæ summam esse, quòd susceptum do-
 mo, reducem è bello, mariti sui mortui commilitonem,
 cui, vt fidissimo amicorum, adolescentem filium, ac se ma-
 trem, moriens maritus, vnâ cū orbe domus curâ comen-
 dârit; talem experiatur, in filij tutelâ ac disciplinâ, vt is ex
 pio, morigero, ac pudico, in omnia alia, ab illo peruersus,
 in deterrimum impijssimūque totius ciuitatis euaserit.
 Hic hospes, condolesco, inquit, vicem tuam, sed effice; ei
 nuntietur, vti ex Dei imperio, hic se mihi quàm primū
 sistat. Adstabat fortè colloquentibus puerulus quispiam,
 qui

*Mirabili-
 ter à Phi-
 lippo appa-
 rente dete-
 gitur.*

qui suapte sponte, sine ullius suffragio, Apparitor factus, ad laruatum Tutorem currit, & præhensum manu, ambulare secum in Ius, Dei iussu, iubet. Paret illico impostor, quamvis imbecillo Apparitori, & eiulans ululansque, quid me, Philippe exagitas? quid discrucias, inquit, veterane inimice? Tum Philippus, qui sub hospite consolatore matronæ latebat, DEI authoritate, impero tibi, inquit, age, ede, qui sis, quid veneris, quid tibi in hac domo negotij sit. Hic barere Impostori aqua, vel potius, quâ flagrabat, flamma, & se totâ lubricitate serpentinâ, in omnes spiras ac volumina versans, effugia quærere; sed frustra: virgente Philippi, qui lupum auribus tenebat, authoritate. Quâ cogente, quando, inquit, ita iubes, & dura rem extorquet necessitas: fateor me Cacodæmonem esse, fateor mariti huiusce faminæ commilitonem mentitum; ut, si illa consuetam ac familiarem Religionem, cultumque Deiparæ aliquando omisisset, eâ illam oportunitate obnoxiam mihi, vnâ cum filio discerptam, Tartaro deuoluerem. Tum Philippus: facesse hinc quantocius, Tartaree torris; neque deinceps vnquam audeas ex hac familia quenquam infestare: & cum dicto, Dæmon, edito fragore, qualem edere solet coelum, cum ruere videtur, fusus & fugatus in tenebras euauit, relictâ in medio, cadaueris, quod gerebat, sædâ & graueolentâ sarcinâ. Matrona, tam admirandi Drammatis spectatrix, in DEI, Deiparæque effusa laudes, & actionem gratiarum, percontatur hospitis nomen. Is quod res erat, confessus, se cum PHILIPPVM esse, respondet, cuius, corpore Tuderti quiescente, administrator spiritus, missus sit à DEI MATRE, ut piorum eius contemplatione obsequiorum, illam tam ancipiti insidiarum Stygij prædonis periculo eximeret.

Hoc

Hoc PHILIPPVS pro Dominae suae honore: sequentia pro suo; quae suprà laudata Acta publica, temporis potius quam materiae seruato ordine, subiungunt. Quae tamen antequam persequamur, illud prius comemorandum, quod de Philippi toga, & quod gerimus, scapulari, memoriae proditum est. Videlicet ea paulò post eius excessum, circumlata in publicâ frequentis populi Tudertini supplicatione, coortam irati coeli atrocem tempestatem, redditâ repentè serenitate, sedatam, discussisse.

In eadem Reliquiarum PHILIPPI translatione (de qua nos paulò antè) quidam, emortuis pedibus, suaueolentia, euaporantis è loculo Diui fragrantiae, victus, soporatus est, in eaque quiete, Philippum sibi auxiliares manus praebentem vidit; itaque sibi redditus, redditum quoque paulò post vitalem pedum usum sensit.

Alia miracula in Philippi translatione.

Præterea Puella quædam dextero capta lumine, quâ potuit, per confertam turbam penetrans ad Philippi tumulum, ei que suam inopiam luminis quæsta, illico videnti dexteritatem etiam impetrauit.

Nec minùs beneficum Philippum eodem tempore sensit puerulus, morbo caduco obnoxius; cum enim miserabili labili que sorti suae stabilem à Philippo opem implorasset, nunquam deinceps hoc affectu præcipitavit.

Sensere & daemones duram Phhippi, veterani Antagonistæ, manum. Quædam Energumena miserabilem in modum ab his Stygiis incolis sex ipsos annos torta, ubi ad Philippi ducta sepulchrum, quieuit; secundum eam quietem, Philippum, ceu Diuinum quendam exorcistam, nefarios è corpore suo genios exigentem vidit, & expergificens, se liberam vacuamque; infestis habitatoribus gauisa est.

Energumena liberata.

In eadem corporis B. P. Philippi translatione locus

Y

prior

prior, etsi ad honorem sancti, thesaurum suum pretiosiori sarcophago concessit, retinuit tamen sanandi virtutem. Nam quædam inops & miserabilis puella, è monte Castello, manibus pedibusque contracta, & sæuo insuper renum dolore ad incurabilem incurvationem vsque discrutata, in vetusto Philippi sepulchro, vnde recens extracta eius ossa fuerant, locata, è vestigio, in vestigia sese surrigens, recta agilisque prodijt.

*Febris le-
thalis de-
pulsæ.*

Attamen salutaris medendi vis priori relicta tumbæ, vel maximè se prodidit in alterâ honestiore, vt sequentia & plura alia miracula docuerunt. Quidam infans, vehementi febris deflagrans, expositus à Medicis, animam agebat. Vnde mæsta parens eius, vt mortis spiculum à filiolo excluderet, ad sepulchrum Philippi confugit, eique filium admouit. Dum sequenti die Patres nostri, in honorem Philippi sacris operarentur, puerum, qui pene in aternam noctem lumina clauserat, illico à fufis piæ Matris precibus, de integro persanatum certam mortem euasisse cernunt, Philippo obtegente. Iterum alius quidam familiari religione Philippo addictus (quam etiam vicinitas Ecclesiæ Diui Marci conciliabat) ex bene sublimi lapsus loco, fractâ tibiâ, per biennium non sine peracutis doloribus claudicauit. Is sic affectus, dicto tumulo Philippi illatus, de repente reualefcens, deinceps passibus æquis ambulauit.

*Claudus
erectus.*

*Articula-
ris morbus
elimina-
tus.*

Non disparem PHILIPPI in curando facilitatem expertus est, non dissimilis patri suo in pietate erga sanctum virum huius eiusdem Filius, Benedictus nomine, quem viuenti adhuc Philippo familiarem fuisse, eoque, ab ipso iunceis illis crepidis flammæ domitoribus, donatum, suprâ memorauimus. Is vi morbi articularis, qui genua occuparat, tam violenter lectulo affixus hærebat, vt doloris

ris magnitudine intractabilis esset, & immobilis: cum de translatione Philippi, deque prodigijs, quæ eius occasione eueniebant, inaudisset, in mentem ei venit, istarum crepidarum, & enixè petitas, allatâsque, inuerso vsu, sed salutari genibus, aprat. Noctesequenti ita piè crepidato Philippus se videndum audiendumque exhibuit; eumque suauiter solatus, deterfo omni, quo vrebatur dolore, vt à domo eius incendij vastitatem, ita à pedibus & omni reliquo corpore tardigradâ eam pestè auertit. Quare sequenti mane, cubili exiliens, Philippi sarcophagû adit, & de doloribus suis, Diuo Trophæum ad æternam beneficij memoriam statuit.

Nec tamen Philippo persuasit omnis omnino, ad omnia concedenda pietas, sed ea tantum, quæ Diuinæ voluntati erat consentanea. Non ita enim multò post Philippi excessum, Florentinos pia cupido incescit potiundi corporis Reliquiarumque tam clari ciuis sui: & re cum Pontifice Maximo, Honorio Quarto comunicatâ consecratâque, cum populus Tudertinus, Pontifice difficilior, negasset, tam nobile spoliū se vlli daturus, Florentini ad pias fraudes & furta versi, illud aureum vellus, pluribus, quàm in Argo erant, oculis Tudertini populi custoditum, surripiunt, & impositum iumento, elusâ totius ciuitatis vigilantia, vrbe educunt. Vbi in quendam campû, in agri Tudertini æquore sitû (qui hodie ad eius Cathedralis Ecclesiæ Canonicos spectat) peruentum est, se ac iumentum sacræ Sarcinæ baiulum in viam concitant: sed nullo alio operæ pretio, quàm, quod arbitratos se iam multa, per celeritatem milliaria confecisse, in illo campo, velut in quodam Labyrintho oberrantes, dilucescens dies, & sui illos confessio erroris (cuius à Tudertinis veniam postulabant) prodidit. Et Tudertini quidem vrbe effusi, vltro

*Furtiue
transferre
Philippum
volentes Flo-
rentini im-
pediuntur.*

libentérque eum errorem suis supplicibus ignouerunt, ac receptum sacrum ferculum, deductúmque solemni pompâ, templi sui Mausolæo lati recondiderunt. Viget hodiéque eius miraculi memorabile Vestigium; nam quâ per eum campum, totâ nocte, cum sacris exuijs, Florentini ambages egerant, licet eâdem vbique culturâ & curâ aruum colatur, non modò segetis colore, sed etiam, vbi virgulta sunt, eorum humilitate raritatéq; viarum, ab nocturnis erronibus tritarum, flexûs reflexûsq; formâtur. Cuius testandi gratiâ facti, aliquot abhinc annis, Senatus populûsque Tudertinus, ibidem loci, Monumentû, rem gestam picturâ atq; inscriptione exprimens, sumptu pub: statuit.

*Philippi ob
treſſator
punitus, &
per pœni-
tentiam
reſtitutus.*

*4. Regum
c. 4.*

Erat eâ ætate, in eâdem vrbe, quidam Satyricæ licentiæ, ac præſcriptæ frontis audaciæ, in denigrandâ bonorum bonâ famâ quadruplator: is quodam die, in loco publicæ frequentia, multa, in multa & bona Philippi opera deblatterans, deridiculo habebat ciuium suorum in Diuum Religionem, eoque maiorem in modum allaborabat, si quâ posset, populi studium à cultura Philippi auertere & peruertere, sed id nefas illi non diu sic abiuit. Adest enim repente superbo, vltor à tergo, Deus, & cum circumstantis frequentissimæ concionis horrore, humi afflictum, omnibus artibus deartuatum, ademptâ impiâ voce, infelicem animam & proſtigatam, nefariæ obſtreſtationis causam, agere coëgit. Sed quomodo ageret? *Non erat vox neq; ſenſus.* Succollantibus ergo humeris, aut iuncturis brachiorum, à religioſis ciuibz fertur ad Philippi vitale ſepulchrum: cui impoſitus, ab impietate & penè iam decretoriâ vltimâque eius pœnâ, viuificâ Buſti Benitiani virtute, illico reuixit, & tantæ benignitatis monumentum, literis coloribzque adumbratum, templi, vbi ſepulchrum Diui eſt, tholo affixit: atque ita ex maledico, Philippi Encomiaſtes factus,

factus, postea omnia alia, quàm quæ prius dicere solebat
dixit.

DE MIRACVLIS RECENTIORIBVS.

CAPVT SECVNDVM.

NVnquam tot curasset noster medicus PHILIPPVS,
post sua ipsius funera, si contemptâ Virginis voca-
tione, curare voluisset, Sed dum ex Medico fit virgi-
nis Seruus, accepit ab hac infirmorum medelâ eam potê-
tiam, vt iam quatuor integris sæculis, omnibus suis client-
ibus præsentem afferat medicinam. Eius rei, priori capite,
argumenta vetustiora, hoc recentiora, eâque pauca tâtum
è multis, atque magis explorata afferemus. Ioannes An-
dreas Amideus, è vico Narniensis agri, Coldiscipulo, anno
Christiano 1591. Asthmate incurabili ad extrema reda-
ctus, valedientibus medicis, itinera æternitatis ingredie-
batur iam, atque extremâ vñctione delibutus, ad vltimam
se luctam comparauerat.

Intellexit id ipsius neptis Catharina, nostri Ordinis Re-
ligiosa Soror, in cenobio oppidi Arnolfæ: & exoratâ vnâ
cum aliquot sociabus Virginibus, Philippi ope, conceptio-
que voto, si Auus reualuisset, effecturas se spondent, vt
summum, quod propitiandis in necessitate, cohonestan-
disque Superis, Diuina sapientia excogitauit, sanctum Li-
turgiæ sacrificium, in Dni Philippi honorem fiat. Vix vo-
tum Virgines nuncupauerant, cùm, velut alto excitus ve-
terno, Ioannes Epiphaneam suam (ita vxor vocabatur) in-
geminat; & heus, nō vides, inquit, Beatum Philippum, Or-
dinis Seruorum, qui auxiliari Archiater meus adueniens,
macte animo, & iam hinc sanum sospitemque esse iussit:
addens: Religiosas Bulgarienses, impetratæ gratiæ fideles
sequestras extitisse. Hoc necessitati tribuit Philippus, illud
delicijs suorum cultorum.

*Curatio
Asthmati-
cus.*

Quòd

Quòd cùm anno, à Christo 1599. Beati PHILIPPI, è templo Diui Marci, ad Diuæ Virginis Gratiarum, adornaretur translatio, & aperiretur Ara, ex qua lignea Theca, Philippi continens Ossa, eruenda erat, frequens, qui aderat Populus, eam, pene prius naribus, quàm oculis usurpauit; tanta enim repentè toto templo suaueolentiæ sparsio extitit, vt in admirationem rapti vniuersi, qui præsentès insolitis delitijs innatabant, Dei suauitatem odorantes, cumulatè eigratias agerent, pro dignatione, quâ ad tam cœlestis spiraculi experientiam fuissent admissi.

Similis alia fragrantia sparsio data populo est, decimo octauo Septembris eiusdem anni, cùm ex eadem Theca ossa Philippi promerentur, exciperenturque sumptuofiore aliâ, atque augustiore, in quâ transferrentur.

Ei translationis operi vigesimus primus dies eiusdem mensis Septembris dictus erat, iamque ad Diui Marci, omnia Sodalitia, omnes Religiosi Ordines, omnisque cum Episcopo Clerus ac Populus Tudertinus conuenerant, capique etiam pompa iam duci, cùm subitò, nigrescente atque intonante cœlo, ingens turbulentiæ pluuiæ procella, præcipitat, quæ non modò Ordinē Religiosi Triumphi dissipauit sed etiam, cùm non minùs violenta quàm pertinax procella videretur futura, effecit, vt de omittenda per eum diem Translatione, cogitaretur. Sed nihilominus tamen processum est: & quàm primùm, memorato Diui Marci templo elatum sacrum Ferculem, sub Dio constitit, stupentibus cunctis, atque applaudentibus, dicto citius torus ille tempestatis furor, redditâ serenitate, posuit, ac sedatus est. Ita cum cœlo turbido, pro suis Honoribus, non modò pugnavit Philippus mortuus (tantus eorum in viuissos) sed etiam Pompæ suæ congratulantes largiter est remuneratus.

Cum

*Tempestas
translatio-
ni obstitit,
dispulsa.*

Cū enim in dirigendo huius Pompæ ductu placuisset Episcopo Tudertino, ut versus portam urbis Burgensem tenderetur, ut Religiosæ Ordinis nostri inclusæ Virgines, ad Diuam Annunciatam, Pompæ seriem ac celebritatem commodè spectare, & quando aliter non licebat, oculis comitari & prosequi possent; erat tum in illo Parthenone quædam ex Religiosis Virgo, Soror Ludouica Montenigra nomine, Perusiana, cui ad latus sinistrum, quadriennio iam, fædè serpens cancer, pectus exederat, eo quæ *Carcinoma purgatur.* duobus vltimis annis vsque grassatus est, ut adempto illi omni omnium membrorum vsu, neque se commouere, cū lectulus sternendus esset, neque cū sumendus cibus, ad mouere ori manum posset, ut propterea baiulari, atque inescari alieno auxilio debuerit. Ea, cū de Philippi transfuccionē inaudisset, maiorem in modum optauit, cū reliquis Sororibus spectatum interesse, quod cū per tam afflictam valetudinem non daretur, inuocarum PHILIPPVM orauit, ut sua sanctitate, sanitate vel vnus brachij se bearet. Tum spectatum euntes Sorores his votis prosecuta, ter felices vos, inquit, quibus datum est, posse videre, & pars esse huius Translationis: atque à dicto acquieuit. Postridie mane, vna ex Sororibus, Dorothea Florida nomine, visendæ agræ gratiâ, eius cellulam intrat, & ei læta Ludouica, non vides, quit, Soror Dorothea, PHILIPPI nostri in me benignitatem; is hac nocte, per quietem, dexterum lacertum hunc vertici meo imposuit, & ab ex pergefactâ sic repertum, nunc, quâ vides agilitate moueo. Tenuit autem eius agilitatis beneficium ad Virginis Mortem vsque.

Nec

Nec illud minùs mirabile, quod idem Philippus cui-
dam Vincentio, Raphaëlis Pezzini Florentini ciuis, filio
contulit beneficium. Hic puerulus, dextero pede labora-
uerat tam ocioſe, vt ſemper ei in quadam ſella, quòd con-
ſiſtere non poſſet, hærendum fuerit, non ſine moleſto
parentum mærore, quorum altera, Dianora nomine, vi-
geſimo ſexto Iulij, anni reparatæ ſalutis Milieſimi quin-
geſimi nonageſimi primi, aditâ Eccleſiâ Diuæ An-
nunciatæ, adoratoque ibi Diuinæ Eucharistiæ ſacroſancto
Numine, poſtquam Deiparæ magnæ Imagini honorem
habuiſſet, etiam ad B. Philippi Sacellum inuiſit, & gemino
ſtimulata incitamento, amoris videlicet in filiũ materni,
& in Diui grandia merita, fiducia, robur emortuo pedi fi-
lij ſui exorat, & impetrat actutum. Nam redeunti domum
Matri lætus ac tripudians filius, nouis paſſibus progredi-
tur obuiam: nec in veſtigijs eius vllum veſtigium remanſit
eius compedis, quo hætenus ſellæ illi illigatus fuerat.

*Pes malè
affectus
curatur.*

Suam quoque ſalutem Philippo acceptam retulit no-
bilis quiſpiam Ioannes Baptiſta Guazzaronius, qui acer-
rimi calculi, & calculo agnatæ arenæ, nec non laterum,
doloribus enecabatur. Et Medici iam in eo curando, omne
oleum & operam ſe perdidiffe conclamauerant. Id intel-
ligens Ioannes, ad coeleſtes Medicos & medicinas reſpicere
cæpit, & imploratâ Deiparæ, per quidquid vnquam Seruus
Philippus, eius ſub obſequio meruiſſet, ope, vix finem pre-
cibus fecerat, cum dolores omnes, & dolorum triplex cau-
ſa euanuerunt. Adeſt matutinus ſalutator, eodem, quo ea
repentina ſanatio contigit, mane, Octauius Cortefinius,
periclitantis paulò antè Ioannis conſobrinus, & admira-
tus, iam damnato læto, circumeuntis, tam integræ ſanita-
tis nouitatem, quærit, quid portenti? Ioannes reſpondet:
Phi-

*Calculus
arena di-
ſpellitur.*

Philippi sanctitatem ac patrocinium huic (vt alijs multis) miraculo magnam causam fuisse, iret ergo Octavius, & necessaria itineri Romam ineundo, cum duobus Patribus è Societate Jesu, qui eodem in procinctu erant in Episcopali palatio, compararet. Paruit Octavius celeriter, & rebus omnibus viæ necessarijs adductis, Ioannes non sine Amicorum, Medicorumque, vix oculis suis credentium, stupore, cum iisdem duobus Patribus viam & ingressus, & emensus est. Nec vnquam postea vel tentatus memoratis morbis fuit.

Eiusdem Horatii Cortesinij nepos, Carolus vocabulo, puer septennis, per dies viginti, nullo leuationis indicio, ex medicorum sententia, cum præsentis vitæ periculo, grauib. febris ardoribus torrebatur. Itaque actum de pueri vita rati, eum Diuo Philippo Patronus ac Mater deuouent, & nullâ interpositâ morâ, puer ita deuotus, reuoluit, & eodem die exiliens è pyra sua, idest lecto, obambulare potuit, & ambulare dein ad Philippi vitale sepulchrû. Vbi Mater, quod voti damnata esset, Filium Ordinis nostri Habitu induicurauit.

*Febris ex-
tinguitur.*

Alius aliquis, arte alutarius, nomine Cintius Moscatellius, quum altero lacerto grauiter laboraret, neutro laborare potuit; Sed cum omnis victus eius ratio & census in lacertorum operâ situs esset, ac proinde se in arcto deprehensum videret, spondet, si discrimini, patrocinante Philippo fuisset exemptus, se Natalem eius diem sacrum semper festumque habiturum, neque vllâ eum artis suæ operâ prophanaturum, affixurum præterea, ad tanti beneficij memoriam, Diui Monumento argenteum brachium. Votum, & impetratum; nam postridie eiusdem Festi, in fodinâ Pontis Comitum, non iam dolenter sed utiliter, restituit lacerto, laborauit.

*Lacerto-
rum dolo-
res miti-
gantur.*

Z

Eti-

*B. Philippi
pallio inie-
cto mori-
bunda con-
ualefcit.*

Etiam fugientem iam è corpore animam retinere nō
uit PHILIPPVS, non manuum aut compedum iniectione
sed tantum pallij. E nobilitate Tudertina, Hieronym⁹ qui-
dam Leonius, bonā fide attestatus est, quòd anno, ab allatā
salute, Millesimo quingentesimo nonagesimo septimo,
parens sua, Hortensia nomine, redacta ad vltimam colli-
gendi vasa, & migrandi necessitatem, animam agere, &
Deo supremum commendari cæperit; eoque ad luctam,
à cuius victoria pender æternitas, sacro, pro more Catho-
lico, Oleo delibuta, graui cum morte negotio occupata,
desierat Mortalibus loqui posse. Tenuit ea anceps tracta-
tio per aliquamultos dies, quibus, non modò nihil aut cibi
aut potionis sumpsit, sed ne motum quidē vllum vitalem,
aut vitæ signum, candenti etiam ferro adusta, edebat. Me-
dici, qui proinde iam frustra aderant, & actum cum illā
videntes, ac, quòd cum morbo, non cum morte certare so-
leant, æternum ei valedicentes, abierunt. Cæteri verò per
cubiculum commeantes, ei, vt mortuæ, formato de more
crucis signo, bene precabantur. Ad extremum, siue mor-
tua, siue in mortis confinio esset, visum est fratri eius, ac fi-
lio, aut mortuæ, aut moribundæ, Philippi pallium, quod
de ciuitatis Tudertinæ consuetudine, morituri entibus
imponi solet, adferri, imponique curare. Quod dum fit,
Hieronym⁹ ex suburbano suo, quòd vrgentis negotij causā
pridie abierat, redibat, certus Macrem mortuam reperire;
sed fefellit illū Philippi pallium, quo applicito, illa, illo spe-
ctante, cibū sumpsit, & sine vlla difficultate lecto excessit.

Tertiam quoque Beati Patris Philippi translationem,
dignam posteritatis memoriæ ac veneratione, duo memo-
rabiles euentus fecerunt. Vnus, quòd cum ligneum locu-
lum, in quo Philippi Reliquiæ conditæ erant, fabri ex Arā,
in

in qua defossa, atq; incrustata erant, eruere vellent, nulla
eum aut arte, aut molimine valuerunt, vel loco dimouere.
At vbi Eustachius Desiderius, Cathedralis Ecclesiæ Tuder-
tinæ Archidiaconus, manûs admouit, velut adiutrices, om-
nis obstaculi pertinacia subito cessit: apparuitq; : sacra, sa-
cris, non prophanis manibus ritè atq; habiliter attrectari.
Alter erat, quòd (plerisq; opinantibus, non passurû corpus
transferri se ex eo Templo, quod aliàs magnâ religione ac
pietate licet clanculariâ, abductû, se tamẽ eodẽ reduxerat)
ingens saxum (illius Aræ mensa) duob⁹ impositum sublicijs
palis, ac per exiguo trusû impulsu, tantâ celeritate ruit, cû
spectantiû sumâ admiratione, etsi iudicarent altero tan-
tum numerû fabrum illi moli sumouendæ nõ suffecturû,
vt viui corporis in morem, fugere saxi moles videretur. Vt
appareret, lubentem volentemq;, abactâ illâ remorâ, mi-
grare beatû Seruû ad ædem Aramq; gratiosâ Dominæ suæ.

*Duo in 3.
Translatio-
ne mira-
cula,*

Etsi autem tantâ, vt vidimus, cupiditate locû mutauerit
Philippus, voluntatem tamen opitulandi miseris non mu-
tauit, sed ex Dominæ suæ contubernio auxit potius; vt vel
quotidianis vsque in hodiernum diem beneficiorum ex-
perimētis comprobatur. Nos in ijs, quæ sæpe laudata pub-
licis monumēta suppeditant, pergim⁹. Infans, octodecim men-
ses natus, paternis in vlnis, pro fenestrâ domûs suæ, è re-
gione ædis Diui Marci posita, gestat⁹, vt est lubrica in lap-
sû infantia, vicenorum pedum altitudinis ruinâ, patri in
plateam exciderat: & vt Mater infantis, Claudia Ceoneli-
lia, nobilis Matrona, testata est, ab omnibus, quòd nullus in
eo vitæ halitus notari posset, pro mortuo habitus est: sed il-
latus templo, & impositus Aræ, cui inclusa erat PHILIPPI
Vrna, reualuit; ac breui pòst ne liuor quidẽ à lapsu super-
fuit: in cuius memoriam beneficii parentes, Philippi Ser-
uatoris nomen, infantem deinceps ferre voluerunt. E-

*Infans è
lapsu pro
mortuo ha-
bitus, reui-
uiscit,*

Eundem etiam, qui fuerat, PHILIPPVM adhuc esse, experta est quædam, Belisandra nomine, Iosephi Catari-
 ni, ciuis Tudertini vxor, quæ cum in doloribus partûs
Partûs do- acerbissimis deprehensa, viribûsque & sensibus omnibus,
loribus pe- exceptâ audiendi facultate, destituta, vnâ cum fatu inte-
nè enectu, rijssè videretur, obstetrix, & quæ aderant cæteræ, nuncu-
vnâ cum pato voto, si Philippi fideli ope periculum euassisset, cum
infante, li- puero, & puerperâ, se ad Diui Conditorium, cum oleo, pro
beratur. lucernis eius, primâ quaque opportunitate affuturas, &
 Philippi nomine puerum insignituras, spondent. Et à
 sponsione & prece, editus in lucem infans est, cuius tamen
 nullam vitalem auram hausisse videbatur, vt propterea
 Obstetrix & reliquæ vota precésque geminârint. Quibus
 conceptis, infans respirare, & labella agitare cæpit, idque
 in pijs fæminis reddendi voti acuit diligentiam.

In album quoquoque clientelæ Philippi relata fuit
Sanguinis nobilis Matrona quædam, nomine Cleria Guazzaronia,
fluxus sisti- quæ fluxione sanguinis, ad vitæ incitas redacta, cum ad
tur. Philippi præsidium, vt ad certum seruandæ vitæ Asylum
 confugisset, postridie quæsitæ illic opis; damnato, quem
 diu coluerat, lectulo, omni se inueteratâ illâ valetudine,
 & præsentis mortis periculo liberatam sensit, asserente
 vrmano medico Octauiano Taramanno, nullâ humana
 ope mortem euadere potuisse;

Nec tamen in censu suorum Patronus hic noster tan-
 tùm numerauit ægros, morbis, sed & egentes inopiâ sub-
 leuatos. Quædam Faustina, cuiusdam Sebastiani Tardini
 coniūx, Marito peregrè profecto, cum nihil ei, alendæ sui
 & quatuor liberorum copiæ restaret, quàm pauxillum
 farinulæ, quâ fieri non poterat, vt vsque ad Tardini Patris
 reditum sustentarentur; ad benignitatem PHILIPPI con-
 fugiens,

fugiens, inops famina eum orat, vt quemadmodum olim ^{Inopia sibi}
 viuens duarum peccatricum (de quibus superiori libro) ^{uenitur,}
 inopiæ subuenisset, ita sibi, paruisque liberis, auctâ anonâ,
 succurreret. Nulla votis mora, nam PHILIPPVS, factâ ex
 farinula, farinâ, ad dierû quindecim sufficiens alimētum,
 Tardini Patris reueniendi tarditatem abundè suppleuit.

Sed & Chirurgi officia nobiliter suppleuit PHILIPPVS,
 vbi chirurgi mortales omnes desperârunt. Soror Paulina,
 virgo Religiosa, in Diui Francisci cœnobio Tuderti, bona
 fide restata est, quòd anno à salutifero partu Virginis no-
 stre Millesimo sexcentesimo sexto, quædam alia soror, ibi-
 dem loci, nomine, Laura Saluena, ex graui quadam sini-
 stri pedis vstione, hiantem, ac non modici periculi plagam ^{Plaga in-}
 contraxerit; quæ ipsam, ipsos quatuor menses, lectulo af- ^{curabilia}
 fixerat, afflixeratque sauiissimis doloribus, quibus nulla ^{consoli-}
 medicina ponere modum poterat, vt proinde duo fami- ^{datur.}
 liares medici statuerint, secto crure, infectam partem, ne
 partes synceræ traherentur, abscindendam. Quod vbi pe-
 riclitantis Virginis germana, & Religiosa soror, Domitella
 intellexit, germanam, periculi ingruentis admonitam,
 hortatur, vt rei cruciabili atque ancipiti, Diui Philippi in-
 geminatam opem opponeret. Quod cùm illa strenuè
 præsticisset: & argenteo crure, ad Philippi quandam Effi-
 giem (quam in choro cœnobij venerabantur) affixo, ser-
 uati cruris gratiâ, spondidisset, se posteritati testaturam:
 nuncupato voto, reddi cæpra sanitas sectioni obstitit, &
 post dies quatuor, egressa lectulû, ingredi per cubiculum
 cæpit, ac duodecim post diebus, sanata de integro gradi
 potuit, vt poterat prius quàm vstularetur.

Non tantum PHILIPPVS ipse his alijsque miraculo-
 rum signis suam prodidit sanctitatem, sed & ipsa Virgo

*Laboratu-
rus, in festo
B. Philippi
à B. V. ab-
sterretur.*

eius honori non semel consuluit. In iisdem monumentis refert è Tudertina nobilitate quidam, Marcellus Valentinus; quendam Pasquinum, cuiuspiam Feliciani Armenij colonum, die vigesima tertiâ Augusti (qui Diuo Philippo sacer est) rus, ad rusticandum prodeuntem, incidisse in admirandæ venustatis Viraginem, candidâ in veste, in cuiusdam eluii vertice consistentem, quæ hominem percontata quid moliretur? cùm ille respondisset, se diurni operis pensum moliri, virago (quæ Virgo Maria fuisse creditur) meministin, inquit, hodiernam lucem Beato PHILIPPO festam esse? Caue labores hodie, nisi piaculo laborare velis, noxæ futuro. Dixit, & cum dicto videri desijt: & colonus, omisso prophano opere, sacro operatus est, & oblatrus postea examini, die decimo tertio Ianuarij, Anno Millesimo sexcentesimo vigesimo primo, in eo, rei ferië bonâ fide narrauit, excipiente iurati verba, publico Tudertitabellione Quirino Quirinio, qui rem gestâ probè examinatâ p cōfectum legitimè Instrumentū, publicâ fide donauit.

*Puerulus,
è sanguinis
fluxu des-
peratus,
Seruatur.*

Deinceps narratur idem Patronus noster infirmam, primæ infantie ætatem varijs beneficijs fouisse. Nam alius quispiam, Rutilius Polcius pictor, edixit publicè: filiolum suum biennem, vocabulo Agnulum, sanguinis fluxutam impetuoso, mensem integrum, fuisse exhaustum, vt egesturum vnâ animam Medicis spoponderint. Eoque, aut præsentiam, aut iam venienti mortui assurgentes Medici, longum puero ac parentibus valedixerant. Neq; periculum ex vano hauriebant; nam ita exhaustus puerulus nihil omnino alimenti per bucculam, nisi per vim perque cruciatum aperram, admittebat: & id ipsum quantulumcunque erat, stomachante ventriculo, regerebat. Anxij parentes, & suam, in miserabilis pueri sorte, sortem miserati,

rati, consumptâ omni humanâ ope, ad Diuinam vertuntur, eique exorandæ Patronum Philippum deligunt. Et gratiæ eius captandæ gratiâ, dum attratum Habitu nostro puerulum, ad Philippi conditorium perferunt, in transitu se obtulit pistoris officina: in cuius promercali, ientacula puerorum crustula prostabant: quorum cum puerulus vnum petiisset, emptum Pater, non pœnitendo pretio, puero porrigit. Qui sublabratum donum, illico abligurire cæpit; atque vbi ad Ecclesiam est peruentum, & Religiosi Patres puero PHILIPPI pallium admouerunt, eidemque puer osculum impressisset, sine morâ vlla interiectâ, pristinæ sanitati restitutus est.

Item alius infans, Bernardinus Cypriani Ioannij cuiusdam, è pago sancti Ioannis, filius, iam triduo nutricis ducere vbera posse desierat. Cum ageret animam, Pater eius, cuiusdam Matronæ (quæ Philippi meritis non ita pridem periclitanti proli suæ sospitatem impetrauerat) consilio, *Alii infantes mortis crispantur,* filium Tudertû ferebat, & identidem, quod inter eundem exspirasse videretur, eû inspiciebat. Cum illû, in Ecclesiâ, vbi PHILIPPI Monumentum est, loci Antistes memorato Philippi pallio lustrauisset, inuasus mirâ lætitiâ acque auiditate nutricis vberibus, reualuit, suxit, ætatem protraxit.

Simile quoque est, de quo Fulvia Armenia, Matrona Tudertina, fidem fecit; quod scilicet nurûs suæ filiulus grauium defluxionum, è capite in præcordia deciduarum, viscosâ obstructione, cum summo vitæ discrimine (quod infans necdum sextum ætatis mensem excesserat, eoque, suffocanti ei massæ impar virib⁹ fuerat, per meatûs viâsq; ab natura stratas, deducendæ) laborârit. Quo die frequēs ciuitas Tudertina, electo in Diuum Tutelarem Philippo, eo nomine, mirificâ celebritate, eam Nuncupationem adornabat, infantis Mater Dionora, immemor in priuato luctu,

luctu, publicæ lætitiæ, cū quid ageretur, esset admonita, propitium filio PHILIPPVM inuocat. Vix mulier precandi finem fecit, cū, simul ac puer sternuisset, salutem, quam sternuentibus apprecari solemus, statim sortiri cæpit, & paucis post diebus reualuit.

*Iterum ex-
tinguitur
incendium
febris.*

Ab infanti ad confirmatam ætatem curandam rediit Philippus. Ludouicus Fantolinus Perusinus, cū aliquot septimanis febris continuâ ac pertinace æstuaſſet, iam morbi violentiæ non solum corpore, sed mente etiam, ita succubuerat, vt voce moribundâ, mera deliramenta loqueretur: ac proinde à medicis eius soror Iacoba moneretur, vt, quoniam de corporis eius salute proclamatum esset, animæ prospiceret, precum & Sacramentorum præsidio ac viatico. Illa fratrem hortari cæpit, vt per sacram exomologesi suâ peccata expiaret: sed ille, præsentis mortis horrore perturbatus, nihil ad rem respondebat. Vnde pia soror ad Philippum confugiens, eum suppliciter orat, vt fratri, à Deo vel tantum lucidi interualli impetret, quantum sufficiat exonorandæ per Sacramentalem Confessionem conscientiæ. Vix desierat precari, cū, quod angustè rogauerat, angustè impetrat; nam frater non solum accersito Sacerdoti ad faciendam confiteri potuit, sed etiam vnâ eadēq; DEI, in Philippi gratiâ, operâ, à corporis animæq; morbo absolutus, in solidum conualuit. Accidit id Maio, Anni Milleſimi sexcentēſimi vigēſimi primi.

Sed mox eiusdem Anni Mense Iulio, liberalitatem suam Philippus iterum in infantes, & primò quidem in eandem Fantolinorum gentem, sequentem in modum produxit. Erat eidem persanato Ludouico, filia triennis, nomine Constantia, quæ inter nugandum, triticeum culmum tenero oculo infixerat, sic, vt ictum, vulnus, cruor, & oculi

*Oculus
culmo infi-*

oculi insignis inflammatio sequeretur. Puellæ Mater, ^{no pericli-}
 Margaritha Mellinia, & affinis eius quædam, Iacoba, non ^{tans serua-}
 sufficiebant extrahendo culmo; adeò se altè ac mordicus
 oculo insinuârat; cùm illis consilij inopibus, & quid age-
 rent nescientibus, superuênit puellæ Auia, & procidens in
 genua, & supplices cœlo manûs, cum ardente fiducia, ten-
 dens, O Beate PHILIPPE, inquit, commendo tibi hanc in-
 fantulam; & his dictis, erigens se & oculum intuita infan-
 tis, in eo iam neque cruorem, neque feruoris ruborem,
 neque (quod admirationis Palmarium fuit) ipsū culmum,
 qui repentè euauit, vspiam videre, aut inuenire, etiam
 aliarum præsentium oculis, potuit.

Non impari beneficio affectus est alius bimestris in-
 fans, Ioannes Baptista Baldeschuius, qui ipso die Natali
 Seruatoris nostri, anno millesimo sexcentesimo secundo,
 affectu quodâ (quem vulgò Rupturam vocant) vri cæpit,
 & adeò mali vis auxerat, vt, præter arcti subligaculi vsum,
 aliquoties in die à domesticis, capite, ac reliquo corpore
 deorsum à pedibus verso (si qua ratione suis effusa finibus
 viscera reponi possent) tredecim mensium diligentia
 nihil efficeret: donec vtcunque, ad sacram Perusij ædem,
 Seruorum Deiparæ, Mariæ Nouæ dictæ, delatus est
 infans, & à contactu vestimenti Philippi, quod in eo cœ-
 nobio magno in honore asseruatur, suis Intestina sedibus
 restituta, atque conclusa sunt, omnibus, vt minimè porro
 necessarijs subligaribus abiectis.

Denuò quædam Faustina, Saluatoris Batilori nomi-
 ne, septennis filia, ignoto Medicis morbo iactabatur, quo
 consistere pedibus, non poterat, quin iam in hanc, iam in
 aliam partem lapsando, aut rueret, aut fatigaret ruenti
 vtrínque obstantes. Post longas rei disquisitiones, Mater

A a

eius

eius eam quadam Philippi veste lustrari curauit, & subito curata est, Mense Octobri Anni à Virgine Matre, millesimo sexcentesimo vigesimo secundo.

*Fascinis li-
gati soluun-
tur.*

Huic subiungitur in iisdem Actis, Camillus de Penna, puer quadrimulus, qui lethali afflatus fascino, animam penè iam actam agebat; cùm soror quadam Tertiij Ordinis Diui Francisci, Vrsulina nomine, Sodalitij Habitûs nostri Seruorum, ad sanctam Mariam Nouam æditua, puerum Diuo Philippo vouet, Habitu nostro, per integrum semestre amiciendum, si parentibus collibuisse: (collibiturum verò persuaserat nota Octauij de Penna, pueri parentis pietas, quæ illi cum Coniuge Adriana Asidea, & Matre eius Olimpia communis erat) A nuncupato voto, quamprimùm puerulus cæpit conualescere & paulò post etiam satis valere, idque anno Christiano millesimo sexcentesimo vigesimo tertio.

Tandem alia puella, Constantia Cantuccia, trimula, eadem Fascini peste, iam pro mortuâ habebatur tam euidenter, ut, cùm parentibus eius, Iosepho, & Hieronymæ Bontempia suaderetur, uti filiam Philippo commendarent, responderint, se serò moneri. Inducti tamen postea Matronæ cuiusdam Aralantæ Benedictiæ salutaris consilio, acquieuerunt; & illico commendationis momentû tam illi, quàm restitutus pristinae valerudini infans, senferunt.

Claudat agmen Clientulorum Philippi in hoc libro, non in beneficio, vrbis Placentinæ Matrona, nomine, ac pietate in Philippum, Angela. Hæc nouennem filiolum Ioannam, defluxione quadam cruentâ, oculos suffusam, (quâ nec ipsa videre, nec videri patienter, ob deformitatem poterat) deplorabat. Sed facto in arâ, Diuo Philippo sacrâ, in Æde Seruorum, ad Diuam Annam, sacrificio, & obla-

oblatis duobus, ex argento calatis, ut sponderat, oculis, nullâ vel tenui interpositâ morâ, ex votis, voti damnata, filiam sic videntem vidit, ut ambæ omnia videre possent, præter vestigium aliquod vel minimum deterfæ modò ac depulsæ cæcitatis. Atque hæc quidem hætenus de rebus admirabilibus, DE I Numine patratis, tanquam sanctitatis PHILIPPI argumentis. Qui plura numero percipere, volet, is Annales nostros, & antiquos Canonizationis Processus, typis editos, consulat; & inueniet DEVM mirabilem in sanctis suis, & Philippum venerabilem in factis suis.

OPINIO AC FAMA SANCTITATIS
PHILIPPI, DVM VIVERET, ET
postquam vixit.

CAPVT TERTIVM.

Quæquam de beato Patre nostro PHILIPPO talia, hætenus relata sunt, ex quibus eius, etiamnum, mortalis, dum viueret, & immortalis, postquam est mortuus, Sanctitas, multis mirabilium virtutum splendoribus, ita est illustrata, ut glorioso vitæ eius cursui hoc loco meta poni debere videretur, tamen quia nonnulla non minùs honorifica relatis, ad huius historiæ calcem ideo reiecta sunt, ne eorum suis locis commemoratione, rerum gestarum series interromperetur, visum est aliquem hic eorum gustum, lectori delibandum proponere; ut eorum celesti tractus illecebrâ, *currat post odorem unguentorum*, quibus Philippum vnxit DEVS, & currendo ascendendoque per imitationis gradus, virtutem & sanctimoniam eius assequatur.

Aa 2

Quan-

Quantis, qualibûsque virtutum, etiam Miraculis approbatarum ornamentis Philippi pueritia, atque Adoleſcentia inclaruerit, & quanti facta ſit eius Sanctitas à ſep-temuiris, Ordinis primis Primoribus, qui illi adhuc ſub ſchemate fratris Conuerſi latenti, ac pene Tyroni, Tyrocinium Iuuentutis noſtræ Senenſis, ſpiritus ſui ardore ſuccendendum crediderunt, iam ſuprà primo huius hiftoriæ libro meminimus. Quod munus Philippus tanto Ordinis noſtri bono geſſit, vt, ſi primi illius ſæculi felicitas, & abundantia Sanctorum virorum, ipſâ frequentia abolente nouitatem (quæ tranſmittendi ad poſteros res geſtâs plerumque ſolet eſſe cauſa) non obſtiſſet, multos alios in Ordine Diuos, præter illos ſeptem eius Beatos diſcipulos, ſuperiore libro laudatos, numeraturi eſſemus, Philippi diſciplinâ ad magnam Diuinæ Amicitia beatitatē proueſtos.

*Tudertino-
rum in Phi-
lippum
poſt mor-
tem vene-
ratio.*

Cæterum, etſi ſuperiore libro inſinuauerimus, quanto in honore, quantâque in opinione ſanctitatis, apud ſummos Pontifices, Imperatores, Reges, reliquosque Chriſtiani orbis proceres, habitus PHILIPPVS fuerit, tamen hoc loco ſuccenturiari meretur Tudertinorum in Philippum pietas: qui cùm in illum viuum, dignitatem Confalonerij, id eſt eius vrbiſ Conſulatum perpetuum, contuliſſent, inumbrante conditionem, hominis Religioſi, ſimilis honoris incapacem, eximiâ viri ſanctitate; per quam ſibi à DEO, rerum ſuarum potiente Philippo, omnia fauſta ac felicia pollicebantur, illi etiam, in cœlum recepto, eum Magiſtratum prorogârunt, nullo ei deinceps vnquam ſuſſecto ſucceſſore, quod haud temerè arbitrarentur; Reipublicæ ſuæ nunquam niſi bene conſultum iri, eo Conſule, cui paulò antè DEVS Opt. Max. æternum, ob res
bene

bene gestas, & Triumphum & Consulatum in cœlo decre-
uisset.

*Demon-
strata per
monetam.*

Huiusce Senatûs consulci memoriâ, ad posteros pro-
pagandæ gratiâ, Tudertini monetam cudi voluerût (cui-
usmodi quidam è prima nobilitate Dynasta, Placentiæ
nummum conseruat) in vnâ facie Pyramidem, cuius in
cuspide crux, repandis ornata lilijs exstat, referente, cum
hisce literis R. S. B. M. hoc est Religio Seruorum Beatæ
Mariæ: alterâ vero facie, has cum cruce literas habet: F. P.
O. S. id est Frater PHILIPPVS Ordinis Seruorum.

*Et Therma
eius nomi-
ne celebres*

Sed & salutare Thermæ montis Tuniati (quod sancto
Rocho ob alias sanationes contigisse accepimus) Philip-
po etiamnum viuo, Sancti nomē fecerunt; iam inde à pri-
mordijs suis, Thermæ sancti Philippi dictæ. Post verò mor-
tem eius, tanta fuit per Italiam, atq; alibi passim, sanctita-
tis eius celebritas, præcipuè verò Tuderti, vt omnes ciui-
tatis ordines, sexus, ætates, omnesque totius agri Tuderti-
ni Incolæ & Accolæ, alijs atque alijs ritibus ac modis, ad
primam mortis eius famam confluerent, ac certatim Diui
corpus venerantes, ei annulos, vestes, corollas, monetam
etiam, ac panem & similia admouerent, vt ea à contactu
sanctitatis, quam viuam spirabat, vim efficaciamque, ad-
uersus quascunq; humanas calamitates fortirentur. Quæ
causa fuit Patri Lotharingo Stuffæ, Ordinis tum Vicario
Generali, dandi in mandatis Tudertinis Patribus, vti sacris
eius exuijs, cum curâ attenderent, agerentque cum vr-
bis Episcopo, vt suâ authoritate, ac testificatione, miracu-
la, quæ ad eius Reliquias patrabantur, authentica faceret,
eâque custodirent: præterea accuratè vestes, Imagines,
Psalterium, Breuiarium, Indicem Ordinis, siue Registrum,

*De sancti-
tate eius
opinio.*

*Manda-
tū de Reli-
quijs asser-
uandis, &
miraculis
scribendis.*

& reliquam omnem simplicem ac Religiosam eius supellectilem asseruarent.

*Exequie
cum subilo
commuta-
ta.*

Postridie eius diei, quo beata eius Anima cœlo illata est, præsentibus, vrbis Antistite, & Magistratu, iisdemque approbantibus, non mortualem, sed festiuium in modum, Diuinum Sacrificium Solemniter decantatum est, cum cantico Angelorum, *Gloria in excelsis Deo*: & Symbolo Apostolorum *Credo in unum Deum &c.* Cum Introitu *Gaudeamus omnes in Domino, diem Festum Celebrantes sub honore beati Philippi Confessoris &c.* Eaque Celebrandi ratio tenuit, quoad sacrum cadauer conditum est. Post verò persolutos ei om-

*Vigilie ad
tumulum.*

nes sepulturæ honores, ac pompam, tanto ardore, vt is ipse pro miraculo esset, populus tamen Tudertinus, à sepulchro auelli non poterat, aut inhiberi, quin more primæuæ Ecclesiæ aliquot noctium peruigilio, funeratas iam Reliquias psalmis, canticis, præconijs, ac Ieiunijs prosequeretur. Ea tunc orta erga Philippum Religio, aucta ac propagata, ad hanc vsque ætatem nostram viger, atque in vsu est, non modò vicinorum ardore populorum, sed longè etiam diffitorum, quorum Principes, tam Ecclesiastici, quàm sæculares, ad habendum Philippo honorem, Religionis ergò, ad hoc eius monumentum, piè ac frequenter, frequentes inuisunt, & cum populis suis, illud lucernis, luminibus Anathematis, Imaginibûsque alijs, acceptarum à Deo, Philippi patrocínio, gratiarum testibus, exornant, ac venerantur. Cæterùm ea vitalis, & à Diuina potentiâ deriuata salutifera vis, non solum inest toti corpori, hoc

*Ac reliqui-
arum etiã
separata-
rum poten-
tia,*

loco, vbi conditum colitur, sed partes eius etiam, aliâque de supellectili lipsana, hinc inde inter Principes, Vrbésque & Religiosorum domicilia, distributa, eandem virtutem sentiendam præbent. Eius rei recens ac memorabile argumen-

gumentum accidit Romæ, Anno Christiano millesimo sexcentesimo decimo sexto, in sacro PHILIPPI Osse, quod ob alia diuinarum multa signa Gratiarum, in Æde illic nostrâ Diui Marcelli colitur. Nam Ioannes Baptista Rebiba, vir apprimè nobilis, vi acutæ febris (quæ, elusâ iam omni medicorum operâ, atque industriâ, illum ad ultimâ lineam deduxerat) ad migrandum perurgebatur. Quo mæsta parens eius, omnibus reliquis curationibus actum agi intelligens, & ad Diuinæ, pro filio, opis Asylum confugiens, misit, qui rogaret Patrem Ædituum Ecclesiæ Diui Marcelli, vt partem illam sacri ossis afferret. Quod cum esset factum, & illa totâ fiduciâ, & pietate in PHILIPPVM ferueret, vix sacrum Os alteram mammillarum, vbi lethalis doloris sedes erat, contigerat, cum liquatum, tenacis in ceræ aut glutinis modum, mammillam mordicus strinxit, ac velut exsuctâ inde, atque expressâ omni peste, miro cum solatio, ægrum leuauit, ac breui, cum omnium stupore, persanauit. Hoc huius facti exemplo illectus Pompeius Maximus, Romanus Dux limitaneus, siue, vt iam vocant Marchio, è Patriciâ antiquâ gente Fabiâ, atque è stirpe eius Dictatoris, qui cunctando restituit rem; in summo vitæ suæ discrimine, ab ardentissimâ creato febre, Diuum PHILIPPVM Dictatorem dixit, & inuocauit; & illico, non cunctando, PHILIPPVS restituit rem & sanitatem; nam allato per eundem Patrem Ædituum hoc ipso sacro osse, eoque admoto, Pompeius Libitinæ Annibalem euasit, & quinto post die, lætus vegetusque exijt lecto. Accidit id decimo septimo Augusti, eiusdem anni.

*Quibus
Roma fe-
bricitan-
tes lethali-
ter curan-
tur.*

Haud

*Matrona
è partus
doloribus
liberatur.*

Haud minùs mirum fuit, quod vigesimo postea eiusdem mensis die euenit Cleliæ Rebibæ, eiusdem Marchionis Coniugi, quæ iam octauum mensem grauida, partûsque inuasa acerbissimis doloribus (quorum se summa, velut facto agmine, in sinistra papilla collegerat) cum allatum hoc ipsum sanctum Os, lateri, papillæq; imposuisset, omni derepente sedato dolore, facili ac felici partu enixa est, & integræ valetudini restituta.

*Varia sanctitatis
Philippi monu-
menta.*

2. Petri 1.

Suppeterent hîc præterea, ad asserendam PHILIPPI sanctitatis famam, magno illi numero erectæ statuae, locatæ Imagines, constructa & dicata Sacella, varia præterea Sodalitia, & cætûs piorum, eo Auspice, ac Tutelari Diuo, per summam fortitudinem, abstinentiâque Christianæ Philosophiæ, Deo militantiâ: à quibus, quanti mortalis immortalisq; factus fuerit Philippus, facile desumi coniectura posset. Verùm, quia, quemadmodum non claretur aut stellis aut facibus Phæbus, ita Philippi gloriam, hæc pia quidem, sed inferiora meritis, monumenta non ita illustrent, vt eorum hîc seriem texere, & inire numerum, operæ pretium esse videatur; eoque conuenientiùs supersedeamus, *quod habeamus firmiorem propheticum Sermonem,* Oraculi in terris Christi, quod in huiusmodi iudicio nec falli potest, nec fallere; *cui proinde benefacimus attendentes, velut lucerna lucenti in caliginoso loco* disquisitionis: quod omnibus absolutum numeris Diuum, authenticè, aut sanctum constituit. Is sermo est Leonis decimi Pontificis Maximi, qui compertâ, per varia, eaque, vt in re summi momenti, accurata examina, Philippi sanctimoniâ, quibûsdam de eâ præmissis, Rescripto siue Breui Apostolico, eiusdem publicam celebritatem vniuerso Ordini permittit sequentem in modum.

Vobis

Vobis (donec ad Canonizationem ipsius (Philippi) deuentum fuerit, cui ad praesens diuersis arduis negotiis praeediti, vacare non possumus) in quibuscunque Ecclesiis, Domibus, Monasteriis, Oratoriis, utriusque sexus, totius vestri Ordinis tam in Italia, quam extra, in quibuscunque locis consistentibus, liceat, absque aliqua superstitionis vel quasi idololatriae nota, ac conscientiae scrupulo venerari, & in Ecclesiis domorum, ad eundem Philippum, ut pro vobis Intercessor existat, in Orationibus, Officiis, ac Missarum Solemnibus preces tam publicè, quam priuatè, seu secretè, fundere, vosque ipsius orationibus commendare, ac etiam, quod à primis Vesperis vsque ad secundas Vesperas inclusiue, diei ipsius Philippi obitus, qui erit die vigesima tertia mensis Augusti, sub duplici Festo Confessoris, cum candelis, Campanis, Antiphonis, Versiculis, Orationibus, ceterisque Caremoniis, in Festo duplici fieri solitis, adhibitis, Celebrare possitis, & valeatis. *Authoritate Apostolicà concedimus &c.* Hæc summus Pontifex Leo Decimus. Paulus verò Quintus, eius in Pontificatu Maximo, magnus & gloriose memoriae Successor, hoc ipsum non solum ratum gratumque habuit, sed etiam proprias lectiones, vitæ eius historiam, compendio complectentes, à sacra Rituum Congregatione, suis ritè momenti ponderatas, atque Authoritate suâ Apostolicâ approbatas, in publicis Diuinarum laudum officiis recitandas ac decantandas, vniuerso Ordini, atque Ecclesiæ Florentinæ omni Clero concessit, ad magnorum Hetruriæ Ducum ciuiumque singulare solatium. Id etiam Ecclesiæ Tudertinæ pari aut maiori amplitudine, ob eius illic quiescentis ac patrocinantis præsentiam indulgit.

Eodem Pontifice, sacra Rituum Congregatio, ut præbyteri sæculares etiam, sacra de beato PHILIPPO deque alijs nostri Ordinis Beatis facere possent in Æde Monaste-

Bb

rij

Leonis X.
de Festo
Philippi
celebrando
Rescrip-
tum.

A Paulo
V. P. M.
amplifica-
tum.

*Ad cele-
brandum
de eodem
facultas.*

rij Monialium nostrarum, OEniponte Tyrolis Metropoli, dato, vigesimo secundo Decembris, Anno sexcentesimo duodecimo supra millesimum, Diplomate, potestatem fecit.

*Huius Vi-
ta conclu-
sio.*

Ad extremum denique, anno à partu Virgineo, millesimo sexcentesimo vigesimo quinto, Urbanus Octavus Pontifex Maximus, maiorem patentiorémque PHILIPPI gloriæ ac meritis, pro suâ in eum eximiâ religione, campum aperuit, cum dato Apostolico, per modum Brevis, Rescripto, latè ac passim Episcopatib⁹ veteris ditionis Florentinæ, celebrandi de beato Philippo, vsurpatis proprijs eius lectionibus, Diuina officia, amplissimam facultatem concessit, non sine magnâ accessione ad beati Patris venerationem, apud eos populos factâ. Itaque non tantum duo illa requisita ad ingenuam sanctitatem sanciendam, quæ huius ultimi libri initio, ex Gregorij Noni Pontificis Maximi mente laudauimus, hoc est, *Merita*, & *Miracula* PHILIPPO suppetunt, ac suffragantur ad absolutæ sanctitatis euidenciam, sed trium etiam summorum Pontificum pro-na ac prompta, ad eius Canonizationem voluntas, satis testatur, omnia alia defuisse adhuc, quàm ea, quæ in Canonizando & in Canonizante requiruntur: ea videlicet, quæ adornandæ tantæ celebritati Ecclesia Militans ad imitationem Triumphantis adhibere solet, per nostram paupertatem huc vsque fuisse desiderata. In quo nos neque paupertatem erubescimus, quia virtus Christi est, neque crudos A catholicos, qui similes sumptûs (impiè atque impudenter in cœlum mentientes) pretia vocant Canonizationum, neque semicrudos Politico-Catholicos moramur; qui Canonizationum moras, dicunt esse, aut fauoris Principum mundanorum, aut nummorum in

Prin-

Principes Ecclesiasticos distribuendorum, inopiam: nam vt animales homines, non capientes ea quæ sunt spiritûs DEI, ista, de spiritûs sui vanitate depromentes, hallucinantur, ita nos iuuat Canonizationum Beatorum nostrorum moræ causam conijcere in eam rationem, quam attulimus, vt in humilitate Deiparæ Dominæ nostræ, & spiritu eius, Conditoris nostri Instituti, præ omni aliâ celebritate gloriaremur.

Atque hæc quidem hætenus summa sit eorum, quæ ab Adolescente PHILIPPO, ante susceptam cœlorum Reginæ Seruitutem, & eâdem susceptâ, à priuato, & à Priore Ordinis Generali, ac demum à Diuo iam in cœlum recepto, gesta esse accepimus. In quarum rerum tractatione, propter earum summam dignitatem sublimitatēque, & hinc oriundam reuerentiā, non patimur aliter fuisse versatos videri, quā sicut illi, qui ex fumi copiâ de ingentis alicuius flammarum pyræ amplitudine rationantur; nam si omnem gloriam filiæ Regis (felicitis Philippi animæ) ab intûs circumdatæ varietate, quâ aut in viuīs omnifariam Heroicarum virtutum, atque Anagogicorum excessuum splendoribus irradiata, aut quâ iam in cœlo Maiestate, in æternæ, atque inaccessæ mortalibus diuinationibus Gloriæ folio decorata, corruscat, assequi scribendo aliquis aggredieretur, metuendum illi profectò esset, ne tantæ Maiestatis scrutator factus, opprimeretur à gloriæ magnitudine, & eiusdem ignis ardoribus absorberetur; cuius in hoc aliquo fumo adumbrando, eloquentiæ cum factis imparitate cæcutiuerit; atque in ijs etiam, quæ comperiri aliquâ, & exprimi possunt, balbucinatus, maximam ac præcipuam gloriosorum facinorum partem, ignorare coactus sit: quam, aut Humilitatis PHILIPPI in

Bb 2 rebus

VITÆ B. PHILIPPI BENITII,
rebus gloriosis occultandis industria, aut ipsorum met fa-
ctorum, ardua captu, atque explicatu sublimitas, cogni-
tioni omni, noticiæque subductam, in-
teruertit.

F I N I S.



INDEX



INDEX LIBRI

LIBER PRIMVS

CONTINENS VITAM B. PHILIPPI SÆCVLA-
rem, & in Religione priuatam.

CAPVT I.

B. Philippi Patria, Natales, & future Sanctitatis praludia. pag. 1.

CAPVT II.

B. Philippi educatio, vsque ad studia grauiorum disciplinarum. pag. 5.

CAPVT III.

Aperiuntur primordia & incrementa Ordinis Seruorum, vt clarius percipi possint, quæ dicenda sunt. pag. 9.

CAPVT IV.

B. Philippus post nauatam operam literis Lutetia Parisiorum & Patavii, Florentiam reuersus, à Deo, bonarum animarum amatore, singularibus fauoribus & gratiis excipitur. pag. 16.

CAPVT V.

B. P. Philippus ante imaginem miraculosam D. Annunciate Florentiæ, admirabili Visione, quam B. P. Bonifilius explicat, illustratur. Hac occasione huius Imaginis historia paucis recensetur. pag. 20.

CAPVT VI.

Philippus suppliciter orat, vt ad Religionem inter fratres Conuersos recipiatur, & exauditus sacro Religionis habitu induitur. pag. 26.

CAPVT VII.

B. P. Philippi in asceterio Caphagi, quod hodie D. Annunciate dicitur, exercitationes ac studia. pag. 30.

CAPVT VIII.

Philippus se in viam dat ad solitudinem, vbi serui sui sanctitatem Deus miraculo manifestat. pag. 33.

CAPVT IX.

B. Philippus adhuc sub fratris conuersi nomine, & conditione latens, Tyronibus asceterii Senensis à P. Generali, Magister præsicitur, & detecta eo in itinere, diuino consilio, illius eximia doctrinâ, sacris Ordinibus vel inuitus initiatur. pag. 39.

Bb 3

CA.

INDEX.

CAPVT X.

Philippus Senis Seruorum Tyrocinio moderatus, fit Sacerdos, cui, redditâ functionis sua ratione, per occasionem Capituli Generalis, primo sacrificio operanti, accinit cœlitum chorus. pag. 45.

LIBER SECVNDVS.

CONTINENS GESTA B. P. PHILIPPI, SVB officio Prioris Generalis, vsque ad mortem.

CAPVT I.

B. Philippus factus Generalis, se sistit Clementi quarto summo Pontifici, qui suâ auctoritate electionem eius ratam facit, habetque. pag. 49.

CAPVT II.

Philippus primam visitationem cœnobii Aretini instituens, Patres per annonæ caritatem, inedia penè enectos recreat, pane diuinitus impetrato. pag. 59.

CAPVT III.

Philippus in Capitulo Pistorii celebrato, Ordinem Seruorum, nouis legibus constitutum, ad exactam Religiosæ Republicæ formam reducit. pag. 63.

CAPVT IV.

Philippus acri de abdicando Generalatu, tentatione sollicitatus, interuſa sibi detractâ, elephantiacum vestit, & e vestigio curat. pag. 66.

CAPVT V.

Philippus, cum à Cardinalibus, mortuo Clemente quarto, Pontifex Maximus designatur, arreptâ in aniam solitudinem Mantagnatæ fugâ, delitescit. 74.

CAPVT VI.

Philippi sanctitas denuò innotescit & asseritur, elicitis è saxo salutiferis undis, quæ Thermis Philippicis in monte Tunniato, nomen fecerunt. pag. 80.

CAPVT VII.

Philippus, peractis Florentiæ Comitibus, & itinere in Gallias, ad visitandam Religionem & promulgandum Euangelium, instituto, ad urbem Mutinam, quibusdam consceleratis diuini Numinis exocratoribus pœnas meritas, quibus breui post deslagranère, prædicat. pag. 84.

CAPVT VIII.

Res à B. Philippo in Gallis & Germania gestæ. pag. 88.

CAPVT IX.

*Philippum cum sociis in Italiam per Allobrogum alpes iter habentem, post tri-
dui errorem atque inediam, Angeli in viam reducunt.* pag. 93.

CAPVT X.

Philippus, multorum principum virorum inuitatu, aliquot sacris domiciliis funda-

INDEX.

fundatis, aliisque restauratis, vocatus ad OEcumenicum Concilium,
Lugdunum abit. pag. 95.

CAPVT XI.

Philippus delatum sibi Episcopatum Florentie, fugâ ad Pistorienses, euadit, &
eosdem Pistorienses scissos Guelforum, Ghibellinorumque factionibus,
magnâ ex parte in viam salutis reducit, institutis pœnitentiis, tam vi-
rorum, quam mulierum sodalitiis. pag. 105.

CAPVT XII.

Innocentius Quintus Pontifex Maximus Ordinem Seruorum antiquare ag-
gressus, irrito conatu, paulo post viuere desit. pag. 109.

CAPVT XIII.

Philippus à Nicolao Tertio Pontifice adiunctus Cardinali Latino, Guelforum
ac Ghibellinorum, apud Florentinos, tumultus sedat. pag. 116.

CAPVT XIV.

Philippus missu Nicolai Tertii Pontificis Max: & Rudolphi Primæ Austria-
ci Cesaris rogatu, ad sedandos Romani Imperii tumultus, secundo in
Germaniam proficiscitur. pag. 124.

CAPVT XV.

Quid Philippus supremum Religionem lustrans, Foroliuii, Florentie, Senis, ac
Tuderti egerit, tuleritque. pag. 132.

CAPVT XVI.

Religiosa B. P. Philippi mors, & ad eam suprema comparatio, & ultima ad
fratres monita. pag. 146.

LIBER TERTIVS

MIRACVLA AB IP SO MORTVO EDITA,
aliaque Sanctitatis eius argumenta
complectens.

CAPVT I.

De miraculis vetustioribus. pag. 155.

CAPVT II.

De miraculis recentioribus. pag. 173.

CAPVT III.


Opinio ac fama sanctitatis Philippi, dum viueret, & postquam vixit. pag. 127.


F I N I S.

Menda sic Emenda.

Pag. 4. l. loculentiore.	lege luculentiore.
pag. 11. l. 5. dissimilandum	l. dissimulandum.
pag. 28. l. 7. ob infantia.	l. ab infantia.
pag. 29. l. 1. perstringente.	l. perstringente.
pag. 37. l. 4. precepta.	l. percepta.
pag. 46. l. pen. effectus.	l. affectus.
pag. 49. ad marg. suspicienda.	l. suscipienda.
pag. 62. ad marg. sedam.	l. sedandam.
pag. 77. l. 4. accidit.	l. accedit.
pag. 99. ad marg. conuersus.	l. concursus.
pag. 108. ad marg. sodalitis.	l. sodalis.
pag. 123. Florentinus.	l. Florentinus.
pag. ead. l. 28. magifico.	l. magnifico.
pag. 131. l. 14. astanto.	l. ostento.
pag. 136. l. 2. dicendum.	l. dicendum.
pag. 175. l. 32. qnit.	l. inquit.

Cætera minutiora æquus lector ipse corriget.





KONSERVIERT DURCH
ÖSTERREICHISCHE FLORENZHILFE
WIEN 1967

005606248